



Timor et timore factum. Sed non per dominum
inquit dicitur. Grad. hinc hinc, et per se. Inquit, sed et alia cura


~~2,000~~

500,

Handwritten text, possibly bleed-through from the reverse side of the page. The text is faint and difficult to decipher, but appears to be a list or series of entries.







m

6644

LES

VISIONS

DE DOM
FRANCISCO

DE QUEVEDO VILLEGAS,
Cheualier del'Ordre S. Iacques.

Augmentées de l'Enfer reformé, ou
Sedition infernale.

Traduites d'Espagnol.

Par le Sieur DE LA GENESTE.



A PARIS,

De l'Imprimerie d'ARNOULD COTTINET, rue
des Carmes, au Nom de IESVS.

M. DC. XLI.

BIBLIOTECA MUNICIPAL

"ORIGENES LESSA"

Tombo N.º 24391

MUSEU LITERARIO

..

VISION

OF

FRANCIS

AND

...

...

...

...

...

SHAW

1840

...


JACOBSON


...

...

AV LECTEUR.

 *Renez, Noble, Artisan, Marchand, Homme
de plume,
Venez voir vos defauts dépeints en ce volume,
Que la Geneste a sceu artistement polir.
Non pour les fomenter, mais pour les abolir,
Vous ne trouuerz point dans un livre moins am-
La recreation avec bon exemple, (ple,
Car la Vertu se plaint, quoy qu'il soit fort entier,
Que l'Authheur trop succinét, espargne le papier;
Neanmoins l'Abregé que sa faueur nous donne,
Sans offenser aucun, n'espargne aussi personne;
Et le vice est par luy tellement combattu,
Qu'on diroit qu'il est fait des mains de la Vertu:
Par luy, la Mort, l'Enfer, la Rigueur & l'Ennie
N'ont plus, si vous voulez, pour vous de tyrannie;
Et l'Authheur n'y décrit la voye des Maudits,
Que pour vous enseigner celle de Paradis.
Lisez donc vos defauts pour corriger vos crimes,
Et suivant ses desirs iustes & legitimes.
Lecteurs, ne suivez pas l'ordinaire defaut,
De lire ce qu'on doit, sans faire ce qu'il faut:
Et quoy, qui que tu sois, enfant de l'ignorance,
Qui blasmerois cecy, faute d'experience,
Qui sans entendement, ferois de l'entendu,
Et par qui la Vertu connoist le temps perdu,
Apprens que des Enfers la demeure maudite,
N'est peinte en ces discours qu'afin que tu l'euisse.*





A MONSIEVR DE LA GENESTE
sur ses Visions.

Ques agreables Visions
Ne sont pas des illusions,
Dont les objets soient des encombres,
Comme les idoles des morts :
Car ie quitterois bien les corps
Pour discourir avec tes ombres.
Tu nous descris l'Enfer si beau,
Qu'il fait souhaiter le tombeau
Par une merueille incroyable :
Et ton Livre nous peut toucher,
Iniques a nous faire chercher
La conuersation du diable.
Quel effet d'un puissant esprit,
De coucher si bien par escrit
Les choses ou l'horreur habite,
Que la peur s'en euanouit,
Et que l'ame se resioit
Dans la crainte d'estre maudite.
Plus tu croiras nous destourner,
Plus tu nous feras adorer
Dans les choses que tu reprimes :
Si tu ne donne plus d'horreur
A celles de qui la terreur
Retranchent la plus-part des crimes.
C'est l'effet des communs esprits,
De faire voir dans leurs escrits
La beaulté des choses plus belles :

*Mais roy, par un plus bel effort,
Tu donne la grace a la Mort,
Et la douceur aux plus cruelles.
Pour moy ie n'ay qu'un desplaisir,
De n'auoir selon mon desir
La fureur que ie me propose,
Et qu'entre tant d'esprits diuers,
Il faille que de meschans Vers
Loient une si bonne Prose.
Reçoy pourtant l'intention
De la plus forte passion
Qui fit iamais agir ma plume,
Et croy qu'il n'est rien de si beau
Que les yeux de mon Isabeau
Et les pointes de ton Volume.*

DE VIEVGET.

Lecteurs, pour viure bien contents,
Lisez pour apprendre à bien viure,
Et ne perdez point vostre temps
A chercher les fautes à'un Liure:
Il n'en est point de si parfait
Où vous ne trouuez à reprendre:
Il n'en est point de si mal fait
En qui vous ne puissiez apprendre.

DORCHESE.





T A B L E
D E S V I S I O N S.

A

A Buscours de la misericorde de Dieu.	235
Aduocats.	69. 71. 104. 118
Alexandre.	301
Algoûazil.	22. I. 261
Almanachs, faiseurs d'Alm.	183
Alchimistes.	273
Amoureux en general. II. 262. De vieilles.	12.
Fous.	226
Apotiquaires.	34. 116. 241
Argent est vn demon.	78
Argentiers.	255
Arracheurs de dents.	38
Astrologues.	276
Athées.	249
Auaricieux.	99. 100. 170
Aneugles.	10
B	
B Anquiers.	118
Barbiers.	39. 116. 243
Beauté.	129
Belière.	315
Beze.	285
Bordel representé.	259
Boufons.	216
Brigands.	104

TABLE.

C

C Aluin.	284
C Cassius.	295
Capitaines & soldats.	99
Chastrez.	254
Cesar.	295. 298
Chemin de Paradis. 192. D'Enfer.	195
Chiromanciens.	277
Chirurgiens.	38
Cochers.	112
Contrefaits.	99
Conudy d'un trespasſé.	162
Cocus & cornarts.	12. 91. 358
Coupeurs de bourses.	100. 103
Courtiers de Mariages.	53
Courteſan, ſa representation.	179
Courtifanes, 121. leurs ruſes découuertes. 182.	
Curieux des affaires d'autruy.	61 (124

D

D Ames d'amour.	121
Decedez de mort ſubite.	239
Déguifement en toutes conditions.	158
Deſpenſiers ou Argentiers.	258
Deuots impertinents.	268
Diabſes ſe plaignans des portraits redoutez que l'on fait d'eux.	13
Difformes & contrefaits.	99
Discorde.	53
Douëgnas.	86. 231

E

E Nchanteurs.	272
Enfer, ſon chemin.	295

TABLE.

Ennuis.		51
Enterreur de morts.		10
Enuie.		51
Empirique.		118
Escrimeur.		208
Espagnols.	F	16.68.181
F emmes de plusieurs conditions aux Enfers.		
23. laides. 36. 247. belles. 100. 258. 280		
Fauory. 314. Courtisannes amoureuses. 183.		
leur entretien. 134. en celibat. 141. veufues.		
Femme a plusieurs maris.		100
Filles amoureuses, leur entretien. 132. seque- strées du monde.		238
Flateurs.		217
Folie de qui accompagnée.		105
Fourbes de quelques Officiers de Justice.		261
Fous. 10. amoureux de diuerfes conditions. 128. 143		
Fripiers.	G	10
G Arces.		10. 158
Gauchers.		244
Gennois.		66
Gens de guerre.		99
Gentils hommes de lettres. 223. de lignée.		216
Geomantien.		278
Gouuernantes vicilles.		231
Grands.		317
Greffiers.		9. 100. 114. 260
	H	
H Ab'eurs.		48
Heretiarques.		281
Heretiques.		283

TABLE.

Herode.	208
Hommes adonnez aux femmes.	142
Homicides.	10
Honneurs.	67
Hypocrisie, sa description, & suiuaus.	283
I	
I alousie.	131
I ngratitude.	52
Italiens.	16
Iudas.	116. 122. 252
Iuges iniques.	16. 26. 103. 218
Iurisconsultes.	L 69. 107. 199
I Aquais.	15
L armes.	51
Larrons.	100. 114
Libraires.	210
Logement de garces & larrons.	260
Lubrique.	215
Luther.	122. 185. 284
L'autre.	82
Luxurieux.	M 100
M Agistrats. 201. voyez Iuges. Mahomet.	
	116. 121. 282
Marchands.	10. 220
Maistre Guillaume.	59
Maquereaux.	258
Marie.	204
Mary produisant sa femme à ses amants.	218
Maris amoureux d'autres femmes.	145
Maistre d'escrime. 208. Maistres d'Hostel.	255
Medecins & leur peinture. 32. contr'eux.	103.
	116. 196

TABLE.

Mesdisans.	100
Melancthon.	284
Meurtriers.	10
Ministres.	10
Monde en son interieur.	250
Mort, sa peinture.	42. 51
Mort d'amour. 55. de froid, de faim, de peur, de rire. ibid.	
Morts tuez par Medecins.	100
Murmure des conuiez aux enterremens.	164
N	
N Ecromancien.	63
Neron.	306
Nobles par lettres. 223. par lignée.	226
Nostradamus.	77
Notaires.	9
O	
O Bstinez.	201
Officiers de Iustice & leurs fourbes.	175
Orphée.	112
P	
P aradis, son chemin.	288
Partisans.	17
Parissiers.	111. 219
Pauures.	25. 200
Peres damnez, & pourquoy.	232
Philosophes.	112
Pilate.	108
Plautian.	354
Poetes. 7. amoureux. 146. comment tourmen- tez aux Enfers.	264
Pouruoyeurs.	255
Procureurs.	9. 53. 72. 105. 114

TABLE.

R

Records & Sergens. 123

Repentis tardis. 353

Riches. 113. 200

Rois. S 208. 201

Sacristain. 112

Scandaleux. 1252

Sergens & records. 123. voyez Algoüazil.

Seneque. 306. 309

Soldats. 114. 201

Sejan. 311

Soliciteurs de procès. 31

Seuere. 314

Solon. 319

Sodomites. T 239

Tailleurs. 22. 103. 104. 118. 207

Tardifs repentans. 234

Tibere. 311

Tauerniers 10. 103. 104. 118. 197. 252

Teinturiers. 237

Tyrans. 318 319 Temps. 132

Tresoriers. V 209

Veniciens. 73

Vef, feint d'estre triste de la mort de la

femme. 167

Vefs amoureux. 145

Vefue hypocrite sur le deceds de son mary. 166

Vefues amoureuses, leur entretien. 236

Vieille. 84. Visilles gouuernantes. Vieilles. 239

Virgile. 112

FIN.



T A B L E
DES MATIERES
CONTENUES EN LA
Sedition infernale.

A

A Ccusation contre le Demon d'un Marchand.	330
Contre le Demon des larrons.	358
{ Du Tabac.	363
{ De la consequence.	165
Contre celuy } Des suborneurs.	364
} Des Cocus.	367
} Des Luxurieux.	369
{ Des Nones.	370
Admonition aux Grands.	317
Alexandre conteste contre Clytus.	301
Argent, un des plus puissans Demons.	376

B

B Rutus & Cassius se plaignent contre Cesar.	295
---	-----

C

C ourtifan induit Ptolomée à faire tuer Pompée.	325
--	-----

D

D ecret de Lucifer.	372
Demon d'un Marchand.	330

TABLE.

	{ Du Tabac.	363
	{ Des suborneurs.	364
	{ De la consequence.	165
	{ Des Cocus.	367
	{ Des Luxurieux.	369
	{ Des Nones.	370
	{ Du profit.	379
Domitian contre Suetone.		326
Doüegna contre elle.		350
E		
E ntremetteurs de ce qu'ils n'ont que faire.		
380		
Enuieux.		336
F		
F auoris de Princes.		314
Flagorneurs.		379
G		
Grands admonestez.		317.
H		
Hypocrites.		351
L		
Luxurieux.		351
M		
Marchands.		378
	{ De l'enfance.	337
	{ De l'adolescence.	339
Miseres	{ De l'âge viril.	340
	{ De la vieillesse.	idem.
	{ De la decrepitude.	32
	{ De la vie humaine en general.	343
N		
Neron contre Seneque.		309

TABLE.


P

P ersuasions d'un Courtisan de Ptolomée, pour faire tuer Pompée.	325
Peres sans enfans.	332
Plaintes de Cesar contre Brutus.	295
De Seneque contre Neron.	306
De Sejan contre Tybere.	311
De Plautian contre Seuere.	314
De Belisaire contre Iustinian.	315
De Solon contre les Tyraus.	319
Des Tyrans cõtre les Legislatours.	321
De Suetone.	329
Presomptueux.	336
Prosperité, ses effets.	373

V

V icieux obstinez.	354
Vielles fardées.	352
Vindictifs.	336
Vielleſſe amoureuse contre elle.	342

Fin de la Table de la Seditiõ infernale



VISION



VISION PREMIERE
DE
* L'ALGOVAZIL
DEMONIAQVE.

* voyez
l'adu.
tiffé-
mēt cy-
deuant
pouren-
tendre
ce mot;

VN de ces derniers iours,
allant pour ouïr la Messe
en vn Conuent de cette
ville, ie trouuay la porte
fermée, & vne infinité de
peuple qui essayoit par prieres d'y en-
trer: ie m'informay de la cause de leurs
desirs; on me dit qu'il y auoit vn De-
moniaque qu'on alloit coniurer. La cu-
riosité de voir vne chose si rare, m'obli-
gea de me fourrer dans la presse, & pouf-
ser comme les autres: Et voyant que
tous mes efforts estoient inutiles, & qu'il
ne paroissoit plus personne à qui l'on pût
parler, ie me retiray de cette foule pour

A

m'en retourner chez moy ; mais au bout de la rue ie rencontray vn des Religieux de ce Couuent, que ie connoissois particulièrement, lequel après m'auoir confirmé la verité de la nouvelle que i'auois apprise, & par mesme moyen augmenté mon enuie, me dit que ie le suisuiffe. Disant cela, il détache vn passepar-tout de sa ceinture, & nous entraimes par vne petite porte de l'Eglise, & allasmes dans la Sacristie. Là ie trouuay vn homme d'vn fort mauuais regard, ses habillemens estoient tous deschirez, il auoit les mains liées par derriere, & vne estolle autour du col, qui n'estoit pas fort bien ajustée: Il faisoit des cris & des efforts espouuentables. O Dieu qu'est-ce là! dis-je alors, en faisant le signe de la Croix: & vn bon Religieux qui estoit auprès pour l'exorciser, me respondit: Vous voyez ? c'est vn homme possédé du malin esprit. En mesme temps cét esprit qui le tourmentoit prit la parole, & dit: Ce Religieux a menty, respect de la compagnie, ce n'est pas vn homme Demoniaque, mais c'est vn Demon humanisé: Aduisez comme vous par-

L' Algoüazil Demonique. 3

lez vous autres, car en la demande & en la responce, l'on void aisément que vous estes des ignorants : sçachez que nous autres diables, ne sommes que par force & contre nostre gré dedans le corps des *Algoüazils*, & partant, si vous me voulez nommer comme il faut, dites que ie suis vn Demon *Enalgoüazilé*, & non pas vn *Algoüazil* en-diablé. Vous autres hommes, vous vous défaites bien mieux de nous, que des *Algoüazils*, parce que nous fuyons la Croix, & eux ils s'en seruent comme pour instrument à mal faire. Il est vray qu'il y a vn grand rapport d'offices entre les *Algoüazils*, & nous. Premièrement nous procurons la condamnation des hommes, aussi font les *Algoüazils* : Nous desirons qu'il n'y ait que des meschans & des criminels au monde, aussi font les *Algoüazils*, mais encore plus passionnément que nous, dautant qu'ils en ont besoin pour sustenter leur vie, & nous n'en auons à faire que pour compagnie seulement. En cela ils font plus blasmables que nous, attendu qu'ils font mal à ceux de leur genre & de leur especé; ce que nous ne

faisons pas, car nous sommes Anges, mais priez de la grace : Outre cela, nous n'auons esté conuertis en Demons que pour auoir voulu estre égaux à Dieu; & les *Algoiazils* sont *Algoiazils* pour estre moins que tous les hommes. De façon, bon Pere, que vous trauallez inutilement à presenter des Reliques à ce miserable, car il n'y a homme si saint qui ne demeure dans ses griffes quand il y est vne fois entré. Persuadez-vous que les *Algoiazils* & les Diables sont tous d'un ordre, sinon que les *Algoiazils* sont des Diables chauffez; & nous déchauffez, comme ce bon Pere, qui menons vne dure vie en enfer.

I'estois rauy d'estonnement d'oüyr ces diaboliques subtilitez. Cependant le Religieux continuoit ses coniurations; & pour faire taire le Demon, il luy jectoit de l'eau beniste; dequoy le possédé se tourmentoit fort, en glapissant si haut qu'il estourdissoit tous les spectateurs, & faisoit presque trembler le lieu où nous estions. Ne pensez pas, dit-il, que ce soit la vertu de la benediction de cette eau qui me traualle, c'est

L'Algoüazil Demoniaque. §

la qualité de l'eau seulement, car il n'y a rien que les *Algoüazils* hayssent tant que l'eau : Et de fait pour vous montrer qu'ils ne font point de cas des choses benistes & sacrées, & comme ils sont mauuais Chrestiens, sçachez que dans le peu de noms qui sont restez en Espagne du temps des Mores, ils ont dérobbé ce nom d'*Algoüazil*, & ont quitté ce luy de *Misins* qu'ils auoient auparauant, afin d'auoir vn nom Arabe comme leurs œuures.

Il ne faut point écouter ce meschant, ny adjoüster foy à ses paroles, dit le Coniurateur : si nous luy permettons de parler, il dira mille outrages contre la Iustice & contre ses officiers, parce qu'elle corrige le monde, & que le chastiment qu'elle fait du vice arreste les mauuaises intentions, & quant- &- quant; luy rait plusieurs ames, qu'il croyoit auoir fait tresbucher dans ses pieges. Ne vous amusez pas à disputer contre moy, dit le Diable au Coniurateur, car i'en sçay plus que vous, tafchez seulement à me faire sortir du corps de cet *Algoüazil*, ie vous en prie, car ie suis vn diable d'hon-

neur & de qualité; on me fera mille atgarades quand ie feray de retour en Enfer, on me reprochera à iamais la hantife d'vne fi mauuaife compagnie. Le t en feray sortir, dit le Religieux, par la grace de Dieu, de compassion que i'ay des afpres tourmens que tu luy fais sentir, & non pas pour les sottifes que tu dis: pourquoy luy fais-tu tant de mal? Le mal que ie luy fais, respond le Diable, procede d'vne contestation où nous fommes entrez son ame & moy, à fçauoir qui de nous deux est le plus grand diable, l'Algonaxil, ou moy.

Le Coniurateur ne prenoit point de gouft à toutes ces folles & malicieufes responses: mais moy qui commençois à m'affeurer en la prefence du diable, & à m'accouftumer avec luy, i'auois vn extrême plaisir à l'ouir caqueter: Mon Pere, luy dif-ie, qu'il y a fort peu de monde icy, & que vous fçauetz tous les secrets de ma conscience, comme eftant mon Confesseur ordinaue, permettez-moy de luy faire quelques questions, peut-estre que fes responses me feront falutaires, quoy que ce ne fust

L'Algouazil Demomiaque. 7

pas son intention : Empeschez-le seulement, s'il vous plaist, de faire tant de peine à ce pauvre mal-heureux. Il m'accorda ma priere, & l'esprit continua son habil. Nous auons des parens & des amis en Cour, dit-il en riant, quand il y a des Poëtes; ils nous rendent tousiours de bons offices par maquerelages ou autrement : mais vous y estes obligez, dit-il en me regardant; pour l'honneur que nous vous faisons de vous souffrir en Enfer. Y a-t'il beaucoup de Poëtes en Enfer, luy dis-je? Le chemin leur en est si aisé, dit-il, que tout en fourmille, aussi nous a-t'il fallu eslargir leur quartier, il n'y a rien de si plaisant en l'Vniuers, comme de voir vn Poëte dans la premiere année de son Nouiciat en Enfer. Les vns portent des lettres de faueur adresâtes à nos Superieurs Ministres, car ils y pensent trouuer Caron, Cerbere, Radamanthe, Eaque, & Minos.

Mais quelles peines leur fait-on souffrir là, luy dis-je, sentant que cela me touchoit?

Plusieurs, respond-il, & des peines pro-

pres au mestier ; car les vns se tourmentent attendant reciter les œuures des autres (qui est aussi le mesme supplice des Musiciens) & la pluspart c'est la peine de les corriger. il y a tels Poëtes qui sont condamnez a mille ans d'Enfer, & si encore n'acheuent - ils pas de lire des stances qu'ils ont composees sur des ialousies. Autres se frappent de la paume de la main sur le front, & mesime se donnent souuent des coups de tizon par le nez ; pour resoudre s'ils diront face, ou visages : s'ils escriuent tant, ou temps, il despeignit, ou il despeindit, parce que le mot vient de peindre : Et tels, qui pour chercher vne ryme ou vne consonnance, se pourmentent en resuant deçà & delà, en se rongeannt les oncles iusques au sang comme des enragez, & dans leurs resuerries quelquesfois ils tombent dans des trous, d'où nous auons bien de la peine à les retirer. Mais ceux qui endurent le plus, & qui sont les plus mal logez, ce sont les Poetes comiques, pour punition d'auoir rauy l'honneur à tant de Princesses, de Roynes, & d'Infantes de Bretagne: & aussi pour auoir fait des mariages inc-

Poëtes
comi-
ques

L'Algoüazil Demonique. 9

goux aux fins de leurs pieces, & donné des coups de baston à plusieurs gens d'honneur dans leurs intermedes & leurs farces. Au reste, ils ne sont pas logez avec les autres Poëtes: mais parce qu'ils inuentent tant de ruses, d'intriques, de menneries, d'artifices & de tromperies, nous les mettons avec les Procureurs & Solliciteurs de procez, comme gens qui ne vivent que dans cet exercice. Et faut que vous sçachiez, vous autres hommes, qu'il y a vn tel ordre en Enfer, & que nous y auons de si bons fourriers, que dernièrement il vint vne grosse troupe toute à la fois de plusieurs mestiers: le premier qui se presenta fut vn pauvre malautru faiseur de traicts d'arbaleste. Et comme l'on le pensoit mettre avec les armuriers, & autres faiseurs d'instru-
ments de guerre, quelqu'vn de nous autres s'aduisa qu'il auoit dit en entrant qu'il faisoit des traicts, cela fut cause qu'on le mit avec les Greffiers & Notaires, comme gens qui en sçauent faire de vilains & d'autres, à tous visages. Vn autre qui se dist estre Tailleur, on luy demanda si c'estoit de pierre ou de mar-

Procu-
reurs &
sollici-
teurs de
procez.

Faiseur
de traicts
d'arba-
leste.

Gref-
fiers &
Notai-
res.

bre; il dit que c'estoit de cette espece qui coupe les habillemens: on le mit avec les detracteurs & medifans, comme gens qui coupent les vestemens de la bonne renommée d'autrui. Vn Aueugle qui se pensoit fourer avec les Poëtes, fut logé avec les Amoureux à cause de la simpatie. Vn autre qui se dit estre Enterreur de morts, & vn Rotisseur qui s'accusa d'auoir vendu des chats pour des lieures, furent mis avec les Patissiers. Cinq ou six qui vindrent en qualité de Fous, furent menez à l'apartement des Astrologues & des Alchimistes. Vn qui vint pour auoir fait plusieurs homicides, fut mené avec les Medecins. Des Marchands condannez pour auoir mal vendu, furent enuoyez avec Judas. Les mauuais Ministres & Magistrats, nous les mettons avec le mauuais Larron, les brouillons & les Porteurs & vendeurs d'eau avec les Tauerniers: les Fripiers avec les Iuifs. Enfin il n'y a point de Republique qui soit si bien ordonnée que l'Enfer, chacun y a son domicile selon sa condition.

Il me semble, luy dis-je, que tu as par-

L'Algoüazil Demonique. II

le d'amoureux: Et parce que ie me sens de cette maladie-là, aussi bien que de celle de la Poësie, ie voudrois bien scauoir s'il y en a beaucoup. L'amour est vne grande tache d'huile qui s'estend par tout, respond-il, c'est pourquoy tu ne dois point douter que l'Enfer ne soit bien farcy d'amoureux: il y en a de plusieurs sortes, les vns le sont d'eux-mesmes, les autres de leur argent, autres de leurs paroles, autres de leurs œuures, & quelques-vns de leurs femmes: Et de ceux-cy il y en a moins en Enfer, d'autant que les femmes sont d'vn tel naturel, que par leur desloyauté, leurs imperfections, & leurs mauuaises testes, elles donnent tous les iours sujet à leurs maris de se repentir de la conjunction & de l'alliance. Les autres amoureux sont fort plaisans à voir, & d'agreable diuertissement (si d'adventure il y en peut auoir en Enfer:) il y en a qu'on prendroit pour des monstres de boutiques de Merciers, tant ils sont parez de bouts de nœuds, & de rubans de plusieurs couleurs qu'ils appellent faueurs. Autres qui semblent estre des boëtes de Peruquiers, ce ne

Amou-
reux.

sont que cheueux de toutes sortes. Au-
 tres, qu'on diroit estre des Messagers de
 quelques bonnes villes, car ils sont tous
 pleins de missiues & de lettres de leurs
 affotées qu'ils appellent poulets, & nous
 autres des lardons: aussi nous seruent-ils
 à les larder & à les rostir ensemble: car
 estants tous de feux & de flammes, cela
 nous a espargné pour plus de vingt-ans
 de bois qui s'employe à la fabrique de la
 maison. Il y a plaisir à voir la posture de
 ceux qui ont aymé des filtes, dont ils
 n'ont pas cueilly la fleur, vous leur voyez
 tousiours la bouche ouuerte, & les mains
 estenduës. Les vns sont condamnez par
 l'attouchement, sans pourtant auoir
 touché le but, & ceux-là seruent de
 boufons aux autres avec le tiltre de pre-
 tendans, tousiours à la veille de la feste
 sans iamais arriuer au iour. Autres con-
 damnez du baiser, comme Iudas. Au
 dessous d'eux, en vn lieu fort sale & in-
 sect, ^{Cocuz.} plein de cornes de beliers, de tau-
 reaux, de brebis, &c. sont ceux qu'entre
 vous autres on appelle jennains: ce sont
 les plus paisibles du nos pensionnaires,
 ils sont armez de patience incompara-

L' Algoüazil Demonique. 13

ble, ils endurent tout, car pour l'auoir fortifié & r'afinée dans les infidelitez de leurs mauuaises femmes, ils ne se mettent iamais en colere, quoy qu'on leur fasse. Apres eux, on void les Amoureux Amoureux de vieilles. de vieilles: or ceux-cy sont fort estroitement enchainez, car les Diabes ne tiendroient pas leur honneur en sauueté parmy des hommes qui ont le goust si depraué: Et en effect, s'ils n'auoient les fers aux pieds, Barabas pourroit bien garder ses fesses; car tels que nous sommes, nous leur semblons estre blancs, beaux & blons comme des Adonis ou des Narcisses. Peintures diuerses des diables.

Mais ayant satisfait à vostre curiosité: ie vous veulx aduertir que nous autres Diabes sommes fort offencez de ce que vous nous maniez & patroüillez comme il vous plaist: tantost en nous peignant avec des griffes, combien que nous ne soyons ny Aigles ny Griffons: tantost en nous fichant de longues queuës au cul comme si vous craigniez qu'on nous prist pour des Heres, ou que les mouches nous deussent manger: & tantost avec des toupillons de

barbes de Coqs d'Inde , quoy qu'il y ait des Diabes entre nous qui pourroient fort bien estre pris pour Hermites & pour Philosophes. Apportez - y donc du remede si vous pouuez , & si vous voulez que nous vous fassions bon feu quand vous nous viendrez voir. Nous demandasmes dernièrement à ce Peintre , qu'autre - fois vous appelliez Michel Ange (assez improprement pourtant) pourquoy il nous auoit representez en son iugement avec tant de diferentes grimaces & de mauuaises mines ? Il nous respondit, que n'ayant iamais veu de Diabes , & ne croyant pas qu'il y en eust , qu'il auoit fait cela par caprice , & non pas par malice : mais son ignorance n'excusa pas son peché , on luy fait voir maintenant la realité de ce qu'il ne croyoit pas estre. Nous nous plaignons encore dauâtage, de ce qu'en parlant familièrement les vns aux autres, vous dites souuent, Voyez ie vous prie comme ce diable de Tailleur a mal fait mon habillement , comme il m'a fait attendre, comme il m'a desrobé: vous nous faites tort de nous comparer aux

L'Algouazil Demoniaque. 15

Tailleurs, veu que nous nous en feruons de bois en enfer, encore nous faisons-nous bien prier pour les yreceuoir, quoy qu'ils nous püssent alleguer la loy de la possession, *Quoniam consuetudo est altera lex.* Et parce qu'ils sont en possession du larcin, & de garder plustost de vos estoffes qui leur sont demandées, que les festes qui leur sont recommandées, ils entrent chez nous en grommelant comme pourceaux, quand nous ne leur ouurons pas la porte toute arriere, parce qu'ils croyent estre legitimes enfans de la maison. Comme aussi nous trouuons fort mauuais que vous donniez au diable toutes les choses qui vous déplaisent. Le diable t'emporte, dites-vous, certes vous leur faites là de beaux presens: mais sçachez qu'il en vient plus chez nous, que nous n'en allons querir, & que nous n'emportons pas tout ce que l'on nous donne; car nous ne faisons pas cas de toutes choses. Vous donnez au diable quelque maraut de laquais, mais le diable n'en veut point, car sçachez ^{La-} _{quais.} (pour la plus grande partie) qu'ils sont plus meschans que les diables mesmes,

Italiés. & qu'ils ne valent rien du tout, ny à rôtir, ny à bouillir. Vous donnez au diable vn Italien, & le diable vous en remercie de bon cœur, car il y a tel Italien qui prendroit vn diable par le nez comme une moutarde. Comme auffi vous

Espagnols. luy donnez quelque Espagnol, mais le diable qui feait les cruauitez dont ils ont accoustumé d'vfer, pour se rendre maistres des lieux, dont on leur permet l'entrée, vous prie de les enuoyer au Grand Turc pour en faire des Eunuques.

A cette derniere parole, le Demon se teut & moy auffi: En mesme instant, il se fit vne petite rumeur parmy les Spectateurs, de deux ieunes Godelureaux vn peu trop chatouilletux, qui estoient poussez pour se deuancer lvn l'autre: & en me retournant pour voir que c'estoit, j'aperceus vn certain Maltantier, qui auoit esté cause de la ^{vne} raine d'vn de mes amis: & lors pour prendre quelque vengeance de ce Maraut déguisé en homme d'honneur, ie dis ainsi au Demoniaque: Puisque tant de diuerses conditions de personnes vont habiter

L'Algonazil Demonique. 17

habiter en vostre climat, y a-t'il point de ces Sang-succes qu'on apelle maintenant Partisans; de ces pestes de Royau-^{Parti-}mes, de ces donneurs d'avis, & inuen-^{zans.}teurs d'imposts; vous n'estes gueres fin, me respondit-il: Ne sçauiez-vous pas bien que cette vermine-là sont les plus naturels enfans des diables, & que leur droict de legitime est assigné aux enfers? Toutesfois nous sommes sur le point de les desaduotier: car ils sont si ingrats, & si industrieux à mal faire, qu'ils se veulent attaquer à nous par vn dessein qu'ils ont d'establir des imposts sur les chemins d'Enfer, & comme les charges augmentent chaque iour, nous craignons, que par succession de temps, ces impositions montent si haut, que les negociâts à la fin contraints de renoncer au commerce; ce qui seroit fort dommageable à nostre Republique. Que s'ils executent vne fois ce projet là, nous leur fermerons la porte au nez, & leur chanterons la chanson qu'on dit en France de Montelimar, quand ils viendront chez nous: & alors le Diable sera bien aux veaux, plustost qu'aux vaches, car ils

n'auront point de lieu de retraite : & estans desia bannis du Paradis & du Purgatoire, ils seront en pire estat que les damnez. Cette engeance de viperes, dis-ie au Demon, subtilisera tant, qu'à la fin le chemin de Paradis n'en sera pas exempt. Il y a long-temps, dit-il, qu'ils y auroient mis des impôts, s'ils n'eussent recognu qu'on y trafique si peu, qu'en dix ans, vn de leurs commis n'y gagneroit pas dequoy acheter vn de ces grands colets qu'ils portent maintenant. Mais ie te prie, luy dis-ie, sur quoy veulent-ils exiger ces impositions nouvelles? Si vous estes curieux de scauoir toutes les circonstances de leur dessein, il ne faut que faire approcher Monsieur que voila, dit-il, en montrant au doigt mon Griueleur, car il est du mestier. A cét instant, toute la compagnie ietta l'œil sur luy, dont il fut si honteux & si scandalisé, qu'il commença de tourner le dos: & en enfonçant son chapeau, gagna vistement la porte, & s'enfuit: dequoy chacun fut fort estonné, & moy fort bien vangé. Et quand l'émotion fut cessée, le Demoniaque reprit la parole: Puis-

L'Algoïazil Demoniaque. 19

que mon tefmoin s'est absenté, dit-il en riant; ie veux suplérer à son defaut, car i'en fçay bien autant que luy. Sçachez donc que l'impost qu'ils veulent establir, est sur la monstre des gorges & des espaules de nos Dames: Sur les carrosses qui ne seruent qu'à aller aux Cours & aux assignations d'amour: Sur le luxe des habits: Sur les festins, & les superbes emmeublemens: Sur les Academies des Jeux, où il se fait mille piperies & mille blasphemes, & generalement sur toutes les autres choses qui seruent à peupler nostre Empire: de façon qu'il deuiendra desert, si quelque bon Magistrat de nos amis ne s'oppose à leurs intentions. Ces aduis-là sont tres-raisonnables, luy dis-je, & on les deuroit recevoir. En effet, c'est le vray chemin d'enfer; car tout cela ne fait que peruertir les bonnes mœurs, corrompre la chasteté, exciter les desbauches & la dissolution, & destruire la modestie & la simplicité. Mais à propos de Magistrat, dont tu viens de parler: Seroit-il bien possible qu'il y eust des Iuges qui allas-

Iuges
iniques

sent aux Enfers? Belle demande, dit le

Demoniaque: Mon amy, vn meschant Iuge est la semence qui fructifie le plus pour nous; c'est vne graine dont nous recueillons tous les iours dix mille Procureurs, autant d'Aduocats, de Greffiers, de Sergens, & plus de vingt mille plaideurs & chicanneurs. Et bien souuent, que les années sont fertiles en faussetez & tromperies, il ne se trouue pas assez de greniers en Enfer, pour retirer les fruiets qui nous viennent par le moyen des meschans Iuges.

Tu voudrois donc inferer de là, qu'il n'y auroit point de Iustice en terre? Il est vray, dit-il, Astrée qui est la Iustice, s'en est-elle pas fuyee de la terre pour se sauuer au Ciel? n'en scais-tu pas l'Histoire? Non, luy respondis-ie. Escoute, dit le Demon, ie te la vais conter. La Verité & la Iustice vindrent vn iour de compagnie pour habiter en terre, mais elles ne trouuerent personne qui les voulust receuoir chez soy; parce que l'une qui estoit Verité, estoit toute nue, & l'autre seuerie & sans affection. A la fin, après auoir long temps rodé comme vagabondes & sans abry, la Verité fut

L'Algoüazil Demonique. 21

contrainte de se loger chez vn Muet. Et la Iustice voyant que nul ne tenoit conte d'elle, & que l'on vsurpoit son nom pour en honorer les tyrannies, delibera de retourner au Ciel: pour cet effect elle sortit des Cours, abandonna les Palais & les grandes citez, & s'en alla par les villages, où elle se logea dans la pauureté & la simplicité de quelques Paisans, mais à la fin la malice à force de la persecuter l'en exila. Elle se presenta en plusieurs maisons, & d'autant que la Iustice ne peut mentir, & que quand on luy demâdoit qui elle estoit, & qu'elle respondoit, *ie suis la Iustice*: l'on luy fermoit la porte au nez, en luy disant, nous ne sçauons que c'est que Iustice, allez ailleurs. De façon que voyant ce refus general, elle s'enfuit, ou plustost s'enuola au Ciel, laissant à peine vne petite trace de ses pas en terre: Et depuis les hommes se ressouuenans seulement de son nom, l'attribuerent à cette sorte de Sceptre qui porte vne main au bout, qu'on appelle Iustice, qui ne laisse pas de brusler là bas, parce que bien souuent elle sert à dérober mieux que

ne peuent faire les larrons avec leurs crochets, leurs fausses clefs & leurs eschelles: Et mesime la conuoitise des hommes est venue à vn tel poinct, qu'ils ont conuertiy toutes les puissances de leur ame & de leurs sens en instrumens, pour faire des larcins: l'Amant ne dérobe-t'il pas l'honneur de la fille avec sa volonté? l'Aduocat ne dérobe-t'il pas le bien d'autruy avec son entendement, quand il peruertit le sens de la Loy? Le Comedien ne dérobe-t'il pas avec la memoire, quand vous escoutez les vers qu'il a retenus par cœur pour attraper vostre argent, & vous faire perdre le temps? l'Amour ne dérobe-t'il pas avec les yeux? l'Eloquent avec la bouche? le Puissant avec le bras? le Vaillant avec les mains? le Musicien avec la voix & les doigts? le Medecin avec la mort? l'Apotiquaire avec la santé & la maladie? le Chirurgien avec le sang? l'Astrologue avec le Ciel? enfin chacun dérobe en quelque façon que ce soit. Mais l'Algoüazil entr'autres, quoy qu'il porte la marque de * Iustice, dérobe luy seul avec tout le corps, puis

* Ils
portent
vne ver-
ge.

qu'il quitte avec les yeux, qu'il suit avec les pieds, saisit avec les mains, sert d'accusateur avec la langue, enfin les *Algoüazils* sont si meschans, que nous disons d'eux ce que vous dites de nous, *libera nos Domine.*

Je m'estonne bien, dis-je au Demon, de ce que tu n'as point logé les femmes avec les larrons, veu qu'elles exercent mesme mestier. Hé! ne me parlez point des femmes, dit-il, laissez les là ie vous prie; nous en sommes si fatiguez, si las & si estourdis, que nous n'y voudrions jamais songer: Et à dire le vray, s'il n'y en auoit point tant en Enfer, ce ne seroit pas vne trop mauuaise habitation, principalement pour l'hyuer. O combien nous donnerions pour estre veufs! Depuis la mort de Meduze la forcicre, elles ne font autre chose qu'inuenter des intrigues, & tramer des embaras entre nous, & ie crains qu'il n'y en ait quelque iour de si temeraires & si hardies, qu'elles n'entreprennent d'éprouuer leurs finesse & leurs malices contre nous, pour voir qui en sçaura le plus: Tout ce qu'il y a de bon en elles, c'est

Femmes.

que dans nos conuersations elles ne nous demandent iamais rien, comme elles ne s'imaginent pas de pouuoir rien obtenir.

Plus de
laides
femmes
en En-
fer, que
de bel-
les.

Desquelles auez-vous le plus, luy dis-
ie, des belles ou des laides? Nous auons
six fois plus de laides; d'autant que com-
me les belles rencontrent aisément des
galands qui rassasient leurs ardans de-
sirs, il se trouue à la fin qu'à force de
commettre des pechez, il y en a touf-
iours quelques-vns qui s'en faoulent:
puis elles se repentent, & par ainsi éui-
tent nos atteintes: Mais les laides, com-
me il ne se presente personne qui vetuil-
le assoupir leurs appetits: on nous les
enuoye si affamées & si arides, qu'elles
nous font bien souuent fuir de peur, car
la plus-part sont toutes vieilles, lesquel-
les expirent en grongnant comme des
truyes, faschées de ce que les ieunes
les suruiuent. l'en emportay l'autre iour
vne de soixante & dix ans, laquelle ie
pris en faisant vn certain exercice con-
tre les opilations: & comme ie luy fis
mettre pied à terre, elle commença à
se plaindre du mal de dents, afin de nous

L'Algouazil Demonique. 25

faire croire qu'elle en auoit encore,
& par ce moyen se rendre moins o-
dieuse.

Le suis fort satisfait de mes demandes,
mais ie te prie encore pourtant de me
dire, s'il ya beaucoup de pauures en En-
fer. Qu'est-ce que de pauures? dit le De-
mon. On appelle pauure, luy respondis-
je, celuy qui n'a rien de ce que possede
le monde. Cōment entends-tu cela, dit-
il, comment voudrois-tu que celuy qui
ne tient rien du monde fust condanné,
puis qu'on ne se damne que pour tenir
du monde? Ceux donc que tu dis ne sont
point enroollez dans nos liures, & ne
t'en estonne pas, car tout manque aux
pauures, & les diables mesmes leur fail-
lent au besoin. Il est vray que vous estes
plustost diables les vns aux autres, que
les diables ne le sont enuers vous: Y a-
t il rien qui soit plus diable qu'un fla-
teur, qu'un enuieux, qu'un faux amy,
qu'une mauuaise compagnie, qu'un fils,
qu'un frere, ou un parent, qui n'espie que
vostre mort pour auoir vostre bien, qui
fait semblant de vous plaindre quand
vous estes malade, & qui toutesfois

Pau-
ures.

voudroit que vous fussiez desia à tous les Diabes. Tout cela manque au pauvre, on ne le flate point, on ne l'enuie point, il n'a point d'amy, ny bon, ny mauuais, personne ne l'accompagne, ses enfans, ses freres, ses parens ne desirent point sa mort pour posseder sa cheuance: bref ce sont des gens qui vivent bien, & qui meurent encore mieux: il y en a qui se plaisent tant en cette façon de viure, qu'ils ne voudroient pas changer leur condition à celle des Roys, parce qu'ils ont la liberté d'aller par tout où ils veulent, en temps de paix ou de guerre, francs de toutes charges, impositions & seruitudes publiques, libres & exempts de toutes corrections & censures ciuiles, hors de Cour, de procez, & de toute iurisdiction, & enfin totalement inuiolables, ainsi que saincts & faerez. Au surplus, ils n'ont point soucy du lendemain, obseruans en cela le commandement de Dieu, ils mesnagent fort bien le temps, & sçauent habilement apprecier les iournées, en se representant que la mort tient en son pouuoir tout ce qui est passé, gouerne ce qui est

presont, & pretend de posseder tout ce qui est à venir. Mais on dit que quand le diable presche, le monde approche de sa fin.

Il faut bien dire que Dieu opere en cecy, dit alors le bon Religieux qui le coniueroit : Tu es le pere du mensonge & de la piperie, & neantmoins tu dis des veritez qui sont capables d'amolir vn cœur de pierre, & de le conuertir. Ne vous imaginez pas vous autres hommes, dit le Demon, que ce soit pour vostre salut ce que i'en fais, vous vous piperiez vous-mesmes, ce n'est qu'à dessein d'accroistre dauantage vos peines, quand il sera temps de les vous faire souffrir, & afin que vous ne puissiez pretendre causes d'ignorance, & vous excuser en disant que personne ne vous auroit enseigné. Vous estes tous des hypocrites : La plus grand part des larmes que vous versez, ne procedent que du regret que vous auez de voir qu'il vous faut quitter le monde, & non pas de la repentance de vos pechez. Il se peut bien faire que quelquesfois le peché vous déplaisst, a

cause du déclin de vos ans ou de vos indispositions corporelles, car vostre volonté a tousiours beaucoup de peine à s'en défaire, quoy qu'il soit méchant: Tu es vn imposteur, dit le Religieux, il y a aujourd'huy plusieurs sainctes ames, dont les larmes sortent d'une autre source que celle que tu dis. Mais ie vois bien que tu nous voudrois tousiours amuser icy & nous faire perdre le temps, & que peut-estre aussi n'est-ce pas encore le vouloir de Dieu que tu sorte du corps de ce miserable: Au moins, ie te conjure de par sa toute-puissance de ne le plus tourmenter & de te taire. L'esprit obeit à ce commandement; & le bon Pere se retournant deuers nous: Messieurs, dit-il, quoy qu'il semble que ce soit le diable qui ait parlé par l'organe de ce mal-heureux homme, si est-ce qu'il y a quelque profit à faire en ses discours, pour celuy qui les voudra mediter. C'est ce qui fait que ie vous prie de ne prendre pas garde au lieu d'ou ils viennent: souuenez-vous qu'Herode qui estoit vn meschant Roy, prophetiza;

L'Algoüazil Demoniaque. 29

qu'autrefois il est fort de l'eau de la
gueule d'un serpent de pierre : qu'il se
trouvé aucunesfois du miel aux gueules
des Lions ; & que le Royal Prophete dit,
que nous receuons bien souuent guerison des
mains de nos ennemis , & de ceux qui nous
hayssent le plus. Retirez - vous au nom de
Dieu , ie le prie que ce triste & prodi-
gieux spectacle puisse seruir à vous amen-
der & vous conuertir à luy.

Fin de la 1. Vision.





V I S I O N I I .
 D E L A M O R T
 E T D E S O N E M P I R E .

Es tristes pensées tiennent du naturel des ames viles, elles s'assemblent tousiours en troupe, afin d'attaquer vn mal-heureux quand il est seul, action en laquelle les couiards témoignent le plus leur lascheté: Et combien que i'aye fait souuent cette experience en autruy, ie n'ay pas laissé dans ma solitude de tomber au mesme accident, & de m'en trouuer surpris: Car en lisant quelques pieces de Lucrece, pour essayer à me diuertir, ie demeuray si fort abattu sous le poids de ses graues paroles, que ie ne scaurois dire si ma melancolie procedoit, ou des aduis qu'elles me donnoient sur mes inclinations, ou de mon propre scandale. Mais afin

que la confession de ma foiblesse se puisse plus aisément excuser, ie commenceray ce discours par le recit des paroles de cét excellent Poëte, qui contiennent des exhortations elegantes.

Enfin, si la nature de l'Vniuers venoit soudainement à icter cette voix, & à former cette plainte contre quelqu'un de nous: Qu'as-tu, ô homme mortel, à quel sujet t'amuser à gemir & à t'affliger si fort? Dequoy te sert d'apprehender tant la mort? Qu'est-ce qu'il te reste maintenant des plaisirs de ta vie passée, & de tes premieres années qui furent si douces & si agreables? Ne vois-tu pas que tout cela s'est évanouï, que tout cela s'est perdu dans la carriere des iours, comme un grain qu'on auroit voulu transporter dedans un sac troué? Pourquoi donc ne voudrois-tu pas faire une honneste retraite, & t'estimer autant rassasié & repen de ce monde, que celuy qui s'en retourne content à un festin où il auroit fait bonne chere? Pauvre fol que tu es! que ne iouis-tu d'une gayeté de cœur, & que ne mets-tu ton ame dans la seureté d'un repos tranquille?

Cette lecture me remit aussi tost en memoire ces paroles de Iob.

La vie de l'homme né de la femme, n'est pas de fort petite estendue: c'est vne fleur qui n'est pas plustost esclose, qu'on la void secher & tomber fueille à fueille; c'est vne ombre qui s'enfuit aussi viste que le vent, sans pouuoir iamais demeurer en vn mesme estat: & neantmoins, combien que son terme soit fort court, elle ne laisse pas d'estre sujette à souffrir vne infinité de miseres.

Continuant enfin dans ces profondes meditations, ie demeuray endormy sur les liures: & ie croy que ce fut plustost vn effet de la courtoisie du Dieu du sommeil, qu'vne disposition naturelle. Dés que mon ame se sentit libre & destachée des sentimens exterieurs, elle s'occupa à l'entretien de la Comedie suiuiante, à laquelle ma fantaisie seruit d'assemblée & de theatre.

Peinture
du
Medecin.

Je vis entrer plusieurs Medecins cheuauchans des mules couuertes de houffes si amples & si longues, qu'il sembloit que ce fust de ces remembrances ou representations de tombeaux, qu'on met aux Eglises, qui eussent des oreilles. Le train de ces bestes estoit interrompu & inégal: tantost il estoit paresseux, & tantost

tantost diligent. Le tour des yeux de ces Messieurs les Docteurs estoient tous ridez & froncez à force de se reffrongher en regardant les vrines & les bassins puants des malades : Leurs faces estoient couuertes de grosses barbasses, & leurs bouches estoient si fort enfoncées dans un crin mal peigné, qu'à grand peine vn bras bien long y eust sceu atteindre : En la main gauche ils tenoient les resnes & leurs gands roulez ensemble, & de l'autre vne gaule qui leur seruoit plustost de contenance ; que pour chastier leur monture : car ils les faisoient marcher en taloïnant & branlant la teste & tout le reste du corps. Quelques-vns d'entr'eux auoient de grosses bagues d'or aux doigts, où estoient enchassées des pierres si grandes, que quand ils tastotent le pouls aux malades, il sembloit qu'elles leur presageassent la tombe de leur sepulture. Ils estoient en fort grand nombre & tous enuironnez & suiuis de ieunes praticiens, qui faisoient leurs cours en courant apres eux. Car par la frequente conuersation qu'ils auoient avec les mules, plustost qu'avec les Docteurs,

ils se graduoient facilement Medecins. Considerant cela , ie dis en moy-mesme , si de ceux-cy se font ceux-là , il ne faut pas s'estonner si nous en payons souuent l'apprentissage aux despens de nostre vic.

Apoti-
quai-
res.

— Apres eux marchoit vne grande trainée de charlatans d'Apotiquaires , armez de mortiers , de pillons , de suppositoires faits en forme de pointe d'vn blanc de butte , de spatules , de seringues toures chargées , pour fraper à la mort , & quantité de boites dont les écriteaux portent les remedes & les boites les venins. J'ay souuentefois remarqué , que les clameurs que l'on fait pour ceux qui meurent commencent par le tintamarre du mortier del Apotiquaire , de-là elles vont sur les quiternes & les *passacailles* des Barbiers , & s'acheuent au chant des Prestres & au son des cloches. Les Apotiquaires sont les gardes de l'Arse-
nal de Medecins ; ce sont eux qui les fournissent d'armes : la pluspart des instruments de leur mestier , tiennent quelque chose de la guerre , & font allusion aux armes offensives ; premierement

— les boites, ce sont les petards qu'on plante aux portes pour les briser, (qu'ordinairement on appelle boites) les seringues ont quelque ressemblance aux pistolets, & mesmes elles ne se scauroient bien descharger sans canons, les pilules sont des balles. Et apres tout cela, s'il faut parler de leurs medicamens qu'ils appellent purgatifs, il se trouuera que leurs boutiques sont des Purgatoires, & leurs personnes les Enfers : les malades les condamnez, & les Medecins les Diables, puis qu'ils ne se plaisent qu'au mal & aux maleficies. Ces Apotiquaires estoient tous couverts de chiffres d'errés, trauersez de fleches, comme

— les fermesses des amoureux, & de cette forme, *Resp.* qui est le premier caractere de leurs receptes & ordonnances, qu'ils prennent en ceste signification, *Recipe*, mais c'est en apparence, car entr'eux ils l'entendent en ce sens, *Reçois*. Ainsi la meschante mere parle a sa fille, *Reçois*: & ainsi la conuoitise au mauuais Ministre. En suite de cette figure, ils mettent, *Ana, Ana*, qui ne peut signifier autre chose, sinon qu'il faut vn Ane pour con-

damner vn iuste : puis apres marchent les onces & les scrupules , qui sont de fort agreables choses à presenter à vn malade mourant ; les vns pour luy déchirer , & deuorer le corps , & l'autre pour mettre son ame au chemin de l'Enfer. Auec cela ils en filent des noms de simples si étranges, qu'il semble que leurs écrits soient des inuocations de Demons, comme Repti Talmus , Opoponach, Leon, Tipolatium , Tregoricarum , Postamegotum , Petros Chinum , Diacatholicum Agolocum. Et qui voudra sçauoir que veut dire cet espouuantable jargon, il trouuera que ce sont quelques carottes, raues, naueaux ou chcrüis, & vne infinité d'autres meschantes racines ; & parce qu'ils ont oüy dire ce proverbe , *qui te connoist ne t'achete pas* , ils desguisent ainsi le nom des legumes, de peur qu'ils ne soient conus par les ignorants malades, qui ne les acheteroient pas si cher qu'ils les vendent. Tellement que les noms de leurs receptes & des medicamens dont ils persecutent les malades, sont si odieux, & si puants, que les maladies les plus enracinées s'en-

fuyent bien souuent de la grande peur qu'elles en ont. Quelle douleur se trouuera si obstinée, qui ne déloge, quand on luy presentera vne drogue dont ils vsent, laquelle est composée de graisse humaine, qu'ils appellent Mumie, ou Momie, pour en oster l'horreur & le dégoust qu'on en auroit? Et quelle autre pourroit souffrir d'estre couuerte de Guill. Seruen, qui fait bien souuent enfler aussi gros qu'un bahut la jambe ou la cuisse sur laquelle on l'applique? Quand ie vids ces gens-là associez avec les Medecins, ie reconnus le peu de raison du sale prouerbe, qui met la difference en leur dignité: *Il y a vne grande distance du poulx au cul*: car ie trouue qu'il n'y a rien à dire de l'un à l'autre, puis que les Medecins vont immediatement du poulx au bassin & à l'vrinal, pour s'informer de ce qu'ils ne sçauent pas, suivant en cela la doctrine de Galenus, qui les renuoye à ces oracles dont l'halaine est si infecte: Il faut aduotier qu'un diable ne les souffriroit pas approcher de soy. O les maudits inquisiteurs contre la vie, puisque sans conscience &

sans religion ils bannissent nos ames de la partie de leurs corps, par les executeurs de leur tyrannie & de leur iniustice, qui sont les poisons de leurs potions, leurs incisions & sacrifices gangreneuses, & leurs saignées excessiues!

Chirurgiens.

A leur queuë venoient les Chirurgiens chargez de pincettes, de tenailles, sondes, cauterres, cizeaux, razors, scies, limes & lancettes: vne voix qui me sembloit effroyable s'entendoit entr'eux, qui crioit, tranche, arrache, ouure, scie, dépece, picque, décharne, brusle. Il me prit vne si grande frayeur d'ouïr cela, que mes os se penserent seruir d'estuy les vns aux autres pour se cacher.

Arracheurs de dents

Après eux ie vis des gens que ie prenois pour des Diabes déguisez, tant ils auoient mauuaise mine, lesquels estoient tous enchainez de grosses dents; cela me mit vn peu en assurance, quand ie reconnus que c'estoit des Arracheurs de dents, qui est pourtant le plus maudit mestier du monde, puis qu'ils ne seruent qu'à dépeupler les bouches, & auancer la vieillesse: Ces infames, pour exercer leur rage, ne voyent point de

dents , quelques belles qu'elles soient, qu'ils ne les voulussent plutoft voir enfilées à leurs colliers , qu'au lieu de leur naissance: Et pour ce sujet , ils cherchent des accusations & des faux tesmoignages contre les genciues. Je ne sçache iamais auoir voulu mal à mes yeux pour aucun mauuais obiect que pour cettuy là: Ce qui me mit le plus en colere & en desespoir, ce fut de voir qu'ils demandoient de l'argent pour auoir osté vne dent, comme s'ils l'eussent mise.

Ya-t'il encore quelques personnes à venir plus odieuses à voir, que celles-cy, dis-je, alors en souriant de colere, car il me sembloit que les diables ne valent pas pis que cette maudite canaille , mais ie fus diuertý de cet estonnement par vn grand bruit enroué de gyternes & de cistres qui grattoient quelques *passacailles* , & ratissoient quelques *farabandes*. Je meurs, dis ie à l'instant, si ce ne sont des Barbiers qui viennent, Il ne falloit pas estre grand deuin pour faire cette conjecture , d'autant que tels instrumens sont des vstensiiles des boutiques des Barbiers; on les void tousiours

Bar-
biers. j

pendus avec les estuis de peignes & les bassins. Je pris fort grand plaisir à leur voir testonner leurs chalands, & à les faire barbotter dans leurs bassins, & laver la teste à plusieurs asnes de tous aages.

Ha-
bleurs.

Incontinent apres entra vne grande foule d'autres hommes de plusieurs qualitez : les premiers estoient des Hableurs, qui étourdissent toutes compagnies avec leur naturel de cigale : Vn certain me dit, qu'encore qu'ils fussent tous grands parleurs, il y en auoit pourtant de plusieurs especes : les vns estoient appelez nageurs, parce qu'ils ne faisoient qu'estendre les bras çà & là en parlant, comme s'ils eussent nagé. Les autres les singes, d'autant qu'ils representoient les grimaces & les gestes de ceux dont ils parloient : autres estoient nommez flagorneurs, & semeurs de noises : ceux-cy mouuoient leurs yeux, sans tourner la teste, comme ceux de ces peintures qu'on fait remuer avec du sable, pour remarquer à la dérobée les actions de chacun, afin d'auoir matiere pour exercer leur mestier, en deschirant

la vie d'autruy: Autres menteurs, qui auoient des mines contentes, & des visages ronds, bien refaits, au reste bien couuerts & à leur aise: ce qu'on estimoit comme des petits miracles au monde, en ce qu'ils n'auoient point d'autre vacacion, & neantmoins ils paroissoient estre si heureux: Ils auoient autour d'eux vne grande assemblée de niais, de fots, de nigauds qui les escoutoient.

Vn peu apres ceux-cy, venoient les Entremetteurs des affaires secretes d'autruy, gens presomptueux & superbes, qui sont les vrayes pestes de l'honneur du monde, lesquels se fourroient parmy tous les autres, essayant de penetrer tout, ou par ruze, ou par tromperie, grands flatteurs, & soigneux de leur seul profit: Il sembloit qu'ils vinsent les derniers; car long-temps apres il ne parut personne. Je demanday pourquoy ils venoient si loing apres les autres: Et lors ces parleurs à qui ie ne disois rien, me respondirent. Nous tenons ces entremetteurs pour la quinte-essence de tous les importuns: & pource qu'en la queue de tels serpens gist le venin, ils

Entremetteurs des affaires d'autruy.

viennent les derniers, comme les plus venimeux.

Peinture de la Mort.

Là dessus ie me mis à considerer à quoy pouuoit seruir toute cette traïnée & cette confusion d'honnestes gens, dõt les conditions estoient si diuerses : mais aussi-tost, voicy venir vne personne qui paroissoit estre du sexe feminin : sa taille estoit fort legere & desliée ; elle estoit chargée de couronnes, de faulx, de sceptres, de faucilles, de houlettes, de patins, de sabots, de thiares, de chapeaux de paille, de mitres de bonnets de laine, de broderies, de peaux, de soye, de laine, d'or, de plomb, de diamans, de coquilles, de perles & de cailloux. Elle auoit vn œil ouuert, & l'autre clos, vetuë de toutes couleurs : d'vn costé elle estoit ieune, & de l'autre vieille : tantost elle venoit lentement, & tantost hastiuement : tantost il sembloit qu'elle fust fort loin de moy, & toutesfois elle en estoit fort prés ; & quand ie pensois qu'elle fust à la porte de mon logis, ie la voyois à mon cheuet. Ie demeuray tel qu'vn homme à qui l'on presente vne figure Enigmatique à deuiner : ie ne pou-

uois comprendre ce que pouuoit signifier vn si extrauagant équipage , composé de choses si inégales & si mal assorties : Le ne m'épouuentay pas pourtant , au contraire, ie me pris à rire , me souuenant d'vne Comedie d'Italiens que i auois veüe , en laquelle Harlequin feignant de venir de l'autre monde , se fit voir chargé d'vn bagage quasi pareil : car en effect , il n'y eut iamais rien de grotesque & de plaisant comme cela. Enfin apres auoir demeuré dans vne impatience retenüe , ie luy demanday qui elle estoit : le suis la Mort , dit-elle. La
Mort. La Mort , respondit-ie, le cœur à demy failly : puis ayant vn peu repris haleine , & begayant de peur , ie luy demanday, Et où allez-vous Madame la Mort ? Le te viens querir , respond-elle. O Dieu ! hé quoy ! ie me meurs donc : non fais , dit-elle , mais il faut que tu viennes tout viuant avec moy , faire vn voyage au Royaume des Morts ; car puisque tant de morts ont esté visiter les viuans , il est bien raisonnable qu'vn viuant vienne vne fois rendre la pareille aux morts , & que les morts soient ouïs, Sçais-tu pas

que i'ay pouuoir d'executer mes decrets souuerainement? Sus, allons, viens avec moy. Alors tout tremblant de frayeur, hé ne me lairrez-vous pas habiller? luy dis je: Il n'en est pas besoin, dit-elle: car personne n'apporte rien avec moy, & puis ceta ne te feroit qu'incommoder, ie me charge de l'équipage de chacun, afin qu'on marche plus legerement. Ainsi sans luy repliquer dauantage, ie la fuiuis: De vous dire par où elle me mena, il est impossible, car l'épouuente m'auoit si fort saisi, que mes sens ne me seruoient quasi plus de rien. En allant, ie luy dis: Ie ne vois point pourtant d'apparence en vous que vous soyez la Mort, parce que l'on nous la dépeint avec des os secs & descharnez, & vne faux en la main. Elle s'arresta tout court, & me respondit: Ces inuenteurs de portraits, & ces peintres la font fort sots & fort ignorants: Mon amy, ces os que tu dis ce sont les morts; ou pour le moins ce qui reste des viuans; vous ne connoissez pas la mort, vous autres; c'est vous-mesmes qui estes vostre mort; elle a la face de chacun de vous; tout autant que

vous estes, vous estes vos propres morts. Vostre crane est la mort, & vostre visage est la mort : ce que vous appelez mourir, c'est acheuer de viure, & ce que vous appelez naistre, c'est commencer à mourir; comme aussi, ce que vous appelez viure, c'est mourir en viuant; & les os, c'est ce que la mort laisse de vous autres, & ce qui reste dans la sepulture. Si vous compreniez bien cela, chacun de vous auroit tous les iours vn miroir de la mort en soy-mesme, & verriez quant- & - quant, que toutes vos maisons sont pleines de morts, qu'il y a autant de morts que de personnes: que vous ne l'entendez pas, mais que vous l'accompagnez perpetuellement. Pensez vous que la mort soit des os & vne carcasse, & qu'il n'y ait point de mort pour vous, qu'alors que vous voyez en squelette tenant vne faux? vous vous abusez lourdement, car vous estes os, carcasse & squelette auant que vous le puissiez croire.

Mais, Madame, apprenez moy qui sont tous ces gens qui vous accompagnent: Et puis que vous estes la mort,

pourquoy est-ce que les Hableurs & les flagorneurs sont plus près de vous que les Medecins ? Il y a beaucoup plus de monde , dit-elle , qui meurt de l'importunité de grands parleurs, que de la fièvre ou du pourpre : & beaucoup plus aussi qui sont tuez par les flagorneurs & entremetteurs , que par les Medecins, quoy que ces Messieurs - la travaillent incessamment pour l'accroissement de mon empire: Et sur ces propos , faut que tu sçaches que la pluspart du monde deuiet malade par l'excez & l'intemperance des humeurs : mais en ce qui est de mourir , chacun meurt par l'entremise & la diligence du Medecin qui le traicte ; De façon que quand l'on demande dequoy est mort vn tel , vous ne deuez pas respondre qu'il soit mort d'vne fièvre , d'vne pleuresie , de pourpre, de peste ; mais il est mort de la main d'vn tel Medecin , qui en a esté bien payé, car il est raisonnable que chacun viue de son mestier. Cette addition d'honneur , *Don* , que nous autres Espagnols ne souliions attribuer qu'aux personnes d'éminentes dignitez , est mainte-

nant si commune, que les petits nobles se l'adaptent : & non seulement eux, mais encore tous les petits officiers : & les Religieux qui font vœu d'humilité, se meslent aussi d'en user, comme font les Chartreux entr'autres : mesmes j'ay veu des Tailleurs & des Maçons, des larrons & des forçats aux galeres, qui se paroient aussi du *Don*, comme font encore vne infinité d'autres conditions Ecclesiastiques, Bacheliers Theologiens : Et neantmoins, on n'a point encore veu qu'aucun Medecin ait pris cette vanité-là, bien qu'ils la meritaissent mieux que tous les autres, attendu qu'il ont le *Don* de tuer, & qu'ils aiment mieux le *Don* à l'adieu qu'à leur appellation.

Tandis que la Mort me déplioit sa science, & que ie m'instruisois en ses curieuses leçons, nous entraîmes dans vn antre, où il faisoit à demy iour & à demy nuict, car ie commençois à m'apriuoiser avec elle : A l'entrée ie vis d'vn Les trois ennemis de l'ame. costé trois choses mouuantes, armées, & qui auoient quelques formes humaines, mais ie ne pouuois distinguer ce que c'estoit, & de l'autre costé vn Mon-

estre fort hideux à l'opposite, lesquels combattoient perpetuellement ensemble à sçauoir les trois contre l'vn, & l'vn contre les trois. La Mort s'arresta, & se tournant deuers moy, connois-tu ces gens-là, dit-elle? Helas non! par la grace de Dieu, & ie le prie que ie ne les puisse iamais connoistre. Si est-ce, dit-elle, que depuis ta naissance tu n'as point eu d'autre compagnie: Voy comme tu sçais ce que tu fais, ce sont les trois capitaux ennemis de l'ame, cettuy-là est le Monde, cettuy-cy est la Chair, & l'autre c'est le Diable. Considere & remarque qu'ils se ressemblent si fort tous trois, qu'on n'y sçauroit quasi mettre de difference. De façon que si l'on en a seulement vn logé chez soy, on se peut vanter de les auoir tous trois. Vn superbe & vn ambitieux pense qu'il a tout le monde, & il a le diable: Vn luxurieux se figure de mesme qu'il a la chair, & il a le diable, & ainsi du reste. Et qui est celly-là qui a tant de faces diuerses qui combat contre ces trois? C'est le Demon de l'argent, dit la Mort, lequel a formé vn different contr'eux, soustenant que
par

Le Demon
de
l'argēt.

par tout où il est , les autres n'ont que faire de se trouuer, attendu, dit-il, qu'il est tout seul les trois ennemis de l'ame. Premièrement il fonde sa dispute contre le monde, sur ce que vous autres vi-uâs dites tousiours qu'il n'y a point d'autre monde que l'argent. Que celuy qui n'a point d'argent doit sortir du monde! Que celuy à qui l'on prend l'argent, on le chasse hors du monde; bref que tout cede & se donne à l'argent: Contre le second ennemy, il dit que l'argent est la chair, tesmoin les garces & les courtizanes. Et contre le troisieme, il expose que vous autres mondains tenez, que pour toutes sortes d'affaires il faut auoir de ce diable d'argent: Que l'amour fait beaucoup, mais que l'argent fait tout; & que ce que l'argent ne fera point, le diable n'en viendra pas à bout. A ce que ie vois, dis-je à la Mort, le Démon d'argent n'a point mauuaise cause, puis qu'il la defend ainsi.

Après cela, nous passames outre: j'ad-uifay d'un costé le iugement, & de l'autre l'enfer, ainsi que la Mort me les nomma: Je m'arrestay à considerer attenti-

uement l'Enfer, parce que cela me sem-
bloit fort estrange. Que regarde-tu? dit
la Mort: ie regarde l'Enfer, luy dis-je,
& à force de l'enuisager, ie pense desia
l'auoir veu ailleurs. Et où? me dit-elle:
Ie l'ay veu en l'auarice & la conuoitise
des Magistrats, en l'orgueil des Grands,
en l'ame de ceux qui retiennent le bien
d'autruy, aux pernicious desseins, aux
vengeances, aux appetits des luxurieux,
& en la vanité des Princes; mais où l'En-
fer est tout rassemblé, c'est en l'hypocri-
sie des vsuriers des vertus, qui font pro-
fit de ieusner & d'ouir des Messes. Ie
suis fort satisfait aussi d'auoir veu le Iu-
gement en sa pureté, car iusques à cet-
te heure i'y auois esté trompé: Cela me
fait reconnoistre que le iugement qui
est dans le monde, n'est que mocquerie
au prix de celuy-là; & en effet, ie ne
pense pas qu'il y ait vn seul homme de
iugement: car si le monde auoit tant
soit peu de ce iugement-cy, non pas vne
partie, mais seulement des nouvelles,
vne ombre ou des signes, ie m'assure
qu'il viuroit tout autrement qu'il ne fait.
Et de vray, si ceux qui sont establis pour

estre Iuges , doiuent auoir de ce iugement , ie puis dire que les affaires du monde sont en tres-mauuais estat, & i'ay crainte d'y retourner, car ie croy qu'ils n'en tiennent rien : mais i'ayme mieux la mort avec iugement, que la vie qui n'en a point.

Disant cela, nous descendismes dans vne grande & specieuse campagne, & toutesfois enuironnée de fort hautes murailles, dont on ne pouuoit sortir. Et lors la Mort me dit, Il te faut arrester icy, car nous sommes arriuez au lieu de mon Tribunal, & de mes Audiances. Les murs n'estoient tapisséz que d'he-
las, que d'ennuis, de souspirs, de mau-
uaises nouvelles, certaines creües, &
non attenduës. Là les larmes des fem-
mes estoient trompeuses pour les amants
& pour les fots, & inutiles pour les pau-
ures. Là la douleur estoit excluse de
consolation, & les soins seuls estoient
diligens & vigilans, s'estans conuertis en
vermine, qui rongent les Princes & les
Rois, & qui s'alimentent des superbes
& des ambitieux. Là l'Enuie auoit vu
habit de vesue, comme sont vestuës ces

La Mort
& son
Empi-
re.
Ennuis.

Larmes

L'Enuie

vieilles vrgandes de gouuernantes qui sont dans les maisons des Grands: Elle estoit dans vn ieusne de toutes choses: elle se sustentoit en soy-mesme, & c'estoit ce qui la rendoit fort maigre & extenuée: Et dautant qu'elle mordoit indifferemment sur le bon & sur le mauuais, elle auoit les dents toutes iaunes à demy pourries: Ce qui luy causoit cette imperfection-là, c'est qu'elle mettoit bien ses dents sur le bon & sur le sain, mais elle n'en auoit iamais rien. Au dessous d'elle estoit la Discorde, comme naissant de ses entrailles: Aussi crois-je qu'elle soit sa fille legitime. Celle-cy auoit quitté les mariez, parce qu'ils en ont assez chez eux, & s'en estoit allée dans les Communautéz & les Colleges; mais voyant qu'il en auoit de reste en tous ces lieux-là, elle se retira dans les Palais & dans les Cours, pour y seruir de Lieutenant au Diable. Auprès d'elle estoit l'ingratitude, laquelle petrifioit vne certaine paste de superbes & de haineux, dont elle formoit des Demons nouueaux. Je pris fort grand plaisir à la voir, car auparauant i'auois tous-

Discorde.

Ingratitude.

iours creu que les ingrats estoient des diables, parce que les Anges qui deuiendrent Diabes, auoient esté ingrats auparauant : Enfin tout fremissoit là de maledictions. Que Diable est-ce que tout cecy ? dis-ie alors : les maledictions pleuent-elles en ce pays-cy ? Et vn mort qui estoit auprès de moy, me dit, Hé ! comment voudriez-vous qu'il n'y eust point icy de maledictions, puis qu'il ya des faiseurs de mariages, & des Procureurs chicaneurs, qui sont les plus maudites gens du monde ? Ne sçauiez-vous pas bien qu'on ne dit autre chose en vostre region, que maudit soit celuy qui me maria ? mal-heur puisse aduenir à celle qui me lia avec vous ; maudit le Procureur qui m'a conseillé d'entreprendre ce procès qui m'a ruiné. Et que signifie cét assemblage que vous faites de faiseurs de mariages, & de Procureurs, qu'ont-ils que faire icy à l'audiance de la Mort ? O l'ignorant homme que vous estes, me dit le Mort, qui estoit vn peu prompt, & s'il n'y auoit des faiseurs de mariages, y auroit-il tant de morts & de desespercz ? Est-ce pour

faiseurs
de ma-
riages.
Procureurs.

troupe d'auaricieux qui fermoient des coffres, cloüoient des huches, des fenestres, cadenassoient des portes de caues, de greniers, enterroient des pots pleins d'escus, lesquels s'épouuentoient au moindre bruit de vent qu'ils oyoient, les yeux affamez de sommeil, leur bouche & leur ventre se plaignans de leurs mains & leurs ames conuerties en or & en argent. La Mort de peur estoit la plus riche & pompeuse, & magnifiquement accompagnée, parce qu'elle estoit entournée d'un plus grand nombre de Tyrans & de puissants, desquels on dit, *Le meschant a peur de tout, il s'enfuit de chacun, combien que personne ne le poursuiue,* qui meurent de leurs propres mains, & de qui les bourreaux font leur consciences: ils ne font qu'un seul bien au monde, car en tuant de peur, de soupçon & de méfiances, ils vengent eux-mesmes les innocens dont ils ont fait des boucheries. La Mort de rire estoit la dernière, & au milieu d'un grand cercle de gens de prompte creance & de tardiuë repentance, gens qui viuent comme s'il n'y auoit point de Iustice à craindre, &

La
Mort de
peur.

Fugit
impius
nemine
perse-
quente

La
Mort
de rire.

qui meurent comme s'il n'y auoit point de misericorde à esperer : Et ce sont ceux, lesquels quand on leur dit, Restituez ce que vous auez à autruy, respondent, *Vous me faites mourir de rire.* Considererez que vous estes vieux, que le peché ne trouue quasi plus rien à ronger sur vous; quittez cette femme, que vous ne faites qu'embraser sans esteindre son feu, representez-vous que le diable vous mesprise, que vous ne luy estes plus qu'une proye inutile, & que l'infame vous tient à dédain : *Vous me faites mourir de rire.* Demandez pardon à Dieu, cōuertissez-vous à luy, vous estes à vn pied du tombeau, *Vous me faites mourir de rire,* ie ne fus iamais plus gaillard, ie ne me portay iamais mieux.

Il y en a d'autres qui sont malades, lesquels quand on les exhorte de se confesser, de regler leurs affaires par vn bon testament, répondent qu'ils se sont plusieurs fois trouuez en pareil estat; mais ce sont gens qui sont en l'autre monde auant que de se persuader qu'ils soient morts. Cette vision m'estonna fort, & me fit escrire tout nâvré de repentance.

helas! Dieu nous a donné vne vie seule, & il ya tant de sortes de morts: on ne naist que d'une façon, & l'on meurt de cent mille sortes: ie proteste que si ie retourne au monde, ie changeray de mœurs pour commencer à bien viure, afin de bien mourir.

Ie proferois ce dernier mot, quand i'entendis vne voix qui cria trois fois, *Morts, Morts, Morts*, & à l'instant ie vis que toute la terre commença à mouuoir, d'où il sortit des testes, des bras, puis des hommes & des femmes tous formez, & à demy enseuelis dans leurs suaires, lesquels se rangeoient en ordre, en obseruant vn grand silence. Parlez chacun à vostre tour, dit le mort. En mesme temps, voicy vn mort qui s'approche de moy, si fort en colere, & si asprement, que ie croyois qu'il m'allast bien estriller. Diabes de mondains, dit-il, que me voulez-vous? que ne me laissez-vous mort & en repos? que vous ay-ie fait, moy qui sans auoir part à rien, vous me difamez en tout, & me rendez coupable des choses que i'ignore. Et qui estes-vous, luy dit-ie, avec vne courtoisie

craintiue, ie ne vous connois, ny ne vous
 entens pas? Le suis, repartit-il, le mal-heu-
 reux * Maistre Guillaume, qui est icy de-
 puis plusieurs années, & toutesfois vous
 ne faites autre chose que me tenir sur le
 tapis, & vous iouer de moy. Quand
 quelques-vns d'entre-vous font quel-
 que folie & extrauagance d'esprit, aussi
 tost s'en prend à moy qui n'en puis mais,
 Maistre Guillaume, dit-on, n'y fit iamais
 œuure: voila de la tablature de Maistre
 Guillaume: Maistre Guillaume a esté
 son Maistre: Mais sçachez que pour fai-
 re ou pour dire des sottises & des imper-
 tinences, vous estes tous des Maistres
 Guilllaumes, & encore plus fous que
 vous ne croyez que i'aye esté. Et pour
 preuue, dites-moy, ay-ie fait des testa-
 mens ridicules comme vous autres, par
 lesquels vous recommandez à autruy
 de faire pour vostre ame ce que vous
 n'avez pas voulu faire vous-mesme?
 Me suis-ie rebellé contre les puissans?
 Ay-ie creu me ra eüinir? Ay-ie voulu
 reformer la Nature & contester con-
 tr'elle en me peinturant ou crayonnant
 la barbe & les cheueux? Ay-ie iuré des

*Icã de
 la En-
 zina
 dont
 parle
 l'Au-
 theur a
 esté cõ-
 uerry &
 traduit
 en Mai-
 stre
 Guil-
 laume,
 à cause
 de la
 sympa-
 thie des
 esprits.

menteries? Me suis-ie pariuré aux choses que i'ay promises, comme vous faites tous les iours? ay-ie esté esclaué de mon argent? ay-ie iouié tout mon bien? l'ay-ie consommé en banquets? l'ay-ie donné aux courtisannes? me suis-ie laissé maistriser par ma femme? ay-ie creu me pouuoir fier à vn homme, lequel à ma persuasion auroit trahy vn amy qui se fioit en lui? me suis-ie marié pour me vanger d'vne maistresse infidele? ay-ie creu que l'on pûst bastir quelque fondement d'esperance sur le mobile mouuement de la fortune? ay-ie reputé heureux ceux qui consomment toute leur vie à la Cour des Princes pour la vanité d'vne œillade d'vn moment? ay-ie pris plaisir aux diaboliques discours des Heretiques & libertins, & me suis-ie rangé de leurs opinions, pour faire l'entendu & le spiriuel? ay-ie fait des rodemontades à des gens qui estoient au dessous de moy? Enfin ay-ie creu aux sorciers, & à tous ces dresseurs de natiuitez, & faiseurs d'horoscope? Et si maistre Guillaume n'a iamais commis de telles niaiseres: de quelle folie le peut-on donc accu-

fer? Pauvre Maistre Guillaume! Indiscrets & insolents que vous estes, pourquoy m'imputez-vous vos desfreiglemens? Mais ie vous demande encore, est-ce moy qui ay composé ce Prouerbe, *Fais du bien sans prendre garde à qui?* est-ce moy qui le pratique? ie ne suis pas si mal aduisé, il est contre le Sainct Esprit, qui dit : *Si tu veulx faire du bien à quelqu'un, regarde à qui tu le feras, & tu en receuras vn grand contentement* : Iugez donc si Maistro Guillaume est si peu sensé, que vous le tenez, puis qu'il ne presta iamais rien que de la patience, excepté à ceux qui me demandoient de l'argent, car ie coupois court avec eux, aussi bien qu'aux femmes qui me parloient de mariage, & aux laquais qui me vouloient accoster.

Comme nous estions sur ce propos, vn autre Mort qui marchoit fort graue-ment, se ioignit à moy, & avec vn regard seueré, me dit, Tourne visage, & ne pense pas auoir affaire à Maistre Guillaume. Qui est vostre Seigneurie, luy dis-je, vous qui me parlez si imperieusement, & qui presumez deuoir estre

Le Roy
Guille-
mot.

respecté en vn lieu où tous sont égaux? Le suis, dit-il; le Roy Guillemot; Et si tu ne me connois, au moins te souuiens-tu souuent de moy? car vous autres vi- uans, estes si endiablez, que vous offen- fez les morts aussi bien que les vians: si vous voyez quelque vicille muraille, quelque vieux chapeau, quelque man- teau qui n'a plus que les fils, quelque robe de lambeaux, ou bien vne femme qui ait vn thresor d'années, vous dites aussi tost, qu'ils sont du temps du Roy Guillemot: Mais vous estes des insen- sez, mon temps valut beaucoup micux que le vostre: & pour iustifier ce que ie dis, il ne faut que vous ouïr parler. Main- tenant, si vne mere pense instruire sa fille à la modestie, & qu'elle luy die; Ma fille, il faut qu'une fille d'honneur tien- ne tousiours la veuë baissée où il ya des hommes, & qu'elle n'en regarde pas vn: Sa fille luy respondra fierement; Ma me- re, celà se faisoit du temps du Roy Guil- lemot: c'est à faire aux hommes à re- garder la terre, comme la matiere d'ou ils ont esté formez, & à la femme à re- garder l'homme, puis qu'elle a esté ti-

rée de son costé. Si vn pere dit à son fils: Mon fils, craignez Dieu, respectez ses commandemens, inuoquez-le en vous leuant & en vous couchant; ne prenez point vos repas sans demander sa benediction, & ne vous leuez point de table sans luy rendre graces; fuyez le ieu, ne iurez point: il ne manque pas à responce de mesme l'autre: Mon pere, cela se faisoit du temps du Roy Guillemot: De façon que le siecle present est si corrompu, qu'on se mocque aujourd'huy d'un homme qui se gouerne selon ces saintes instructions, & le iurement fait plus tost reconnoistre l'homme, que la barbe qui est sa vraye marque.

Disant cela, le Roy Guillemot se retira de deuant moy: Et en mesme temps, ie vis vne bouteille de verre de grandeur desmesurée, dans laquelle on me dit qu'un fameux Necromancien s'estoit fait mettre par tranches comme vn haricot ou salmigondis, afin de se rendre immortel: il bouilloit d'une ardeur excessive, & peu à peu ces pieces de chair se rassembloient, & formoient vn bras, vne cuisse, vne iambe: enfin tout se

Necro-
man-
cien.

cuisit, & se vid vn corps humain tout entier, qui se dressa débout dans son mesme tombeau de verre. Cette vision-là me fit oublier toutes les precedentes, & me mit tant d'estonnement & d'effroy dans l'ame, qu'on m'eust aysément pris pour vn des morts. O Dieu! dis je mille fois, quel homme est-celà? quelle prodigieuse naissance! vn homme engendré d'une capilotade, & enfanté du ventre d'une bouteille de verre! La dessus i'ouys vne voix dans ce grand vase disant ces paroles: En quelle année sommes-nous? Le fus prompt à respondre, & luy dis que nous estions en l'année mil six cens trente. O l'heureuse année! dit-il, i'attendois impatiemment son arriué, Qui estes-vous qui vivez dans ce ventre de verre? Ne me connoissez-vous pas, respond-il, ie suis Chicot, ce grand Necromantien de l'Europe, n'avez-vous pas ouï parler de l'excellence de mes secrets, & à quel dessein ie me suis fait enfermer dans ce vaisseau? Le l'ay ouï dire des mon enfance, respondis-je, mais ie tenois cela pour des contes devieilles, & de nourrices, pour endormir

endormir les ieunes enfans. Comment est-ce vous ? Je pensois au commencement en voyant de loin ce grand vase que ce fust ceste Diue bouteille dont le facetieux Rabelais nous a autrefois parlé ; & depuis en m'approchant , ayant apperceu ce qui estoit dedans , ie m'estois imaginé que c'estoit quelque Alchimiste qui faisoit penitence de ses erreurs , ou bien vn Apotiquaire qui enduroit pour les crimes de son mestier : mais puis que ie voy vne si grande merueille , ie ne regrette plus mon voyage , ny les peines que i'ay eues pour aborder iusques icy. Débouchez moy cete bouteille , dit-il , & ainsi que ie commençois à rompre l'argile de son emboucheure : Toutbeau , dit-il , attendez encor vn peu. Dites-moy premierement : Y a-t'il force argent en Espagne ? En quelle opinion est-il ? quelle force , quel credit , & quelle vertu a-t'il ? Les flotes des Indes alloient encor assez bien , luy dis-je , mais depuis quelques années les Hollandois ont commencé à prendre vn rude tribut dessus ; & d'ailleurs , il est sorty des Sangsuës de Genes , qui courent iusques au

*Flotes
des Indes
des.*

Potosi, lesquelles à force de sucer étanchent les veines, & tarissent les mines. Mon enfant, dit-il, tant que le Roy d'Espagne aura les Holandois pour ennemis, les chemins des Indes ne luy feront gueres libres: Et pour le regard des *Gennois* Gennois, ce sont des écrouëlles de l'argent, maladie qui procede de traicter avec les chats. Et pour monstrier qu'ils sont écrouëllez, comme j'ay dit, c'est qu'ils ne veulent point auoir affaire en France, car ils ne reçoient point en leur commerce l'argent qui va en ce Royaume-là. Neantmoins en cette action-là ils ne pensent pas aller contre la iustice: au contraire c'est pour rendre sa Majesté Catholique bon payeur, & pour l'acquitter d'autant sur les trente millions qu'il leur doit. Je suis si ennemy de cette nation-là, que pour ne les point voir maistres des choses qui ne leur appartiennent pas, ie n'aurois pas seulement enuie de me remettre en Salmigondis, comme vous me venez de voir dans ceste grande bouteille: mais de me conuertir en poussiere, & estre à iamais enfermé dans vne petite boiste. Monsieur

le Necromantien, luy respondis-ie, ne vous desesperez pas tant, car leur vanité leur a causé vn mal qui les ronge comme vn Cancer. C'est vn enuie de deuenir Princes, & desia ils sont Caualliers, & Seigneurs : de sorte que les grandes despenses, & les emprunts qu'ils font, mettent le ver dedans le magazin de la marchandise, tout se conuertit en debtes, & en folies; puis le Demon qui se mesle par là dedans, les fait aussi mesler avec les Garces, qui les amadoüent, qui les trompent, & qui attrapent leur argent, & tout s'en va *in bordello*. Vous me donnez courage, dit le Necromantien, mais apprenez-moy, ie vous prie, en quel estat est l'honneur au monde; Il y auroit beaucoup à discourir là dessus, luy dis-ie, vous avez touché là vne corde qui fait vn bruit de diable. Chacun a l'honneur en soy, chacun est honoré, & chacun fait de toutes choses vn point d'honneur.

Il y a de l'honneur en tous estats, & neantmoins l'honneur trébuche à toute heure de son estat, & de son estage, & mesme il semble desia qu'il soit sept

estages dessous terre. Ceux qui déro-
bent , disent que c'est pour conseruer
leur honneur , & qu'il aiment mieux
prendre que de demander. Ceux qui
demandent , disent que c'est pour con-
seruer leur honneur , & qu'ils aiment
mieux demander que dérober : ceux qui
portent faux tesmoignage , & ceux qui
font des homicides , disent la mesme
chose. Ce bel apophtegme est encor
entre-eux : qu'un homme d'honneur se
doit plustost laisser estouffer entre deux
murailles que de se sousmettre & s'affu-
iettir à personne , & neantmoins ils font
tout au contraire. Enfin tous les hom-
mes du monde appellent honneur tout
ce qui s'aproprie à leur commodité , &
en presumant qu'ils sont gens d'honneur
(sans toutefois en rien tenir) ils se rient,
& se moquent du monde. Tout est per-
uertuy maintenant , la menterie est tenuë
pour merite , la cautelle & la piperie sont
les plus eminentes qualitez d'un Caua-
lier , parce que l'insolence & l'effron-
terie est estimée gentillesse. Autrefois les
Espagnols estoient gens d'honneur , &
se maintenoient dans la moderation en

Contre
les Espa-
gnols.

tout : mais il y a des mauuaises langues dans le païs, qui disent que les plus barbares leur apprendroient maintenant ce que c'est de viure honorablement : Et que c'est vn vieil erreur, de croire qu'ils soient sobres si ce n'est à leur table : encor est-ce plustost auarice que sobriété : car quand ils mangent aux despens d'autruy, ils changent de mesure, & prennent la triple, & les meilleurs trinqueurs des Suiffes ne leur sçauroient à present rien monstrier.

Y a-t'il force Iurifconsultes, & force Aduocats, dit le Necromantien ? il y en a maintenant des fourmilieres par tout le monde, & de plusieurs especes, luy répondis-je, les vns le sont par profession, les autres par presomption & les autres par estude : & de ceux-cy il y en a fort peu : neantmoins ils sont tels les vns que les autres, qu'il vaudroit mieux qu'un Royaume fut remply des Sauterelles d'Egypte que de ceste vermine-là. Si le monde est affligé d'une si cruelle playe, dit le Necromantien, ie suis d'avis de ne bouger d'icy. Aux siecles passez, répondis-je, la Iustice estoit moins

*Aduo-
cats &
Iurif-
consult-
es.*

*Iuriscō-
sultes &
lenys pi-
peries.*

malade, parce qu'il y auoit moins de Docteurs, mais il luy est aduenu comme à ces malades qui font des consultaitons : car tant plus ils assemblent de Docteurs pensans remedier à leur mal, plus ils empirent, & plus il leur couste. La Justice alloit autresfois toute nuë, comme representant la verité : mais à ceste heure elle est toute enmaillorée de papiers comme des espines. Autresfois nous n'auions qu'un liure de Loix & d'Ordonnances, par le moyen duquel la Justice estoit diuinement bien administrée : chacun se maintenoit en paix, & en repos, comme faisoient iadis les plus florissantes Republicques : mais à present qu'il y a des millions infinis de Codes, de Digestes de Pandectes, nous sommes tous remplis de diuisions, de troubles, de seditions, de procez, & de chicaneries immortelles. Il se trouue plus de ces liures-là depuis vingt-ans, qu'il ne s'en estoit fait en mille auparauant. Il paroist chaque iour quelques Auteurs nouveaux, qui ne viennent iamais moins chargez que de quatre ou cinq volumes, qu'ils appellent Gloses, Com-

mentaites, Decisions, Interpretations: car il y a vne grande emulation entr'eux à qui aura le plus de corps: mais attendu que ce sont des corps sans ame, aussi bien que leurs compositeurs, ie leur assigne les Cimetières pour Bibliothèques, aussi bien les boutiques des Libraires feront-elles désormais trop petites pour eux. Tous ces Jurisconsultes & Aduocats sont autant d'embaleurs de vents, & de vendeurs de fumée, & perturbateurs du repos public: car s'il n'y auoit point d'Aduocats, il n'y auoit point de procez; s'il n'y auoit point de procez, il n'y auoit point de Procureurs: point de tromperies, point de delits: point d'Archers, ou de Sergens: point d'Archers, point de prison: point de prison, point de Iuges: point de Iuges, point de passion: point de passion, point de suborneurs, pour le corrompre par le moyen des presens.

Voyez combien de meschante vermine est produite par vn chicaneur Aduocacereau! Si d'auanture vous allez chez eux pour auoir vn aduis, apres auoir ouï le recit de vostre affaire, ils

*Aduo-
cans &
leurs pà-
peries.*

vous diront: Monsieur, voicy vne fort belle question à decider, & qui merite d'estre bien manieée, le sçay où est la Loy qui en traicte en propres termes. Là dessus ils visitent vne centaine de tomes, ils parcourent dessus du doigt & de l'œil, & grommellent comme vn chat qui vous flatte en vous égratignant: puis ils donnent vn soufflet au liure, & vous l'estendent sur la table. Voila, disent-ils, vostre fait. Le Jurisconsulte le déduit mot, à mot, laissez-moy vos papiers, car ie me veux mieux instruire dessus. Ie vous respons que vostre affaire est tres-bonne, tenez-vous-en tout assureé, reuenez demain au matin, sur le soir, Lundy, Dimanche, car à present i'escris sur quelques clauses de Balde & Balduin, mais ie quitteray tout pour vous seruir. Et lors qu'en vous separant d'eux vous leur voulez graisser la main afin qu'ils se souuiennent de vous, car l'argent est le vray esprit de l'affaire, & la pure lumiere de leur entendement, ils vous accompagnent, & vous font de grands complimens, Iesus Monsieur, disent-ils, Iesus Monsieur: en fin entre

Iesus & Monsieur, ils estendent le bras, & ouurent la griffe, & se saisissent du doublon, & puis, seruiteur tres-humble. Rebouchez donc ma bouteille, de peur qu'elle ne s'éuente, dit le Necromancien, car ie crains trop d'estre frappé de l'air d'une telle peste: ie ne veux point sortir d'icy que l'air & le siecle ne soient purgez de ses sangsuës, ou bien qu'on les ait enuoyez à nos ennemis, afin de pratiquer le prouerbe: *Celuy qui vent viure en paix doit entretenir & parer l'Aduocat de son aduersaire, afin qu'il le trompe, le dérobe, & le consomme.*

Mais à propos des larcins, Venise est-elle encore au monde? Comment, si elle y est encore, luy dis-je? & ouï de par le diable, elle y est. Ie la donne donc au diable, dit-il, pour me vanger du mesme diable: car ie n'en pourrois pas faire present à personne sinon pour luy faire mal. C'est vne Republique qui se conseruera tousiours tant qu'elle n'aura point de conscience: car si elle vouloit restituer tout le bien qu'elle retient à autruy, elle ne seroit plus rien. Il faut aduoüer que c'est vne plaisante Repr-

*Veni-
tiens.*

blique : c'est vne ville fondée en l'eau : vn thresor , & vne liberté en l'air : la deshonneſteré au feu ; & en fin vn peuple de qui la terre fuit : c'est le boyau culier le tuyau de la centine , ou bien l'eſgouſt des Monarchies , par leſquels ils purgent les immondices de la paix & de la guerre. Le Turc les tolere pour faire mal aux Chreſtiens , & les Chreſtiens pour faire mal aux Turcs , & eux ſe maintiennent pour faire mal aux vns & aux autres. Ils ne ſont ny Mores, ny Chreſtiens : auſſi vn Capitaine Venitien eſtant en guerre , & voulant animer les ſiens à combattre hardiment contre les Chreſtiens : Courage compagnons, leur dit-il , vous eſtes Venitiens auant que Chreſtiens.

*Mutins
des Roy-
aumes.*

Laiſſons ce diſcours là , pourſuiuit le Necromantien , & m'apprenez s'il y a force mutins dans le Royaume. C'eſt vne maladie , luy diſ je , de laquelle tous les Royaumes ſont Hoſpitaux, mais pluſtoſt des petites Maisons, dit-il , car ils ſont tous infeſtez ; Je ne veux donc bouger d'icy : mais ie deſire que vous aduertiffiez ces aſnes là , que la vanité

& l'ambition est dans la bourre de leur bast , & que les Princes & les Roys tiennent de la qualité du vif-argent ; premierement si l'on veut presser le vif-argent , ils s'enfuit , & se perd. Il en aduient ainsi à ceux qui se veulent prendre aux Roys plus que le deuoir & la raison ne le permettent. Le vif-argent n'a point de repos , aussi n'ont les Roys : on les pense bien loin , & ils sont bien prés , la continuelle agitation des affaires les transporte tantost deça , tantost de-là. Ceux qui trauaillent en vif-argent tremblottent tousiours : ainsi doiuent estre ceux qui traictent avec les Roys , ils doiuent tousiours trembler de respect & de crainte , autrement il est force qu'ils tremblent apres , iusques à ce qu'ils tombent par terre. Mais auant que ie perde la parole , & que ie retourne au premier estat auquel vous m'auetz veu , car ie ne trouue mieux ainsi , que parmy tant de confusions & de desordres ; voicy ma derniere curiosité , que ie sçache vn peu , ie vous prie , qui regne maintenant en Espagne : Vous sçauetz-bien , luy dis-ie , que Philippe III. est mort.

Oüy, dit-il, ce fut vn Roy plein de pitié & de vertus incomparables, à ce que i'en ay appris par les Astres, Philippe IV. luy a succédé, luy dis-je. Est-il vray? dit-il, cassez, cassez ma bouteille, ouurez ma sepulture, & m'aydez à sortir d'icy, ie veux reuoir le monde sous l'Empire d'un si glorieux Prince. Disant cela, il seroula contre vn rocher qui estoit là, & rompit luy-mesme son estuy de verre, puis il s'enfuit tant qu'il peut: Ie le voulus suiure, & retourner au monde avec luy, mais vn mort me retint par le bras, me disant, laissez-le courir, aussi bien ne l'attraperiez vous pas, il a des iambes de diable. Ie me retourne, & ie voy vn vieillard qu'on pouuoit appeller le Bucephale des hommes, à cause de sa grosse teste: son visage estoit plus couuert de crin, qu'il n'en faudroit pour garnir deux coussinets à courre la poste, de façon que ie le prenois pour vn de ces hommes sauuages qu'on void au pais de peinture: & luy me voyant si attentif à le considerer, s'approche de moy, me disant? Ma science m'apprend que vous estes en peine de sçauoir qui ie suis.

C'est Nostradamus qui parle à vous. Nostradamus.
 Est-il possible que ce Galimatias des Propheties qui se publie par la France sous vostre nom , soit de vos œuures? Impudent que vous-estes , me respond-il , osez-vous si temerairement offenser l'Organe des secrets des Dieux , & l'interprete des Destinées. Barbares mondains , qui mesprisez la doctrine qui excède vostre connoissance, trouuez vous qu'il y ait du Galimatias en mes Propheties ? Seriez-vous bien si brutaux, que vous n'entendissiez pas le sens de ces paroles;

*Speculant les causes secondes,
 J'ay remarqué qu'il n'adviendra
 Ny sur terre , ny sur les ondes,
 Que ce que le grand Dieu voudra.*

Canailles que vous-estes , assoupis & endurcis dans les vices , si cette Prophetie s'accomplissoit , pourroit-on desirer vn bien plus vniuersel ? Si ce que Dieu veut : si ce qui luy plaist estoit la Justice regneroit au monde , l'innocence & la saincteté , & l'on ne feroit point ce que veut le diable , l'on n'aymeroit point ce qui luy plaist le plus , qui est l'argent , la

Effets
de l'ar-
gent.

conuoitise & l'vsure. L'argent est maintenant l'objet de toutes les affections des mondains, c'est leur vnique fauory & mesme leur maistre, puis qu'ils ne font que ce qu'il veut, combien que ce soit vn vagabond qui tient du naturel des femmes, qui n'aime qu'à trotter, & qui ne se donne le plus souuent qu'aux moins merittans, & non pas aux Prophetes comme moy, qui sont les Fauoris & les Amis des Dieux. Mais poursuiuons l'explication de nos Propheties, pour voir si elles sont si fausses & si obscures qu'on les croit.

*Les mariez seront maris,
Dont les jaloux seront marris,
Et quoy qu'à l'antique maniere
Les sots en veulent discourir,
On ne pourra pas bien courir,
Qu'en iettant les coudes derriere.*

A cette parole il me prit vn esclat de rire, qui me fit leuer le nez en haut, comme vn cheual qui a flairé ou la fiente, ou l'vrine d'une iument: Et l'Astrologue m'ayant apperceu: Boufon que vous estes, me dit-il, fort en colere, chien mastin qui trouuez à ronger sur tout, ie

voy bien que vous n'avez pas encore les dents assez fortes pour casser l'os & trouver la moëlle de cette Prophetie : escoutez avec plus de modestie , car si vous pensiez vous rire de moy , ie vous arracherois la barbe poil à poil : escoutez de par le diable , puisque l'on vous ameine icy pour escouter & pour apprendre : Pensez vous que tous les mariez soient maris ? vous vous trompez de plus de moitié de iuste compte : sçachez qu'il y a plusieurs mariez qui vivent comme en celibat , & plusieurs du celibat qui vivent comme mariez , parce que c'est la mode du temps : Il y a vne infinité d'hommes qui se marient pour mourir vierges de leurs femmes , & autant de femmes pour mourir vierges de leurs maris. Voila la moitié de la Prophetie expliquée ; & voicy d'interpretation de l'autre : Or sus courez vn peu , pour voir si vous mettez les coudes en auant : vous me direz , peut-estre , que ceste Prophetie est ridicule pour n'estre que trop vraye : voila vne belle deffaite ; c'est donc à dire que la verité naïfue vous déplaist : Mais sçachez , vous autres , que les ve-

ritez que vous pensez dire, sont autant de menteries & de sottises. De quelle façon desireriez vous que la verité fust habillée pour vous estre agreable ? ie gage que vous estes si lourdauts, que vous ne scauriez trouver vne subtilité pour arguer ma Prophetie, & dire qu'il y a des gens qui courent les coudes en auant aussi bien que d'autre façon : mais ie vous les veux faire connoistre ; ce sont les Medecins, mon amy, quand ils tournent la main par derriere pour prendre l'argent de la visite du malade, car apres l'auoit attrapé, ils courent comme vne guenon qui auroit destrobé quelque piece d'argent pour aller faire la queste ailleurs.

*Plusieurs femmes se verront meres:
Et les enfans qu'elles feront,
Seront les enfans de leurs peres.*

Et bien auez vous quelque chose à dire contre celle cy ? ie vous respons qu'il y a force maris, lesquels s'ils vouloient ou pouuoient faire des exactes perquisitions, ils trouueroient bien qu'ils n'auroient pas engendré les enfans qui les appellent peres : Le ventre d'une
femme

femme est fort sujet à caution ; car comme les enfans se font le plus souuent à taton & à veuglette , il est fort difficile aussi d'en reconnoistre les ouuriers ; il faut croire la disposition de la mere , & souuent la supposition. Je dis cela pour les clientes de la Cour des Aydes : car ie declare pour ma Prophetie , qu'elle n'entend nuire ny prejudicier aux Dames d'honneur , si ce n'est que quelque maudit truchement comme vous, ne peruertisse mes intentions. Combien pensez-vous qu'il y aura de gens au boût du Iugement , qui tiennent maintenant de grands rangs dans le monde , qui seront contraints de reconnoistre pour leurs peres , des Pages de leur maison , des sui-uans, des Medecins, des valets de chambre , & peut-estre quelque cocher bien emmanché de foïet ? Combien de peres se trouueront alors sans lignée & sans successeurs , contre leur creance ? Vous le verrez quand vous y serez , car la verité se verra là plus claire que le Soleil.

I'aduouë maintenant, dis-je au Necromantien, que nous auons tort de mes-

priser ces entousiasmes d'esprit : Il est vray que nous ne pouuons pas penetrer dans le sens de vos excellentes Propheties, elles sont plus veritables que nous ne pensons, & ont toute autre force estant expliquées de vostre bouche. Entendez encore celle-cy, me dit-il.

*Cét an, ainsi que ie presume,
On volera avec la plume.*

Y estes-vous? l'entendez-vous? on volera avec la plume; ne soyez pas si fol que de penser que ie voulusse parler des oyseaux, vous vous tromperiez fort, ie le dis pour les Aduocats, les Greffiers, les Procureurs & Notaires, lesquels volent nostre bien & nos successions, par vne infinité de collusions, de piperies & de faussetez.

Disant cela, le bon Nostradamus me laissa la responce sur le bord des léures, & disparut de deuant moy, & là dessus ie me sentis tirer par derriere! ie me retourne, & apperceus vn mort fort maigre & extenué, le visage fort melancolique, tout blanc & vestu de blanc. Aye pitié de moy, me dit-il; & si tu es bon

Chrestien, use de charité en mon endroit, tire-moy des contes & des sornettes de ces babilleurs, de ces hableurs, & de ces ignorans, qui ne me laissent point en repos, & me mets ailleurs par tout où bon te semblera. En mesme temps il se iette à mes pieds, & se battant le visage de desespoir, pleuroit comme vn enfant. Qui estes-vous, pauvre mal-heureux, luy dis-je, condamné à vne si grande misere? Je suis, respond-il, vn fort homme de bien & fort ancien, dont l'on diffame l'honneur & la renommée par mille faux tesmoignages, enfin ie suis *l'Autre*. Il n'est pas que vous n'ayez souuent oüy parler de moy, car il n'y a rien que *l'Autre* ne die. Ceux qui ne peuuent soustenir aucune raison d'eux-mesmes, disent tousiours *comme dit l'Autre*, & toutesfois ie ne dis iamais rien, & n'ouure pas seulement la bouche. Les Latins m'appellent *Quidam*, & se seruent de moy pour remplir les lignes & les periodes de leurs liures. Je desire donc que vous me rendiez ce bon office, quand vous serez retourné en l'autre monde, de dire que vous auez veu *l'Autre*, qui

est tout en blanc, qu'il n'a rien d'escriit, qu'il ne dit rien, qu'il n'a iamais rien dit, & ne dira iamais rien, & que tous ceux qui le citent & l'alleguent en ont menti, affin que desormais par vostre entreprise ie ne sois plus l'Autheur des idiots & l'approbation des ignorants. Dans les noises & querelles ils m'appellent *certaine personne*: dans les intriques, *ie ne sçay qui*, dans les chaires des Orateurs, *certain Autheur*: & tout cela pour déguiser le nom du pauvre *Autre*, & l'accuser de toutes leurs impertinences. Accordez-moy ma supplication, & me sortez de l'extreme misere où ie suis. Le luy promis de faire ce qu'il desiroit, & il se retira pour faire place à vne autre vision.

Vne
vieille.

C'estoit vne vieille, ia plus vieille qui fut iamais, laquelle s'approchoit de moy en criant avec vne voix qui sembloit sortir du centre de la terre, & qui parloit plus des machoires & du menton que de la langue: Y a-t'il pas icy quelqu'vn de l'autre monde nouvellement arriué, dit-elle? Le consideray soigneusement cet estrange espouventail

de Demons, ses yeux estoient enfoncez comme dans deux cornets rouges à iouier au dez : son front & le teint de son visage estoient comme la plante d'un pied : sa bouche pâle & sans couleur, estoit à l'ombre d'un nez d'alambic qui distiloit des roupies, son menton estoit couuert d'un certain poil d'oison, elle n'auoit non plus de dents qu'une lamproye : les peaux de ses gisles pendantes me faisoient souuenir de celles des singes, où ils cachent ce qu'ils dérobent, sa teste dançoit les sonnettes, & sa voix sautoit à chaque parole qu'elle proferoit, son corps estoit presque tout enseuely dans un grand voile de crespé: elle auoit un baston en vne main, qui aidoit à soustenir cette machine tremblante, & de l'autre elle tenoit un Rosaire si long, qu'il touchoit iusques à terre : de façon qu'estant courbée (comme elle estoit) il sembloit que ce long Chapellet luy seruist de ligne à pescher les petites testes de mort, ou d'yuoire qui pendoient au bout. Moy voyant cét abregé des siecles passez, ie commençay à parler tout haut, pensant qu'elle

fust sourde; Ho ma mere! ma grand' mere, luy dis-ie, que desirez-vous de moy?

*Doüie- Elle leue aussi tost l'*ab initio & ante secula* gna
Quin- de son groin de truye, & mettant vne
tagno- grande paire de bezicles sur son nez
ne, ainsi pour m'enuifager, ou plustost pour me
l'escri- desuisager, car elle estoit en colere, par
l'Espa- ce que ie l'auois traitée de vieille. Je ne
gnol.

*Doüie- suis ny sourde, ny grand' mere, me dit-
gna, ce elle, i ay vn nom aussi bien qu'vn ciron.

Qui pourroit croire qu'en l'autre monde, les femmes eussent encore la vanité de n'estre point reputées vieilles? Elle s'approcha avec des yeux larmoyans, & vne odeur qui sentoit l'air de ces caueaux d'Eglises, où l'on met les cercueils. Je la priay de pardonner à mon inciuilité, & de me dire son nom, afin de garder plus de bien-seance. Je m'appelle *Doüieгна Quintagnonne. Comment, dis-ie alors fort estonné, y a t'il de cette maudite espece de femme en cette region-cy? Les habitans doiuent donc prier qu'on die souuent pour eux, *Requiescant in pace*: car puis qu'il y a des *Doüiegnas, ils seront tousiours en dis-sention. Je pensois que les femmes mou-

*Doüie-
gna
Quin-
tagno-
ne, ainsi
l'escri-
l'Espa-
gnol.

*Doüie-
gna, ce
nom si-
gnifie
vne fe-
me ve-
ueagée,
qui sert
dans les
grâdes
maisons,
comme
font en
France
celles
qu'on
appelle
gouver-
nantes,
ce qui
fait
qu'on
l'a mis
icy in-
differe-
ment,
tantost

russent quand elles deuenoient Doüegnas, que les Doüegnas ne deussent iamais mourir, & que le monde fust condamné à les auoir & les souffrir perpetuellement : Mais maintenant que ie vous voy, ie me des-abuse. Ie suis fort aise de vous auoir rencontrée, afin de vous connoistre, après auoir tant oüy parler de vous : car dés que l'on void quelque vieille bigotte qui vent censurer toutes les ieunesses d'autruy, parce qu'elle ne se souuiet plus de ses friponneries, on ne fait que dire, regardez vn peu cette Doüegna Quintagnonne : & venez-ça Doüegna Quintagnonne, enfin on ne parle que de vous par tout. Dieu vous le rende, dit-elle, & le grand Diable vous emporte, pour salaire de la bonne souuenance que vous auez de moy. Et fils de putains que vous estes, y a-t'il pas des Doüegnas de plus grand nombre que moy ? Y en a-t'il pas de septante & de huitante ? Que ne courez-vous après, & me laissez la ? Bien, bien, luy dis-je, ne vous fâchez plus, quand ie seray retourné, i'essayeray d'y mettre ordre : Mais que faites-vous icy ? Elle

Doüegna, & tantost gouueruante.

fut vn peu appaisée de ma promesse, & me dit; Il y a plus de huiët cens ans que i'ay esté aux Enfers pour y fonder vn Ordre de Doüegnas, mais Messieurs les Diabes ne se sont encore peu resoudre de m'en donner la permission, disans qu'à la fin nous les chasserions de leurs Royaumes, que l'on n'auroit plus que faire d'eux pour tourmenter les mechans, & que ce seroit assez de nous: ou bien, si nous y demeurions ensemble, nous serions tousiours aux espées & aux cousteaux, & qu'ils n'exerceroient pas bien leurs charges en l'entretien du feu, parce que nous cachons tous les bouts de tisons, aussi bien que les bouts de chandelles. I'ay aussi esté en personne en Purgatoire pour le mesme sujet: mais dès que les ames me virent, elles commencerent à crier, *Libera nos Domine.* Pour le regard du Paradis, ie n'y pretens rien, car n'y trouuant point de matiere pour affliger & tourmenter quelqu'un, en faisant des rapports, semer des debats & des querelles, nous y seichons sur le piéd. Les morts se pleignent aussi de moy, disans, pourquoy ie ne les

laisse pas morts & en repos comme ils doiuent estre, si bien qu'ils m'ont tous laisse la liberte de retourner au monde, si ie veux, & d'y estre Dotieгна *in secula seculorum* : Mais i'ayme mieux demeurer icy oysie, que de m'engager à estre toute ma vie accroupie sur vn tapis de Turquie, à vn coin de ruelle de liect, à garder des coquettes, & les couuer comme les tortuës font leurs petits, & seruir quant & quant d'espouuentail, pour esfaroucher les cochets & les poulets qui voltigent ordinairement autour d'elles. Car s'il arriue qu'il se donne quelque atteinte, on dit aussi tost, que la gouuernante s'est entenduë avec les amants, qu'elle en a fait affaire, qu'elle a pris la piece pour en laisser prendre vne autre. En vn mot, les pauures gouuernantes sont tousiours responsables de tout ce qui se fait de mal dans les maisons; s'il se perd quelque chaufson ou vieux mouchoir, cette repartie ne manque point, qu'on le demande à Madame la gouuernante : s'il faut quelque rongneure ou retaille d'estoffe, vn vieux calson, vne doubleure de masque, la

gouvernante estoit là, dit-on. Enfin on nous prend pour des Cigognes, des Poules, ou des Canes, qui ramassent & profitent des clau-portes, des araignées, & de toute la vermine d'une maison. Les seruiteurs & seruantes disent que nous sommes des flateuses & rapporteuses, que leur tante, leur cousine ne les oseroient venir visiter, que nous leur faisons peur; & ils ont raison: car quand nous nous presentons à eux, ils pensent voir vn tombeau viuant, si bien qu'ils s'enfuyent en faisant des signes de Croix: les maistres disent que nous brouillons toute la maison. De façon que i'ay fait eslection de ce domicile entre les morts & les viuans, plustost que de retourner estre Doüegna. Ce nom-là est plus odieux que le gibet, puis qu'il y eut dernièrement vn homme qui alloit de Madrid à Vailladolid: & s'informant où il iroit au giste cette iournée-là; comme on luy eut dit qu'il y auoit vn village sur le chemin qui s'appelloit Doüegnas: N'y a-t'il point d'autre lieu, dit-il, ou par-delà, où ie puisse aller coucher? Il n'ya qu'une potence, luy dit-on; Bon,

dit-il, voila mon giste, i'aime mille fois mieux m'arrester la, qu'à Doüegnas. Le vous coniuere donc de faire en sorte avec ceux du monde comme vous, que l'on mette à l'aduenir vne autre Doüegna que moy aux Prouerbes, qu'on me laisse en paix, & que le Prouerbe est desormais trop vieux.

Elle eust parlé dauantage, mais ie m'esloignay insensiblement, sans qu'elle s'en apperceust : car elle auoit osté ses lunettes : Et pensant trouuer quelque guide pour me conduire hors de ce triste sejour, ie fus arresté par vn mort d'assez bonne trongne, excepté qu'il auoit vne aigrette de belier sur la teste, ie l'eusse pris pour Aries, l'vn des douze signes du Zodiaque, n'eust esté que se-

Vn cor-
narr.

offensé : Alors voyant qu'il s'alloit jetter sur moy, ie me tins sur mes gardes avec armes égales, excepté de l'habillement de teste : amis, dit le mort, il faut que vous me permettiez de me venger de ce vaillaque, de ce poltron, qui ne fait autre mestier que de diffamer les gents d'honneur. Je iure par la Mort qui regne icy, que ie le feray de vostre confrerie. Approche, luy dis-je vn peu animé de colere de son insolence, peut estre que tu n'es pas encore bien mort, viens, viens, ie te tueray encore vne autre fois; qui m'a amené ce Messer Cornuto. Je n'eus pas plustost proferé ce mot, que nous voila aux prises, joiuant des ongles & des dents, & bien m'en prit que ses cornes estoient rabatuës sur sa teste : Aussi-tost les autres morts accoururent nous separer, qui me firent bien plaisir: car mon aduersaire auoit vne fourche & moy non. Qu'auiez-vous fait, me dirent-ils, en me tançant rudement, à qui pensez-vous parler? Vous avez tort, appeller Cornuto le sieur * Don Diego Moreno. Comment, repartis-je, c'est donc là Diego Moreno? Ha infame!

* C'est vn Satyrique de l'Auteur contre quel-
qu'un qu'il haïssoit.

c'est donc toy qui m'accuse de mesdire des hommes d'honneur ? Certes, Messieurs, dis-je aux spectateurs, la mort n'a point d'honneur que ce vilain soit parmy vous autres, luy qui m'a seruy de suiet & de matiere à faire tant de farces de cocquages. Et c'est dequoy ie me plains, Messieurs, dit Don Diego, & dequoy ie veux tirer raison, si vous me le permettez. Je suis d'accord de la qualité, puis qu'il ya de plus grands personnages, que moy qui la portent; mais aussi pouuoit-il bien parler vn peu d'eux, & non pas si souuent de moy. Qu'ay-ie fait que plusieurs autres n'ayent fait mille fois d'auantage ? La corne a t'elle trouué sa fin en moy ? Me suis-je rebellé contre les plus grands avec ma corne ? Ay-ie fait encherir les lanternes, les cornets d'écritoire, & ceux des postillons ? Ne trouuera t'on plus dequoy emmancher des couteaux, ny dequoy faire des chausse-pieds ? Pourquoi donc me pourmenoit-ils si fort sur le theatre ? Il n'y eut iamais d'animal de ma condition plus paisible que moy ; Je ne fus iamais ialoux ; ie m'allois librement pour-

mener quand ie sentoys l'heure des visites. Tout ce que l'on me peut reprocher, c'est de n'auoir pas esté assez charitable enuers les pauures, car ie ne les aimois point, pour eux i'estois tousiours vne gruë surueillante : mais aussi par compensation, i'estois moy seul tous les sept Dormans ensemble, pour les riches, quand ils auoient quelque paisible negoce à traiter avec ma femme. Nous nous accordions fort bien elle & moy, i'adherois à toutes ses volonteiz : aussi disoit-elle souuent, Dieu donne bonne vie à mon pauure Diego, c'est le meilleur, le plus souple, & le plus complaisant mary qui soit au monde : De tout ce qui se passe chez nous, il ne dit iamais, voila qui va mal, ny voila qui va bien. Mais, la friponne qu'elle est, elle mentoit & semoit vne mauuaise reputation de moy, ie n'estois pas si stupide ny si sot qu'elle me vouloit faire passer : I'ay dit plus de mille fois, voila qui va mal, & voila qui va bien : Car si ie voyois entrer chez moy des Poëtes, des Musiciens, & des Baladins, ie disois incontinent, voila qui va mal ; mais quand

ie voyois des Marchands, ie disois, voila qui va bien: comme aussi si i'y rencontrais de ces Courtisans qui ont la bourse autant pleine de vent, que la teste de vanité, & de ces mangeurs de roües de canon à la vinaigrette, de ces grandes espées, & de ces moustaches, &c. ie disois avec vne mine refrongnée, voila qui va tres-mal: Et aussi si ie trouuois des Tresoriers, ou de leurs Commis, ie disois, voila qui va tres-bien; dautant que comme l'argent ne couste gueres à gagner à ces gens-là, ils le despensent aussi fort prodigement. Que me peut-on donc reprocher? Au reste, i'estois l'arbre qui faisoit ombre à ma femme, qui la garantissoit des atteintes du Soleil de la Iustice, car les Commissaires & autres Officiers de Police (qui content leur ieu dans les fautes d'autrui) n'auoient point de iurisdiction chez moy. Pourquoi donc, ce bouffon de Poëte d'intermedes, de farces, & de maquerelage, me faisoit-il le personnage risible de ses Comedies? Tu n'en es pas encore quitte, luy dis-ie, ie t'apprendray bien à iniurier les Poëtes: si tu estois encore

viuant, ie te ferois mourir de l'infame supplice de Lycambe, qui se pendit de dépit de ce qu'Archiloque écriuit contre luy: Car de ce pas ie m'en retourne au monde tout exprés pour composer iour & nuict des farces Satyriques des actes de tavier, que i'ay apprises depuis ta mort. Ie t'en empescheray bien, dit-il. Là dessus nous nous reprenons de plus belle, & recommençons duel. En cette agitation d'esprit, ie m'esueillay, & me trouuay dans mon liêt avec vn grand battement de cœur, & autant de lassitude, que si le combat eust esté veritable. Ie r'appellay en ma memoire toutes les visions de ce songe, pour en faire mon profit, iugeant qu'il n'y a point de raillerie avec les morts, & que des gens qui sont hors de tous les interests & les abus du monde, sont plus capables de donner des enseignemens, que des diuertissemens friuoles.

Fin de la seconde Vision.

VISION



VISION III.

DV IUGEMENT
DERNIER.

HOMERE dit que les songes viennent de Iupiter; que c'est luy qui nous les enuoye; qu'il le faut croire ainsi quand ils touchent en choses importantes & pieuses, & que les Princes & les Roys les songent, comme l'on peut remarquer du docte & admirable Properce, en ces paroles: *Ne mesprise pas les songes qui viennent d'en haut: Quand il arrive des songes pieux, ils ont du poids, & ne les faut pas reietter: Je suis de son opinion: car ie croy qu'un songe que ie fis ces nuités passées, me fut enuoyé du Ciel, ce fut après m'estre endormy sur le liure du bien-heureux*

Hypolite, qui traite de la fin du monde, & de la seconde venue de Iesus-Christ, lequel me fit songer que ie voyois le Iugement final: Et encore qu'en la maison d'un Poëte ce soit chose fort difficile à croire qu'il y ait un Iugement (mesme en songes) cette fantaisie se mit en mon esprit par la raison que dit Claudius en la Preface du 2. Liure du Rapt, que tous les animaux songent la nuit, & se representent comme des ombres de ce qu'ils ont veu & ouy le iour: *Et le chien en songeant abaye sur les voyes du lièvre.*

Et parlant des Iuges, *Et tout craintif, il semble que i'aye dans le cœur l'objet du Tribunal divin.* Il me sembloit donc que ie voyois un beau ieune adolescent qui voloit par l'air, sonnant d'une trompette, mais en s'efforçant l'haleine, il amoindriffoit beaucoup la douceur des traits de son visage. Le son de cét instrument trouua de l'obeyssance aux matres, & de l'ouïe aux morts, car en mesme temps toute la terre commença à se mouuoir, & à donner permission aux os de se chercher l'un l'autre. Premièrement,

ie vis ceux qui auoient porté les armes, les Generaux d'armées, Capitaines, Lieutenans, Soldats, qui sortoient de leurs sepultures tous réchauffez de courage, croyant que ce fust quelque signal de guerre, d'escarmouche ou de bataille. Les auaricieux sortoient tous espouventez craignant que ce ne fust quelque pillage. Ceux qui auoient esté adonnez à la vanité & à la gloutonnie, creurent que c'estoit quelque course de bague, ou quelque assemblée de chasse. Je cognoissois toutes leurs pensees à leurs gestes, & ie n'en vis pas vn de tous ceux qui entendoient le bruit de la trompette, qui se pust figurer que ce fust le signal du Jugement. Apres cela, i'apperceus quelques ames qui s'approchoient avec horreur & dédain de leurs corps, & d'autres qui n'en pouuoient du tout aborder les voyant si laids & si difformes, les vns manquoient d'un bras, les autres d'un œil, les autres de testes. Je ne me peus tenir de rire voyant tant de diuerses figures: cela me donna suiet d'admirer la grande puissance de dieu, en ce qu'estans meslez

Gens de
guerre.

Auari-
cieux.

Diffor-
mes.

ensemble, aucun ne prenoit les iambes ny les bras de leurs voisins. L'entray à mon aduis dans vn cimetiere, où il me sembla que les ressuscitans changeoient de testes, & que ie voyois vn Greffier qui se plaignoit de ce que l'ame qui entroit dans son corps, ne s'y approprioit pas bien, voulant dire que ce n'estoit pas la sienne, afin de l'escarter.

Vn
Greffier.

Aprés qu'il fut venu à la connoissance de toute l'assemblée, que c'estoit le iour du grand iugement, ce fut vne chose notable à voir, comme les Luxurieux ne vouloient pas que leurs yeux les trouuassent, afin de ne pas porter au Tribunal des tesmoins contre eux-mesmes:

Luxurieux.

Mesdisans.

Larrons.

Auari-
cieux.

Les Mesdisans ne vouloient non plus reconnoistre leurs langues, pour le mesme sujet: Les Larrons vsoient tous leurs pieds à force de courir pour fuir de leurs mains: Et me tournant d'autre costé, ie vis vn Auaricieux qui demandoit à vn autre (lequel pour auoir esté embaumé attendoit ses tripes qui estoient demeurées bien loin) si tous les enterrez deuoient ressusciter ce iour-là, & si les bourses qu'il auoit cachées ressuscite-

roient avec luy: i'eusse ry à sa demande, si en me tournant ie n'eusse veu vne grosse troupe de Coupeurs de bourses qui fuyoient de leurs oreilles (qu'on leur vouloit rendre) de peur d'eür ce qu'ils craignoient: Je voyois tout cela estant monté sur vne butte, & en cet instant i'entendis crier à mes pieds, que ie me retirasse: à peine eus-ie obey, quand plusieurs belles femmes sortirēt leurs testes, & m'appellerent grossier & inciuil, de n'auoir point porté plus de respect aux Dames (car mesme dans l'Enfer elles ont encores cette folie de croire qu'on les doie respecter) elles parurent fort gayeres de se voir bien faites & toutes nuës, tres-aises d'estre veües de tant de monde: mais elles cognerent incontinent que c'estoit le iour de l'ire, & que leur beauté commençoit à les accuser interieurement: & là dessus elles se mirent dans le chemin de la valée, mais avec des pas fort tardifs & fort lents. Plusieurs d'entr'elles des plus delicates & mignonnes, qui n'estoient pas faites à marcher nuds piads, ny toutes seules, appelloient leurs Quinolaz,

Coupeurs
de bourses.

Belles
femmes.

leurs fauconniers qui ont accoustumé de les porter sur le poing, pour leur ayder à marcher : mais ils estoient ailleurs, empeschez à s'excuser enuers leurs Maistres, qui les accusoient d'auoir fauorisé les débauches de leurs femmes, & mené les poulets de leurs amants. Vne qui auoit esté marice sept fois, alloit inuentant des excuses pour tous ses maris, auxquels elle auoit promis de ne se remariet iamais, estant hors de son pouuoir d'en aimer d'autre. Vne autre qui auoit esté garce publique, essayant de ne pas aller deuant le Souuerain Iuge, ne faisoit que dire qu'elle auoit oublié ses besongnes de nuit, pensant qu'on l'attendist en quelque rendu vous, ce qui la faisoit arrester & retourner à chaque pas, mais en fin elle arriua à la veüe du theatre. Il se trouua là tant de gens qu'elle auoit aydé à perdre, qui l'ayant apperceuë commencerent à se la monstrier au doigt l'un à l'autre, & a faire vne si grande huée apres elle, qu'elle s'alla cacher de honte dans vne tourbe de Sergens, estimant qu'on ne prendroit pas garde à telles personnes parmy tant

Femme
ayt eu
plu-
sieurs
maris.

Vne
garce.

de grandes affaires. Je fus diuertý de
cét object par vn grand bruit d'autres
gens qui venoient du bord d'vn fleue
apresvn Medecin : c'estoit des hommes
qu'il auoit depeschez sans besoin , & par
anticipation de temps : ils crioient apres
luy , & le pouffoient deuers le Thrône,
d'où ils l'approcherent avec beaucoup
de peine. A mon costé gauche i'enten-
dis vn bruit dedans l'eau comme de quel-
qu'vn qui nageoit : Je vis vn homme
qui auoit esté luge, qui estoit au milieu
de la riuere, lauuant & relauant ses mains :
Je m'approchay & luy demanday pour-
quoy il se lauoit tant, c'est dit-il, que du-
rant ma vie on me les a souuent graissées
pour adoucir certaines affaires, & i'es-
saye à faire qu'il n'y paroisse plus rien
pour aller deuant l'Auditoire general.
C'estoit vne chose fort affreuse de voir
vne legion de Demons armez de fouets,
de baltons & d'autres sortes de chastim-
ens qui menoiert à l'Audience vne
multitude de Tauerniers & de Tail-
leurs, qui de crainte faisoient semblant
d'estre sourds, car encore qu'ils fussent
ressuscitez, ils ne vouloient pas sortir de

Morts
par vn
Mede-
cin.

Vn Iu-
ge.

Tauer-
niers &
Tail-
leurs.

leurs sepultures, de peur d'auoir de plus mauuais liëts. Au chemin par eù ce bruit là passoit, vn Aduocat sortit la teste, & leur demanda où ils alloient, ils respondirēt: au iuste Iugement de Dieu, où ils estoient appellez, alors l'Aduocat se renfonçant plus profondément dans la fosse: ce sera tousiours autant de chemin fait, dit-il, si d'auanture il me faut descendre plus bas. Vn Tauernier suoit si fort en allant, qu'il se laissoit tomber à chaque pas, surquoy il me semble qu'vn Demon luy dit, Bon, bon, tu fais bien, suë toute ton eau, de peur que tu ne nous la vende pour du vin, comme tu as fait aux hommes. Vn des Tailleurs, tout cōuert de bannieres, les mains crochuës, les iambes tortuës, & encore plus ses œuures, ne disoit autre chose en allant, sinon, quel larcin puis-ie auoir fait, puisque ie mourois presque tousiours de faim? & les autres voyant qu'il nioit tousiours d'estre larron, luy dirent qu'il auoit tort de mespriser ainsi le mestier. Ils rencontrerent des Brigands de grands chemins qui se desfioient & suyoiēt les vns des autres, & incon-

Vn Aduocat.

Vn Tauernier.

Vn Tailleur.

Brigands

tinent les diables les attraperent tous, & les mirent avec les Tailleurs, leur disant que les brigands pouuoient bien aller de compagnie avec eux, parce qu'ils estoient (à leur mode) Tailleurs sauua- ges. Il y eut vn grand debat entr'eux, sur l'affront que les vns receuoient des autres, d'aller ensemblément, mais enfin ils arriuent à la vallée. Apres eux venoit la Folie, enuironnée de tous costez, de Poëtes, de Musiciens, d'Amoureux & d'Espadassiers, gens qui sont du tout mesconnoissans de ce iour là : on les mit à vn costé où estoient les Bourreaux, les Iuifs, les Scribes & les Philosophes. Il y auoit encore là plusieurs Procureurs, qui contoient leurs fronts l'vn à l'autre, s'estonnans d'en auoir tant de reste, veu qu'ils en auoient eu si peu durant leur vie. A la fin ie vis imposer silence à tous.

La Folie, & sa compagnie.

Procureurs.

Le Trosne auoit esté fait & dressé par la main Toute-puissante, & par le mesme Miracle. Dieu estoit reuestu de foy-mesme, affable pour les Eleuz, & courroucé pour les reprouuez. Le Soleil & les Estoilles estoient à ses pieds

prests d'obeyr à ses commandemens, le vent estoit muet, l'eau retenuë dedans ses bords, la terre en suspens, & tranfie de frayeur pour l'amour de ses enfans; bref tout en general estoient fort pensifs: Les iustes occupez à rendre graces à Dieu, & à prier pour les pecheurs, & les meschans, à inuenter des excuses pour moderer leurs chastiments: Les Anges gardiens tesmoignoient en leurs pas, & en leurs couleurs, le soin qu'ils auoient à rendre compte de ceux dont ils estoient chargez: Et les Démons estoient apres à rechercher & früilletter leurs procez. Les dix Commandemens estoient en garde à vne porte qui estoit si étroite, que les plus maigres du ieufne, auoient encore quelque chose à laisser de leur peau à l'entrée, tant elle estoit petite.

Accu-
sateurs
des
Mede-
cins.

A vn costé esto'ent amassées les disgraces, les infortunes, les pestes, les ennuys qui crioient contre les Medecins: La peste aduoüoit bien d'en auoir frappé plusieurs, mais que les Medecins les auoient depeschez: La Melancholie, & les Disgraces disoient de leur part qu'el-

les n'auoient tué personne sans l'ayde des Medecins ; & les infortunes, qu'elles n'en auoient point mis en terre qu'avec les consultations & les mains des Medecins : Par ainsi Messieurs de la Faculte demeurent chargez de rendre compte des morts. Ils se logerent donc sur vn lieu assez haut avec du papier & de l'encre, & en nommant les gens incontinent vn des Docteurs sortoit, & disoit à haute voix : il passa pardeuant moy le tel iour d'vn tel mois, &c.

On commença l'examen par Adam, auquel il fut seuerement traité, puis qu'on luy demanda compte d'vne pomme: Et Iudas qui estoit là voyant l'estonnement de ce bon-homme, se prit à crier tout haut; hélas comment le rendray-je, moy qui vendis le Seigneur & l'Agneau? Les premiers Peres passerent: puis le Nouveau Testament vint, & les Apostres se mirent en leurs chaires à costé de Dieu, avec le S. Pescheur. En mesme temps vint vn diable, qui dit, voicy celuy qui frappa de la main celuy que sainct Iean monstra avec le doigt, & estoit ce Iuif qui donna vn soufflet à

Rois &
pauures
mellez
ensem-
ble en
la Re-
surre-
ction.

Pilate.
Hero-
de.

Iesus-Christ, qui fut luy-mesme Iuge de sa propre cause, car il se laissa abymer au centre de la terre. C'estoit vne chose digne de remarque à voir, que les pauures & les Roys estoient meslez ensemble en approchant du Siege Diuin. Herodes & Pilate mirent la teste dehors, & recognoissant l'ire du Iuge, (quoy qu'environne de gloire) Pilate dit, celuy qui voulut estre Gouverneur des Iuifs, en metite bien les effets: Herode prenant la parole, ie ne puis, dit-il, aller en Paradis: de penser aussi prendre le chemin des Lymbes, les Innocents se pourroient bien venger de moy, se ressouenant du temps passé: mais il ne faut point tant marchander, il faut aller loger en Enfer, aussi bien est-ce vne hostellerie assez commune. Là dessus il arriua vn homme de regard assez fier, lequel estendant les bras: Voila, dit-il, mes lettres de maistrise: Chacun s'estonna de cette action, & lors on demanda au portier qui il estoit: Luy qui l'ouit, respondit; Je suis Maistre d'escrime examiné, & de ceux qui ne sont pas des moins experts, & en montrant

Maistre
d'escrime.

plusieurs parchemins seelles, dit que c'estoient les attestations de ses exploits: & en disant cela, toutes ses pieces tomberent par terre, & en mesme temps deux diables se baissèrent pour les amasser, afin de les produire au procez qu'ils auoient contre luy, mais l'Escrimeur fut plus habile qu'eux pour les releuer: & voicy vn Ange qui estendit le bras pour le faire entrer, & luy sautant agilement en arriere, & alongeant aussi le bras, cette botte sous le poignard, dit-il, ne se peut parer, & si vous en voulez dire deux mots, ie vous monstreray si ie sçay mon mestier: & quiconque a esté mon escolier, ne manque iamais de tuer son homme: De façon que l'on me pouuoit fort proprement appeller Galien, puisque i'enseigne l'art de donner la mort: Et en effect, si ceux de nostre profession auoient l'vsage d'aller sur des mules, nous passerions pour vrais Medecins.

Plusieurs des assistans iugerent qu'il auoit raison: mais attendu qu'il monstrois vne industrie, qui estoit vne des principales causes de tant de duels &

Tresoriers.

d'homicides, on luy commanda d'aller aux enfers par vne ligne perpendiculaire: à quoy il respōdit qu'il n'estoit point Mathematicien, qu'il ne sçauoit où estoit cette ligne: mais disant cela, vn diable luy donna vn tour de Breton, & le jetta dedans l'abyssine. Apres luy vindrent des Tresoriers, & selon le grand bruit des gens qui crioient apres eux, & leur demandoient ce qu'ils leur auoient dérobé, plusieurs des spectateurs creurent & dirent que c'estoient des larrons qui venoient, autres qui disoient que non: mais à ce mot de larrons, ils furent grandement troublez, neantmoins ils demanderent vn Aduocat pour defendre leur cause: & lors vn diable dit, voicy Iudas, qui est vn Apostre d'escart & de rebut, qui parlera bien pour eux, car il a exercé les deux offices. Quand ces Tresoriers oüyrent cela, ils se retournerent d'autre costé, & ils veirent vn autre diable qui n'auoit pas assez de mains pour tourner les feuillets d'un gros procez criminel qu'il auoit formé contr'eux. Laissez, laissez-la toutes ces informations, dit le plus

hardy de leur troupe, composons, & que l'on nous condamne plustost à des siècles infinis de Purgatoire. : Ha, ha, dit le diable, qui lisoit ce procez, (& qui estoit vn fin ioieur) vous demandez composition, c'est signe que vostre ieu ne vaut rien. Et les Tresoriers voyant qu'on ne les vouloit pas quitter à si bon marché, pritent le chemin de l'Escrimeur, parce qu'ils auoient ioüé des mains aussi bien que luy, & encore mieux. Cela fait, voicy arriuer vn pauvre mal-heureux Patissier: on luy demanda s'il vouloit estre iugé: comme il ^{Patissier.} plaira à Dieu, respond-il: à ce mot le diable sa partie aduerse commença à l'accuser d'auoir vendu des chats pour des lièvres, d'auoir mis plus d'os que de chair dans ses patez, & encore des os d'autres chairs, & plusieurs autres carnages, de chiens, de renards & de cheuaux. Et quand il veid qu'on luy prouuoit d'auoir trouué dans ses patez plus de sortes d'animaux, qu'il n'y en eut iamais dans l'Arche de Noé (d'autant qu'on n'y veid point de rats ny de mouches) il tourna le dos, & laissant la pa-

Philo-
sophes.

role en la bouche de sa partie, il alla voir si sa place estoit chaude. En suite il vint des Philosophes, & c'estoit vn plaisir rauissant de voir comme ils occupoient leurs entendemens à faire des Syllogismes contre leur saluation. Mais ceux des Poëtes donnoient encore plus de recreation aux esprits, parce qu'ils vouloient faire accroire à Dieu qu'il estoit Iupiter, & que c'estoit de luy qu'ils entendoient parler quand ils

Virgile.

le nommoient. Virgile entre autres alleguoit son *Scicilides Muse*, disant que c'estoit la figure de la naissance de Iesus-

Orphée

Christ. Là dessus Orphée se monstra, & comme le plus ancien Poëte, voulut parler pour tous, mais vn diable apparut soudain, qui le vint accuser d'auoir enseigné à faire l'amour au genre masculin, ce qui auoit tellement depité les Dames de Thrace, qu'elles se déguisèrent pour le massacrer: De sorte que sans le vouloir entendre, on luy commanda d'entrer vne autre fois en Enfer, & d'experimenter s'il en pourroit ressortir, & obeissant à cette parole, il seruit de guide à ses compagnons,
parce

Riche
auari-
cieux.

parce qu'il en auoit autresfois fait le voyage. Vn riche auaricieux vint heurter à la porte, & luy ayant demandé ce qu'il vouloit, on luy dit que les dix Commandemens la gardoient, & qu'il ne les auoit pas gardez. Quant à ce qui est de garder, repart, il est impossible que i'aye peché: le premier Commandement commença à parler. *Aimer Dieu par dessus toutes choses*: le pense l'auoir bien obserué, dit-il, car i'ay soigneusement gardé toutes choses, afin d'aimer Dieu par dessus toutes: Le second, *Ne iurer son nom en vain*; ie n'ay iamais iuré en vain, mais tousiours pour quelque grand interest. Le troisieme, *Garder les Festes*: le n'ay pas seulement gardé les Festes, mais aussi les iours de Ferie, car ie gardois & cachois tout ce que ie pouuois attraper. *Honorer pere & mere*: ie les ay tousiours fort honorez, en ce que ie n'ay iamais manqué de les faire passer deuant moy, principalement en tous les mauuais passages. *Ne point tuer*: Pour satisfaire à ce Commandement, ie ne mangeois presque point, parce que manger est tuer la faim. *Ne commettre forni-*

Larrons
sauuez.

gref-
fiers &
Procu-
reurs.

cation : Je n'en ay point fait, parce que cela ne se fait point pour neant, il en couste tousiours de l'argent, mais si vous me voulez laisser entrer (poursuiuit l'Auaricieux, qui commençoit fort à se lasser de tant d'interrogations) ne perdons point le temps: car il estoit si ennemy de la perte, qu'il vouloit mesme menager le temps: disant cela, il fut mené où il meritoit. Plusieurs Larrons entrèrent, & quelques-vns d'eux furent si adroits, qu'ils se sauuerent en sautant de l'eschelle. De sorte que les Greffiers & Procureurs voyans qu'il se sauoit des larrons, souhaitoient vn mesme sort quoy que neantmoins ils ne perdissent pas l'esperance de leur salut. Ce qui donna occasion à Iudas, Mahomet & Luther qui estoient là, d'esperer grace aussibien que les Procureurs, & en cette attente ils entrèrent hardiment quant & eux pour receuoir iugement dequoy les diables se prirent fort à rire. Les Anges Gardiens de ces Procureurs & Greffiers commencerent à demander pour Aduocats les Euangelistes: sur quoy les Diabes interuinrent, disant que pour

premier chef de leurs accusations, & auquel il n'y auoit point de replique ny d'excuse, ils ne se vouloient pas seruir du procès de leurs pechez qu'ils tenoient en mains, mais qu'ils ne vouloient produire que ceux mesmes qu'ils auoient faits durant leur vie. Et pour premier article de leurs œuures; C'est assez, Seigneur, dirent-ils, de vous remonstrer que ce sont Procureurs & Greffiers. Les Greffiers pensant profiter quelque chose, desaduouèrent le nom de Greffier, & respondirent qu'ils estoient Secretaires: Et les Procureurs demeurèrent d'accord de la qualité, mais ils dirent que veritablement ils estoient Procureurs du bien de leurs parties. Les Anges de leur garde essaierent à les deffendre du mieux qu'ils peurent; mais ils n'auoient point de meilleure raison, que de dire qu'ils estoient baptizez, & que par consequent ils estoient membres de l'Eglise. En fin apres plusieurs dupliques & repliques, ils furent tous enuoyez là bas, excepté deux ou trois à qui misericorde fut faite: Voila que c'est de hanter mauuaise compagnie, dit le

Greffier, parlant des Procureurs. Les diables alors firent signe aux condamnés de tirer pais: leur disât qu'ils auoient affaire de Greffiers pour faire des protestations contre certaines gens, qui uiuoient sans ordre & sans Loy: mais les pauvres gens faisoient les sourds & les auengles. Les diables se faschoient fort, de ce que pour estre Chrestiens, ils leur donnoient plus de peine que les Gentils, mais ils s'en excusoient, disans que ce n'estoit pas leur faute, qu'ils auoient esté baptizez en naissant, & qu'il s'en falloit prendre à leurs parrains, qui les deuoient acquitter, puis qu'ils auoient répondu pour eux, sauf leur recours. Il est vray, comme j'ay dit, que ie veis Iudas, Mahomet & Luther, si prests de prendre la hardiesse d'entrer au Iugement, à cause qu'ils auoient veu sauuer quelque Procureur & quelque Greffier qu'il ne s'ẽsalut presque rien qu'ils ne se presentassent, croyant obtenir vne pareille faueur; mais ils en furent empeschez par ce Medecin, que i'ay dit au commencement de ce recit, qui fut mené par force deuant le Tribunal, où il se

Iudas,
 Mahomet &
 Luther
 Medecin
 accompagnẽ
 d'un A-
 poticaire &
 d'un
 Barbier

presenta accompagné d'un Apotiquaire, & d'un Barbier : Et lors vn Diable qui tenoit les Ordonnances de l'un, & les parties de l'autre commença à dire; La pluspart des Trespassez qui paroissent icy, y sont venus par la conduite de Monsieur le Docteur que voilà & par l'ayde de ce pipeur d'Apotiquaire, & de ce glorieux Barbier associez pour cét effect, si bien qu'on leur est redeuable de la bonne assemblée qui se void icy: A l'instant vn Ange parut pour l'Apotiquaire, disant qu'il donnoit ses drogues aux pauures, & qu'il n'en prenoit rien. Quoy qu'il en soit, dit vndiable, ie trouue par mon arithmetique, que deux petites boëttes de sa boutique ont plus tué de monde, que deux mille caques de poudre n'ont pû faire en toutes ces dernieres guerres; que toutes ses medecines sont corrompuës, & que par le moyen de telles compositions, ayant fait societé avec la peste, il auoit depuëplé deux bourgades depuis peu de temps. Le Medecin se déchargeoit fort sur l'Apotiquaire, disant que ses ordonnances estoient bonnes, & qu'il les soustien-

droit telles deuant toute la Faculté, & que si l'Apotiquaire auoit fait des *qui pro quo* par malice ou par ignorance, que il n'en pouuoit mais, de façon que l'Apotiquaire fit le saut perilleux en culbutant les pieds contremont, & le Medecin & le Barbier furent sauuez par l'intercession de saint Cosme & saint Damian.

Aduo-
car.

Après cela vint vn Aduocat qui commença à déplier toutes ses persuasions pour flatter le Iuge, & ses subtilitez & finesesses pour peruertir les Loix, afin de trouuer des échappatoires pour fuyr, ou appuier sa mauuaise cause, & la rendre bonne: Mais rien ne luy seruit de s'efforcer à crier comme il faisoit, pour faire taire sa partie, car il fut condamné nonobstant oppositions & appellations quelconques. & aux despens. En cét instant on découurit vn homme qui se cachoit derriere les autres de peur d'estre apperceu. On luy demanda qui il estoit? Empirique, respondit-il. Helas! Saltinbanque, charlatan mon amy, luy dit vn diable, il te vaudroit bien mieux estre à cette heure dans vne place de Ville à faire passer le temps aux

Empi-
que.

faineants : mais sur ma parole , tire pays ,
il n'y a rien icy à gagner pour toy ; va
t'en éprouuer si tu as de bon vnguent
contre la brusleure : & il repartit aussitost
sur la parole de son amy. Là dessus
voicy entrer plusieurs ^{Tauerniers.} Tauerniers , qui
furent accusez d'auoir tué la soif d'une
infinité d'alterez , mais en trahison , c'est
à dire vendant l'eau pour du vin : A quoy
ils respondirent que pour compensation,
ils auoient tousiours fourny du vin pur
aux Hospitaux pour dire des Messes sans
en rien prendre : mais cette excuse ne
fut pas valable , non plus que celle de
certains ^{Tailleurs.} Tailleurs qui disoient auoir ha-
billé force Religieux , car ils furent dé-
peschez ensemble. Apres eux arriue-
rent beaucoup de ^{Ban-} Bâquiers qui auoient
quitté le Contoir pour changer de ne-
goce & aller au safran : Et voyant de-
uant eux vn grand nombre de person-
nes qu'ils auoient reduits à la besace , ils
demanderent à traiter ; Et lors vn dia-
ble se tournant deuers Dieu : Seigneur,
dit-il, tous les autres hommes rendent
compte seulement de leur , & ceux-cy
le doiuent rendre du leur , & de celuy

d'autruy : Leur sentence fut prononcée,
& leur deliura-t'on force lettres de chan-
ge, a prendre dans le thresor de Pluton:
mais ils n'y trouverent point de fons.

Cava-
lier Es-
pagnol.

Cela fait, vn Cavalier Espagnol se pre-
sente si droit, qu'il sembloit se vouloir
comparer à la iustice qui l'attendoit. Il
fut prés d'vn quart d'heure à faire ses
reuerences a l'assemblée. Il portoit vn
si grand colet de passément empele, si
haut & si releué, qu'on ne luy voyoit
point de teste ; Le portier estonne de
voir vne si estrange figure, luy vint de-
mander s'il estoit homme, il respondit,
Si a fe de cauallero, yo me llamo Don, &c.
Il fut long temps à dire son nom & ses
qualitez, d' quoy vn diable se prit à ri-
re: on luy demanda ce qu'il vouloit; la
Gloire, dit-il: on fit allusion sur ce mot,
que l'on prit pour orgueil, & pour ce su-
jet il fut renuoyé à Lucifer: mais il fit
vne rodomontade à ses guides, pource
qu'ils gastoient sa rotonde; & pour le
consoler, ils luy donnerent des fers &
du feu pour la redresser, aussi bien que
samouffache. Après luy, entra vn hom-
me qui crioit, & disoit, Encore que ie

crie, ie ne pense pas pour cela auoir mauuaise cause, car i'ay secoué au vent la poussiere de tous les Saints qui sont au Ciel, & ailleurs: A cette parole on pensoit que ce fust vn Diocletian ou vn Neron, qui se voulust vanter d'auoir ietté au vent les cendres des Saints qu'ils auoient fait deuorer aux flammes, mais on reconnut que c'estoit seulement vn Officier d'Eglise, qui seruoit à se-
couier la poussiere des Tableaux & des <sup>Sacri-
stain.</sup> Images, & qui pensoit pour cela auoir merité sa grace: mais son mauuais Ange l'accusa de dérober l'huyle des lampes, & d'accuser les choüettes & les hiboux de la boire la nuit, ce qui estoit cause que l'Eglise demeueroit souuent sans feu: qu'il s'accommodoit aussi de quelques ornemens pour se vestir, lesquels il déguisoit en les faisant retaindre, & qu'il ne faisoit sa soupe que de pain beny, qu'il déroboit les Dimanches: Ie ne scay quelles excuses il donna, mais on luy enseigna son departement à main gauche. On fit place à quelques Dames, <sup>Dames
d'a-
mour.</sup> qui entrèrent en faisant les agréables, avec des visages rians, mais dés qu'elles

Vne a.
dultere.

Judas,
Mahomet, Lu
ther.

apperceurent les grimaces des Diabls, elles s'écrierent toutes, & portans leurs mains sur leurs yeux, témoignerent d'auoir grand peur: Vn Ange parlant pour elles, representa a la Vierge qu'elles auoient esté fort deuotes à son nom: Et dequoy sert cela. dit vn Diable qui estoit tout contre, si elles ont esté si ennemies de la chasteté? Il a raison, repart vne qui auoit esté adulterissime; & lors le Demon l'accusa d'auoir eu vn mary en sept corps, & de s'estre mariée à vn pour auoir la joiÿssance de mille autres: Cette-là seule fut condamnée, & en allant elle detestoit, disant que si elle eust peu deuiner sa condamnation, qu'elle n'auroit pas par dépit oÿy la Messe toutes les Festes. A cette heure la, on aperceut Judas, Mahomet, & Martin Luther, qui auoient grande enuie d'auoir audience: & vn des Ministres approchant d'eux, leur demanda lequel des trois estoit Judas, Luther respondit que c'estoit luy, Mahomet en dit autant de foy: dequoy le vray Judas se mit fort en colere, & cria tout haut: Seigneur, ie suis Judas, vous me connoissez fort bien,

& sçavez aussi que ie suis plus homme de bien que ces maraux-là : car si ie vous ay vendu vne fois, ie suis en partie cause du rachapt du monde : mais eux en se vendant eux-mesmes, & vous quant & quant, ils ont perdu tout le monde : on leur commanda d'aller trouver leurs Disciples, & ceux de leur secte. Vn Ange qui tenoit le registre, trouua qu'il y auoit encore des Sergens & des records à iuger, ils furent appellez, & comparurent à l'instant fort desesperez ; nous passons librement condamnation, dirent-ils, sans faire dauantage de dépens ny de formalitez. A peine acheuoient-ils ce dernier mot, quand il entra vn Astrologue chargé d'Almanachs, de Globes & d'Astrolabes, qui crioit à haute voix qu'on se trompoit au calcul & supputation des années ; que ce ne deuoit pas estre encore le iour du Jugement dernier, parce que le Ciel de Saturne & celuy de Trepidation n'auoient pas encore acheué leur tour & leur mouuement : Et vn Diable s'approchant, comme estant de sa proye & le

Serges
& records.

Fai-
seurs
d'Al-
manacs

voyant chargé de tant de bois sec, de cartons & de papiers. Voila vn homme de preuoyance, dit-il, si nostre feu estoit esteint, il porte dequoy le rallumer: Et s'adressant à l'Astrologue, ie m'estonne bien, dit-il, de ce que parmy tant de Cieux dont vous auez fait demonstration durant vostre vie, vous ne vous en soyez enseigné vn pour vostre mort: A faute de cela, ie croy que vous irez en Enfer: ie n'en feray rien, repart-il, on m'y pourra bien porter: & en mesme temps on luy épargna la fatigue du chemin, à la charge d'en payer la peine.

Là-dessus, le Iugement finit, le Tribunal se leua, les ombres s'ensuyrent en leurs lieux, l'air se réplit de gracieux Zephirs, la terre se couurit de fleurs, & le Ciel parut fort clair & serain: & moy ie me trouuay dans mon liect, l'esprit plus gay que melancholique, de ce que ie n'estois pas encore mort: Alors pour faire profit de mon songe, ie pris vne ferme resolution de changer de vie à l'aduenir, & de mettre mes affaires en si bon estat, que mon bon Ange ayt de-

du Jugement final. 125

quoy se defendre contre mes accusateurs , quand il n'y aura plus de delais à esperer , & qu'il plaira au Souuerain Iuge de m'appeller deuant soy.

Fin de la troisieme Vision.





VISION IV.

DE LA MAISON
DES FOVS
AMOVREUX.



NB des matinées de Janvier environ sur les quatre heures, que le froid & la paresse me retenoient enseuely dans mon liēt, vn peu plus à mon aise que dans vne biere: consultant mes oreilles & mon cheuet, sur vne fantasie amoureuse qui m'entretenoit l'esprit, ie me trouuay fort escarté de mes premiers discours, aperceus deuant moy le Genie de la Detromperie, qui representoit à mon imagination la folie d'Amour: Et en mesme temps, il me sembla d'oïyr ce vers que Virgile prit de Theocrite, comme s'adaptant à mon suiet.

Helas! Coridon, quelle folie te saisit

maintenant ?

Puis sans sçauoir par quels chemins ie fus conduit, ie me vis dans vne prairie plus plaisante & plus delectable mille fois, que celles qui sont si ordinairement décrites dans les menteries de ces Poëtes de simple tonsure; lesquels faisant leurs cours de jardins en jardins, tirent pays le plus viste qu'ils peuuent, & passent iusques aux Indes, où ils prennent tant de tresors qu'il leur plaist, dont, à leurs aduis, ils enrichissent leurs pauures œuures: Et regardant autour de moy, ie vis deux ruisseaux qui arrousoient cette campagne fleurie; les eaux de l'vn estoient ameres, & les autres douces; neantmoins ils se mesloient ensemble avec vn murmure si doux & si agreable, qu'il charmoit les oreilles de ceux qui se pourmenotent sur les riuaiges! Et comme ie contemplois les diuerses beautez du lieu, ie vis que ces eaux-là seruoient à détremper les traits d'Amour, & que plusieurs de ses Ministres, & de ses sujets, faisoient cét exercice pour soulager vne partie de la peine. Cela me fit imaginer que i'estois

Maison
des fous
amou-
reux.

dans ces rauiffans iardins de Cypre: Et lors ie voulus chercher où estoit cette memorable ruche, d'ou sortit cette Abeille, qui fut si hardie de picquer le Seigneur Cupidon, & qui donna fujet à Anacreon de composer cette Ode excellente qui en traite, mais ie fus deftourné de ce deffein par l'obiet d'un admirable Palais qui estoit au milieu de cette prairie; les portiques estoient faits d'ouillage Dorien, & taillez avec vn rare artifice. Sus les pié-d'estal, les bazes, les colonnes, corniches, chapiteaux, architraues, frizes, & sur toutes les autres parties qui formoient la face de cette maison, on ne voyoit que trophées & triumphes imaginaires d'amour, & demy relief, lesquels entre-meslez de plusieurs folastres grotesques, representoient vne infinité d'agréables histoires, avec beaucoup d'embellissement. Au deffous du chapiteau, il y auoit cette inscription de lettres d'or taillées sur du marbre noir, avec ces vers:

*Voicy le fejour heureux,
Où les fous amoureux resident,*

Et

Et où les plus amoureux

Sur tous les autres president.

La diuersité des pierres & des couleurs, delectoit admirablement la veuë. Le portail estoit spacieux, & les huis estoient perpetuellement ouuerts pour y laisser entrer librement tous ceux qui en auoient la curiosité, lesquels estoient en fort grand nombre. La charge de portier estoit exercée par vne femme; qui sembloit estre quelque Nymphe: son visage estoit celeste, sa taille des plus auantageuses qu'on scauroit desirer, son corps parfaitement bien proportionné, habillée de toille d'or & d'argent, & toute brillante de pierres; bref c'estoit vn enchantement pour tous ceux qui l'enuisageoient, & vn apas d'amour pour les Ames: Je m'enquis de son nom: on me dit qu'elle s'appelloit *Beauté*. Elle ne refusoit à personne l'entrée de cette maison; & pour accorder à chacun cette faueur, elle ne demandoit point d'autre permission que d'estre seulement regardée. Moy qui n'estois pas au eugle, curieux de voir vn si admirable Palais, ie me seruis incont-

Beauté.

nent de cette agreable licence, & entray dans la premiere court. Là ie trouuay force gens de deux sexes, mais si changez de ce qu'ils estoient auparauant, qu'à grand' peine se pouuoient-ils reconnoistre l'vn l'autre : les habits mesme estoient de tout autre façon que leur vsage & leur couleur ordinaire ; les visages estoient mornes, pleins de soucis, pensifs, & de iaune passe, qui est la liurée dont Amour habille ses suiuaunts ! Ainsi le dit Ouide en son art d'aymer.

Il ne se parloit point là de garder la foy aux amis, la loyauté aux Maistres, ny le respect aux parentes ; les cousines se faisoient mediatrices, & les mediatrices cousines ; les seruantes deuenoient maistresses, & les maistresses seruantes. Là ie veis des femmes amies de ceux qui estoient amis de leurs maris, comme aussi des maris grands amis des amis de leurs femmes.

Le contemplois ces rencontres d'affections, quand i'aperceus comme vne creature humaine, d'vne forme fort extrauagante : elle n'estoit pas parfaitement horame, ny parfaitement femme,

mais son aspect tenoit de l'un & de l'autre sexe : Elle alloit & venoit à trauers de cette multitude : elle estoit toute pleine d'yeux & d'oreilles : elle auoit vne physionomie d'une personne fine & délicate : & voyant qu'elle auoit là tant d'autorité , ie luy demanday qui elle estoit , & ce qu'elle faisoit : A ces deux questions , elle me respondit ainsi : le m'appelle *Iabouſſe* , & vous me deuriiez bien cognoistre , car autrement vous ne seriez pas icy : toutesfois , pour vostre grande satisfaction , sçachez qu'encore que ie sois la principale cause de l'augmentation du nombre de ces malades & de ces furieux que vous voyez , c'est moy pourtant , qui suis gagée pour les chastier , & non pas pour les guerir ; car ie ne sers qu'à rengreger leur mal : Mais si vous desirez sçauoir d'autres particularitez de cette maison ; ne m'interrogez plus , c'est vn grand miracle quand ie dis la verité , parce que ie diminue de ce que ie suis en la disant : Je ne suis qu'inuentions & qu'artifices , ie vous conteroie mille mengeries : Allez-vous en trouuer ce venerable vieil-

lard que voilà qui fe promene, c'eft l'Administrateur de cette maifon, il vous inftruira (tardiuement toutesfois) de tout ce que vous voudrez fçauoir.

Là deffus ie me fepare, & m'en vais à ce vieillard, que ie reconnus eſtre le
 Le Temps; D'abord ie le prie de me faire voir les chambres & les ſales de ce Palais, parce que comme eſtranger ie deſirois viſiter quelques fous de mes compagnons que ie ſçauois y eſtre. Il me reſpondit qu'il eſtoit empesché à la guerifon des malades; & neantmoins ſans bouger de-là, il me monſtra tous ceux que ie demandois, & me donna libre licence de me pourmener tout ſeul par tout. A peine fus-je ſorty de cette premiere court, que i'entray dans l'apartement où eſtoient les filles, dautant que les femmes en eſtoient ſeparées, on leſtenoit au quartier le plus fort & dans les plus gros murs de cette maifon comme eſtant agitées de folie plus paſſionnée & plus furieufe, Je pris garde que l'vne de ces filles pleuroit ſans ceſſe de jalouſie qu'elle auoit d'vne femme non mariée. Vne autre eſtoit inquietée d'v-

Diuers
 entre-
 tiés des
 filles a-
 mou-
 reuſes.

ne vehemente affection pour vn galand, sans l'oser declarer. Vne autre ne faisoit qu'écrire des lettres pleines de mille ambiguites, & où il y auoit plus de lignes effacées que de bons mots. Vne autre estudioit deuant son miroüer à sourire de bonne grace, & apprenoit à gouverner ses yeux selon les humeurs qu'elle voudroit feindre à son Amant. Vne autre mangeoit du plastre, du iayet pilé, du charbon, de la cire d'Espagne, & quelque autre vilenie qu'on n'oseroit nommer, pour auoir les pales-couleurs. Vne autre prioit son seruiteur de luy donner vne serenade de musique, demande qui valoit autant que de l'obliger à publier à tout le voisinage qu'il l'aymoit. Vne autre protestoit au sien qu'elle estoit sienne, mais qu'il ne pretendist rien dauantage d'elle, qu'il n'en aymast iamais d'autre: & le galant respondoit qu'il luy obeïroit, & la sole le croyoit. Les vnes se vouloient marier pour aymer avec plus de liberté; les autres souhaitoient de l'estre avec des hommes desia mariez: celles-cy estoient rangées au nombre des incurables. Au-

tres tenoient des poulets qu'elles laiffoient voler par les fenestres, & sortir par deffous les portes, & celles-cy n'eftoient pas feulement foles, mais encore beftes.

Tout cela confideré, ie n'ofay pas m'arrefter dauantage, dautant que par experience, ie fçay qu'vn homme court grand rifque parmy telles gens, & que celuy qui en fort le plus libre, eft encore bien fouuent condamné à demeurer efclaue dans les liens de mariage, qui eft s'engager à vne repentance qui dure toute la vie, fans efpoir d'aucune redemption, que par la mort de l'vn ou de l'autre: car il n'y a point d'ordre pour rachepster ceux qui font captifs dans les chaines du mariage, comme il y en a pour ceux qui font entre les mains des Turcs. Je n'ofay non plus m'aprocher pour parler à quelqu'vne, de peur qu'elle ne prefumast que ie ne fuffe amoureux d'elle. Je passay donc au quartier où estoient les femmes mariées: En mefme instant, i'apperceus plusieurs d'elles que leurs maris tenoient enfermées & attachées pour les empescher

Exerci-
ces des
femmes
amou-
reufes.

d'exécuter leurs folies, mais il y en auoit qui brisoient leurs prisons & leurs chaînes, & lors elles deuenoient plus furieuses qu' auparauant. Les vnes carrefesoient leurs maris, lors qu'elles auoient plus d'intention de les trahir. Autres qui déroboient a leurs maris pour payer ceux qui traualloient pour eux & pour elles, & celles-là ne prenoient point garde au compte que quand la cheuance s'acheuoit. Autres qui faisoient des pelerinages & des vœux de deuotion, mais c'estoit pour acquerir la grace & la misericorde de leurs Amants par les sacrifices de Venus. Autres alloient aux bains, mais pour se lauer. Autres alloient au Confesseur, mais c'estoit pour rencontrer le Martyr. Aucunes vengeoient les pensées de leurs maris, par les œures propres; car comme dit vn passionné: *Nul ne prend tant de plaisir à se venger, que fait la femme, quand elle se venge de son mary.* Et le payement par aduance, est la plus plaisante & la plus grande vengeance qu'elles puissent prendre. Telle estoit melancolique pour le delay de certain effet ordinaire, & telle autre

trauailloit pour le retardement. Telle alloit à la Comedie pour s'engager à l'intermede. A vne qui ayroit fi fort fon carrosse qu'elle n'en sortoit presque point, ie demanday pourquoy elle luy portoit tant d'affection, c'est dit-elle que ie me plais à estre branlée. Parmy toute cette honorable compagnie de femmes, on n'y voyoit point celles dont les maris estoient employez aux guerres, aux ambassades, ou autres commissions qui les obligeoient à s'absenter d'elles, parce que ne dependant de personne durant ce temps-là, elles contenoient leurs inclinations sous la loy du celibat, & comme conjurées n'estoient point reputées pour membres de cette republique.

Diuers
entre-
tiens des
vesues
amou-
reuses.

Au paillon suivant, logerent les venerables vesues, pourueues de sciences & d'experiences: Elles contrefaisoient toutes les graues & les modestes, & neantmoins chacune adheroit à ses desirs, mais avec dissimulation, qui n'estoit pas toutefois si grande que leur frenaisie ne le descouurist bien-tost. Mesme i'en veis vne qui pleuroit de

l'œil droit pour son mary deffunct , & rioit de celuy du cœur pour son amy. Vne autre , plus affublée & plus coiffée de sa passion que de son grand deuil , & qui receuoit ioyeusement les presens , & oublioit les absens. Plusieurs autres sans voile & sans deuil , alloient & venoient par ce logis , & toutefois avec vne apparence si modeste , qu'on ne les pas connoitre on les eust prises pour des personnes naïfues & sans malice : mais on me dit incontinent , que c'estoient des veufues Apostates , lesquelles estoient retenues-là , comme à l'inquisition d'Espagne. D'autres de fort differente humeur , qui gageoient l'une contrel'autre , à qui la gaze & le crespesieoit le mieux , & par mille artifices , essayoient de conuertir ce triste habuement en attours & en parures. Je remarquay que les veufues qui commençoient à se passer , imitoient les actions & les gestes des ieunes pour animer davantage leurs amants ; & d'autre-part ie voyois les plus ieunes d'entr'elles qui profitoient le temps , afin de n'auoir point sujet de le regretter en la vieilles-

se. Il y auoit là plusieurs deuotes, & deuotes de plusieurs, avec leur rosaire aux mains, elles estoient là en qualité d'heretiques d'amour; & pour ce sujet condamnées à vne penitence de ieunes perpetuels des viandes qu'elles aimoiēt le plus: car les charnels ont aussi la leur carnesme. Autres reformoient les defauts de leurs visages, & se mettoient des couleurs de honte, quoy qu'elles n'en eussent aucun sentiment. En somme, chacune s'entretenoit selon son caprice. Ces femmes-cy entre toutes les autres, estoient les moins suportables, dautant que comme il y en auoit fort peu de ieunes, & qu'elles auoient esté maistresses chez elles durant la vie de leurs maris, elles vouloient tousiours vser de cette puissance & de cette humeur imperieuse, & commander les vnes aux autres, de façon que l'Infirmier auoit beaucoup à faire avec elles.

Fem-
mes se-
qu-
strées
du mō-
de.

Enfin lassé de voir ces indifferentes especes de manie, ie m'en allay au pauillon des femmes & filles retirées du cōmerce du grand monde, lesquelles ie reconnus n'estre pas les moins foles de cette mai-

son: car bien qu'il semble, par raison de-
voir estre plus aisées à guerir, la plus-
part neantmoins couroient grande ris-
que d'en auoir pour toute leur vie: El-
les estoient toutes dans des baricades
de gros treillis de fer sur lesquels la folie
n'auoit pas moins de force, encore que
l'Amour les aye quelquefois dispensez
de les faulser, & de les transpercer, car
ne reconnoissant point d'autre supe-
rieur que luy, elles luy obeissent quand
la violence de la folie les possède, sans
prendre garde que la peine les rend sa-
ges. Le plus grand nombre de ces bon-
nes Dames la, s'occupoient lors à escri-
re des missiues (comme c'est leur cou-
stume ordinaire) lesquelles commen-
çoient par *per signum crucis*, & finissoient
par *sathanas*, ie recommande ce papier à
vostre discretion, &c. Toutefois les fo-
les de ce canton ne faisoient que ca-
queter ensemble nuit & iour; & quand
quelqu'une estoit lassée de babiller, ce
qui arriuoit rarement, elle faisoit la Da-
me prudente, & vouloit imposer silence
aux autres. A faute d'autre objet, les
vnes estoient amoureuses des autres:

celles - cy estoient du Catalogue des niayfes & des sottes, & en cette qualité elles n'estoient pas attachées, parce qu'on ne les tenoit pas pour foles d'importance : neantmoins on se trompoit fort, car on ne cognoissoit pas alors leur maladie.

Toutes ces diuerfes infirmitéz ne procedoient que d'oisiueté, car par tout où elle est, la lasciueté y trouue vn facile accèz : ainsi le remarque Petrarque en son triomphe d'Amour, *Ei nacque diotis è di lasciuia humana*. Il y en auoit là telle, qui acceptoit plus de lettres de change qu'une banque de Genneſ, ou de Foucres d'Allemagne, sur le credit de ses desirs insatiabes. Les vnes souhaittoient de n'estre point visitées par celuy qui estoit le visiteur, mais bien d'estre visitées par celuy qui ne l'estoit pas ; mais celles que ie trouuois plus matoises & moins foles, estoient celles qui se seruoient discrettement du Medecin de la maison. Bref, il y auoit là tant de maladies que ie fus presque esmeu de compassion : Et mesme i'appriens que l'Infirmier estoit desesperé de leur guerison ;

car estant tousiours amufées de certaines espreuues , dont l'effect n'arrinoit jamais, leur mal estoit incurable & insupportable. Delà ie passay au logement d'une autre espece de femmes qu'on appelle Dames du celibat, où i'en vis fort peu de furieuses, pour auoir mille moyens reseruez pour moderer leurs ardeurs. Les vnes, comme des Bandolieres publiques, dépoüilloient les plus honnestes gens pour reuestir quelque gueux: c'est bien vn œuure de misericorde de reuestir les nuds, mais c'est aussi œuure de cruauté, de dépoüiller celuy qui est vestu. Certaines entre autres eperduëment foles d'amour pour certains Poëtes qui les payoient en sonnets & sonnettes, où ils conuertissoient le crin de leurs testes en filets d'or, leurs dents en perles, & tout leur corps en pierres precieuses. I'en vis vne qui parloit à vne Astrologue, pour luy faire vne figure du futur de sa vie, & vne autre qui demandoit à vne Magicienne des secrets pour se faire aymer; vne autre qui se fardoit pour rajeunir sa face toute mortifiée: mais cette-là

Femme
viuan-
tes en
Celibat

auoit vne manie, bien extrauagante, car elle desabusoit en pensant executer le contraire. O combien i'en vis, qui fussent demeurées aussi ridicules à voir que la corneille d'Esopé, si l'on eust voulu les affronter, en leur ostant du front les cheuelures empruntees dont elles s'ornoient. Je sortis de là avec vn branlement de teste, & vn souris moqueur & entray à l'instant dans le quartier des hommes, qui estoit fort proche de celuy des femmes pourtant à l'épessour d'une grosse muraille près. A mon arriuée ie remarquay que la plus grande folie de ces hommes procedoit de ne se vouloir pas separer des femmes quelque diligence que l'Administrateur y peut apporter, iugeant que c'estoit le premier medicament requis contre leur infirmité; mais ils méprisoient & haïsoient & le Medecin & la Medecine, & aymoient mieux la maladie que la santé, & lors ie me ressouuins de ce vers,

Hōmes
adon-
nez aux
fem-
mes.

Le mal d'Amour brawe le Medecin.

Tellement qu'obstinez en cest erreur, ils se laissoient mourir en pensant

bien faire: Et ce que ie trouuois de pis en quelques - vns d'eux estoit, qu'ils connoissoient bien leur faute, & ne s'en vouloient pas corriger. Ces fous-là n'estoient point separez les vns des autres: pour peu que l'on voulust considerer leurs gestes, on iugeoit bien tost leurs inclinations & leurs frenesies. O que i'en reconnus de galans & de curieux en habits, qui n'auoient pas seulement vne grosse chemise! Combien de Cavaliers Diuerses conditions de fous amoureux. qui n'auoient autrefois fait que piases & magnificences pour le seruice de leurs maistresses, qui eussent esté fort heureux que ie les eusse conuiez à dîner! Combien y en auoit-il qui n'auoient point de pain, qui neantmoins sentoient les tentations de la chair! les vns se vouloient rendre aimables en contrefaisans les beaux, & se picquans d'auoir de grosses perruques frisées, des grandes moustaches, mains blanches, & les pieds petits, quoy qu'ils fussent des Lucifers par le visage, sans prendre garde que les femmes veulent tousiours qu'on leur cede l'auantage de la beauté. Autres voulans passer pour des Mars,

pour des duellistes & gladiateurs, ne disoient que rodemontades, ne parloient que de guerres, de combats, & ne fauisoient pas que les femmes sont craintives, & qu'on les fait trembler à la veuë d'une espèce. Autres sortoient à mynuict de leur logis, & alloient faire des rondes autour de ceux de leurs Dames puis en reuenoient aussi fots qu'auparavant. Autres se rendoient amoureux par contagion & par conuersation d'autres qui l'estoient, tel couroit par les Eglises toutes les festes, lesquelles il conuertissoit en iour de travail pour se rendre amoureux de quelque guenon frizée; tel autre se pourmenoit de maison en maison comme vne piece d'échets, sans pouuoir iamais attraper la Dame. Autres se plaignoient plus qu'ils n'enduroient, & d'autres enduroient sans oser ouuir la bouche pour soupirer seulement: Pour moy, i'eus grand pitié de ces muets-là, & leur eusse volontiers conseillé de se rendre amoureux de quelque deuins ou deuineresses: mais parce que les fous n'entendent iamais rien, ie m'aduisay de me taire. Ceux
dont

dont la vanité mesprisoit les choses basses estoient aussi la, mais ils pretendoient & des sujets si hauts, que iamais ils n'y pouuoient atteindre. Il y en auoit d'autres qu'on appelloit méfians de leurs forces, gens de jugement & de sens, mais pour la pluspart necessiteux, qui ne s'adrescoient qu'à des femmes de petite estoffe, aussi ne leur duroient-elles guere, ils les quittoient incontinent.

Les maris estoient chargez de fers & de liens, mais pour cela ils n'estoient pas moins furieux: les vns abandonnoient leurs femmes propres, & donnoient sur celles d'autrui. Autres qui faisoient les coleres & les mauuais, pour obliger leurs femmes à la souffrance, mais estoient souuent bien trompez, car au lieu de lyons, ils se trouuoient conuertis en moutons. Autres prenoient pour amies les amies de leurs femmes, & pour commeres les meres de leurs enfans.

Maris
amou-
reux
d'autres
femmes

Les hommes vœufs, experimentez par les tourmentes passées, cherchoient des ports au portes de ceux qui les vouloient receuoir, & par ce moyen ils se

Veufs
amou-
reux.

maryoient si peu & si long-temps qu'ils vouloient. Ceux-cy viuoient en celibat, alloient & venoient de costé & d'autre; en vn lieu ils se rendoient amoureux, en l'autre ils en faisoient de jaloux, icy ils le deuenoient eux-mesmes, & là on les guerissoit: & ce que ie trouuois d'admirable en tous ces gens-là, c'estoit qu'ils desauoient tous d'estre fous, & ne laissoient pas pourtant de l'estre. Là ceux qui se mesloient de Musique & d'instruments (contre l'ordinaire effet de l'harmonie) en vsoient, pour rendre furieuses des filles & des femmes, qui n'estoient que simplement foles. Les Poètes exerçoient leurs veines pour telles, qui rendoient leurs pretentions vaines: Le plus discret contoit ses bonnes fortunes à tel qui publioit ses disgraces. Ceux qui estoient épris d'affection pour des filles, alloient rodant les rues de iour, pour contempler les fenestres de nuit. Autres cageoloient des seruantes pour les faire recevoir seruiteurs de leurs maistresses. Autres essayoient de suborner les maistresses, pour les maistriser & surmonter. Les

Poètes
amou-
reux.

vns auoient leurs poches pleines de petits poulets cachetez de soye & de filets d'or, & parsemez de mille chiffres amoureux; quantité de bracelets du poil des bestes, de cordons, de nœuds, & de telles faueurs, dont ils faisoient reueuë. Aucuns estoient amis des maris, & s'employoient librement pour les soulager en leurs affaires, leur pretoient leur bourse, cheuaux & carrosses, cependant que d'autre costé ils pourmeuoient leurs femmes aux jardins, aux cours, aux collations, aux comedies, où il se trouuoit tousiours quelque matoise amie, dont le mary n'auoit point de soupçon, qui seruoit à lier les parties en toutes façons. Il y auoit plusieurs especes de fous pour des vesues, ou qui estoient aimez, ou qui ne l'estoient pas: Les vns se portoient volontairement à se captiuier pour paruenir à leurs desseins, mais les autres estoient plus heureux, & faisoient l'amour en toute liberté, si ce n'estoit quand il arriuoit quelque parent ou quelque frere, car alors il falloit cacher le jeu & changer de mines. Autres faisoient leurs con-

questes avec l'amour & avec l'argent, & ceux - cy emportoient bien souuent la victoire, parce qu'ils combattoient avec armes doubles : à quoy les doublons & les armes d'Espagne sont fort propres, mais quelquefois aussi ils se trouuoient si desarmez, qu'ils n'auoient pas dequoy resister contre la pauureté.

Ayant avec assez de loisir consideré tous les mouuements de ce dernier genre de fous, comme i allois deuers vn autre logement, ie me trouuay sans y penser, dans la premiere court ou i'étois entré, en laquelle ie vis de nouvelles merueilles; le vis qu'à tout moment le nombre d's fous s'augmentoit; ie vis le Temps qui se mettoit au milieu de quelques Amants, & par ce moyen il les mettoit dans la voye de guerison: La ialousie qui chastioit ceux qui auoient le plus de confiance en la loyauté du sujet qu'ils aimoient: La memoire qui renouelloit les vieilles playes: Et l'entendement enfermé dans vn cachot obscur, & la raison qui auoit les yeux creuez. Ie m'arrestay quelque temps à contempler toutes ces varietez & ces degussemens, mais ayant

la veüe lassé d'vne si ferme attention, ie me retournay, & apperceus vn petit hiatus, si estroit qu'à peine en pouuoit-on sortir: en mesme instant i'appris que c'estoit par où l'ingratitude & l'infidelité donnoient la liberté à quelques-vns. Alors pour ouir de l'occasion qui se presentoit à moy, ie doublay le pas, afin d'estre des premiers à sortir, quand mon valet vint tirer le rideau de mon liêt, m'aduertissant qu'il estoit grand iour: Là dessus ie m'éueillay, & reprenant mes esprits ie me trouuay dedans mon liêt, avec quelque ennuy pourtant, du long seiour que i'auois fait en cette maison des fous, ie me consolay d'auoir reconneu en autruy, & par Experience propre, que l'amour n'est que pure & naïue folie.

Fin de la quatriesme Vision.



VISION V.

DV MONDE

EN SON INTERIEVR.


 L n'y a rien au monde qui puisse arrester nostre desirs, c'est vn pelerin qui n'aime que le mouuement, qui ne haït que le repos, qui ne s'alimente, & ne se diuertit que dans la varieté, tesmoignant en cela, qu'il ignore la substance & la qualité des choses: Car s'il les connoissoit quand il les pourchasse avec tant de passion, & obligé à la repentance & au mespris qui les suit. Il faut croire que le desir est bien fort & bien persuasif, puis qu'il

promet tant de contentement dans les delices & les plaisirs, & neantmoins ce contentement-là ne se ressent que durant la pretention, & la poursuite des choses: Car à l'instat que l'on en prend la possession; en mesme temps le mécontentement arriue. Aussi le monde qui connoist la condition de nostre desir, se presente a luy tout changeant & variable, pour le flater & l'amadoier, d'autant que les diuersitez, & les nouveutez sont les vrais charmes qui le rauissent, & par lesquels le monde nous attire après luy.

Mais alors que ces considerations-là me deuoient rendre plus experimenté & plus accort, mon aduanture a voulu que la confusion & la vanité m'ayent si puissamment maitrisé, que pour leur adherer, ie me fois égaré dans la grand' ville du monde, & que i'aye esté après l'objet qui m'a semblé le plus agreable. Allant & venant de l'une & de l'autre rue, ie m'exposois à la derision de tous ceux qui me voyoient. Et au lieu de chercher de sortir de ce Labyrinthe de tromperies, ie m'éforçois de

m'y engager de plus en plus. Tantost i'allois par la rue de la Colere, & me mettant dedans la troupe des determinez, ie suiuis les querelles, & marchois parmy les blesseures & le sang. tantost ie me trouuois dedans celle de la Gloutonnie, ou ie voyois l'excez des brindes; Et à force de visiter vne infinité d'autres rues, ou il faisoit plusieurs autres negoces qui ne valoient pas mieux que ceux-cy, ie me trouuay si troublé & si estonné, que mon admiration ne permettoit pas à mes sens de iouir d'vn seul moment de repos.

Expe-
nence.

I'estois dans ces inquietudes, quand i'entendis quelqu'vn qui crioit apres moy, m'appelloit, & me tiroit en mesme temps par le manteau: Je me retourne, & ie vis vn venerable vieillard fort mal habillé & déchiré en mille endroits, & le visage aussi défiguré que si on l'eust foulé aux pieds. Neantmoins, son maintien n'estoit pas pourtant ridicule: au contraire son aspect estoit graue, serieux & digne de respect. Qui estes-vous, mon bon-homme, luy dis-je, qui tesmoignez d'estre enuieux de

mes contentemens ? laissez, laissez-moy aller; vous autres vieillards vous voulez tousiours troubler la gayeté des ieunes gens, & empescher leurs passe-temps: non pas que vous quittiez volontairement les delices de la vie, mais parce que le temps vous les oste de puissance absoluë. Vous vous en allez prendre congé du Monde, & ie ne fais que d'y arriuer; laissez-moy resiouir & voir le monde à mon plaisir. Alors ce vieillard dissimulant son ressentiment, se mit à soustrire: Mon enfant, me dit-il, ie ne veux pas empescher ny enuier ce que tu desires, ce n'est que par compassion que i'essaye de te tenir. Sans mentir, continua-t'il, sçais-tu bien ce que vaut vne heure? Sçais-tu bien de quel prix est vn iour? as-tu examine la valeur du temps? ie pense que non, puis que tu l'employe si mal, que les heures fugitiues se déroben de toy, & t'emportent insensiblement vn si precieux tresor. Que t'a dit le Temps qui s'en est deja allé? t'a-t'il promis de reuenir encore quand tu en auras besoin? As-tu veu la trace des

iours qui se font escoulez ? non assurement : Helas ils s'en vont & ne reuiennent plus ! & s'en allant ils retournent la teste comme en se riant , & se moquant de ceux qui les ont laissez passer si inutilement ; sçais - tu bien que la fuite des iours composent vne chaine, au bout de laquelle la mort est attachée ? & qu'à mesure qu'ils cheminent & qu'ils passent deuant toy, ils t'approchent de la mort que tu attends, & qui peut estre , est desia arriuée ? Car de vray , à voir ta façon de vie , elle sera plustost passée que tu ne l'auras apperceuë. Veritablement ie tiens pour stupide celuy qui meurt toute sa vie , de peur qu'il a de mourir : & pour meschant , celuy qui vit sans redouter la mort comme s'il n'y en auoit point : qui ne la craint que quand il la souffre, & que la crainte le trouble tellement, qu'il ne sçauroit trouuer de remede à son corps, ny de consolation à son ame : Et ne peut-on appeller sage, que celuy qui vid chaque iour aussi dissolument, comme s'il ne pouuoit pas mourir à chaque heure.

Vos remonstrances sont excellentes, bon Vieillard luy dis-je alors, vous m'avez resueillé l'ame qui estoit enchantée de mille friuoles & vains desirs : mais qui estes-vous, & que faites vous icy ? Mon habillement deschiré & ma pauureté, me dit-il, te peuuent assez tesmoigner que ie suis homme de bien, amy de la verité, & que ie la sçay dire quand il la faut : Je suis le *Detrompeur* vniuersel de toutes choses; ces lambeaux de robbe que ie traïsne, c'est d'auoir esté tirailé & mal-traitté de ceux du Monde; qui font semblant de m'aider: Ces coups & ces meurtrisseures de visage sont les presents que plusieurs me font, lors que ie les aborde, sans les offenser autrement, que parce que ie vais à eux; si bien qu'ils me tourmentent comme vous en voyez les marques, à fin que ie les quitte. Quelle extravagance! la pluspart des gens du Monde disent qu'ils me desirent, qu'ils m'aiment; & quand ie les vais trouuer, les vns s'en desesperent, les autres maudissent ceux qui m'ont amené : en fin ie suis si odieux, que les plus courtois ne

veulent pas seulement que ie demeure vn quart d'heure en leur compagnie. Or, mon fils, si tu veux voir le Monde, viens avec moy; ie te meneray en la principale ruë, en laquelle toutes les figures se font voir en public: Tu y veras en gros tous ceux qui paroissent icy en détail, sans receuoir aucune incommodité. Ie te monstreray le Monde, comme il est en effet, & en son interieur, car tu n'en vois icy que l'écorce & l'apparence. Et comment s'appelle cette principale ruë du Monde où vous me voulez mener? Elle se nomme, me dit-il, Hypocrisie: C'est la ruë où le Monde commence & où il finit: Elle est fort grande, car il n'y a personne qui n'y ait vne maison, ou bien vne chambre pour le moins. Les vns y demeurent tout à fait, & les autres n'y font que passer, parce qu'il y a plusieurs especes d'hypocrites: mais tous ceux que tu vois icy en tiennent leur bonne part. Celuy que voila arresté à ce coin est vn hypocrite, vn roturier, qui veut contrefaire le Gentil-homme, mais il deuroit se mesurer avec son bien, aller tout seul, & pen-

Descri-
ption
d'Hy-
pocri-
sie.

ser plustost à entretenir ce qu'il promet qu'à entretenir le laquais qui le suit: il n'y a rien qu'il ne fasse pour acquerir le nō de Seigneurie: & pour cette ambition. là il se transformeroit volontiers en Venise: si ce n'estoit que comme il a fondé cette pensée sur du vent, il faudroit aussi qu'il se fondast dans l'eau, mais il la craint plus que le vin. Pour paroistre Seigneur, il entretient des fauconniers & des oiseaux, mais ie croy qu'à la fin, la faim leur fera manger leur maistre, & le Rousson de Don Quixote qui le porte quant & quant. En voicy vn autre qui contre-fait l'homme de conseil, & neantmoins ce n'est qu'un sot, lequel pour paroistre suffisant, & estre tenu pour tel, ne marche que par ressorts, c'est vn hypocrite qui veut faire l'entendu, & ce n'est en effet qu'un idiot.

Tournez la teste, considerez vn peu ces vieillards hypocrites avec leurs barbes engainées d'ancre, qui veulent paroistre adolescens en toutes leurs actiōs, qu'ils s'imaginent fuir de la mort, comme si elle ne sçauoit pas bien le nombre

de leurs ans. Et de l'autre costé ces iett-
 nes gens qui veulent faire les bien au-
 fez, & les preud'hommes. Prendriez
 vous cettuy-là pour vn Tailleur ? c'en
 est vn pourtant, & neantmoins il s'ha-
 bille comme vn Cavalier, c'est vn autre
 hypocrite : Il se défigure tellement les
 iours des festes avec le satin, la panne &
 le cordon d'or, que l'aunc, les cizeaux &
 les aiguilles ne le reconnoistroient pas,
 car sa mine ne tient rien de sa condi-
 tion. Or sçachez que l'hypocrisie est
 vne infirmité si generale, que mesme el-
 le se trouue aux noms des mestiers. Le
 Sauetier & Rapetasseur de vieux sou-
 liers s'appelle conseruateur de la Chauff-
 sure : Le Tonnelier s'appelle couturier
 de Bacchus, parce, dit-il, qu'il fait les ha-
 billemens du vin : Le Palefrenier s'ap-
 pelle Escuyer de Campagne : Le Ber-
 lan, Academie. Le Bourreau, membre
 de Iustice : Le Charlatan, habile hom-
 me : Le jôueur de passe-passe, adroit :
 La Tauerne, Banque ; le Tauernier,
 Banquier & Maistre des Comptes, les
 Bordels, maison de commerce ; les Gar-
 ces, Courtisanes : les Maquerelles, filles

Dégui-
 sement
 general
 de tou-
 tes les
 condi-
 tions.

deuotes : les Cornards, patiens : la pail-
lardise , amitié : l'vsure , œconomie : la
tromperie, galanterie: la menterie , dex-
terité , & la malice , gentillesse d'esprit:
la poltronnerie , pacifique : la temerité,
vaillance : le Page , enfant d'honneur:
le Laquais , valet de pied : l'écornifleur,
Courtisan : la noire, brune : & l'asne
s'appelle Docteur : mais il n'y a rien de
tout cela qui soit ce qu'il paroist, ny qui
ait vn nom bien propre : ce n'est qu'hy-
pocrisie en nom & en effect. Outre
ceux-cy, il y a encore des noms qui sont
generaux ; toute putain s'appelle Da-
me de Cour : tout habit long , s'appelle
Monsieur le Licentié : tout insolent,
Monsieur le Soldat : tout homme bien
vestu , Monsieur le Gentil - homme:
tout petit Clerc d'Eglise , vostre Reue-
rence : & tout Clerc du Palais, Secre-
taire.

De façon que tout le monde est vne
pure menterie , de quelque costé que
vous le vouliez examiner: Et si vous y
prenez bien garde, vous verrez que l'I-
re, la Gourmandise, l'Orgueil, l'Auarice

la Luxure, la Paresse, l' homicide & mille autres sortes de pechez, ne procedent que d'hypocrisie. Ils sortent tous de cette source-là, & y retournent de mesme. Je ne croy pas, dis-je alors au bonhomme, que vous me puissiez prouuer ce que vous dites, puis que nous voyons qu'ils sont tous differens & distinguez les vns des autres: Mon amy, me dit-il, ie ne m'estonne pas de ta méfiance, car il y a fort peu de personnes qui ne soient aussi ignorantes que toy en ce su et-là, ce qui fait que tu trouues de la contrariété entre des choses qui ont vne si grande conuenance. Tous les pechez sont mauuais, & tu m'auoüeras avec les Philosophes & les Theologiens, que la volonté desire le mal, sous l'apparence & la creance que ce soit vn bien, & que la simple representation de l'ire, ou la connoissance de la luxure, ne suffit pas pour faire pecher, si la volonté n'y apporte son consentement, & qu'après il n'est pas besoin de l'execution pour commettre vn peché, laquelle l'agraue d'auantage, & neantmoins en cela il y a de grandes differences. Et partant il

est

est euident que toutes les fois qu'un de ces pechez se commet, c'est que la volonté y consent & y adhere, parce qu'ils ont pris la figure de quelque bien : y a-t'il donc vne plus notoire & manifeste hypocrisie, que de se vestir d'une apparence de bien, pour tuer par la tromperie, *Qu'est-ce que l'esperance de l'Hypocrisie ?* dit Iob, ce n'est rien, il n'en peut auoir aucune, à cause de sa qualité d'hypocrite, car il est meschant; ny pour la chose qu'il essaye de ressembler, parce qu'il ne l'est pas : si bien que de tous les pecheurs, il n'y en a point de plus insolent, ny de plus temeraire que l'hypocrite : d'autant que les autres mal-vi-uans pechent seulement contre Dieu, & non pas avec Dieu, ny en Dieu, mais l'hypocrite peche contre Dieu & avec Dieu, puis qu'il le prend pour instrument de son peché. Et pour cette cause, Iesus-Christ voulant monstrier comme entre les autres il luy estoit odieux, après auoir donné plusieurs preceptes affirmatifs à ses Disciples, il leur en donna seulement vn negatif, leur disant : *Ne soyez point tristes comme les hypo-*

crites: de façon qu'avec plusieurs preceptes & comparaisons, il leur enseignoit comme ils deuoient estre: tantost comme des lumieres, tantost comme du sel, quelquesfois comme le conuié, quelquesfois comme le talent: & pour leur faire entendre tout ce qu'ils ne deuoient point estre, il le comprenoit en ce peu de paroles: *N'imitex point les hypocrites, qui contrefont les melancholiques.* Pour leur donner à entendre que n'estant point hypocrites, c'estoit le vray moyen de n'estre point meschans, dautant que l'hypocrite est meschant en toutes façons.

Sur ces discours, nous entraimes dans la grand' rue, où ie vis tout ce que le vieillard m'auoit promis de me montrer. Nous prismes alors vne place eminente, pour enregister tout ce qui se passoit. Et la premiere chose remarquable qui parut à mes yeux, ce fut vn conuoy de funerailles, composé d'une longue trainée de parens, & d'autres conuiez, qui accompagnoient la tristesse & le dueil d'un mary veuf, qui estoit affublé d'un ample chaperon de

Hypocrite
d'un
conuoy
de tristesse
passé.

drap noir , capable de l'estouffer : il auoit la teste baissée , & marchoit avec fort grand' peine , estant chargé de près de dix aulnes de drap , sans la queue de sa robe traïnante qui en contenoit bien autant. Moy plein de compassion d'vn si triste spectacle , ô l'heureuse femme , dis-ie alors , d'auoir trouuë vn mary dont l'amour & la fidelité alloit encore par delà la vie , & le tombeau. Et heureux ce personnage - là d'auoir rencontré des amis qui n'accompagnent pas seulement son ressentiment , mais qui semblent encore l'exceder ? Ie vous prie , mon bon - homme , considerez vn peu la tristesse qu'ils ont. O qu'il y'a là de vanité ! me respond le vieillatd en branlant la teste & se souffrant : tout ce que tu vois là ne se fait que par contrainte , encore que ces apparences exterieures semblent me desmentir , mais tu verras tantost le dedans , & connoistras combien l'effect & l'estre de la chose est différente des apparences : vois - tu ces Cierges , ces Torchés , & tout le reste de ce conuoy ? qui est-ce qui ne diroit

Feinte
melap-
colle
d'vn
mary
veuf.

qu'ils éclairent & accompagnent quelque chose, & que c'est pour quelque chose que toute cette pompe funebre se fait? Mais sçache que ce qui est dedans cette biere, c'est vn rien, d'autant que la personne morte n'estoit rien durant sa vie, & que la mort a encore amoindry ce rien là, & que tous ces honneurs qu'on luy rend ne luy seruent de rien, mais c'est parce que les morts ont leurs vanitez, & leurs festes aussi bien que les viuants. Helas! il n'y a là dedans que de la terre, encore moins capable de rendre du fruit, & plus odieuse à regarder que la boüe sur laquelle tu marche, qui ne merite aucun honneur, ny mesme d'estre cultiuée du soc ny du coutre. Et cette tristesse que tu semble auoir remarquée en ses amis, ne procede d'aucune chose que d'auoir esté conuiez à ce conuoy. Ils donneroient volontiers le corps mort au diable, avec ceux qui les ont appellez à cette ceremonie. Au lieu de dire leurs suffrages pour l'ame de la deffuncte, ils deuissent de l'hoirie & du testament: l'un dit à son compaignon qu'il n'estoit pas

Murmures
que fõt
souuent
les con-
uiez
aux en-
terre-
mens.

parent trop proche, qu'on se fust bien passé de le prier à cet enterrement, qu'il s'est destourné d'un affaire qu'il auoit ailleurs: L'autre dit qu'il ne marche pas selon son rang que sa qualité merite, qu'il ne se plaist point à tels conuis, qui ne sont bons que pour la terre, & pour les vers qui y trouuent de quoy manger. Le veuf n'est pas si affligé de la mort de sa femme comme tu te l'imagines: c'est seulement de la despense qu'il fait en cet enterrement, lequel il eust bien peu faire avec plus de diligence, & moins de frais, sans y fonder tant de cire, & semondre tant de Confre-ries. Il dit en soy-mesme que sa femme a tort, que puis qu'elle deuoit mourir, il falloit que ce fust soudainement, après auoir mis ordre à sa conscience comme bonne Chrestienne, sans luy faire cou-ter tant d'argent en Barbiers, Apotica-ires, & Medecins, qui disposent de son bien en Ordonnances, & en parties. Cet homme-la en a de- a enterré deux, avec celle-cy: Il prend tant de plaisir a deuenir veuf, qu'il traite déja de se marier avec vne amie qu'il a pratiquée pour

cet effet, durant la maladie de sa femme: Tu le verras bien-tost ressuscité de ces draps mortuaires qui l'enseuelifent.

Ie demeuray fort esmerueillé d'ouïr ainsi parler ce bon-homme. O que les choses du Monde, dis-je alors, sont differentes de ce que nous les voyons! Ie seray desormais beaucoup plus retenue à en donner mon iugement, & les choses que ie verray le mieux, seront celles dont ie douteray le plus. Cet enterrement disparut aussi-tost de nos yeux, comme si nous n'eussions pas deu estre du voyage; & comme si cette defunte ne nous eust pas enseigné le chemin en nous disant d'vn langage muet, *Ie m'en vais deuant vous attendre, cependant que vous accompagnerez les autres, comme i'ay fait autresfois avec tant de negligence & aussi peu de deuotion que vous.*

Nous fumes détournéz de cette Contemplation, par vn bruit que nous ouïsmes dans vne maison qui estoit derriere nous; nous y entraismes pour voir d'ou il procedoit: Et en mesme temps que l'on nous vid entrer, on commença

Repre-
senta-
tio d'v-

vne complainte à six voix, qui accompagnoit les gemissemens & les souspirs d'une femme nouvellement veſue.

ne veſue
hy-
pocrite,
ſur le
ducil de
ſon ma-
ry.

Ces regrets-là eſtoient fort naïfvement repreſentez, mais ils ne ſeruoient de gueres au deſunct. De moment en moment elles faiſoient claquer les paumes de leurs mains, & élançoient des ſanglots qui ſembloient provenir du centre de leur cœur. Les ſales & chambres de cette maiſon eſtoient deſpotuillées de leurs parures ordinaires, comme de tapifſeries & de tableaux : & la pauvre dolente eſtoit couchée dans vne chambre renduë de noir, où l'on ne voyoit preſque goutte, & cela eſtoit fort aduantageux à ces femmes, parce que l'on ne voyoit pas les grimaces contraintes qu'elles faiſoient pour prouoquer leurs clameurs & leurs larmes feintes. L'une diſoit, Madame, toutes vos larmes ne vous ſçauroient apporter aucun remede; pour moy, ie ſuis incapable de vous conſoler, car i'ay plus de reſſentiment de voſtre douleur, que ie n'aurois de la mienne propre. L'autre ſouſpirant à chaque mot, vous ne deurieriez pas tant vous affliger,

disoit-elle depuis que feu Monsieur a si bien vescu, que vous devez croire qu'il est en la presence de Dieu. Vn autre, qu'elle deuoit prendre patience & se conformer à la volonté souueraine. Et alors, à ce que nous iugions, elle redou- bloit la vehemence de ses pleurs & de ses sanglots, criant à haute voix & d'vn ton aigu: Ha Dieu! pourquoy faut-il que ie suruiue après la perte d'vne si chere & agreable compagnie? Que ie suis mal-heureuse d'estre née! hélas! à qui puis- ie recourir? qui est-ce qui voudra prendre en sa protection vne pauvre femme, vne pauvre veufue, comme ie suis, & l'assister en ses necessitez?

A cette pause-là, tout le reste du chœur de cette musique, s'entroit avec les Instrumens de leurs nez, dont la moucherie & les reniflemens étourdif- soient toute la maison. Et alors ie recon- neus qu'en telles occasions les femmes se purgent & iettent par les nazeaux, & par les yeux, vne partie des mauuaises humeurs de leur cerceau. Neantmoins ie ne me pûs tenir d'auoir quelque petit ressentiment de douleur. Et me tour-

nant deuers mon conducteur, la compassion, luy dis - je, est fort bien employee à l'endroit d'une veufue, parce qu'elle est abandonnee de la pluspart du monde. La sainte Escriture les appelle muettes & sans langue, le mot Hebreu qui exprime celuy de veufue, porte vne telle signification. Il n'y a personne qui parle pour elle : quand bien elle auroit la hardiesse de parler se voyant seule & sans support, si est - ce qu'on ne l'oit pas : de façon qu'il vaudroit autant qu'elles fussent muettes. Nous voyons dans l'ancien Testament, que Dieu eut beaucoup de soin d'elles; Et mesme en la loy nouvelle, il les recommande grandement par l'organe de saint Paul; qui tesmoigne que Dieu n'abandonne iamais ceux qui sont seuls, & regarde d'en - haut ceux qui sont abaissez.

Je ne veux point de vos sabaths, ny de vos festes, dit-il en Isaye, ie détourne ma face de vos encens : vos holocaustes m'importunent : ie hay vos Kalendes & vos solemnitez : Lavez - vous, nettoyez - vous, & bannissez tous ces mauvais desseins que ie

voy dans vos cœurs : laissez le mal, & vous
 adonnez à bien faire : pratiquez la iustice,
 secourez les opprimez, soustenez l'inno-
 cence de l'orphelin, & defendez la vesue.
 Vous voyez donc que toutes les bon-
 nes œuures contenuës en ces prece-
 ptes, vont tousiours augmentant de me-
 rite l'vne par dessus l'autre : Et que
 pour conclusion de ces enseignemens,
 & pour exercer la charité en vn suprême
 degré, il ordonne de *Defendre la*
vesue. C'est veritablement vne inspi-
 ration du Saint Esprit, de recomman-
 der la defense de la vesue, dautant
 que de soy, elle n'a aucun pouuoir de
 se defendre : Et mesme qu'elle est le
 plus souuent opprimée de tous. Aussi
 est-ce vn œuure si agreable à Dieu,
 que le Prophete adiouste en suite, *Et*
si vous le faites, venez & me reprimez,
&c. Conformément à cette permission
 que Dieu donne de le reprimer, à ceux
 qui embrasseront les bonnes œuures,
 & qui se separeront des mauuaises, qui
 secoureront les oppressez, & qui defen-
 dront la vesue. Iob raisonnant avec
 Dieu, & luy voulant presenter son

innocence dans l'excez de sa misere, & dans les opprobres de ses parens, luy disoit : *Si i'ay refusé la charité aux pauvres qui me l'ont uemandée : Si i'ay fait attendre les yeux de la veufue , &c.* Ce qui se rapporte à ce que i'ay dit de la veufue , comme pour donner à entendre qu'elle ne peut rien de foy avec les paroles estant muette , mais avec les yeux exposant & montrant sa necessité. Le texte Hebraïque dit, *Si i'ay consommé les yeux de la veufue.* C'est ce que fait celuy qui n'a point de pitié d'elle , & qui ne la secoure point quand elle le regarde seulement, d'autant qu'elle n'a point de uoix pour demander. Laissez-moy, dis-je au vieillard, regretter vne semblable infortune , & mesler mes larmes avec celles de ces femmes. Et quoy, me dit-il , apres auoir fait vne vaine ostentation de tes estudes pour paroistre docte Theologien tu voudrois encore pleurer lors qu'il est plus besoin de tesmoigner de la prudēce? n'auras-tu point patience que ie t'aye déclaré le secret d'vn tel mystere pour connoistre comment on en doit parler? Mais quoy ? il est bien difficile de reprimer

la vanité d'un homme qui pense estre
 ſçauant. Pour moy, ie crois que ſi l'oc-
 caſion de parler de cette veufue ne ſe
 fut prefentée, toute ſa ſcience ſe fut
 eſtouffée dans ſon eſtomac ſans ſe pou-
 uoir exhale. On ne tient pas pour Phi-
 loſophe celuy qui ſçait où giſt le thre-
 ſor, mais bien celuy qui traueille & qui
 le tire au iour: meſme peut-on dire que
 celuy là ne l'eſt pas encore parfaitement,
 mais ſeulement celuy qui en ſçait bien
 vſer dans la poſſeſſion. Qu'importe - t'il
 que tu ſçache de beaux paſſages, ſi tu
 n'as du iugement pour les adapter bien
 à propos. Eſcoute, & tu verras comme
 cette veufue qui paroïſt exterieurement
 auoit vn corps tout formé des *Reſpons* de
 l'Office des Morts, vne ame d' *Alleluyas*,
 à la coiffure noire, & les penſées vertes.
 Voy - tu l'obſcurité de cette chambre
 & leurs viſages tous couuerts de draps,
 & de creſpes funebres, leur deuïl n'eſt
 que piperie, ce ſont des larmes de louä-
 ge, dont elles ſe defont quand elles veu-
 lent: les veux - tu conſoler? laiſſe - les
 routes ſeules? Elles danceroſt dès qu'el-
 les ne verront plus perſonne qui leur

L'hy-
 pocriſie
 décou-
 uerte.

ferue de sujet pour exercer leur hypocrisie : Et en mesme temps les confidentes viendront jouier leur ieu. Là là , Madame, dira l'une , consolons - nous, vous auez vn aduantage que vous ne connoissez pas , vostre mary vous laisse fort jeune , vous ne sçauiez pas faire valoir vostre talent , il se trouuera assez de braues hommes qui vous rechercheront & qui feront cas de vous : Vous sçauiez desia vne partie des intentions de Monsieur vn tel , ie m'asseure que s'il vous possede vne fois , ses mignardises vous feront bien-tost oublier le defunct. Ma foy , Madame , si i'estois à vostre place, dira l'autre , ie ne tarderais guere à me contenter ; pour vn perdu dix retrouuez , ie pratiquerois le conseil que ma commere vous donne ; mais il me semble que vous estes bien obligée à ce galant-homme qui nous vint hier visiter, qu'en dites - vous ? Le ne sçay si i'oserois declarer ce que le cœur m'en dit , mais il a bonne mine , il témoigne de vous honorer bien fort : & de vray , ce seroit grand domnage de laisser en friche vn si beau iardin que le vostre sans le culti-

uer : Et alors la veufue , avec vne simagrée de modestie en clignotant les yeux, & faisant la petite bouche : Helas ! diraelle ; il n'est pas encore temps de parler de cela , tout dépend de la prouidence de Dieu , il l'ordonnera s'il void qu'il me soit necessaire : toutesfois vos aduis ne se doiuent pas negliger. Remarquez vn peu quels profonds ressentiments de douleur : son mary n'est pas encore enterré, & la voila quasi remariée. Mais j'oublois à te dire que le premier iour du veufuage de telles femmes, est celuy auquel elles mangent le plus: car pas vne ne les visite qu'elle ne leur fasse prendre quelque restauran , ou manger quelque friand morceau pour leur animer le courage : & en l'auant ou le maschant la pauvre affligée dira, Hé mon Dieu ne me donnez plus rien, aussi bien tout mon aliment se conuertit en poison: Hé quelle douceur y puis-je trouuer , malheureuse que ie suis , qui estois accoustumée à partager avec la compagnie que i'ay perduë ? Mais il se faut armer de la patience, puis qu'il n'y a point de moyen de la r'appeller du monument. Considere

donc maintenant combien les exclamations que tu as faites sont vaines, iniustes & inutiles.

A peine le vieillard acheuoit ces paroles, quand nous ouïsmes dans la ruë vn grand tintamarre de populace : nostre curiosité nous fit sortir pour sçauoir ce que c'estoit; nous vismes vn Algoüazil * ayant le nez sanglant, sans colet, sans chapeau, & hors d'haleine, qui crioit, *Main-forte à la Justice de par le Roy*, lequel couroit après vn larron qui fuyoit comme s'il eust eu le diable aux fesses. Après luy, venoit vn Greffier tout plein de bouë, tenant force papiers & vne escriptoire en main, entourné d'vn nombre infiny de racaille : & s'arrestant deuant le logis d'ou nous sortions, se mit à escrire sur son genouil.

*Voiez ce mot en l'aduuis au Lecteur de la 1. Vision.

pour-
bes de
quel-
ques of-
ficiers
de lu-
stice.

En cette action, ie consideray qu'il n'y a rien au monde qui croisse si promptement, ny en si peu de temps, comme vn delit qui est entre les mains d'vn Greffier, puis qu'en vn moment il remplit vne main de papier. O que la Republique, dis-ic alors, deuroit bien recompenser le zele de cét Algoüazil, puis qu'il met sa personne en si grand ha-

zard pour nous sauuer à tous tant que nous sommes & la vie & le bien. De vray, il merite beaucoup enuers Dieu & enuers le monde : Voyez comme il est déchiré, & comme son visage est meurtry & sanglant, pour auoir employé sa force & son courage pour le bien & le repos du public.

Tout beau, tout beau, me dit le vieillard, si ie ne te faisois taire tu parlerois vn iour entier. Sçache, mon fils, que celui qui s'en est fuy est vn des amis de l'Algoüazil: avec lequel il pintoit souuent, & que pour ne luy auoir fait part d'vn larcin que l'Algoüazil luy impu-
toit, il le vouloit arrester & mettre en prison; mais le compagnon apres luy auoit rompu sa \dagger gaule, & donné plusieurs gourmandes, s'est sauué. Il faut bien que il ait les iambes bonnes, puis qu'il est eschappé des griffes & des dents de ces levriers de bourreau: car ils courent comme le vent quand ils chassent vne beste où ils pensent faire curée. Remarque doncque ce n'est nullement le profit & l'vtilité publique qui a porté l'Algoüazil à cette action, mais son profit particu-

C'est
que ils
portēt
vne ver.
ge.

particulier & le dépit qu'il a d'auoir esté pris pour dupe. Te vous auoüe bien que si l'interest propre n'eust excité cet Algoüazil, & qu'il eust entrepris sur ce larron pour le faire chastier de son delict, quoy que ce fust son amy, qu'il seroit digne d'estime, veu que c'est le gibier de telles gens; c'est la viande qui leur est permise de manger, leurs rentes & leurs reuenus procedent du fouët, de la corde, & de la galere. Et ie ne sçay comment il se peut faire, que le monde qui leur porte vne si grande haine, ne prend vne forte resolution d'essayer de laisser le vice & d'exercer la vertu pour vn an ou deux seulement, afin de se venger d'eux, & les faire mourir de faim. C'est vn tres mal-heureux office, puis que ses gages sont assignez avec ceux de Béelzebuth. Et auriez-vous encore autant de telles louanges pour le Greffier, dis-je alors à mon guide; Tu n'en dois point douter, me respond-il, puis que ce sont deux chiens qui sont toujours accouplez ensemble, alors qu'ils vont en queste: Le Greffier sert à faire des procès verbaux, & des informations

qui authorisent tousiours l'emprisonnement de quelque pauvre mal-heureux : & s'il a dequoy perdre, quand mesme il seroit aussi innocent qu'Abel, tant que ces Greffiers - la ont de plumées d'encre dans leur cornet, ils ne manquent iamais de témoins. Et s'il y a quelque simple déposant qui die naïuement la verité, ces Greffiers n'ont garde de l'écrire, ils ne prennent autre chose que ce qui sert à leur dessein ; & quand il est question de faire signer la deposition, ils ont le don de memoire : car en la lisant à peu près de la relation du témoin ouï, ils luy font signer, & par ainsi forment la cause & le procez comme il leur plaist. Mais si le monde se conduisoit comme il deuroit, il seroit tres-iuste & tres-necessaire qu'au lieu qu'ils font leuer la main aux témoins qu'ils veulent examiner & faire iurer qu'ils diront la verité, que ces témoins - là leur fissent leuer, & iurer qu'ils l'écriront comme ils la diront. Il y a pourtant de bons Greffiers & de bons Archers qui écrivent & qui tirent droit, mais l'office fait des bons ce que la mer fait des morts

qu'elle ne peut garder plus de trois iours, elle les jette sur le riuage. Il n'y a rien qui m'excite le rire, comme de voir vn Gref- fier aller à cheual avec des Archers, pour honorer & conduire vn voyageur du gibet, principalement quand il fait vn écho avec le bourreau, & qu'il luy dicte la sentence que sa malicieuse industrie a dressée si iniustement.

Le bon - homme en eust dit dauanta-
ge, s'il n'eust esté interrompu du grand
bruit & de l'éclat d'vn carrosse doré qui
passa par là, auquel estoit vn Courtisan
si bouffi d'orgueil & de vanité, qu'il
sembloit estre aussi pesant que les deux
cheuaux qui le traismoient, tant ils al-
loient lentement. Ce personnage faisoit
tant de vanité de se tenir droit, qu'on cust
dit qu'il estoit empalé d'vn échelas. Au
reste fort auare de ses regards, & si dé-
daigneux, que chacun luy faisoit mal
aux yeux: son visage & sa teste estoient
enfoncez dans vn grand colet de den-
telle empezée, & gourmeté si court,
qu'on eut dit qu'il estoit attaché au car-
quan, ou bien que c'estoit vne chandel-

Vanité
d'vn
Courti-
san.

le enucloppée de papier pour seruir de lanterne : Il faisoit vne morgue si superbe , qu'il sembloit auoir oublié l'usage des mouuements de son corps & de ses bras ; car ainsi que s'il eut esté perclus il ne se pouuoit tourner ny d'un costé, ny d'autre , ny hausser la main pour leuer le chapeau & salüer quelqu'un. Après cette magnifique statuë , marchoiēt quantité de laquais couuerts d'autant de couleurs qu'un harlequin ; Et dans le carrosse il n'y auoit qu'un bouffon , & un flatteur , qui entretenoiēt le bon Seigneur. O que tu es heureux ! m'escriay-ie dès ce que ie l'apperceus, sans doute le monde n'est fait que pour toy, puis que tu vis si à ton aise , & parmi tant de grandeur ! O que ta richesse est bien employée ! O la belle suite de gens que voila ? Tout ce que tu penses, & tout ce que tu dis , me reparra aussi-tost mon vieillard , n'est que pure resuerie & euidente menterie , tu ne rencontres la verité que quand tu dis que le monde ne se fit que pour cet homme-là : Assurément tu ne manques pas de raison , d'autant que le monde n'est que

trauail, vanité & folie, dont cettuy-cy est tout remply : Je m'assure que si tu prenois bien garde au train qu'il mene, tu verrois beaucoup plus de creanciers à toute cette mouuante machine, dont la nourriture & l'entretien ne se subsiste que par l'emprunt & le credit, l'esperance & les belles promesses. Et ie te respons que si l'on examineroit exactement le secret de la conscience de ce Courtisan, que les inuentions & les artifices qu'il employe pour sustenter sa vie, luy donnent mille fois plus de peine que s'il la gaignoit à cauer ou fouir la terre. Voy tu ce bouffon & ce flatteur qui le cageolent ; ils sont plus fins que luy, puis qu'ils s'en moquent en mangeant à ses despens, & en tirant l'argent de sa bourse. Quelle plus grande misere y a-t'il que celle de telles gens, qui achètent si cher les menteries & les adulations, & qui employent tout leur bien & s'engagent si fort pour recompenser des faux tesmoignages ? Le pauvre fou qu'il est, se rault de ioye de ce que ces deux disconreurs qui

l'accompagnent, luy ont peut-estre dit qu'il n'y a point de Cavalier à la Cour qui le vaille; que tous les plus galants, & de meilleure mine, ne sentent que leurs suivans, au prix de luy; que les Dames n'ont point d'object plus agreable, ny de plus charmante conversation que la sienne: tellement que cesont des asnes qui se grattent, le Courtisan, le flateur, & le plaisant se seruent de bouffons tour à tour.

Ruses
d'une
Courtisane.

Comme le vieillard proferoit cette dernière parole, vne Courtisane vint passer devant nous, laquelle auoit vn maintien, & vn port si auantageux, qu'elle attirōit les yeux de tous ceux qui la regardoient, & leur laissoit les cœurs pleins de desirs. Elle marchoit avec vne artificieuse negligence, elle cachoit sa face à ceux qui l'auoient déjà enuifagée, & la faisoit voir à ceux qui n'y auoient pas pris garde: tantost elle élançoit vn regard de ses yeux, en feignant d'ajuster la coiffe ou le mimy, qui luy voloit sur le visage; tantost en se découurant à demy, ne monstroit qu'vn œil & vne joue, comme vne sorciere qui

vient du sabath ; Et puis faisant semblant de racommoder son mouchoir de cou , elle découvroit son sein, dont la blancheur excedoit celle de l'albâtre: ses cheueux annelez , & martyrisez de mille coups de fers chauds , pendoient nonchalemment dessus son front & ses temples: son visage n'estoit que neige & roses vermeillés , lesquelles contre l'ordre de nature , se maintenoient en parfaite amitié ensemble ; ses lèvres & ses dents méprisoient le corail & les perles , & sa main qu'elle faisoit paroistre de moment en moment sur sa coiffure noire pour augmenter sa blancheur, surmontoit la couleur du jasmin: bref, elle rauissoit toutes les ames de ceux qui s'arrestoient à la regarder. A cette vision, ie me sentis comme transporté & enflammé d'un desir de la suiure, plustost qu'aucun des autres objets qui m'auoient passé devant les yeux ; mais à la premiere démarche , ie voy mon vieillard deuant moy qui m'arreste tout court , non toutefois sans que ie luy témoignasse mon ressentiment en ces termes. Il faudroit estre exceſ-

siuement barbare & sans yeux aux merueilles de la nature, si l'on estoit insensible aux attraits d'une si charmante beauté que celle là. O que ie tiens heureux celuy qui rencontre vne telle occasion fauorable : & que ie tiens habile homme celuy qui en peut auoir la jouissance ? quels plaisirs sont inconnus à celuy qui possède en toute liberté vne belle femme, puis qu'elle ne fut produite de la nature que pour estre aimée de l'homme ? pour moy i'abandonnerois tout le reste du monde pour vne pareille possession, & n'aurois iamais de desirs pour autre chose qui s'y puisse trouuer. Quels éclairs & quels foudres d'amour élancent ces yeux-là ! quels enchantements, & quelles chaines pour vne ame libre ? vid on iamais vne ebeine si noir que ces sourcils ? Non le cristal ne peut auoir tant de blancheur que le lustre de son front : le sang & le laiët meslez ensemble ne composent point vn vermeil plus agreable que celuy de son visage : les rubis & les perles ne se peuuent comparer à sa bouche : Certes c'est vn chef-d'œuvre de la na-

ture , c'est vn object qui merite des
louanges infnies , & auquel on peut
trouuer la fin de tous les desirs. Tu ne te
tairas de long-temps , si tu veux tant dis-
courir sur chaque chose que tu verras,
me dit le vieillard. O que tu es peu ex-
perimenté , & que ton admiration fait
bien connoistre ton ignorance ! Iusques
à cette heure ie t'^{ai} tenu seulement
pour aueugle , mais te voy bien que tu es
aueugle & fol tout ensemble. Tu ne
sçais pas encore pourquoy Dieu t'a don-
né des yeux , ny pour quel vsage. Ie t'ad-
uise donc qu'ils ne te doiuent seruir que
pour voir , & que c'est à l'entendement
à faire eslection des choses ; mais tu pro-
cede au contraire , ou bien tu ne fais
rien du tout , qui est encore pis. Si tu
veux croire tes yeux , ton esprit souffri-
ra mille peines & mille confusions : tu
prendras les rochers pour des monta-
gnes d'azur , parce que l'éloignement &
la proximité deçoient la veuë : vne ri-
uiere est capable quelquesfois de s'en
mocquer ; puis que bien souuent pour
voir de quel costé elle prend son cours,
il faut qu vn rameau ou vne paille luy

Piperica
des
Cour-
usanes
décou-
uertes.

en donne la connoissance. Or apprens que cette femme - là , qui te semble si parfaite , pipe & abuse tes yeux. Hier au soir elle se coucha fort laide, & ce matin elle s'est ornée de cette beauté que tu loües tant: aussi ne la tient elle qu'à loüage. Si tu auois examiné cette poupée en détail , tu n'y trouuerois que du plastre & du drap; & à commencer son anatomie par la teste, ie t'advertis que les cheueux qu'elle porte viennent de la boutique de la perruquiere, parce que les siens ont esté soufflez d'un mauuais vent qui venoit du costé de Naples: ou bien s'il luy en reste, elle ne les oseroit monstres, de peur qu'ils ne les accusassent du temps passé. Ses yeux n'ont point d'autres sourcils que ceux que le pinceau leur forme, ny son visage d'autre couleur que celle que le fard luy donne: c'est vne vieille idole repeinturée: mais pourtant ce n'est pas vne petite merueille de voir vne peinture auoir du mouuement: en fin c'est vne personne qui a quasi trouué le secret de ce fameux Necromancien, qui pretendoit se rajeunir dans vne phio-

le de verre, puis que tout ce qui te l'a fait paroistre si belle que tu dis, prouient des eaux alambiquées, & des essences des phioles de fards, si elle vouloit permettre qu'on luy lauast le visage, tu ne la reconnoistrais plus; elle te sembleroit effroyable; & sans l'abondance des pastilles & des eaux odorantes, & les chaussions des peaux parfumées dont elle vse, son gousset, & ses pieds te feroient bien boucher le nez. Si tu venois à la baiser tu t'emplirois toutes les lèvres d'huile & de graisse: en l'embrasant tu ne trouuerois que du carton, du canevas & de la bourre, dont tout le corps de sa robbe est farcy pour reparer les défauts de sa taille: quand elle se va coucher, elle laisse au pied de son liect la moitié de sa personne, en quittant ses patins. En quoy donc est ce que ton iugement s'est fondé pour la trouuer si accomplie? tes yeux t'ont-ils pas trahy? Admire donc maintenant ta simplicité, & sçache (sans m'arrester aux imperfections de cette femmecomme) que la pluspart des autres ne sont que des animaux pleins d'orgueil qui

trionphent de la simplicité des hommes: & que celles qui s'estiment valoir quelque chose entre les autres, donnent mille peines à ceux qui en pourchassent la possession, & qu'au bout du compte, les despens montent tousiours plus que le principal. Et pour te faire mespriser les approches de cette espece de creature, represente-toy cette infirmité secrette, à quoy la nature les a renduës si souuent sujettes: & ie m'asseure que tu en auras vn dédain qui te sera profitable, & que tu te repentiras d'auoir eu de l'amour pour vne chose si odieuse & si sale.

Fin de la cinquiesme Vision.



AV LECTEUR
INGRAT.

P Vis que tu es si barbare que ie n'ay pû t'obliger à m'épargner de ta censure, en t'appellant ailleurs Illustre, Pieux & Benin ie quite maintenāt cette craintive retenüe, & parle librement à toy. Scache que ie te presente icy vne Vision de l'Enfer: comme un aduis pour amander ta vie. Et pour y commencer dès cette heure, ne me rends pas coupable de ton vice, ne m'appelle point médisant, puis que l'on ne peut médire des damnez, quoy qu'on en puisse dire, car il n'est pas possible qu'il y ait rien de bon en eux. Si l'Enfer te semble trop grand prends-en la portion que tu voudras, & te tais. Est-ce pas te faire beaucoup de grace de te donner de la peine à telle mesure qu'il te plaira? Ne t'estonne pas aussi, si tu n'y trouue que de l'obscurité & de la tristesse: car tu peux bien penser que le Soleil ny la ioye n'habitent pas en Enfer. Accorde moy seulement vne chose,

Et ie t'en coniore par tous les plas humbles
 prologues des autres barboüilleurs de papier,
 c'est de ne point exercer ta malice, pour peruer-
 tir la nayueté de mon zele, & l'innocence de
 mes intentions, qui ne tendent qu'à reprimer
 les vices, en descourant les excés & les ou-
 trages de plusieurs conditions mondaines. Et
 si par hazard le discours t'agrée diuertis en
 ton oisueté comme i'ay fait la mienne, sinon
 mets-le en lumiere en ton foyer, ie ne m'en of-
 fenseray pas, puis que ie t'en donne le conseil,
 ny le Libraire non plus, pourueu que tu luy
 aye payé son liure.





VISION VI.

DE L'ENFER.

LE passois la saison d'Automne, en vne maison de Campagne, à peu près accompagné de tout ce qui pourroit estre requis à vn aduertissement solitaire : Et me pourmenant vn soir au clair de la Lune, dans vne allée d'vn parc, meditant sur mes Visions passées, & prenant vn extrême plaisir à les r'appeller en ma memoire, ie me sentis sollicité d'vn desir de m'écarter, & d'entrer plus auant dedans le bois : Je ne sçay si cela procedoit des inspirations de mon bon Ange, ou de quelque autre puissance superieure : mais en moins de demy quart d'heure de chemin ie me trouuay fort esloigné de cette maison, & en vn lieu où il n'e-

estoit plus nuict. le regarday autour de
 moy, & ie vis vn passage le plus agrea-
 ble qui se puisse représenter : Le silen-
 ce & le temperament de l'air compo-
 soit là vne beauté innocente & muette
 qui rauissoit la veüe. D'vn costé les rui-
 seaux de cristal liquide cageoloient
 avec le grauiet & les petits caillous : &
 d'vn autre, les arbres deuisoient avec
 les fueilles : Les oiseaux y chantoient
 aussi, mais ie ne pûs reconnoistre si c'e-
 stoit par émulation des fontaines & des
 arbres, ou si c'estoit pour leur rendre la
 pareille, & leur donner musique pour
 musique. Et d'autant que nos desirs
 sont si vagabonds, qu'ils ne trouuent
 pas de repos dans la mesme tranquillité,
 & aussi que la solitude ne me plaist pas
 tousiours, il me prit enuie d'aller cher-
 cher compagnie : En mesme temps,
 (chose merueilleuse) ie voy deux sen-
 tiers qui naissoient d'vn mesme endroit,
 & qui se separoient peu a peu l'vn de
 l'autre ; comme s'ils eussent refuse de
 s'accompagner. Celuy de la main droi-
 te estoit si estroit, qu'on n'en scauroit
 quasi faire de comparaison ; & pour
 estre

Che-
 min de
 Paradis

estre fort peu frequenté, il estoit si plein de ronces & d'espines, si pierreux & si raboteux, qu'on auoit mille peine pour y entrer. Il y auoit pourtant apparence que plusieurs personnes y auoient passé, mais toutesfois avec de grandes incommoditez; les vns y auoient laissé la peau, les autres les mammelles, les bras, la teste & les pieds: & neantmoins on y voyoit tousiours quelques passagers, mais ils auoient tous des visages passés, iaunes, maigres & extenués; & marchoient sans iamais regarder derriere eux. De dire qu'on y püst aller à cheual, on se moque de cela: & de fait, ie demanday à quelqu'un des voyageurs s'il y auoit assez de place; Sainct Paul, me dit-il, descendit de cheual pour y entrer. Aussi n'y auoit-il point de trace ny de piste d'aucune beste, ny d'orniere de carrosse, ny d'emprainte de pieds de mulets de litiere, & n'auoit on point memoire d'y en auoir veu passer.

En cét estonnement, ie m'adresse à vn pauvre mendiant qui se reposoit vn peu pour reprendre haleine, & luy demanday s'il y auoit point d'hostelleries

sur ce chemin là, & de lieux de retraite pour giter. Il faut tousiours aller, me dit-il, on ne se doit point arrester: & puis il n'y a ny Hosteliers, ny Tauerniers, c'est le chemin de la Vertu, on n'y void gueres de ces gens-là. Ne sçauiez vous pas bien qu'en la carriere de la vie; le départ, c'est naistre: le viure, c'est cheminer; l'Hostellerie, c'est le Monde; & qu'en sortant de-là il n'y a qu'un petit pas à faire pour entrer dans la peine ou dans la gloire. Disant cela il passe outre Dieu demeure avec vous, me dit-il, celui qui va dans le chemin de la Vertu perd le temps quand il s'arreste, & d'ailleurs, qu'il y a du danger à respondre à ceux qui ne s'informent que par curiosité, & non pas pour estre instruits.

Il poursuiuit son chemin, en heurtant souuent contre les pierres, & souspirant à chaque pas, & sembloit que les larmes qui distilloient de ses yeux voulussent amolir les cailloux pour estre plus doux à ses pieds. Qu'en dépit soit fait le chemin, dis- ie alors en moy- mesme, il est fort rude & penible; & encore pour le rendre plus affreux, les personnes qui y

vont, sont farouches & d'un tres-mauuais entretien, cela n'est pas propre à mon humeur. Discourant ainsi, ie fis vn pas en arriere & sortis de ce sentier-là, qui m'estoit si desagreable. Le tourne sur la main gauche, en mesme instant ie me trouuay dans l'autre chemin, auquel ie vis tant de monde, tant de Caualliers, tant de carrosses pleins de beautez humaines, dont les yeux sembloient vouloir disputer de la clarté contre le Soleil: les vns chantoient, les autres ryoient, autres se chatoüilloient pour se faire rire, autres mangeoient; bref, ie pensois veritablement estre au Cours. Et lors me souuenant de cette sentence, *Dy moy qui tu as frequente, & ie deuiendray tes mœurs?* afin qu'on ne me püst reprocher d'auoir hanté mauuaise compagnie, ie me mis en deuoir de suiure celle - cy qui me sembloit tres bonne. A peine eus-je fait la premiere démarche que (comme celuy qui va sur la glace) ie me trouuay aussi tost au milieu de la route, & parmy les Dames, les balets, les mascarades, les comedies, les ieux, les banquets: passe-temps fort propre à mes inclinations.

Che-
min
d'Enfer

Ce n'estoit pas comme à l'autre chemin, auquel à faute de Tailleurs on y alloit nuds pieds. Il y en auoit de reste en cettuy-cy, aussi bien que de Marchands de soye, de Ioüailliers, & toute sorte de ces mestiers qui seruent à la vanité mondaine, comme Vertugaliers, Perruquiers, Parfumeurs, Gantiers, &c. Et pour des Hostelliers & Tauerniers, on les y trouuoit à chaque pas. Je ne vous scaurois représenter l'aise que i'auois, de me voir parmy tant d'honnestes gens, combien qu'il se trouuast tousiours quelque embaras dans le chemin, principalement entre les Medecins montez sur leurs mules, & les Iuriconsultes & Legistes, qui marchoiert en gros escadrons deuant des Iuges, car ils contestoiert à qui passeroit les premiers, mais la prééminence demeueroit aux Medecins, (que la mode nouvelle appelle venins graduez, parce qu'on estude dans leurs Vniuersitez à composer les poisons.) Tandis que ces honneurs se dispuoiert, ie considerois que quelques-uns de l'un & de l'autre chemin changeoiert, & passoiert de

Medecins & Iuriconsultes.

l'un à l'autre, mais par des petits sentiers fort estroits. Les vns tresbuchoient & tomboient quant & quant, sans se pouuoir retenir; & ce que ie trouuay de fort plaisant à mon arriué, ce fut vne glissade que ie vis faire à vne chiennée de Tauerniers, qui tomberent les vns sur les autres dans vn fossé; & parce qu'il y auoit de l'eau, ils s'en retirerent plus viste que du feu. Nous nous moquions de ceux qui estoient dans le chemin de la vertu, que nous voyons auoir mille peines à faire seulement vn pas, nous les raillons, nous les appellons bigots, mangeurs de chapelets, beueurs d'eau beniste, lie du monde, marmiteux, rebut & mespris de la terre. Quelques-vns d'eux se bouchoient les oreilles, & passoient outre: aucuns s'arrestoient pour nous escouter: les vns estourdis du grand bruit de nos voix, & les autres flatez de nos diuertissemens, & honteux de nos gaufferies, quittoient leur premiere route, & s'en venoient dans le nostre. Ie vis vn sentier, par lequel plusieurs hommes marchoient de la mesme façon que les gens de bien, &

Tauerniers.

de loin il sembloit quasi qu'ils allassent ensemble, mais quand ie fus plus près d'eux, ie reconnus qu'ils estoient des nostres. On me dit qu'ils s'appelloient Hypocrites, & que c'estoit vne espece de personnes, auxquels la penitence, le jeusne, & la mortification seruoient d'exercice de leur nouiciat pour l'Enfer, au lieu que les autres en faisoient vn negoce pour acquerir le Ciel. Apres ceux cy alloient plusieurs femmes qui baisoient le bas des robbes de ces bonnes gens-là, ie ne sçay si c'estoit par deuotion ou par affection, mais ie sçay bien qu'il y a des baisers de certaines femmes qui valent pis que celuy de Iudas: car bien que le sien fust le signe de la trahison qu'il couuoit en son ame, si est-ce qu'il baisa la face du Iuste, du Fils de Dieu & du mesme Dieu, mais celles cy baisoient les habits des hommes qui estoient aussi meschans que Iudas: ce qui fit que j'en attribuay la cause à la friandise que quelques vnes auoient des baisers, plustost qu'au zele. Autres leur tiroient quelques filers de leur robe pour les garder comme des reliques

fainctes, & d'autres en coupoient, mais de si grandes pieces, qu'elles faisoient soupçonner que ce n'estoit qu'afin de les voir tous nuds, & non pas pour ajouter foy à leurs œuures. Autres se recommandoient a eux en leurs oraisons, & cela valoit autant que se recommander au diable par tierce personne. Aucuns leurs demandoient des riches maris pour leurs filles: Autres leurs demandoient des enfans; ce qui me fit penser qu'un mary qui consênt que sa femme demande des enfans à d'autre qu'à foy, est assez disposé à les recevoir s'ils luy en donnent: En fin i'apperceus que ces gens-là estoient seulement voilez & déguisez pour nous autres; mais qu'ils n'auoient point de masques ny de faux visages pour les yeux Eternels, qui sont ouuers sur toutes choses, & qui connoissent les plus secrets mouuements des ames. I'aduoite bien qu'il y a plusieurs deuots esprits, ausquels nous pouuôs demander l'assistance de leurs prieres, mais ils sont differents des Hypocrites, ausquels on void plustost la discipline que le visage, & qui alimentent leur ambitieuse feli-

cité, par l'applaudissement des peuples, en disant avec humilité feinte, qu'ils sont indignes des graces de Dieu, comme tres-grands pecheurs, & les plus meschans de la terre; qu'ils ne sont que pauvres asnes; & par ainsi trompent, en disant la pure verité: car estans Hypocrites, ils sont veritablement asnes, & tres-meschans.

Ceux-cy alloient à part, & estoient tenus pour estre moins fins que les Maures, & plus brutaux que les Barbares sans Loy, dautant que ceux-cy se contentent de iouir de la felicité de la vie presente, parce qu'ils n'en connoissent point d'autre, mais les Hypocrites qui sçauent que c'est de la vie temporelle, & de l'eternelle, sont neantmoins si mal-heureux, qu'ils ne iouissent pas de l'une à present, & n'esperent rien de l'autre à l'aduenir, si bien que c'est fort à propos que l'on dit, qu'ils gagnent l'Enfer avec beaucoup de merites, c'est à dire, avec de grandes peines. Enfin, nous allions tous mesdisans les vns des autres. Les riches suiuiuoient la richesse, & les pauvres demandoient aux riches

Riches
& pauvres.

ce que Dieu leur auoit desnié. Les ob-
 ftinez alloient par vn chemin escarté, <sup>Obsti-
nez.</sup>
 pour ne se vouloir pas laisser gouverner
 aux mieux aduisez, & par ainsi couroient
 de toute leur force, & s'aduançoient
 tousiours les premiers : Les Magistrats <sup>Magi-
strats.</sup>
 attiroient après eux tous les negocia-
 teurs des procez, la passion & la conuoit-
 ise emportoit les mauuais Iuges, & les ^{Rois.}
 Rois enfléz de vanité & d'ambition en-
 traïsnoient les Republiques : on ne man-
 quoit pas de voir aussi dans ce chemin-
 là plusieurs sortes d'Ecclesiastiques. Je
 vis aussi des Regimens de Soldats tous ^{Soldats}
 entiers, qui eussent esté fort glorieux,
 fils eussent estendu le Nom de Dieu en
 combatant, comme ils auoient fait en iu-
 rant ; ils chantoient entr'eux les rencon-
 tres où ils s'estoient trouuez, les mau-
 uais passages dont ils s'estoient sauuez ;
 (car iamais ces gens-là n'en tiennent
 d'autres :) mais de tout ce qu'ils disoient,
 nous n'en croyons rien, sinon quand ils
 parloient d'aualer : comme lors qu'ils
 vouloient exagerer leurs beaux exploits,
 ils se disoient bien camarades, quels ha-
 zards auons-nous passez, combien en

auons nous aualez ? on croyoit verita-
 blement qu'ils en auoient beaucoup
 aualé, mais que ce n'estoit que des mou-
 ches, lesquelles voltigeoient à mon-
 ceaux autour de leurs bouches gourman-
 des, & gommeuses de tant de syrop de
 Bachus qui y auoit passé. Quelques es-
 prits genereux, de ceux qui estoient dans
 le chemin à main droite, qui voyoient
 ces miserables, portans encore à leur
 ceinture des boëtes de fer blanc pleines
 de passe-ports & d'autres papiers inuti-
 les, comme des requestes pour auoir
 des recompenses de leurs seruices, leur
 crierent, émeus de charité, & comme
 s'ils fussent allez à quelque combat; A
 moy, soldats, à moy. Qu'est-ce à dire ce-
 la, est-ce vne action de valeur de laisser
 ce chemin cy de crainte des difficultez
 qui s'y rencontrent? Venez hardiment,
 car nous sommes assurez que ceux qui
 combattront legitimelement seront cou-
 ronnez: quelles vaines esperances vous
 traissent après les promesses des Roys?
 voulez-vous tousiours auoir les oreil-
 les battuës de ces cruelles paroles,
Tuë ou meurs? Moderez cette faim de

recompense après laquelle vous coürez, l'homme de bien ne doit suiure que la vertu : elle est la recompense de soy-mesme, reposez vous sur elle : Si vous dittes que vous aimez la guerre, venez à nous, vous aurez de quoy l'exercer: la vie de l'homme n'est qu'une guerre perpetuelle contre soy, & les ennemis de nostre ame nous obligent à auoir toute nostre vie les armes à la main. Representez-vous que les Princes disent maintenant que nous leur deuons nostre sang & nostre vie, & qu'en le respandant & la perdant pour eux nous ne leur rendons point de seruice, nous ne les obligeons de rien, attendu que nous ne satisfaisons qu'à nostre deuoir. Tournez, tournez la teste, venez avec nous, & vous serez heureux. Les soldats écouterent fort attentiuement toutes ces remonstrances, & honteux des reproches des couardises qu'on leur faisoit, quitterent genereusement leur route, & la teste baissée, hardis comme des Lions se ietterent dans vne taverne.

Après cela ie vis vne grande troupe

D'f-
voyez
du che-
min de
salut.

de femmes qui alloient au chemin d'Enfer, avec l'argent des hommes, & autant d'hommes qui les suiuoient, parce qu'elles emportoient leur argent, bronchant & tresbuchant les vns sur les autres. D'autre costé, ie vis quelques vns des bons, lesquels estant sur la fin de leur chemin, le quittoient fort souuent pour se mettre dedans celuy de la perdition, car parce qu'ils trouuoient le chemin du Ciel plus large & plus aisé à mesure qu'ils approchoient du bout, & qu'au contraire celuy d'Enfer alloit estreccissant, ils croyoient s'estre desuoyez, & auoir pris vn chemin pour l'autre, si bien qu'ils se venoient mettre librement dedans le nostre : comme aussi pour la mesme raison, il y en auoit plusieurs d'entre nous qui faisoient vn pareil change, pour ne sçauoir pas bien reconnoistre leur premiere route. Ie vis vne grande Dame qui alloit en Enfer sans carrosse & sans litiere, à pied, & toute seule. Et moy estonnée de la voir en si piteux arroy, au prix de ce que ie l'auois veuë au monde, ie cherchay vn Greffier pour en faire faire vn acte, parce

Il s'en
paile
cy après
à la pa-
ge 392.

que ie croyois qu'elle se fust desguifée pour faire quelque meschant coup en trahison, mais ne trouuant ny Greffier, ny Notaire, ie creus estre dans le vray chemin du Ciel, & que l'autre estoit celuy de l'Enfer, dont ie fus fort content: toutesfois, après auoir vn peu cheminé, ie me souuins d'auoir oüy dire que la voye de Paradis estoit toute pleine de croix, d'austeritez, de penitences; & considerant que ie ne voyois autour de moy que des gens qui ne parloient que de rire, de ieux, & de voluptez, ie demeuray sur la resuerie & sur le doute de n'estre pas au bon chemin: mais ie fus tiré de cette incertitude par vne grande troupe de gens ^{Mariez} Mariez que nous ataignismes, lesquels menoiēt leurs femmes par la main, comme pour marque de leurs peines & de leurs mortifications; d'autant que telle femme estoit le ieufne de son mary, puis qu'il faisoit diette pour luy fournir de perdrix & de gelinotes: telle autre estoit la nudité du sien, puis qu'il estoit mal habillé, tout deschiré, & à pied dans la crotte, pour luy entretenir vn carrosse,

luy acheter des robbes & des ioyaux superflus pour augmenter sa superbe: En fin ie reconnus qu'un homme mal marié se peut venter de posséder en la personne de sa femme toutes les qualitez necessaires pour estre mis au catalogue des martyrs. De sorte qu'en voyant cette penible vie, ie confirmay la premiere creance que l'on m'auoit mise en l'esprit d'estre au bon chemin; mais cette opinion - là ne me dura guere parce que j'entendis vne voix derriere moy qui crioit; laissez passer les Apotiquaires. O Dieu! dis ie alors, y a-t'il des Apotiquaires icy? sans doute nous allons en Enfer: & il estoit vray, car en mesme instant nous nous trouuâmes dedans par vne petite porte faite comme celles des fourissiers, aisée & facile à l'entrée, & impossible à la sortie.

Je fus grandement estonné de ce que durant le chemin personne ne s'étoit aduisé de dire que nous allions en Enfer; & neantmoins quand nous fusmes-là, chacun fort épouuanté commença à se regarder l'un l'autre, & à dire, nous sommes en Enfer, il n'en faut

point douter. A cette parole, ie sentis vn grand saisissement de cœur : Est-il bien possible, dis-ie, que nous soyons en Enfer ? En mesme temps, les larmes aux yeux, ie me mis à regretter les choses que ie laissois au monde, mes parens, mes amis, mes amours, les Dames, & generally toutes mes connoissances : & faisant vn grand soupir, ie tournay visage diuers le monde, & du mesme chemin que nous auions tenu, ie vis venir comme en poste la pluspart de ceux que i'auois connu. Ie fus vn peu consolé de l'arriuée d'vne si bonne compagnie, croyant que cela me diuertiroit dans vne si triste demeure, si d'auanture il m'y falloit sejourner long-temps.

Ie ne laissay pas de passer outre & peu à peu ie trouuay parmy vne bande de Tailleurs qui se serroient en vn coin de peur des diables. A la premiere porte ie trouuay sept Demons, qui tenoient registre de tous ceux qui entroient. Ils me demanderent mon nom & ma qualité, & l'ayant dit on me laissa passer, & les Tailleurs avec lesquels ie m'estois mis s'estans presentez, & ayant

Tail-
leuse.

dit qu'ils estoient l'ailleurs, vn des diables respondit : Voila qui est estrangé ie croy qu'il semble à tous les Tailleurs du Monde, que l'Enfer n'est fait que pour eux, à les voir venir par troupe comme ils font : Combien font ils ? dit-il à vn autre diable, il y en a vn cent, respond l'autre ; ne vous trompez pas, repart son compagnon, il n'est pas possible, si ce sont des Tailleurs, qu'il n'y en ait qu'vn cent : car la plus petite bande qui nous vienne tous les iours de telles gens, n'est pas moindre que de mille ou douze cens : nous en auons desia tant, que nous ne ſçauons plus où les mettre ; ie ne ſçay ſi nous les deuons receuoir. Les pauures croqueprunes furent fort effrayez de cette parole, craignant qu'on les chassast, mais à la fin on leur fit grace, ils entrerent. Il faut bien dire, pensay-ie alors, que ces gens-là sont fort meschans, puisque le refus de leur donner entrée en Enfer, leur sert de rigoureuse menace. Là dessus, voicy vn diable de la grand' maille, bossu, & boiteux, qui les ietta tous dedans vn creux fort large & profond, en criant *garde le*

bois.

bois. Je m'approchay de luy par curiosité, & luy demanday pourquoy il estoit ainsi incommodé de sa personne; il me respondit: Je suis la beste de somme des Tailleurs; ma charge est de les aller querir en l'autre monde, & les apporter icy: mais pour en auoir de trop gros fardeaux à porter, & plus souuent que tous les iours, ie me suis gasté la taille comme vous voyez: maintenant ie suis dispensé de cette fatigue-là; dautant qu'ils viennent à cette heure d'eux-mesmes à grand' foule, de façon que ie ne fais plus que les ietter là dedans. Ainsi qu'il parloit à moy, voicy encore arriuer vn grand vomissement de Tailleurs que le monde faisoit, ce qui m'obligea d'entrer plus auant pour leur faire place, & laisser trauallet ce diable qui remplissoit son magazin, & qui me dit que les Tailleurs estoient le meilleur bois qui se brusle en Enfer.

Je m'aduançay donc, & entray dans vne petite allée fort obscure, quand on m'appella par mon nom, ie me tournay avec assez de frayeur, & i'apperceus vn homme vni peu mal-aisément, tant à

Librai-
res.

cause de l'obscurité qui estoit fort espais-
se, que des flammes qui l'environnoient.
Hé! Monsieur vn tel, me dit-il, ne me
reconnoissez-vous point? ie suis vn tel
Libraire: Est-il possible, dis-ie, hélas! oüy,
respondit-il, c'est moy, qui l'eust iamais
pensé? Il croyoit qu'on se deust fort eston-
ner de cét accident: mais quand ie l'eus
enuisagé, ie me mis à admirer combien
la Iustice de Dieu est grande & verita-
ble, parce que sa boutique estoit vn vray
bordel de liures: c'estoit luy qui imprimoit
& vendoit tous les plus meschans
& scandaleux liures qui courent aujour-
d'huy entre les mains des libertins &
des desbordez. Je fis pourtant semblant
d'auoir pitié de luy, pour luy donner vn
peu de consolation: & luy me voyant
contrefaire l'estonné: Que voulez-vous,
me dit-il, c'est le mal-heur de ceux
de nostre condition; nous ne sommes
pas seulement condamnez pour nos
propres œuures, comme tous les hom-
mes, mais nous autres Libraires, nous
endurons & pâtissons encore pour les
mauuaises œuures d'autrui: & particu-
lièrement de ce que nous faisons si bon

marché des liures traduits du Grec & du Latin en langue vulgaire, par le moyen desquels les ignorans sçauent auourd'huy les choses qui faisoient autrefois estimer les sçauans hommes: car à present vn belistre de Laquais, ou vn puant Palefrenier, qui sçaura vn peu lire, aura la hardiesse de manier vn Virgile, vn Homere, vn Ouide, & les traînera dans des cuisines, ou dans des escuries, comme si c'estoit des Quatre fils Emond, des Robert le Diable, ou des Espiegles. Il eust parlé dauantage, mais vn diable luy susfoqua l'haleine avec des chaumoufflets qu'il auoit faits des feuilles de ses liures: Et comme ie sentis cette infecte fumée, ie tiray pais, disant en moy-mesme: Helas! s'il y en a de condamnez pour les mauuaises œuures d'autruy, que feront ceux qui les composent & qui les produisent au monde?

I'estois sur cette Meditation, quand l'entendis vn grand combat d'ames qui gemissoient effroyablement, & plusieurs Diabes qui les foüetoient avec de grandes & furieuses escourgées. Ie demanday quelles gens c'estoient, &

Cochers.

l'on me respondit que ce n'estoit que canailles de Cochers, qui vouloient former vn procez contre les Diabes, comme indignes de manier le foïet, en ce qu'ils ne le sçauoient pas faire claquer comme eux. Et ie vous prie, dis-ic à vn Diable, pourquoy sont-ils icy tourmentez ? en mesme temps vn des plus vieux Cochers de la troupe, qui auoit vn visage d'vn mauuais regard, prit la parole, & preuint la responce du Diable, en me disant : Monsieur, c'est parce que nous sommes venus en Enfer à cheual & en commandant, chose qu'on pretend que nous ne deuions pas faire, attendu que nous ne sommes, dit-on, que des coquins. Et pourquoy, luy repartit le Diable, ne dites-vous pas la vraye cause, pourquoy ne découurez-vous icy ce que vous auez caché au monde, qui sont vne infinité de pechez que vous auez facilitez, & que vous auez recelez par vos mengeries, tant que vous auez esté de cét infame mestier ? Et lors, vn Cocher qui auoit esté à vn President, & qui esperoit qu'il le deust tirer de là, comme du Chastelet

ou de la Conciergerie : Comment osez-vous, dit-il, appeller nostre mestier infame, ie vous respons, que depuis dix ans, il n'y en a pas vn plus honorable dans le monde : A-t'on iamais veu des habits plus beaux que ceux qu'on nous fait maintenant ? le velours & la broderie y sont-ils espargnez ? en effet, avec nos manteaux billebarrez de plusieurs couleurs, on nous prendroit à cette heure pour des Roys de carte : Et ce n'est pas sans raison qu'on nous fait braves, & que l'on fait cas de nous, puisque la vie de tous nos Maistres est tous les iours entre nos mains, & mesme bien souuent celles des Princes & des Roys dépendent de nostre conduite, bien plus que de celle de leurs Medecins. Aussi y a-t'il plusieurs personnes qui reconnoissent leur deuoir & nostre merite, & qui nous honnorent comme leurs Peres Confesseurs: le soustiens que ma comparaison n'est point indecente, en ce que nous sçauons les pechez & les secrets des consciences aussi bien qu'eux ; & peut-estre encore plus. Qu'est-ce à dire cecy, dit vn Diable en

s'estouffant de rire ? nous pensions auoir icy vn Cocher, mais c'est vn Rhetoricien, le compagnon se débride, il a rompu le frein, il a la bouche libre: Je pense qu'on ne le pourra plus faire taire. Pourquoi se taira-t'il, dit vn autre qui auoit seruy vne grand' Dame d'importance, quand vous nous traitez si rudement, au lieu de nous festoyer ? Vous tirez mille seruices de nous; nous sommes vos rouliers ordinaires, nous vous rendons tousiours la marchandise que nous chargeons bien enuelopée, bien conditionnée, belle, nette, propre, parfumée, point mouillée ny traînée dans les boües, veu qu'il vous vient tant de Demoiselles crotées, de petites Bourgeoises, tant de houbreaux de Noblesse, & de Courtaux de boutiques, à qui vous faites si bonne chere: Il y a bien de l'ingratitude ceans: & de vray, si nous auions rendu ce seruice-là à d'autres, ils nous en sçauroient bon gré, & nous ne demeurerions pas sans salaire. De dire pour mon regard, que ie merite le tourment que vous me faites, pour auoir mené des malades, des gou-

tèux, des estropiés, aux Eglises, à la Messe, aux Indulgences, ou bien des Religieuses en leur Conuent, c'est vne imposture toute notoire; car ie vous prouueray par de bons tesmoins, que ie n'ay iamais mené mon carrosse qu'à l'Hostel de Bourgogne, au Bal, aux Banquets, aux Cours, où l'on alloit prendre des assignations, pour aller puis-après à des rendez-vous, où l'on ne traittoit que de l'accroissement de vostre Empire en plusieurs sortes de negoces. Et si l'on m'a veu avec mon carrosse deuant quelques Eglises, chacun sçait bien que ma maistresse n'y alloit iamais que pour voir ses confidentes & ses galants, & pour prendre le mot & l'heure, comme c'est maintenant la mode: Enfin il est tres-vray, qu'il n'entra iamais dans mon carrosse personne qui eust vne seule bonne pensée: Il estoit tellement reconnu de tout le monde, que quand on vouloit faire quelque mariage où l'on eust besoin de s'informer, si vne fille estoit pucelle, si vne Dame estoit chaste, on ne faisoit que demander si elle auoit point mis le pied dans mon carrosse, parce que

c'estoit vn vray tesmoignage de corruption : & après cela vous me traitez si rudement, quelle cruauté ! Hy, hy, dit ce diable, en luy donnant cinq ou six rudes sanglades de fouët, coup sur coup, qui faisoient des cercles de sang autour du pauvre Cocher, si bien qu'il me fut force de me retirer, autant pour la pitié que j'auois de luy, comme pour fuir de la mauuaise odeur du fumier pourry que ces Cochers sentoient.

Bou-
fons.

Après cela, ie me trouuay deffous des vouütes comme des caues, où ie commençay à greloter de froid, & trembler à claque-dent : ie demanday d'où cela procedoit : & vn diable s'aduança qui auoit les mules aux talons, les pieds creuassez d'engleures, lequel me dit : c'est icy que nous logeons les Boufons & chercheurs de franchises-lipées, dont les plaisanteries & les discours sont si froids, que nous sommes contraints de les retenir icy enchainnez avec de bons cadennats, car autrement s'ils estoient en liberté, ils tempereroient trop la douleur du feu que nos criminels doiuent ressentir. Je luy demanday permission de

les voir, il me la donna, & ie vis le plus vilain logement que i'eusse encore veu dans l'Enfer, & vne chose d'eux qui est assez difficile à croire, c'estoit qu'ils se tourmentoient les vns les autres: en redisant les mesmes fornettes, & les mesmes niaiseries qu'ils auoient dites estant au monde, & les recommençoient incessamment. Parmy ces Boufons, ie vis plusieurs hommes que i'auois autrefois tenus pour gens d'honneur, ce qui me fit demander à vn Diable pourquoy ils estoient là, qui me dit que c'estoient des Flateurs, & qu'on les mettoit là, parce qu'ils estoient Boufons d'entre cuir & chair: & pourquoy sont-ils condamnez, luy dis-ie? Les autres Boufons, dit-il, sont condamnez, parce qu'ils n'ont pu obtenir de grace, & ceux-cy le sont pour n'en auoir eu que trop, & pour en auoir abusé, comme ceux du monde font iournellement. Ce sont gens qui viennent icy sans nous en donner aduis, & neantmoins ils y trouuent tousiours la table dressée & le liét fait, comme chez eux, car nous les aymons vn peu, d'autant qu'ils sont diables pour les au-

Fla-
teurs.

tres aussi bien que pour eux, & par ainsi ils nous espargnent beaucoup de fatigue. Voyez-vous cét autre là, ce fut vn meschant Iuge, lequel pour se rendre complaisant à autruy, ne rendroit pas la iustice qu'il deuoit; & le moindre mal qu'il ait fait en sa vie, c'est qu'il ne rendit pas tout à fait tortus deux droicts qui luy passerent par les mains: mais il les mit seulement de biais & de trauers. Cettuy-cy fut vn mary negligent, & nous le mettons aussi avec les boufons, parce que pour donner du plaisir à tous, il vendit celuy qu'il auoit avec sa femme; & en retiroit de l'argent comme d'vne constitution de rente ou d'vn office, chose qui se pratique fort ordinairement au iourd huy. Cette Dame que vous voyez là, bien qu'elle fust de condition releuée, est aussi parmy les boufons, parce qu'elle tenoit de leur naturel, en ce que pour donner du plaisir aux hommes, elle faisoit vn mets de son corps pour contenter tous les appetits, quelques estranges qu'ils fussent. Enfia, si vous y prenez bien garde, vous en verriez de tous estats & de toutes condi-

Iuge.

r Mary
produi-
sant sa
femme
à ses a-
mants.

Vne lu-
brique.

tions parmy les boufons , voilà pourquoy la troupe est si grosse : car à le bien prendre , vous autres mondains estes tous des Boufons, vous ne faites que mesdire, murmurer, & vous mocquer les vns des autres, tellement que le nombre des Boufons naturels est plus grand que celuy de ceux qui en acquierent le nom par artifice.

Sortant de là , ie vis arriuer vn grand nombre de Patissiers , & mille Diab^{Patissiers.}les qui leur cassoient la teste avec des pilons de fer, à mesure qu'ils passoient, encore n'y pouuoient-ils pas suffire : Helas ! dit vn de la bande qui n'auoit pas encore la ceruelle à l'air, nous sommes bien mal-heureux , d'estre condamnez pour le peché de la chair, & sans auoir eu affaire aux femmes, & n'auoir commis que celuy des os ! Impudent, luy respond vn Diable, qui est-ce qui merite mieux l'Enfer que vous autres, qui auez vendu, & fait manger mille saletez aux hommes capables de les empoisonner ? de la crasse de vostre teste & de vos fesses, qui estoient demeurez dans vos ongles, des roupies, de la mouëlle

de nez au lieu de celle de bœuf, des
mouches au lieu de raisins de Corinthe:
Et outre cela, combien d'estomachs auez-
vous conuertis en voirie, de chiens, de
cheuaux & d'autre charongne, & vous
vous plaignez après tant de meschance-
tez, souffrez, souffrez de par le diable, &
vous taisez seulement, car nous auons
beaucoup plus de peine à vous chastier
que vous à endurer. Et vous, me dit-il en
me regardant d'un œil de menace, puis-
que vous n'estes que pelerin en cette re-
gion-cy, passez vostre chemin, & ne nous
amusez point, nous auons affaire ensem-
ble ces gens-cy & moy.

Mar-
chand.

Je passay outre, & entray dans vne
caverne, où ie vis des hommes qui brû-
loient dans vn feu immortel: l'un d'eux
disoit, ie n'ay iamais suruendu, ie n'ay
iamais vendu que le iuste; hélas! pour-
quoy me fait-on tant de mal? Quand
i'entends parler d'auoir vendu le iuste,
ie pensay que c'estoit Iudas qui se plai-
gnoit, ce qui me fit approcher pour voir
s'il estoit rousséau comme on dit, mais
ie reconnus le mal-heureux, qui estoit
vn Marchand decedé depuis peu. Com-

ment, sire Fiacre, vous estes icy? Il ne daigna quasi pas me respondre, parce que ie ne l'auois pas appellé Monsieur, ie vis bien son mescontentement; ie vous trouue fort simple, luy dis- ie, d'aymer encore la vanité, qui est la principale cause de vostre perdition? Que vous en semble, n'eust-il pas mieux valu vous contenter de peu de bien, que d'acquérir de la richesse comme vous avez fait, sans vous emporter dans le luxe, excéder vostre condition, & vous mettre dans l'Enfer pour iamais? Mais ie ne sçay si ce fut de honte, de douleur, ou d'orgueil, il ne me respondit rien. Et vn de ces bourreaux prenant la parole, dit; Ces Larronneaux-cy pensoient-ils tousiours tailler à l'aune de leur fantaisie? Les compagnons en vouloient faire autant avec l'aune, comme Moÿse en fit avec sa verge, ils vouloient tirer de l'eau des pierres, & se comparer à Dieu qui est sans mesure: mais qui doute que l'obscurité de leurs boutiques ne leur presageast celle où ils sont maintenant, pour auoir fomenté & maintenu la folie des hommes, aussi bien que les Iouailliers & Or-

fevres? mais si le monde vouloit estre sage, toutes ces sortes de gens-là deviendroient gueux, car il reconnoistroit que les estoffes d'or, d'argent, de soye, les diamans, les perles, où ils mettent le taux, & qu'ils vendent comme bon leur semble, sont plustost des choses superflues & inutiles que necessaires. Ce sont eux qui maintiennent & alimentent tous vos desordres & vos folles despenfes, auxquelles ils vous amorcent & vous attirent, avec vn aymant qu'ils appellent *Credit*, par le moyen duquel ils vous ruinent insensiblement: car ils vous suruendent les choses de plus de moitié qu'elles ne valent, & le temps du payement venu, ils vous saisissent vos biens, emprisonnent vos personnes, decretent vos maisons, & enfin, comme ils vous ont autrefois fourny dequoy vous habiller en Princes, ils vous despoillent maintenant, & vous mettent en estat de gueux.

Le Diable eust parlé dauantage, si ie luy eusse tenu plaid, mais ie le quittay pour aller voir d'ou procedoit de grands esclats de rire à gorge despliée, que i'en-

tendois à costé de moy, car il me sembloit estre vne chose fort rare, d'ouïr rire en Enfer : i'apperçoy donc deux hommes montez sur quelque butte qui parloient assez haut; ils estoient vestus comme des Gentils-hommes; & l'vn d'eux tenoit vn grand parchemin desplié, où pendoient des grands placarts de cire en façon de seaux : ie pensay d'abord que ce fussent des lettres de remission & d'abolition, pour quelques criminels qu'on allast deliurer, & à chaque parole qu'ils disoient, il y auoit sept ou huit mille Diables autour d'eux qui creuoient de rire. Ce qui me fit imaginer que c'estoit quelque espece de Tabarin, qui iouïtoit quelque farce pour amasser les nigauds, & presenter ses attentions. Mais ie me trompay en toutes ces deux pensées, car estant approché, ie vis que plus les diables rioient, & plus ces deux hommes se faschoient : enfin, à les oïr parler, i'appris qu'ils se vouloient faire reconnoistre pour Gentils-hommes, & que ce parchemin estoit des lettres de Noblesse obtenues de la grande Chancellerie. Mon pere s'appelloit, tel, di-

Gentil-
homme
de let-
tres de
nobles-
se.

soit le porteur de parchemin, il auoit porté les armes pour sa Majesté en plusieurs Prouinces, aux conuois des barques, basteaux, & autres voitures de sel dont on furnissoit les Gabelles; Mon oncle estoit premier porte-manteau du Regiment des gardes: & en vn mot, du costé de mon pere, il y a eu cinq braues Capitaines en nostre race, qui ont rendu bon compte de plusieurs chaisnes de forçats, dont on leur auoit donné la conduite pour les mener aux Galeres du Roy. Et du costé de ma mere, ie viens de plusieurs personnes de qualité: car il falloit bien que ma grand mere fust vne Dame de condition, estant certain qu'elle auoit tousiours à sa suite, ou dans sa maison, plus d'vne douzaine de seruantes, chambrieres & nourrices. Elle estoit peut-estre recommanderesse, luy dit vn diable: elle estoit ce qu'elle estoit, respondit le Cavalier despité, tant y a que ie dis vray; son marv portoit tousiours l'espée, à cause de la qualité de Preuost qu'il auoit, & par consequent de Iuge. Voila mes lettres signées, seellées, & verifiées en bon Parlement. Comment pouuez-

pouuez - vous douter de ma noblesse, & pourquoy me voulez - vous loger avec ceux du tiers estat ? Mon Gentil - homme, luy répond ce Diable qui l'arguoit, ce Preuost & ce Iuge que vous dites n'estoit qu'un escrimeur, Preuost de sale, qui ne iugeoit que les estocades des fleurets : mais quoy qu'il en soit, vous n'avez fait en vostre vie que des œuures de marault & d'infames, vous n'avez fait que blasphemer, vous n'avez hanté que les bordels, vous n'avez fréquenté que les cabarets & les souffleurs de tabac, & vous voudriez iouir du priuilege de Noblesse : on se mocque icy de vos lettres ; la Chancellerie de l'Enfer les casse & les annulle. Celuy qui est vertueux au monde, c'est le vray noble, & quand vn homme viendroit des plus abiectes personnes du monde comme vous, si ses actions & ses œuures sont bonnes & dignes d'imitation, nous le respectons, & n'y oserions toucher non plus qu'à vne chose sacrée. Mais c'est trop discouru, vous ne valustes iamais rien, & maintenant vous ne valez pas plein vostre cul d'eau bouillante, allons;

disant cela , il luy donna vn si furieux coup d'vne massuë par les fesses , qu'il luy fit faire trois ou quatre piroüettes en l'air, cul par dessus teste , puis il cheut dans vn gouffre plein de racaille , qui sembloit n'auoir point de fonds.

Son compagnon qui luy auoit veu faire vne telle capriole , s'approche ; Ce traitement là , dit il , est bon à faire à ce Gentil homme de parchemin , mais pour moy qui suis Cavalier d'extraction immemorable , & qui n'ay iamais fait autre profession , on me doit quelque courtoisie dauantage. Cavalier , luy dit vn diable , si vous n'auiez point de meilleur tiltre à produire icy que celuy de l'ancienne Noblesse de vostre maison , vous ne deuez pas esperer beaucoup plus de gratification que celuy qui vous accompagnoit : car si l'on veut bien examiner la Noblesse , il se trouuera que les premiers auteurs de cette qualité là ne l'ont acquise que par vne infinité de mauuais moyens , & qu'elle ne s'est maintenüe & continuée de siecle en siecle iusques à present que dans les mesmes oeures. Combien ya-

r'il de ceux qu'on appelle Gentils-hommes, qui ne font dépendre leur gentillesse que de l'vsurpation du bien d'autrui, contre tout droit & equité ? s'ils ont des sujets, quelles peines ne leur font ils endurer, tantost en tailles qu'ils exigent d'eux, comme souuerains, & tantost en dures seruitudes & coruées, qu'ils en tirent comme des esclaves ? s'ils ont vn bel ante, vn beau fruiçt, vn beau poulain, vne belle vache, & que cela diuise au Seigneur, ou à la Dame du village, il faut qu'ils l'ayent gratuitement, ou bien les coups de baston, & les autres mauuais traitemens ne manqueront pas au pauure villageois. Outre cela, combien y en a-t'il que la volupté emporte à tel excez, que souuent ils raiuissent les femmes & les filles de leurs sujets, violant par ainsitout respect des Loix diuines & humaines ? combien de blasphemes execrables proferent-ils pour faire croire les fausses promesses qu'ils font ? De quel orgueil ne sont-ils pas coupables ? orgueil qui leur fait mespriser comme de la lie & la bouë, tout le reste des hommes, qu'ils tiennent n'estre

point de leurs conditions, quelques dignitez Ecclesiastiques ou Magistratures qu'ils peussent auoir, comme si tout le sang humain n'estoit pas d'une mesme couleur, ou que la nature les eust fait naistre par quelque endroit moins sale, ou d'une matiere plus excellente, & non pas puante & corrompuë comme le plus indigne faquin du monde? Et de ceux qui sont employez dans les charges militaires, combien y en a-t'il qui ne s'y mettent pas pour faire des actions heroïques, mais pour piller, pour violer, & faire cent desordres, pour s'enrichir dans le maniment des deniers destineez pour l'entretien des gens de guerre? & lesquels, au lieu de payer les pauvres soldats, leur dérobent leurs môntres, & les font viure du sang & de la sueur du pauvre laboureur, où ils commettent des méchancetez execrables, leur donnant cette licence par compensation du larcin qu'ils leur font. De combien de maux sont ils cause, quand ils congédient ces miserables soldats, malades, estropiats, dépouillez, gueux, & desesperez, ce qui fait ordinairement qu'ils

deuiennent brigands & assassins sur les grands chemins ? Combien de bonnes familles sont elles maintenant à l'hospital, pour auoir esté amusees & abusees de leur flatterie & de leur faux sermens, & pour auoir engagé leur bien & leur personne, à force de respondre pour eux, de leur prester des sommes immenses, qu'ils ont depensées en pompes, en festins, en ieux & en femmes ?

Ce Diable d'orateur en eut dit mille fois d'auantage, si ses compagnons ne luy eussent fait signe qu'on auoit à faire d'eux ailleurs. Et le Cavalier voyant cela luy dit, mon amy, ces remonstrances-là seroient bonnes pour ceux qui sont coupables de tels delits : tous les hommes ne se ressemblent pas. Mon Cavalier, respond le Diable, il n'est pas à croire que le rameau ne tiennc la sève de sa tige : vous estes taché du peché originel, & l'on ne vous auroit pas donné vostre departement icy, si vous eussiez esté meilleur que les autres. Mais puisque vous vous estimez si bon & si noble, il vous faut brusler pour auoir de vostre cendre, s'il s'en peut tirer ? Et afin

que vous n'ayez pas sujet de nous accuser de discourtoisie, on vous traittera en Cavalier. disant cela, deux diables se presentent à luy, l'un estoit harnaché comme vn cheual, scellé & bridé; & l'autre faisant office d'Escuyer, luy presente l'étrier de la main gauche, luy porte l'autre sous le cul, le met en scelle, & le diable-cheual l'emporta plus viste que le vent. Je demanday en quel pays il alloit? il ne va pas loin, me respondit vn diable, ce n'est pas pour garder le *decorum* ce qu'on en fait, & rendre l'honneur que nous deuons à la Noblesse & aux Cavaliers comme luy, regardez à costé de vous; Je me retourne soudain, & ie vis le pauvre Cavalier dans vne fournaise, avec les premiers inuenteurs de la Noblesse & de l'usage des armes, comme Cain, Cham, Nembrot, Esau, Cambises, Romulus, Tarquin le superbe, Neron, Caligule, Domitian, Heliogabale, & plusieurs autres grands personnages signalez par les vsurpations, par les armes & par le sang.

Je me retiray de là, parce qu'il y faisoit vn peu trop chaud pour moy, & me

ditant sur le discours que ie venois d'oüir, ô le sçauant diable que voila, dis-je en moy-mesme : i'auois tousiours creu que les diables estoient menteurs, mais i'aprens bien qu'ils disent quelquesfois des veritez : ie ne voudrois pas pour tout le bien que i'ay au monde ne l'auoir ouy prescher.

La curiosité qui me portoit d'apprendre & de voir tousiours quelque chose de nouveau me fit passer outre: & à peine eus-je fait vingt pas, que ie trouuay vn lac qui me sembloit beaucoup plus grand que celuy de Geneue, extremément bourbeux & exhalant de fort puantes vapeurs, il se faisoit vn bruit dedans si estrange que i'en estois tout estourdy : ie demanday ce que c'estoit: c'est me dit-on le lieu où l'on fait endurer les femmes du monde qui estoient deuenües * Douëgnas : Et par ainsi i'appris que les Douëgnas de ce monde sont les grenouilles d'Enfer, humides & boueuses, qui ne font que grommeler & croüasser sans articuler leur voix. I'admiray la grande conuersion, parce que les Douëgnas à force

Gouuer
nantes.
* Ce uo
signifie
vieilles
femmes
qui s'ont
gouuer-
nantes
dans les
grâtes
ma. 69.
Voyez
la visio
de la
mort
qui en
parle.

d'estre feiches & maigres, ne sont ny chair, ny poisson, comme les grenouilles, desquelles aussi l'on ne mange que la partie d'en-bas, car la teste est si hideuse, qu'elle feroit peur, comme celles des Doüegnas. Je ne me pûs tenir de rire, les voyant si fort escarquillées, & se plonger dans le lac quand on approchoit d'elles. Les mauuaises odeurs qu'on sentoit là, ne me permirent pas d'y demeurer plus long-temps: ie pris sur la main gauche, où ie vis vn grand nombre de vieillards qui se deschiroient le visage avec les ongles, en pleurant & gemissant amerelement. Ils me firent grand'pitié: ie demanday qui ils estoient. C'est icy, me dit-on, le quartier des peres qui se sont damnez pour laisser leurs enfans riches, que l'on appelle autrement les mal-adiuez. Mal-heureux que ie suis, dit à l'instant vn de ces vieillards, ie n'ay pas eu vn seul moment de repos en toute ma vie, ie viuois comme vn penitent, ie ne dormois point, ie ieusnois, & allois presque tout nud, ie ne cessois de trauailler, & me tourmenter le corps & l'esprit pour amasser du bien

Peres
dânez
pour
auoir
voulü
enrichir
leurs
enfans.

à mes enfans, afin de les marier richement, & à grand prix d'argent les installer dans les grades & les charges. Cela fait, ie suis mort sans estre malade, afin de ne rien diminuer des monceaux d'or que i'auois assemblez; & neantmoins, à peine auois-ie rendu le dernier soupir, que mes enfans ne se souuinrent plus de moy, point de larmes, point de deuil; & comme s'ils eussent desia eu des nouvelles assurees de ma damnation, ils ne se sont point souciez de faire prier Dieu pour moy, ny d'accomplir ce que ie leur auois recommandé. Et pour rengreger encore mes tourmens, Dieu permet que ie les voy d'icy consommer & dissiper dans les passe-temps & les desbauches de la vie, le bien duquel i'ay tant appauury le monde, & qui m'auoit cousté tant de traux & de peines à acquerir, cependant que ie souffre icy de si grieues douleurs: Il n'est plus temps de se plaindre, luy dit vn Diable, n'auiez-vous point ouï dire estant dans le monde ce Prouerbe qui s'y chante sur ce sujet? *Heureux sont les enfans de qui les peres sont damnez.* A cette parole, ces mi-

ferables vieillards redoublerent leurs cris, & fe déchirerent tout le corps des dents, & des ongles : cet object m'émeut à vne fi grande compassion que ie ne les pus regarder dauantage.

Vn peu plus outre, ie vis vne prifon fort obscure, en laquelle s'entendoit vn grand tintamarre de chaines, de fers, de coups de fouëts, & de voix confufes.

Tardifs
repén-
tans.

Je demanday, quel appartement c'estoit? on me respondit que c'estoit celuy des *ô qui auroit!* Je n'entends pas cela, dis-je, & qui font ces *ô qui auroit?* ce font me dit on, des fots & des buffles du monde, qui estoient abandonnez aux vices, & qui se font damnez insensiblement; & maintenant se ressouuenants de ce qu'ils ne firent pas, & de ce qu'ils deuoient faire, pour le garentir des peines qu'ils souffrent, disent incessamment: *ô qui auroit confessé ses pechez!* *ô qui auroit fait penitence!* *ô qui auroit frequenté les Sacrements!* *ô qui auroit obey à Dieu!* *ô qui auroit secouru le pauvre!* *ô qui auroit mis vn frein à sa langue!* & plusieurs autres sortes d'exclamations.

Je laiffay-là ces tardifs repentans : mais i'en rencontray encore de pires, qui estoient en vne basse court pleine de plusieurs immondices. Je fus estonné d'entendre le tiltre sous lequel ils estoient-là, car m'estant informé qui ils estoient, vn Diable me respondit : Ce sont ceux de *Dieu est misericordieux, Dieu me pardonne, &c.* Comment se peut donc faire, luy dis-je, que la Misericorde les ait condamnez, puisque la condamnation est vn acte de la Iustice ? vous parlez comme vn Diable : Et vous, dit le Diable, vous parlez comme vn ignorant, puisque vous ne sçavez pas que la moitié de ceux qui sont icy se condamnent par la misericorde de Dieu : & pour vous faire entendre ma subtilité, considerez combien il y a de pecheurs, lesquels quand on les reprend de leurs vices, ne laissent pas de les continuer & les augmenter de plus en plus, en respondant à ceux qui leur remonstrent, *Dieu est tout misericordieux, il ne prend pas garde à si peu de chose, sa Misericorde est si grande* : Et par ainsi, tandis qu'ils esperent en dieu, en perseuerant dans leurs mau-

Abuseurs de la misericorde de Dieu.

uaises mœurs, nous esperons aussi de les auoir pour nostre partage. A vostre conte, dis-je ou Diable, il ne faudroit point esperer en Dieu ny en sa misericorde: vous ne l'entendez pas, me respond-il, il faut esperer en la Misericorde de Dieu: elle ayde aux bons desirs, & recompense les bonnes œuures, mais elle est desniée à ceux qui s'obstinent dans leurs meschancetez: car c'est se mocquer de la misericorde de Dieu, de croire qu'elle serue à couvrir les crimes, & de penser qu'on en puisse receuoir les faueurs au point que l'on en a besoin, sans auoir auparauant fait les diligences pour essayer de les meriter. La misericorde de Dieu est infinie pour les Saints & pour les pecheurs repentans, qui taschent de s'en rendre dignes; & ceux qui y ont le plus de confiance, sont ceux qui s'y assurent le moins. Celuy qui connoist combien la misericorde de Dieu est grande, se rend indigne de ses effects quand il la conuertit en licence pour mal faire & non pas en profit spirituel: il est vray que Dieu fait misericorde à plusieurs qui en sont indignes, d'autant

que les hommes ne peuuent rien meriter d'eux-mesmes, car au bout de tous leurs efforts, il faut que Dieu supplée à leurs défauts par ses propres merites: mais la plus-part des hommes sont si negligens, qu'ils attendent à faire au dernier iour ce qu'ils deuroient auoir fait au premier: Et bien souuent le dernier moment de la vie est passé, sans qu'ils s'en soient aperceus, ny qu'ils ayent commencé à bien faire.

Est-il possible, dis-je, tout rauy d'étonnement, qu'une si belle leçon puisse sortir de la bouche d'un si méchant Docteur? Disant cela, j'arriuai auprès d'une caue fort noire, fumante & limoneuse, en laquelle estoient les Teinturiers, & à les voir entremeslez avec les Diab-^{Teinturiers.}les, le plus ruzé Inquisiteur d'Espagne n'auroit pas eu assez de finesse pour les distinguer, d'autant que les Diab-les sembloient estre teinturiers, & les teinturiers sembloient estre diables: & voyant auprès de moy un Mulat engendré d'un more & d'un blanc, qui auoit tant de cornes sur la teste, que ie le prenois pour une herse: ie luy demanday où estoient

les Sodomites, les vieilles, & les cornarts. Pour le regard des cornarts, dit il, il n'y a point de lieu determiné pour eux, ils font par tout l'enfer: & parce que durant leur vie ils ressembloient aux diables, on ne leur a point changé la coiffure, c'est pourquoy il y a de la peine à les distinguer d'avec les diables.

Sodo-
mites.

Quant à ce qui est des Sodomites, nous nous en reculons tant que nous pouuons, nous ne nous informons point d'eux, & nous ne voulons pas aussi qu'ils pensent à nous, le plastron de nos fesses craint trop leurs estocades, aussi portons-nous des grandes queuës pour les parer, & pour nous seruir d'émouchoir quand ils nous veulent approcher. Et les vieilles, elles nous déplaisent aussi bien icy qu'en l'autre monde: Il y en a pourtant qui nous persecutent de leurs affections, & qui veulent contrefaire les ieunes, afin de nous donner de l'amour: cela est fort plaisant, car il n'y en a pas vne, quelque decrepite qu'elle puisse estre, chassieuse, ridée, edentée qui soit encore lasse de viure; & mesme nous pourrions dire qu'il n'y a pas vne vieille

Vieil-
les.

en Enfer, car alors que nous les examinons sur leur aage, celle qui n'a plus de crin sur le crane, qui ne peut plus manger de crouste, qui est à demy aueugle, & toute courbée sous le poids de ses années, qui ne nous veuille faire accroire que les cheueux luy sont tombez d'une fièvre chaude, qu'elle s'est gatté les dents à force de manger des dragées & des confitures, & que ses rides & sa foiblesse procedent d'estre maigre durant sa maladie, dont elle n'est pas encore remise, & que c'est vne defluxion qui luy a diminué la veüe, de sorte qu'elles n'auoient iamais que ces defaillances-là viennent de vieillesse, quand mesme elles penseroient r'aieunir en le confessant.

Après cela, ie me trouuay aupres d'une troupe de gens qui lamentoient leur infortune. Qui sont ceux-cy, demanday je? & vn d'entr'eux me respondit, ce sont les affligez de morts subites. Vous en auez menty impudent, respect de Monsieur qui l'entend, luy repart vn diable (ie fus fort estonné de cette ciuilité) personne ne meurt subite.

Decedez de mort subite.

tement: la mort n'vse point de surprise, on ne manque iamais d'aduertissement. Comment est-ce que vous vous plaignez d'estre mort subitement, si dés que vous nâquiltés vous commençastes la carrière de la vie, ayant tousiours la mort avec vous? Qu'est-ce que l'on void au monde de plus ordinaire que des morts & des enterremens? Dequoy entend-on le plus parler dans les chaires des Predicateurs, & que lit-on le plus dedans les bons liures que la fragilité de la vie, & la certitude de la mort? Premièrement la personne s'auance tous les iours deuers son tombeau, les vestemens s'vsent, les maisons se démolissent de vieillesse, les maladies d'autrui & de soy-mesme frappent à toute heure aux portes des viuans, & les aduertit qu'il faut déloger. Le sommeil represente si naïsument la mort en l'homme viuant, & la vie ne se maintient que par la mort des autres animaux; Et parmy tout cela, vous estes si imposteurs & si menteurs, que de dire que vous estes morts subitement! non, non; changez de langage, dites de-
formais

formais que vous estes des gens incred-
dules , qui estes morts sans penser que
vous peussiez mourir ainsi , outre que
vous n'ignoriez pas , que la mort mar-
che fort doucement , & qu'elle attaque
la plus grande ieunesse aussi tost que la
decrepitude , & qu'en vne mesme heu-
re , soit à bien ou à mal faire , elle paroist
ou mere ou marastre.

Je me retournay sur la main gauche,
& ie vis plusieurs ames enfoncées & cō-
fités dans des pots de verre parmy de
l'Assa fœtida , du *Galbanum* , de l'huyle
d'ambre iaune, & de l'huyle de iayet qui
leur seruoient de Syrop: Fy, dis-ie alors,
en me prenant le nez , qu'il put icy , ie
pense que nous sommes aux priuez com-
muns de l'Enfer , qu'est-ce que cela ? &
celuy qui les tourmentoit , qui estoit de
couleur iaune & safranée: ce sont , dit-
il , des hommes qu'entre vous autres on
appelle Apotiquaires , gens qui sont dif-
ferents des autres , en ce que la plus
part des hommes cherchent des laue-
ments pour se purger & se sauuer quant
& quant , & ceux-cy les composent
pour se damner. Ce sont les vrayz &

Apoti-
quaire,

vniques Philosophes Alchimistes, & non pas ces Remonds-Lullius, Hermes, Geber, Ruspicella, Auicennas, morienus, & Gilgilis, parce qu'ils écriuient bien de quels metaux on pouuoit faire l'or, mais ils ne le firent pas; ou s'ils en sceurent venir à bout, personne depuis n'a peu penetrer dans leurs secrets: mais les Apotiquaires, avec de l'eau trouble, avec des buchettes, des mouches, de la fiante, des viperes, & des crapaux, ils sçauent faire de l'or, & bien plus parfaictement que tous ceux qui se sont meslez de cet art, parce que le leur est tout monnoyé & prest à employer. De façon qu'il semble que ce fut pour ces gens-là seulement que Dieu donna tant de diuerses vertus aux herbes, aux pierres & aux paroles: car il n'y a point d'herbe, pour venimeuse qu'elle puisse estre, quand ce seroit de la ciguë, ny pierre si seiche, quand ce seroit de la Ponce, qu'ils n'en tirent fort aisément de l'argent: Et quant aux paroles, c'est de quoy ils en font le plus, en ce qu'ils disent tousiours auoir tout ce qu'on leur demande, quoy qu'ils mentent, pour-

ueu qu'ils voyent l'argent à la main, & par ainsi celuy qui achette, n'achette que la parole, laquelle fait le ieu avec eux. Au surplus on a grand tort de les appeller Apotiquaires, leur vray nom seroit Armeuriers, & leurs boutiques Arsenal des Medecins; d'autant qu'ils y prennent les dagues & épées de leurs potions, & les mousquets des maudites medecines, qui purgent sans mesure, & ordonnées hors de temps & de saison. Et si vous voulez voir quelque chose de ridicule, montez ces deux degrez, & vous trouuerez les superbes Barbiers associez aux Apotiquaires, aux conspirations des vies. La curiosité & l'enuie de trouuer quelque objet recreatif, me fit aduancer comme il m'auoit dit, & ie vis vne plaisante chose. Plusieurs de ces Barbiers estoient enchainez par le milieu du corps, de façon qu'ils n'auoient que les mains libres: sur la teste de chacun pendoit vne quiterne, où ils pouuoient atteinre, & entre leurs iambes y auoit des échiquiers (avec les pieces du ieu des Dames) & quand ils vouloient prendre la quiterne, pour racler quel-

que chaconne, l'instrument fuyoit de leurs mains, comme aussi quand ils se baisoient pour prendre le Damier, il s'éuanouissoit & se rendoit inuisible; & cela leur estoit vne peine pareille à celle de Tantale, parmy les eaux & les fruiçts, car c'est la passion naturelle de l'art que telle sorte de diuertissement: Aucuns lauoient la teste à plusieurs asnes, & les autres baignoient & sauonnoient des Mores & des Espagnols basannez, pour les faire deuenir blancs.

Et apres auoir bien purgé ma rate, à force de rite de ces boufonneries là, i'apperceus vne grande trouppes d'hommes, qui s'ennuyoient & se plaignoient de ce qu'on ne tenoit conte d'eux, mesme que l'on negligeoit de les tourmenter, & vn diable qui leur disoit qu'ils estoient autant diables que les autres, & qu'ils passassent leur temps à tourmèter les damnez s'ils vouloient. Qui sont ils, luy demanday-ie? ce sont les gauchers (parlant par reuerence) me respond le diable, gens qui ne peuuent rien faire à droit, lesquels se plaignent de n'estre pas en la compagnie des autres condam-

Gau-
chers,

nez : mais parce que nous doutons s'ils sont hommes, ou bien quelque autre chose, nous craindrions faire tort aux autres en les mettant avec eux, nous demeurons en ce doute, sçachant qu'au monde ils ne seruent que de mauuais augures, car si quelqu'vn va traiter d'affaire en ville, & qu'il rencontre vn gaucher, il s'en retourne autant effrayé que s'il auoit trouué vn Corbeau, vn Hibou, ou vne Choüette. Et vous deuez sçauoir que quand Sceuole se brusla le bras droit, lors qu'il faillit l'effet de la conspiration qu'il auoit faite contre Porfenna, ce ne fut pas seulement pour demeurer manchot, mais encore pour se vanger plus cruellement de soy-mesme, pour l'erreur qu'il auoit commise, car il dit ainsi ; puis que i'ay esté si malheureux que de manquer à l'execution de mon entreprise, ie veux à iamais estre gaucher : & quand la Iustice ordonne que le poing droit soit coupé à quelque mal faicteur, la peine n'est considérée qu'en l'ignominie de demeurer gaucher. Dernierement vne vieille maquerelle voulant donner vne malediction à vn

homme qui l'auoit falchée, *Je foudhaite,* dit-elle, *pour ta punition, qu'un coup d'épée d'un gaucher te perce le cœur.* Et fi les Poëtes ne font point menteurs (qui seroit vne rare merueille) on void dans leurs écrits, que tout ce qui procede du costé gauche est mal-heureux. Ils disent qu'Esculape fit des cures admirables avec le sang des veines droites du chef de Gorgone qui estoit propre à guerir toutes sortes de maladies, & que ce luy des veines gauches estoit pernitieux, pestifcré, & mortel. Enfin pour dernier temoignage du peu d'estime qu'on doit faire de telles gens, vous apprenez par vos écritures, & par vos Predicateurs, qu'au bout du iugement, les condamnez seront à la main gauche, qui est nostre costé : & en effect, les gauchers sont des creatures faites à rebours de bien, & partant nous ne scauons s'ils doiuent estre du nombre des gens ou non.

Là dessus vn diable me fit signe que i'approchasse sans dire mot, & sans faire de bruit : Le fis ce qu'il me dit, puis me faisant mettre contre vne fenestre treilliffée, remarquez, me dit-il, l'exercice

ordinaire des laides femmes, & lorsi'en ^{Fèmes} apperceus vn fort grand nombre dont ^{laides.} les vnes sembloient s'estre fait appliquer des vantouses scarifiées sur le visage, ou qu'elles se fussent batuës & égratignees, car elles auoient vne infinité de petites emplastres sur le visage, de rondes, de longues, bref de toutes les figures qui se peuvent trouuer dans Euclide. Autres se racloient le visage avec du verre: autres s'arrachotent les sourcils, comme si elles eussent esté desesperées: autres qui n'en auoient point du tout, en cherchoient dans vne boiste au noir: autres s'aiustoient des toupillons de cheueux qui n'estoient pas à elles, qu'elles appelloient fichons: telle s'attachoit des dents d'yuoir dans la bouche, au lieu de celles d'ébeine qui y estoient auparauant: telle maschoit du canelas de Verdun pour oster l'infection de son haleine: telle montoit sur des patins pour voir de plus loin, & pour tomber de plus haut: telle se regardoit dans vn miroir, & se voyant laide, en accusoit la glace & la Republique de Venise, qui n'estoit plus curieuse comme autrefois, d'auoir

de bons ouriers. Autres qui rembourroient des corps de robes cōme on fait des basts de mules de litiere, pour remplir les creux de leurs male-bosses. Autres qu'on ne voyoit qu'à l'obscurité, ou bien au trauers de certains voiles à cause des defauts de leurs visages: & celles-cy estoient appellées penitentes du Cours. Autrestenoient des boistes, qui me sembloient estre de graisses de porceau, de sein doux, qu'elles appelloient pommades, dont elles se frottoient le visage, & par ce moyen se rendoient extrêmement reluisantes sans estre Soleils ny Estoiles. Et en fin i'en vis plusieurs autres, qui me penserent faire ietter les tripes par la bouche, du dégouft & du mal de cœur qu'elles me donnerent leur voyant faire des masques d'arriere-faix, & barboüiller des fleurs & menstruës les vnes des autres, pour oster les bubes & rougeurs de leurs tronques. Ha quelle horreur & quelle puanteur, dis-ie alors? Et bien me dit le diable qui me les auoit monstrées, eussiez vous creu que l'esprit des femmes eust esté si inuentif & si ingenieux

pour leur perdition ? Je ne luy sceus que répondre, tant i'estois transporté d'étonnement : Et apres auoir repris mes esprits, si ce n'estoit de peur de vous offenser, luy dis-*ie*, ie vous dirois que ie ne pense pas que toutes vos legions de diables peussent trouuer de plus diaboliques inuentions que ces femmes-là. Mais laissons les là, ie vous prie, ie ne les scaurois plus regarder sans auoir mal au cœur. Tournez-vous donc, me dit-il, & lors i'apperceus vn homme assis dans vne chaire tout seul, sans feu, & sans glace, ny demon, ny peine aupres de luy ; & neantmoins il crioit de la plus épouventable voix que i'eusse encores ouye en Enfer : son cœur luy distilloit goutte à goutte par les yeux ; il se déchiroit & meurtrissoit le corps de mille furieux coups, comme s'il eust esté enragé. O Dieu ! dis-*ie* en moy-mesme, en quel desespoir ce pauvre homme-là est-il transporté, personne à mon aduis, ne luy fait de mal : Non amy, luy dis-*ie*, mon amy, quelle fureur vous agite, de quoy vous plaignez vous, estant icy tout seul loin du feu, de la glace, & tous *Achéé.*

les autres tourmens? Helas, dit-il, avec vn cry effroyable, ie ressens moy seul toutes les plus cruelles peines d'Enfer ensemble, vous ne voyez pas les bourreaux qui sont attachez à mon ame, vous ne le voyez pas, dit-il, (en redoublant ses cris, mordant sa chair, & tournant autour comme insensé) mais celuy-là les void bien, dont la Iustice seuerie & impitoyable sçait mesurer les fautes sans mesure aux peines eternelles. Ha Memoire du bien que ie pûs faire, Memoire des salutaires conseils que i'ay méprisez, & des maux que i'ay faits, que tu me tourmentes ! & pour comble de mal-heurs, au poinct mesme que tu cesses de m'affliger, mon entendement cõmence à me traouiller à son tour, de l'imagination d'vne gloire que ie pouuois posseder, & que d'autres possèdent sans l'auoir achetée si chèrement que i'ay fait les peines que i'endure! O mon entendement, de quelle cruauté vses-tu en mon endroit, de me représenter le Ciel, & le Paradis si remplis de beautez, de ioyes, de contentemens, & de delices pour me desesperer de plus en plus!

Vn peu de relasche, ie te prie. Et toy ma volonté, est il possible que tu me refuse de faire tréue avec moy pour vn petit moment? Vous Pelerin de l'autre monde, qui me demandez ce qui me tourmente, sçachez que ce sont les trois puissances de mon ame conuerties en flâmes inuisibles, & en trois bourreaux sans corps qui me bruslent, & qui me déchirent les entrailles, sans me consumer; & que si d'aventure ils se lassent en me tourmentant, le ver de la conscience me vient ronger l'ame, comme le perpetuel aliment de sa faim insatiable. En acheuant ce mot, il iette vn grand cry, & se tournant deuers moy: Mortel, me dit-il, considere que ceux du Monde qui furent illuminez de doctrine, & doüez des graces celestes, & qui ne les ont pas employées à leur salut, portent leur Enfer en eux mesmes, & sont tourmentez de pareille misere que moy. Disant cela, il recommence son premier exercice. Ie me separay de luy fort pensif & melancholique, iugeant en moy-mesme qu'il falloit que cét homme-là eust de grands

crimes sur la conscience, & le diable qui me vid en cette resuerie, me dit à l'oreille que c'estoit vn homme qui auoit esté Athée, & qui n'auoit crû ny Dieu ny Diable. O qu'vn homme sçauant est mal-heureux! dis-ie alors, quand il ne sçait pas faire profiter le talent que Dieu luy a donné.

Scandaleux.

Le n'estois gueres loin de luy, quand ie vis vne multitude de peuple qui couroit apres des Chariots bruslans, dans lesquels y auoit des ames que les Diables tenailloient, & des gens qui alloient deuant, faisant des proclamations. Ie m'approche pour oïyr la sentence de ces criminels, & i'entendis qu'on disoit; *La Justice de Dieu a ordonné que ceux-cy soient chastiez comme scandaleux, & pour auoir donné mauuais exemple à leurs prochains.* Et en mesme temps ie vis beaucoup de tourmentez qui les accusoient du mal qu'ils auoient fait, & de la peine qu'ils souffroient: Et pour ce suiet on faisoit sentir aux scandaleux les peines de ceux qui se plaignoient d'eux (oultre les leur) comme estant cause de leur perdition. Et à mon aduis,

ce sont ceux desquels Dieu dit , qu'il vaudroit mieux qu'ils n'eussent iamais esté nez.

I'auois l'esprit tout remply de tristesse de tant de pitoyables obiets , mais ie fus contraint de rire voyant des Tauer-
 uerniers qui faisoient leur enfer , sans niers.
 estre enchainez comme les autres damnez : car on les laissoit libres sur leur parole , & sur leur caution iuratoire. Je demanday pourquoy ils auoient cette licence particuliere. Ne vous estonnez pas de cela , me respondit vn diable, nous laissons à telles gens la porte ouverte , sans craindre qu'il leur prenne enuie de sortir de l'Enfer , puis qu'estans dans le monde ils prennent tant de peine , & font tant de diligence pour y venir ; tout ce que nous craignons d'eux, c'est qu'ils approchent du feu des autres, & qu'ils n'y iettent de l'eau. Mais si vous estes curieux , ne nous amusez pas dauantage à ceux-cy , suiuez-moy , & ie vous feray voir Iudas avec ses confreres les Depenciers. Je fis ce qu'il me dit, & ie vis Iudas accompagné de tels of-
 ficiers que luy , dont aucuns n'auoient Iudas.

point de fronts, & les autres point de visage.

Ralle-
rie des
châtrez

Je fus fort aise de le voir, car il me re-
leua du doute où i'estois qu'il fust de
couleur oliuaste, comme plusieurs
estrangers le dépeignent, afin de faire
croire qu'il fust Espagnol: il me sembla
mesme qu'il n'auoit point de barbe, &
qu'il estoit eunuque, & il est probable
qu'il l'estoit: car il est impossible qu'une
si méchante inclination, vne ame si aua-
re, si mesquine, & si traistresse, se pût
trouuer en vn autre qui n'est ny homme
ny femme. Et quelle autre creature
qu'un châtre auroit eu tant d'effron-
terie, que de baiser le Fils de Dieu pour le
vendre? Et quelle autre qu'un châtre,
auroit eu si peu de courage que de se
prendre de desespoir, sans se souuenir de
la grande Misericorde de Dieu. Je croy
toutefois ce que l'Eglise dit de luy, qu'il
auoit barbe, & qu'il estoit rouffeau, mais
estant en Enfer ie ne le pûs prendre
pour autre que pour vn châtre, ie ne
sçay si c'estoit que sa barbe fust brûlée.
I'en dis de mesme des diables, & croy
qu'ils sont tous châtrez, car ils n'ont

ny poil ny barbe; la plus-part sont tous ridez, & ont les iambes & les pieds tous tortus.

Iudas paroïssoit estre fort aise de se voir courtisé de tant de Dependiers qui le venoient entretenir, en luy contans les bons tours qu'ils auoient fait en imitant ses œuures. Je m'auançay plus près de luy, & ie vis que la peine des Dependiers estoit quasi pareille à celle de Tytie, auquel vn Vautour ronge les entrailles, parce qu'il y auoit des oyseaux qu'ils appellent *Sifons*, qui leur décharnoient tout le corps, & vn diable auprès d'eux, qui de moment en moment crioit fort haut: *Les * Sifons sont Dependiers, & les Dependiers Sifons*: & à l'instant ils fremissoient tous d'horreur & d'effroy: Et Iudas aussi avec sa bourse: & vne boëte auprès de luy, en souffroit de griefs tourmens. Il me fut impossible de douter vne enuie qui me prit de parler à luy: Il fallut à la fin que ie m'approchasse de luy avec ce compliment. Perfide, desloyal, traistre, meschant par dessus tous les meschans, comment fus-tu si lasche que de vendre ton Maistre,

Sous ces nōs sont entendus les Pouruoieurs Maistres d'hôtels & Argentiers.

* Ce morviēt de Sifa, qui signifie vn impost qui se prend sur tout ce qui s'achete pour manger.

ton Seigneur & ton Dieu pour vn si petit prix ? il falloit que tu fusse bien auare. Pourquoy vous autres hommes, me respondit-il, vous plaignez-vous de cela ? vous m'en deuriez plustost louer que blasmer, puis que vous en receuez vn aduantage si excellent, attendu que ie fus le mediateur de vostre Redemption. C'est à moy à me plaindre de voir que ie n'y ay point de part, & que ie suis exclus de la possession d'vn si grand bien que ie vous ay mis entre les mains: mais ie me console en ce qu'il y a eu des Heretiques qui m'ont tenu en grande veneration, pour auoir esté celuy qui vous ay liuré la medecine à vos maux. Et ne pensez pas que ie sois le seul Iudas, sçachez que du depuis la mort de Iesus-Christ, il y en a eu & y en a encore de bien pires que moy, de plus méchans & de plus ingrats, puis qu'ils ne se contentent pas de le vendre seulement, mais ils l'achettent, le flagellent, & le crucifient encore plus cruellement & plus ignominieusement que ne firent les Iuifs. Mon inclination estoit de vendre: vn peu apres estre receu au nombre

bre des Apostres, ie commençay à m'en mesler, tesmoin la boëte de la Magdeleine, de laquelle ie voulois qu'on vendist l'onguent pour remedier aux pauvres. Et depuis, adherant à mon habitude, ie vendis le Seigneur, le precieux aromate pour remedier aussi aux pauvres, mais à mon dam, i'y ay plus remedié que ie ne voudrois auoir fait: Je sçay bien que ma repentance ne me sert plus de rien: tant y a que ie suis le seul Dépencier qui est condamné pour sa vendition, car tous les autres le sont pour l'achapt. Pour conclusion, ie vous prie de perdre l'opinion que vous auez, que ie sois le plus meschant de tous les hommes qui furent iamais; car vous en verrez icy qui le sont mille fois plus que moy? Descendez seulement icy deffous. Retire toy donc, luy dis-ie, c'est assez conueisè avec Iudas.

Ie croy qu'il dit vray, pensay ie en moy mesme. Ie descendis quelques degrez vers le lieu qu'il me monstrois, & ie rencontray plusieurs Demons en chemin qui tenoient des verges & des estrivieres avec leurs boucles: avec les ver-

Belles
femmes.

Maque-
reaux.

ges il chassoient d'Enfer vn grand trou-
peau de belles femmes toutes nuës,
(ce qui me fit grand pitié, si l'eusse eu où
les retirer, ie les eusse traittes bien plus
humainement,) & avec les estriuieres
ils en chassoient les Maquereaux: ie
m'informay pourquoy ils bannissoient
seulement ceux-là de chez eux. Nous
les renuoyons au monde, répond vn
diable, comme nos facteurs & associez,
parce qu'ils nous font vn profit inesti-
mable en nous enuoyant des hostes: ce
sont eux qui peuplent la plus grande
parties des domiciles de l'Enfer, les Da-
mes avec leurs propres attraits, leurs ar-
tificieuses perfections & leurs belles ap-
parences; & leurs Maquereaux avec
leurs mauuaises persuasions & sedu-
ctions: & ceux-cy sont si officieux enuers
nous & enuers ceux qu'ils seruent, que
de peur qu'ils ne se lassent dans le che-
min de l'Enfer, ils leuis fournissent de
montures, & mesme craignant qu'ils ne
manquent a tenir la droite route, ou
qu'ils ne s'en écartent, ils les meinent
tousiours iusques à la porte.

En faisant chemin pour continuer

mes visites, i'apperçoy de loin vn grand corps de logis qui me sembloit estre vn chasteau de Bissestre, comme dit le peuple, ou quelque demeure de lutins. Il y auoit plusieurs ruynes comme chemi- nées abbatuës, planchers rompus, plusieurs croysces sans fenestres, & estant aupres, ie vis que les portes estoient toutes boüeuses, & rapetassées de douues de tonneaux, pour auoir esté effondrées, les vitres toutes cassées à coups de pierre, & quelques lozanges qui estoient refaites avec des placarts de papier écrit. Ie croyois qu'il fust abandonné, & qu'il ne s'y tint personne, mais à mesure que i'approchois, i'entendois vn grand vacarme de voix confuses, & estant vis à vis de la porte, on la vint ouvrir, & lors ie vis des Diabes, des Larcons, & des Garces: vne des plus ruzées se mit sur le seuil de la porte, & s'adressant à mon guide & à moy: Messieurs dit-elle, apprenez nous vn peu comment on entend cela, de condamner les gens, & pour prendre & pour donner? On condamne le Larron, par ce qu'il prend la chose d'autruy, & la Garce parce

*Descri-
ption
d'un lo-
gement
de gar-
ces.*

qu'elle donne la sienne: mais pour moy, ie maintiens qu'il n'y a point d'iniustice à estre Garce, car si c'est Iustice de donner à chacun le sien, & que nous en vsions ainsi, pourquoy nous condamner'on? Nous trouuâmes la question trop difficile à resoudre, c'est pourquoy nous la renuoyâmes aux Aduocats & aux Iuristes. Mais me souuenant de luy auoir ouy nommer les larrons, ie demanday où estoient les Greffiers: Est-il possible qu'il n'y en ait point en Enfer, dis-je alors? car ie m'aduise qu'en venant icy ie n'en ay trouué pas vn par le chemin, en ayant cherché pour faire vn certain acte dont i'auois besoin. Ie pense bien, me dit vn diable que vous n'en auez point rencontré. Pourquoy donc sont-ils tous icy? non non, dit-il, mais ils ne marchent pas, pour venir en Enfer; & partant ils n'ont que faire de cheminer, ils y volent avec des plumes, & par troupes comme vous voyez quelquesfois des oyes sauuages, aussi en auons nous à milliers, & la diligence qu'ils font pour se rendre icy est si grande, que voler, arriuer, & entrer, se fait en vn mes-

Greffiers

*Alz pa-
ge 192.*

me instant , & cela procede de la force & de la legereté de leurs plumes. Et s'il y en a tant icy comme vous dites , pourquoy n'en vois-ie point ? c'est , dit-il, qu'en entrant ceans , nous leur ostons le nom de Greffiers & ne les appellons plus que Chats : Et pour vous faire connoistre comme le nombre en est grand, vous n'avez qu'a remarquer qu'ils ne se trouvent pas vn rat ny vne souris en Enfer, combien que la maison soit d'estendue fort spacieuse, fort vieille, infecte, & pleine de toute autre vermine, luy dis-ie, n'y a-t'il point * d'Algoütazils en Enfer ? pas vn dit-il : Comment cela se peut il faire, répondis ie, si pour vn bon de châque espece il y en a cinq cens de méchans? c'est qu'encore qu'ils soient dans le monde, chacun d'eux contient vn Enfer en soy. Je fis le signe de la croix à cette parole : voila vne chose estrange, luy dis-ie, que vous voulez tant de mal a ces pauvres gens-là : Pourquoi non ? respond-il, puis qu'ils sont si endiablez que nous craignons qu'à force d'estre stilez à tourmenter les ames, ils n'en sçachent mieux l'usage que nous & que

* Il faut
lire le
discours
au Le-
cteur de
la pre-
miere
Vifion,
qui ex-
plique ce
nom.

par consequent , nostre Prince Lucifer ne nous chaste pour les recevoir à son service.

Je ne m'en voulus pas informer davantage , ie passay chemin, & non beaucoup loin de-là , ie me trouuay aupres d'un grand clos , dans lequel plusieurs ames estoient enfermées : les vns gardoient vn profond silence , & les autres pleuroient & lamentoient sans cesse. On me dit que c'estoit l'appartement des Amoureux. Je me sentis touché de quelque tristesse , voyant que la mort ne fait point mourir les soupis des amants. Aucuns deuisoient de leurs passions , & enduroient quant & quant vn tourment de douteuses confiances. O qu'il y en auoit qui attribuoient la cause de leur perte à leurs desirs & à leurs imaginations , dont les forces de l'un & les couleurs de l'autre leur representoient des portraits mille fois plus beaux que n'estoient les personnes. La pluspart d'eux estoient trauaillez & inquietez d'un suplice qu'ils appelloient: *Je croyois que* (selon que le diable me le nomma) *quelle sorte de tourment est-*

Amour
vix.

celà , luy dis-ie ? Le Demon se prit à rire , & me respondit , c'est vn tourment conuenable à leur delit : car quand les Amants se voyent deceus de leurs esperances , dans la recherche ou dans la possession de leurs maistresses , ils disent tousiours , *Je croyois que elle m'aymast: Je croyois que elle ne me deust pas presser de l'épouser: Je croyois que elle seroit cause de ma fortune: Je croyois que elle me donneroit: Je croyois que elle ne me cousteroit rien: Je croyois que elle ne me demanderoit iamais rien: Je croyois que elle se deust contenter de moy seul: Je croyois que elle me seroit fidelle; Je croyois que elle n'eut iamais fait l'amour. De façon que la cause de leur damnation & de leur peine , ne procede d'autre chose que de: Je croyois que.*

Cupidon estoit au milieu d'eux tout nud comme vn coquin , & toutesfois le corps couuert d'vne certaine broderie, dont ie ne pûs discerner qui en estoit l'ouurier , ou la galle , la ladrerie , ou la verole : cette inscription estoit aupres de luy.

A force de banter les impudiques femmes,

*Et de trop s'adonner aux voluptez infames,
Les plus sains deuisnent rongneux,
Et les plus riche se font gueux.*

Poëtes.

Ho , ho , dit ie alors , les Poëtes ne sont pas loïn d'icy , puis qu'il y a de la rime. Je n'eus pas acheué ce dernier mot, que i'apperçoy vn grand parc treillissé, auquel il y en auoit des millions. On les appelloit les Fous d'Enfer. Je m'arreste a les considerer ; & vn d'eux en me monstrant le quartier où estoient les femmes , qui estoit assez près de là. Que vous en semble ? dit-il , est-il pas vray que ces belles Dames là , ne sont qu'à demy femmes de chambre des hommes, puis qu'elles les despoüillent seulement & ne les reuestent iamais ? comment, luy repartif-je , les subtiles conceptions, & les pointes d'esprit vous accompagnent encore en Enfer ? Et quoy , ne sont-elles pas encore émoussées ! ma foy vous estes plaisant & facetieux : Et lors vn de la troupe qui estoit chargé de fers , & qui enduroit beaucoup plus que les autres , me dit , plust à Dieu, mon frere que celuy qui inuenta la Poësie , les consonances & les rimes fust en ma pla-

ce ? Et en mesme temps il commença à
faire cette triste complainte.

COMPLAINTE S DES POETES
estans aux Enfers.

O *Que nous avons fait de crimes
Par la necessité des rimes !
Et que l'allusion des mots
Nous a fait commettre d'offences !
Que nous souffrons de rudes maux
Pour la douceur des consonnances !*

*Sans dessein d'offenser personne,
Les Reigles que la rime ordonne,
M'ont fait souuent nommer putain
Vne fille dont la pratique,
M'auoit assez rendu certain,
Qu'elle n'estoit pas impudique.*

*Et quelquefois la Poësie
A dispense ma fantaisie,
Acheuant vn vers par écu,
Ne pouuant finir mon ouurage,
D'appeller vn homme cocu,
De qui la femme estoit bien sage.*

Vn iour parlant d'une chandelle,
 Suivant le feu de ma ceruelle,
 A cause qu'un vers rimoit suif,
 Faute d'un mot plus conuenable,
 Je dis qu'un Chrestien estoit Iuis,
 Et que le tort est equitable.

Selon que le mot s'accamode,
 Appeller innocent Herode,
 Qualifier le doux amer,
 Nommer l'humilité cruelle,
 Et louer ce qu'il faut blasmer,
 Cause nostre peine eternelle.

La consonance & la cesure,
 Nous causent des maux sans mesure
 Et comme nostre liberte
 Voulut tout permettre à nos rimes,
 On permet à l'eternité,
 De chastier icy nos crimes.

Ainsi les mots de nostre usage,
 Causent le mal qui nous outrage.
 Dans les tenebres des Enfers?
 Où pendant que Cerbere gronde,
 Nous chantons, accablez de fers,
 Les maux que nous fismes au monde.

Je ne sçache point de plus ridicule folie que la vostre , luy dis-ie , en acheuant ces vers. Vous estes en Enfer , & vous poëtisez encore : Il faut bien dire que la crasse ou la tigne de la Poësie est fort attachée sur vous , puis que le feu ne vous en peut purger. Ce sont des humeurs fort boufannes que celle de ces gens-là me dit vn diable , tandis que les autre pleurent leurs pechez , ceux-cy chantent les leurs , & les publient par tout : car s'ils paillardent avec quelque Cloris , Filis , Syluie , ou Melite , par le moyen d'une chanson , ils vous la pourmenent par tout vn Royaume parés comme vne Deesse chimerique : ils luy font des cheueux d'or , vn front de cristal , des yeux d'émeraudes ou de diamants , des dents de perles , des levres de pourpre & de rubis , des paroles d'ambre & de musc , & neantmoins , sur toute cette richesse dont ils sont si prodigues , ils ne trouueroient pas credit d'un méchant habillement à Petit pont , ny d'une chemise sous le Chastelet , ou d'une paire de souliers à la sauaterie. Au reste on ne sçauroit dire de quelle nation ils

sont ; ny de quelle religion : Ils portent bien le nom de Chrestiens , mais ils ont des ames d'Heretiques , les pensees d'Arabes , & les paroles de Gentils & de Payens , quoy qu'ils ne tiennent rien de Payans. Si ie m'arreste icy dauantage, dis-ie, en moy mesme , ce diable meditant me fera ouïr quelque chose qui ne me plaira pas : Je croy qu'il se doute que ie suis taché de la lepre de Poésie.

*C'est à
dire que
ils ne pa-
rent rien*

*Deuots
imperti-
nens.*

Craignant donc d'estre recongnu , ie passay outre & allay voir les deuots impertinents qui font des prieres & des demandes à Dieu pleines de mille extrauagances. O qu'ils tesmoignent ressentir de grandes douleurs ! que de soupirs & de sanglots il exhaltoient de leur poitrine ! Ils auoient leurs langues enchainees dans vn perpetuel silence ; & leurs ames estoient courbées & enclinées en terre , & condamnées à ouïr incessamment à leurs oreilles les cris espouuentables d'vn Diable enroué , qui leur faisoit ces reproches. Impudens, abuseurs de l'oraison & de la patience de Dieu , effrontez , qui osiez traiter avec sa Diuine Maiesté avec moins de

respe& que vous n'eussiez fait avec quelque marchand , avec lequel vous voulussiez traffiquer : combien de fois, de honte que les hommes vous ouys- sent , vous estes-vous cachez en quelque coing d'Eglise , pour luy faire ces execrables requestes : Seigneur , faites que mon pere s'en aille bien-tost de ce monde , afin que ie succede à son office & à son bien ? Que mon oncle meure dans peu de iours , & que ie me voye honoré de la Mitre , pourueu de l'Abbaye ou possesseur du Prieuré ? faites que ie trouue vne mine d'or à mes pieds , que ie sois heureux au ieu , que ma fille , mon fils soient richement mariez ! que le Roy porte ses inclinations à me vouloir du bien que ie sois son fauory : & encore adiouster à cela ces temeraires paroles, faites cela Seigneur , & si vous le faites, ie vous promets de marier deux filles orphelines , de vestir six pauvres , & de vous offrir vn cierge & vn chapeau de fleurs ? Quel auuglement ! de promettre des dons à celuy , à qui vous demandez des richesses . & à celuy à qui toutes choses appartiennent. Quelle outreui-

dance ! de demander à Dieu en qualité de faueurs , les choses qu'il donne ordinairement pour punitions & pour chastimens. Et si d'auanture vous en obtenez la possession en faisant des vœux iamais pourtant vous ne les accomplissez. Combien d'offrandes & combien de promesses auez vous faites à Dieu & à ses Autels estans en pleine mer au milieu des orages & des tempestes effroyables , estans accablez de maladies & d'aduersitez dont vous n'auiez tenu conte quand vous vous estes veus arriuez à bon port ? mais vous ne fustes iamais que despiseurs , vos vœux & vos promesses ne se faisoient que par nécessité & non par deuotion. Demandastes vous iamais à Dieu le repos de vostre ame , l'augmentation de sa grace , ses faueurs ou ses inspirations ? non asseurement ? & mesme ie croy que vous ignoriez le merite de ces richesses spirituelles , pour trop penser aux temporelles , & que vous ne sçauiez pas que les sacrifices & les oblations les plus agreables à Dieu , ne sont qu'une pureté de conscience , vn esprit humble & vne

charité ardente. Il prend plaisir que les hommes se souviennent de luy , afin de leur élargir ses liberalitez , mais ils n'en ont iamais de memoire que quand ils sentent que quelque affliction , & c'est pourquoy Dieu veut bien souuent qu'ils en soient visitez , afin de maintenir leur zele. Iniustes demandeurs , considerez maintenant combien ces choses mesme que vous demandastes à Dieu , & dont il vous gratifia , vous ont peu duré , & combien elles vous ont esté ingrates, quoy que vous les eussiez tant cheries puis qu'elles ne vous ont pas accompagnées au dernier pas ! Considerez que vos enfans & vos nepueux ont si peu de memoire des biens que vous leur avez laissez , qu'ils n'employeroient pas vn denier en œuures pieuses. Ils sont neantmoins fort excusables , car ayant remarqué que vous n'en fistes point durant vostre vie , ils croyent que vous n'y prendriez pas plaisir apres vostre mort. Et d'ailleurs , que vous estes en lieu où elles n'auroient point de merite. Quelques-vns de ces pauures mal-heureux voulurent répondre , mais des morail-

les qui leur serroient les levres les empeschoient.

Enchan-
cours.

De-là, ie m'en allay voir ces Enchan-
teurs, qui guerissent les blesseures &
autres maladies d'hommes & d'ani-
maux, par ligateures, billets, & cara-
cteres, lesquels brusloient tous vifs.
Voicy, me dit vn diable, ceux qui pi-
pent & abusent les superstitieux qui se
fient en eux ? ce sont les plus mandites
personnes du monde ; car s'il échet
qu'ils ostent le mal à quelque corps, ce
n'est qu'en le donnant à quelque autre
qui sera meilleur, & neantmoins il ne se
trouue pourtant guere qu'on se plaigne
d'eux, car s'ils guerissent la maladie, ce-
luy qui la souffroit les louë & les recom-
pense plustost que de les blasmer, & s'ils
tuent le patient, ils luy ostent le moyeri
de se plaindre, & obligent quant & quant
l'heritier à leur faire du bien, de façon
qu'on agrée tousiours ce qu'ils font.
Quand on les interroge de leurs reme-
des, ils disent que ce sont des paroles
vertueuses, qui leur ont esté apprises de
certain Iuif : considerez ie vous prie,
l'origine de ces vertueux secrets ! D'ail-
leurs

leurs, il n'y a rien de bouffon Comme de leur entendre reciter des menteries de leurs cures: ils vous parlent d'un tel, & en tel lieu, qui auoit vn grand coup d'espée au trauers du corps, & de tel autre qui auoit ses tripes & ses boudins dans ses deux mains, dont ils les ont gueris, & où il n'est pas seulement demeuré de cicatrice: mais allez les chercher pour verifiser la verité, vous trouuerez tousiours que c'est à cent ou deux cens lieties du lieu où ils vous content ces fourbes là, & qu'alors ils demeueroient avec certain Seigneur, qui est mort depuis dix ou douze ans, & le tout afin d'oster le moyen d'auerer ce qu'ils disent.

Acheuez vos visites, me dit vn Démon, & vous verrez ceux que Iudas vous a dit sont pires que luy. Il me fallut obeir, & ie me vis a l'entrée d'une grand' salle, où l'on sentoit fort le soulfre, ie pensois d'abord que ce fussent des faiseurs d'alumettes, mais ie trouuay que c'estoient des Alchymistes que les diables examinoient avec beaucoup de peine, car ils ne pouuoient entendre leur jargon; ils ne parloient que de sub-

stances metalliques, qu'ils appelloient du nom des sept Planettes, comme l'or, Soleil; l'argent, Lune; l'estain, Iupiter; le cuiure, Venus, &c. Ils estoient tous chargez de fourneaux, de creusets, de charbon, de soufflets, d'argile, de mineraux, de fientes, de sang humain, de poudres & d'Alambics: les vns calcinoient, les autres lauoient; icy ils purifioient; là ils separoient, affermissoient ce qui estoit volage, rarifioient & conuertissoient en fumée ce qui estoit ferme: En autre endroit ils transnuoient les formes, & fixoient le Mercure sous vn enclume à grands coups de marteaux: puis ayant resolu la matiere visqueuse, exilé la partie subtile & le corruptible du feu, quand ils venoient à la coupelle, tout s'exhaloit en vapeur. Aucuns disputoient s'ils deuoient faire vn feu de rouë ou de meche, si le feu ou non feu de Raymond Lulle se deuoit entendre de la chaux, ou bien de la lumiere effectiue de la chaleur, & non pas de la chaleur effectiue du feu: Autres, avec le signe d'Hermes, donnoient le principe au grand œuure: Autres consideroient

le noir deuenü blanc, en esperant de le voir rouge, & assemblant la proportion de la nature avec la nature, se contentoit & s'aidoit d'elle-mesme, cependant que le reste des oracles aueugles attendoient la reduction de la matiere premiere, & par ainsi reduisoient à la fin leur propre sang à la derniere poudre; & au lieu de conuertir la fiente en cheveux, & en sang humain, cornes & escume d'or, ils conuertissoient le fin or en fine merde, deuenoient foux, gueux, ou faux-monnoyeurs. Combien de fois leur ouïy-ie dire, *le pere mort est ressuscité, tué-le encore une fois.* Combien en visie empeschez à expliquer ces paroles si souuent repetées de tous les Auteurs Chymistes, *Graces à Dieu, qui permet que de la chose la plus vile du monde, on en fasse une qui est si excellente & si riche: & d'autres qui disoient en auoir trouué le sens, & que si la pierre philosophale se deuoit faire de la chose la plus vile du monde, il falloit que ce fust avec des Garces publiques, parce qu'il n'ya rien de si infame en toute la nature, que de prostituer son corps à tous venans; sur la parole &*

l'explication de ceux-là, ils en alloient mettre cuire & distiler, mais il y en eut vn autre qui dit, qu'ils tenoient trop de la pourriture & de l'infection pour estre conuerties en vne essence si excellente; mais après auoir bien consulté & resué, ils conclurent que les Mathematiciens estoient la chose la plus vile du monde, puis qu'ils se condānent à chaque poinct, & aussi qu'ils estoient tousiours fort secs. Et de faict, ils en demanderent pour ietter dans leurs fourneaux, mais vn diable vint à eux, leur disant, Messieurs les Philosophes, voulez-vous sçauoir quelle est la chose la plus vile & mesprisable du monde, ce sont les Alchymistes, c'est pourquoy, desirans faire la pierre Philosophale, suiuant la methode dont nous vous auons oüy parler, nous voulons vous mettre dans le feu, pour faire vne espreuue curieuse: Ainsi qu'il fut dit, il fut fait, & les pauures insensez d'Alchymistes brussoient quasi de leur bon gré, tant ils auoient enuie de voir la pierre Philosophale.

Astro-
logues. D'vn autre costé ie vis vne grande multitude d'Astrologues & de supersti-

tieux, & entr'eux vn Astrologue Chiro-
romancien, lequel prenoit la main à ^{Chiro-}
tous les condamnez, disant, il est fort ^{mâcien}
aisé de connoistre par le Mont de Satur-
ne que vous devez estre condamnez:
on void bien aussi par celuy de Venus
& par sa ceinture, que vous estiez bien
paillard. Vn autre qui estoit enuironné
de Spheres & de Globes, marchoit à
quatre pates, tenant vn compas, mesu-
rant des hauteurs, considerant des Estoil-
les, puis s'élevant de bout, s'écrioit; Ha
Dieu quel mal-heur! si ma mere m'eust
enfanté demye heure plustost, i'estois
sauué; car à ce poinct là Saturne chan-
geoit d'aspect, & Mars se logeoit en la
maison de la vie. Vn autre alloit apres
cettuy-cy, disant aux Diabes qui les
tourmentoient, qu'ils prissent bien gar-
de s'il estoit vray qu'il fust mort, que
pour son regard il ne le pouuoit croire,
à cause qu'il auoit Iupiter pour ascen-
dant, & Venus en la maison de la vie,
sans estre enuisagé d'aucun aspect ma-
lin, ce qui denotoit qu'il deuoit viure
cent & vn an, deux mois, six iours, qua-
tre heures, & trois minutes. Apres eux,

Geo-
man-
tien.

suiuoit vn autre sorte d'astrologue qu'on appelloit Geomantien, qui reduisoit toute sa science en certains petits points, pour deuiner les choses futures, & scauoir les passées, lesquels il dispofoit casuellement, & par lignes, les vnes plus longues que les autres, representans la figure des doigts de la main, en proferant des paroles superstitieuses, puis ayant nombré les pairs & non-pairs, il en tiroit ses Iuges & ses tesmoins, pour prouuer qu'il estoit le plus certain de tous les Astrologues.

Il y auoit là plusieurs Maistres de cette science qui alloient après, entre lesquels on me montra Haly Gerard de Cremona, Barthelemy de Parme, & vn certain Tondin, qui accompagnoient Cornelius Agripa, fameux Magicien & Sorcier, lequel encore qu'il n'eust qu'une ame, ne laissoit pas pourtant de brûler en quatre corps, qui estoient ses maudites & damnables œuures. L'Abbé Trithemius estoit aussi là, avec sa Poligraphie & Stenographie, fort rassasié de Demons, combien que durant sa vie il sembloit qu'il en fust tousiours affamé.

Cardan estoit vis-à vis de luy, avec lequel il estoit en querelle, parce qu'il n'auoit mesdit que de luy seul, quoy qu'il eust publié des plus impudentes menteries que luy en ses liures de forcelleries de vieille. Misade s'arrachoit la barbe, de pité de ce qu'après auoit escrit tant la source de ses fortes inuention, Theophraste, qui se plaignoit du temps qu'il auoit perdu à souffler le feu Alchymiste. Le secret Autheur de la Clauicule de Salomon & de cent Rois des Esprits. L'Heretique compositeur du liure, *Aduersus omnia pericula mundi*. Taysnerius, avec son liure de Physionomie & Chiromantie, endurent pour ceux qu'il auoit rendu fous par ses folies; se moquant toutefois de ses propres piperies, n'ignorant pas, quoy qu'il fust meschant, que les physionomies ne se peuuent tirer des visages de personnes particulieres, mais seulement des visages des Roys & des Princes, parce qu'ils suiuent librement leurs inclinations, à cause qu'il n'y a personne qui les en puisse empescher. Il y auoit encore vne infinité d'autres Magiciens, Necromanciens, Sorciers &

Enchanteurs, & beaucoup de places d'artentes, qu'on disoit estre referuées pour certains Grands & Grandes, qui adioustoient foy à ces disciples des Demons.

Belles
femmes
entre
les en-
chan-
teurs.

Non loin d'eux estoient les belles femmes, que l'on tourmentoit en qualité d'Enchanteresses. Je me sentis le cœur serré de compassion, mais vn diable me vint consoler : Ne vous souuennez-vous plus du mal qu'elles vous ont fait ? N'avez-vous pas experimenté assez souuent, qu'elles vsent d'vne certaine sorte de Magie qui empoisonne ? qu'elles sont le venin de la vie, qui corrompt les organes de la veuë, qui trouble les puiffances de l'ame, & qu'elles sont cause que la volonté reçoit comme choses bonnes, les especes que les yeux offencez luy representent ? Vous avez raison, luy dis-ie, vous me ramenteuez tous les maux qu'elles m'ont fait, ie m'apperçoy bien à cette heure, que ie suis au quartier de ceux qui valent pis que Iudas, comme il me l'auoit dit. Mais voyons le reste : Je m'aduançay vn peu plus auant, & ie me trouuay dans vn lieu

si obscur, que sans vne particuliere faueur du Ciel, il eust esté fort difficile de dire ce qui y estoit. Premièrement, on y voyoit à l'entrée la Iustice de Dieu, qui paroissoit espouuentable. Après on y voyoit le vice avec vn regard plein d'effronterie & de superbe; la Malice ingrâte & ignorante, l'Incredulité obstinée & confirmée en son aueuglement, la Desobeissance brutale & effrenée, & le Blaspheme temeraire & tyrannique, tout couuert de sang, abayant avec cent gueules qui vomissoient du venin, & ses yeux eslançoient des flames ardantes. L'entray là dedans accompagné de la plus grande frayeur que l'on puisse imaginer: Et ie vis toutes les sectes d'Idolâtres, d'Heretiques & d'Heretiques, qui furent auant & depuis la venue de nostre Seigneur Iesus-Christ. A leurs pieds, en tres-bel arroy, estoit la lasciuie Barbe, seconde femme de l'Empereur Sigümond, & l'Imperatrice des Garces, laquelle se mocquoit des vierges, & les appelloit foles, & qui durant sa vie ne fut ny saoule ny lassé des delits, (en quoy elle surpassoit les desborde-

Heretiques.

mens de Messaline) disant en outre, que les ames estoient mortelles avec les corps; & tout cela brusloit comme des alumettes.

Mahomet.

Le passay outre, & à vn coin ie vis vn homme tout seul au milieu d'vn feu, qui blasphemoit & grinçoit les dents de rage & de desespoir. Qui es-tu, luy dis-ie? ie suis Mahomet, respond-il, Tu es donc le plus meschant homme qui fut iamais, & celuy qui a le plus amené d'ames en ces lieux d'horreur? ie ne m'estonne plus de l'honneur que l'on te fait de te separer du commun. Et parce que chacun parle tousiours de ce qu'il ayme le plus: Imposteur, luy dis-ie, pourquoy est-ce que tu deffendis le vin à ceux de ta secte? Je les auois, dit-il, assez estourdis des abus de mon Alcoran, sans leur permettre encore le vin pour les enyurer dauantage. Et le porc, pourquoy leur deffendis-tu aussi? ce fut pour ne point offencer le jambon; car d'en manger, & ne boire que de l'eau, ce n'est pas luy rendre l'honneur qui luy est deub: & d'ailleurs, c'est que ie voulois tant de mal aux miens, que ie leur

ay osté en ce monde la friandise du vin & des costelettes, & pour les exclurre tout à fait de la connoissance de leur salut, ie leur ay ordonné de ne point disputer de mes Loix par le discours de la raison (attendu qu'il n'y en a point en mes preceptes, non plus qu'en l'obeissance d'iceux,) mais de les establir & introduire par la force des armes ? & par ainsi, ie les ay abandonnez à vne perpetuelle confusion. Et combien qu'il se voye tant de peuples qui suiuent ma secte, ce n'est pas pour les miracles qui s'y fassent, mais parce que ie donne la loy à la mesure des appetits de chacun, & la liberté d'auoir tant de femmes qu'il voudra, & de commettre toute autre sorte de deshonestetez, selon ses inclinations. Neantmoins, tout le mal du monde n'a pas esté produit par moy seulement: regardez autour de vous.

Ie me retourne, & ie voy tous les Heretiques du siecle present, & entre autres, Manichée avec tous ses adherans. Calvin, que ses sectateurs déchiroient à beaux ongles, reconnoissant qu'il les auoit abusez & trompez, com-

Hereti-
ques.

Caluin.

me son nomen Latin l'accuse, *Caluo*, ie
 trompe. Aupres de luy estoit le Saxon
 Caluin. Luther, renegat de S. Augustin, ayant
 Luther. deux diables à costé de luy, qui te-
 noient chacun vn soufflet, duquel sor-
 toit des flammes au lieu de vent, qui luy
 entroient dans les oreilles, & luy brû-
 loient la cervelle sans la consommer,
 parce qu'il auoit auoué en son liure, que
 Melan- le diable luy auoit soufflé les argumens
 Athon. qu'on faisoit contre la Messe. Melan-
 Athon son Disciple estoit aupres de luy
 qu'un diable trauailloit d'un tourment
 qui me faisoit rire; il ne faisoit autre
 chose que le retourner, tantost à l'en-
 uers, tantost à l'endroit, comme on fe-
 roit vn bas de chausse. Je luy demanday
 pourquoy il le traittoit ainsi, il me dit
 que c'estoit à cause de ce qu'estant au
 monde, il chaussoit indifferemment
 toutes Religions, & que pour ce su-
 iet, on l'appelloit *le Brodequin d'Alle-
 magne.*

Le Symoniaque Beze Legiflateur
 & Ministre de Geneue, estoit assis & li-
 Beze. sant dedans la chaire de pestilence, qui
 enduroit de nouveau le tourment de la

tigne qui luy estoit reuenüë, laquelle luy estoit vn supplice si rigoureux, que s'il se fust trouué alors sur le Pont aux Meufniers de Paris, il n'eust pas tant marchandé à se ietter dedans la Seine, comme il pensa faire avec son cousin, vn autre tigneux comme luy, en allant chez le Chirurgien qui le pensoit.

Ie commençois fort à m'ennuyer en Enfer, ie regardois par tout autour de moy si ie trouuerois quelque issuë pour me retirer, & en ce dessain i'entray sans y penser dans vne longue galerie, en laquelle ie vis Lucifer Prince des Diabes enuironné de toute sa Cour, composée de Diabes & Diabesses, car il y a des femelles aussi bien que des masles. Alors craignant de faillir au respect & à la ciuilité, & aussi que son aspect espouuentable me faisoit peur, ie demeuray à l'entrée de la galerie, mais voicy venir vn Huissier qui me dit, qu'ayant esté reconnu pour estranger, son Prince luy auoit commandé de me faire entrer, & de me montrer toutes les raretez : ie le remerciay de l'honneur que son Maistre me faisoit, & de la peine qu'il pre-

noit en son particulier, & ainsi faisant nos complimens, ie me mis à considerer combien elle estoit mieux parée que celles de nos grands Seigneurs, mesme des plus curieux du monde, car ils n'ont que des statuës ou des plates peintures, qui sont muettes, insensibles & immobiles, mais en celle-là tous personnages y estoient animez, respirans & viuans: & ce qui y estoit de beau entre autre chose, c'est qu'il n'y auoit point de gens de basse condition; On n'y voyoit que des Empereurs & des Roys: Toute la maison Othomane y tenoit des premiers rangs: La plus-part des Empereurs Romains selon leur ordre; & les Roys de Rome iusques à Tarquin le Superbe: Et vne infinité d'autres Princes & Princesses, qui m'obligeroient à vne trop longue description, s'il les falloit nommer. Et dautant que ie ne pouuois plus supporter l'air de ce climat-là, qui estoit vn peu plus chaud qu'il ne m'appartenoit, quand mesme i'eusse esté Gentil-homme Verrier, ie priay mon guide de m'enseigner par où ie pourrois sortir: Ouy da, dit-il, suiuez-moy seule-

ment : en mesme instant il me mena par vn passage desrobé, dans la garde-robe de Lucifer, ie dis celle de sa chaire percée, auprès de laquelle ie vis des tonnes toutes pleines de Medecins, & vne infinité de bales d'Histotiographes adulateurs en impression & par permission: Et alors mon guide voyant que ie me fousfriois.: Vous deuinez bien à quoy sert cela, me dit-il, allons, luy respondis-ie, ie voy bien que vous estes vn railleur, faites-moy vn peu changer d'air : Enfin il me montra vn passage qui estoit fait comme vn soupirail de caue, par lequel ie grimpay aussi diligemment que si le Diable m'ouust tenu au cul & aux chaufses, & à l'instant ie me trouuay dans le parc, que i'ay dit à l'entrée de ce discours, esmerueillé, effrayé, & resioity tout ensemble, en meditant sur les diuers supplices, desquels plusieurs estoient tourmentez, pour les auoir peut-estre moins meritez que moy, ce qui me fit prendre vne forte resolution de viure à l'aduenir en telle sorte que ie pûsse eui-ter de ressentir la realité & la verité des tourmens dont ie n'auois eü que les vi-

sions. Je supplie le Lectur d'en faire son profit à mon imitation, afin de n'en rien experimenter dauantage, & de croire que ie ne pretends scandaliser personne, que mon intention ne tend qu'a reprimmer les vices qui font damner les hommes, & qu'en parlant seulement de ceux qui sont en Enfer, on ne peut en aucune façon interesser les gens de bien.

Fin de la sixiesme Vision:



VISION



VISION VII.

D'VNE

SEDITION

CAVSEE AVX ENFERS,

PAR VN FLAGORNEVR,

vn Entremetteur, & vnc

* Doüegna.

*Voiez
l'anno-
tatiõ de
la 2. pa-
ge sui-
uante.



OMBIEN que l'Enfer
soit la demeure eternelle
du desespoir & de la con-
fusion, si est-ce que der-
nierenement il s'y esleua vn
tintamarre si furieux, & vn desordre si
extraordinaire & espouventable, que
les plus anciens habitans de ce lieu-là
aduõtant qu'ils n'en auoient jamais veu
de semblable, pensoient que leur Repar-

T

bligue s'en allast bouleuerfer de fonds en comble. Ils ne se connoissoient plus l'un l'autre : les Demons croyoient estre les Damnez, & les Damnez les Demons : les vns vsurpoient les tourmens qui appartenoyent aux autres, & couroyent de çà & delà pesse-mesle comme des enragez : bref, c'estoit vn reuolte general, tout y estoit en diuorce & en querelle. On fut quelque temps sans pouuoir de uiner qui auoit agité cette tempeste : mais enfin on apprit qu'elle auoit esté causée par vn Flagorneur, vn Entremetteur, & vne Doüegna †, qui auoient trouué inuention de se détacher de leurs fers. Considerez vn peu, Lecteur, de quel genre d'esprits pouuoient estre ces trois là, puis qu'ils estoient capables d'ajouter de la confusion & du trouble dans l'Enfer.

† Ceux qui ont veu les Visions de cet Auteur, font déjà instruits de la signification de ce mot. Il signifie vne femme veue & âgée, qui sert dans les

Lucifer glapissant comme vn Demonique, crioit qu'on luy apportast des chaines, des manötes, & des entraues, & couroit par tout pour remettre chacun en sa chacuniere, quand il heurta contre le Flagorneur : & après s'estro arrestez tous deux quelque moment de

temps pour s'enuisager, le Flagorneur prit la parole: Mon Prince, dit-il, ie vous donne aduis qu'il y a des Diabes faineants en vostre Empire, qui demeurent assis les bras & les genoux croisez comme lasches & paresseux, sans vouloir rien faire: & mesme que plusieurs de ceux que vous auez enuoyez au Monde, ne reuiennent point rendre compte de leurs commissions, quoy que le temps en soit expiré. Et la Doüegna, qui alloit soufflant la discorde d'oreille en oreille, venant d'auanture à passer par là, s'arresta tout court: Prenez garde à vous, dit-elle à Lucifer, il y a vne grande conspiration faite pour vous deposseder de vostre Sceptre diabolique: Voicy deux Tyrans qui viennent, trois adulateurs, force Medecins, & quantité de gens de lettres, comme Iurisconsultes & Aduocats: & ie vous aduertis encore, luy dit-elle à l'oreille, que parmy tous ces gens-là il y a vn certain personnage qui est demy Hermite, qui ne vous promet pas poires molles.

A ce nom de demy Hermite, Lucifer perdit la couleur: & demeurant con-

me immobile , tesmoigna d'auoir vne grande apprehension de perdre son sceptre : & apres auoir esté quelque espace de temps sans parler , comme s'il eust esté transporté. Vn demy Hermite , dites-vous , des Medecins , des Aduocats & des Tyrans ? voilà vne confection sivenimeuse & si empoisonnée , qu'une once seulement seroit capable de faire creuer le ventre , & ietter dehors toutes les trippes de l'Enfer. Et comme il alloit faire sa visite , par les aduenues de son Royaume , il vid venir l'Entremetteur , qui faisoit fort l'empresse : Il ne me faisoit plus que ce rencontre - cy , dit-il , pour acheuer de me predire mal-heur. Et bien , qu'y a-t'il ? Et lors l'Entremetteur avec vn torrent de bourdes , de tricheries & de piperies , luy dit qu'il y auoit plusieurs gens qui machinoient de s'enfuir de l'Enfer , & d'autres aussi qui y vouloient faire entrer quelques vsuriers & hypocrites , par le moyen desquels le Monde prenoit familier accez avec les Demons ! & luy dit encore beaucoup d'autres choses si pleines de faurbes , & si charlatanes , qu'il en fust

demeuré estourdy s'il luy eust voulu tenir plaid. Lucifer voyant le tumulte étrange de son Empire, & aduertý des dangers dont il estoit menacé, poursuiuit le dessein de faire reueuë par tout, & avec sa garde & sa compagnie ordinaire, composée de force Alemans & Anglois; car depuis que les Heresiarques ont infecté ces Prouinces-là, il n'en a eu que trop à son seruice.

Il commence donc la visite de ses cachots & basses fosses, de ses prisonniers & de ses geolliers. Le Flagorneur, souffleur de dissentions, alloit deuant, éuenant vn air qui attisoit & enflamoit seulement, sans produire aucune clarté: La Doüegna marchoit apres, semant la zizanie par tout. L'entremetteur mattois le suiuoit, guignant du coin de l'œil de costé & d'autre sans tourner la teste, & ne passoit pas deuant aucune ame, qu'il ne luy fist les doux yeux, ou quelque autre geste feignant de la bienveillance. A l'vne il faisoit la reuerence: à l'autre il baisoit les mains: à cette-cy, il disoit, ie suis vostre seruiteur; à cette-là employez-moy. Mais à cha-

que parole de ses complimens, les pauvres ames crioient Helas, bien plus fort qu'aux esclancemens des flammes qui les tourmentoient. O traistre ! disoit l'une: O que le feu est bien plus doux! disoit l'autre. Voila le redoublement de nos maux, disoit cette-cy, Voila l'excez de nos tourmens, disoit cette-là.

Parmy vne tourbe de canailles, & en vn lieu eminent, il y auoit vn insigne Faux-tesmoin, lequel comme tres-expert à ce mestier-là, faisoit des leçons de menterie à cette venerable compagnie qui estoit autour de luy: il leur faisoit iurer d'auoir veu ce qui leur estoit inconnu. Et comme ce Docteur-là apperceut l'Entremetteur: Comment, dit-il fort effrayé, ce Demon-là est-il en ce pais-cy? Et quoy? i'auois mieux aimé venir en Enfer, que d'estre en lieu où ie le pûsse voir: assurement, si i'eusse creu qu'il y eust deu venir, c'eust esté assez, non pas seulement pour me sauuer, mais encore pour me faire aller où ie n'auois jamais pû entrer.

Là-dessus, nous ouïmes vn grand

bruit de voix, d'armes, de coups & de cris meslez d'injures & de complaints. Les vns se iettoient sur les autres, & se fulminoient avec leurs propres personnes, mais avec vne telle cruauté, qu'il est impossible de représenter vne si furieuse bataille. Entre ces personnes-là, il y en auoit vn qui sembloit estre vn Empereur, car il auoit vne couronne de laurier sur la teste, & estoit enuironné de Conseillers, lesquels avec des langues afilées sur le texte des loix & des ordonnances, taschoient à se deffendre de la fureur & de la colere enragée, dont cet Empereur les tourmentoit. Lucifer s'approcha de luy, & avec vn tonnerre qui fit trembler tout l'Enfer: Qui es-tu (dit-il) Ame, qui fais icy tant de la superbe? Je suis (respond-il) le grand Iule Cesar, qui dans la sedition generale de vostre Royaume, me suis ietté sur Brutus & Cassius, pour me vanger du sanglant outrage qu'ils me firent en m'ostant la vie, sous pretexte de la liberté de la patrie, combien que ce ne fust que pour assouuir leur enuie & leur conuoitise particuliere. Ces infames ne

Plainte
& ven-
geance
de Ce-
sar cō-
tre Bru-
tus &
Cassius

haïssioient pas l'Empire, mais seulement l'Empereur: ils me massacrerent, parce que i'auois estably la Monarchie: mais ils ne l'abolirent pas pourtant, au contraire ils en affermirent plus promptement & plus facilement la conseruation: ils firent plus de mal en m'ostant la vie, que ie n'en fis en ostant le gouvernement de la Republique aux Senateurs, puisque ie mourus Empereur, & mes homicides ne remporterent que le nom de traistres durant leur vie: Je fus adoré du peuple, & eux furent chastiez en me tuant. Sanguinaires maudits! dit cette grande ame de Iule Cesar, en se tournant deuers eux; le gouvernement de la Republique estoit-il mieux entre les mains des Senateurs, qui ne le sceurent pas bien garder, que sous la conduite d'un Guerrier qui l'acquist par son merite? Celuy qui est expert dans la calomnie, & qui est sçauant pour faire vne accusation, est-il plus digne d'une Couronne qu'un grand Capitaine, qui remplit de gloire sa patrie, & qui donne terreur à ses ennemis? Celuy qui sçait les loix, est-il plus capable d'un Empire que

celuy qui les maintient ? Non , non ,
c'est à cettuy-cy à les establir , & aux au-
tres à les estudier. Pauvre Republique
Romaine ! appelle-tu liberté d'obeïr à
la discorde de plusieurs , & seruitude
de respecter la puissance d'un seul ? Plu-
sieurs hommes pleins de conuoitise &
d'ambition , doiuent-ils estre appelez
Peres de la Patrie , & la generosité d'un
seul tenuë pour tyrannie ? O que c'eust
esté bien plus de gloire au peuple Ro-
main , de se conseruer vn fils , qui ren-
doit Rome Maistresse du Monde , que
des Peres qui par vnt infinité de guer-
res ciuiles la firent la marastre de ses pro-
pres enfans. Barbares & cruels que vous
estes , considerez vn peu quel estoit le
gouuernement des Senateurs , puisque
le peuple ayant gousté de la Monarchie,
aymerent mieux estre commandez par
des Neron, des Tibere, Caligule, & He-
liogabales , que par des Loix & des Se-
nateurs.

Alors Brutus , avec vne voix trem-
blante , & vn visage couuert de honte,
commença à dire en criant : O Sena-
teurs , n'entendez-vous point Cesar ?

adjouitez-vous vn crime nouveau à celuy que vous auez cy-deuant fait ? & ayans esté les auteurs du parricide, laissez-vous ainsi accuser celuy qui vous crust ? Parlez, respondes, Conseillers: Cesar parle à vous aussi bien qu'à moy : vous fustes si adroits en vos persuasions, que nous en fumes les traitres executeurs Cassius & moy, sans prendre garde à vostre insatiable ambition, ny remarquer, que vostre grauité, vos barbes & vos robes longues se veulent tousiours emparer du commandement, attirer l'obeyssance à soy, & rejeter le danger sur le Prince. En effet, vous faites tant valoir vos charges, & autoritez si puissamment vostre vanité, qu'il est plus dangereux au Monarque de ne vous obeyr pas, qu'au vassal de desobeyr au Monarque. A quoy tendoit l'execution de vostre perfidie & de vostre trahison ? Respondez à Cesar : car pour nostre regard, nous sommes chastiez par nostre infamie & nostre confusion.

Iustification
d'un
Sena-
teur con-
tre Ce-
sar.

A ces mots-là, vn des Senateurs qui estoit tout couuert de braize, se leua & avec vn sourcil feueré, vne morgue re-

frongnée, & vne voix foible : Prince, dit-il à Cesar, dequoy te plains-tu ? si à ton occasion Ptolomée, qui estoit Roy, tua si laschement le grand Pompée, duquel il tenoit le Royaume qu'il possedoit : quel outrage & quel delict comirent les Conseillers de te tuer, pour recouurer les Royaumes que tu nous auois ravis ? Est-ce vne action d'impieté de t'acquitter enuers Pompée ? que les Diabes en soient les iuges : Achilles, qui fut l'vn des homicides de ce belliqueux guerrier, & qui en conduisit l'exécution, par le commandement de Ptolomée, n'estoit qu'un Brigand, qui ne viuoit que de ses delicts, mais tu fus bien plus infame que luy : en voyant la teste de Pompée, tu pleuras, mais tes larmes estoient plus tritresses que le fer de son homicide : ce fut vne compassion accompagnée de cruauté : ta pitié te seruit de vengeance, & tu fus plus fier en le regardant mort, que tu ne fus en le combattant durant sa vie. Comment est-il possible, que des yeux hypocrites peussent trouuer vn domicile dedans la premiere teste du monde ? On

ne vous peut pas desnier que nous n'ayons redonné la vie à nostre Republique en te donnant la mort. Ce ne fut pas nous, ny le peuple qui appellerent Neron au gouvernement, mais il nâquit de ton sang : ta teste couppée fut l'Hydre del'Empire, d'où il en sortit douze autres.

Ils eussent recommencé leur premiere escarmouche là dessus si Lucifer n'eust commandé absolument à Cesar de r'entrer dans la peine & les châtimens de sa presumption, qui luy fit mespriser les aduis qu'on luy donna de son defastre : & à Brutus & Cassius, d'estre à iamais le reproche & le scandale des ames politiques : Les Senateurs furent enuoyez avec Minos & Rhadamante, pour estre assesseurs des Demons.

Cela fait, on ouyt vne grande rumeur de voix qui estoient vn peu éloignées, comme si plusieurs personnes en colere eussent disputé ensemble : on entendoit des repliques moderées, & d'autres, meslées d'injures & d'outrages ; il y en auoit tel si fort transporté de

fureur, que les coups & les paroles alloient en mesme temps ; & tant plus la visite s'approchoit, plus le tintamarre redoubloit : cela fut cause qu'on doubla le pas, mais quelque diligence qu'on sceut faire, quand la visite fut à eux, on les trouua desia tous engagez dans vne sanglante meslée. Les personnes estoient de differentes conditions, mais toutes-fois des plus releuées : car il y auoit des Empereurs, des Magistrats, & des Generaux d'armées. La voix imperieuse du Princes des tenebres fit faire trefue à leurs debats, & tous se tournerent deuers luy, tesmoignant de souffrir vne cruelle gesne dans le retardement de l'execution de leur haine & de leur vengeance. Le premier qui prit la parole, ce fut vn homme signalé de plusieurs grandes playes, lequel haussant la voix : Je suis, dit-il, Clitus : Tais-toy, luy dit alors vn autre qui estoit à costé de luy, ose-tu parler deuant moy ? Princes des Demons, poursuiuit-il, escoutez Alexandre, fils de Iupiter, Seigneur des Mondes, la terreur des Peuples, le tres-grand Empereur, il alloit enfler vne il-

Conte-
station
d'Ale-
xandre
contre
Clitus
son fa-
uory.

liade de tiltres, de qualitez & de Seigneuries, à l'imitation des Espagnols, si le Procureur Fiscal ne luy eust imposé silence. Parlez, dit-il, Clitus, & luy qui en auoit fort grand' enuie, dit ainsi:

Lucifer, ie fus le premier des fauoris de cét Empereur, qui fut Seigneur de toute la terre conuë, qui porta le tiltre de Roy des Roys; qui se disoit fils de Iupiter Ammon, & neâtmoins, combien qu'il commandast à tant de mondes, les passions naturelles (qui peuuent seruir d'experience pour des-abuser la presumption humaine) eurent vn grand empire sur luy: la cruauté le rendit excessiuement temeraire, & incapable de receuoir les salutaires conseils de ses fidelles seruiteurs. Ie fus durant ma vie des plus zelez de ceux-là: mais ce ne fut pas tant ma diligente obeïssance qui m'acquit auprès de luy le nom de fauory, comme ce fut l'opinion qu'il eut que ie deusse augmenter le nombre de ses flatteurs; mais i'auois trop de sincerité dans l'ame, pour estre complices de ses folies, le regret que i'auois de ses defauts, me donnoit la hardiesse d'essayer à les reprimer

doucement. Vn iour le voyant parler avec mépris des glorieux exploits de Philipe son frere, & tenir l'éclat & la generosité d'un Prince qui luy auoit donné l'estre, & qui auoit aporté tant de soin à son éducation, ie luy remonstray son ingratitude, ie le des-abuzay de cette diuinité imaginaire dont ses adulateurs le pipoient, & parlant en toute franchise, ie luy representois qu'il ne deuoit pas ainsi flestrir & arracher les palmes des mains de son pere. Mais voyez vn peu à quel excez de felonnie, ce Prince se laissa transporter, puis que dans les louanges de son pere, & de ses actes magnanimes que ie racontois, il se leua de colere & me tua de sa propre main. Apres cela, monstrez-moy où estoit sa diuinité. Quand il donna le Royaume de Sidonie à Abdolominus qui faisoit alors l'exercice de cureur de puis, ce ne fut pas comme l'on crut pour honorer la vertu de ce Capitaine-là, mais pour mortifier honteusement, & affronter la superbe des Grands de Perse, apres la mort de Darius. Or l'ayant rencontré icy, ie luy ay demandé en

quel lieu son pere Iupiter l'auoit delais-
sé, quelle offence il luy auoit fait pour
l'exterminer dans les Enfers, & s'il estoit
des-abusé de ses flatteurs, qui l'adoroient
& luy offroient de l'encens, en luy fai-
sant accroire qu'il estoit le fils du plus
grand des Dieux, & qu'en ligne directe
il estoit l'vnique heritier de la foudre,
& du throsne celeste de Iupiter? voila
pourquoy nous estions venus aux mains
quand vous estes arriué. Mais laissant à
part ces inuectiues-là, iugez ie vous prie
si ce ne fut pas vne action de Tyran, de
former vn delit digne de mort, du recit
des vertus & magnanimité de son Pere?
De quelle barbarie n'vsa-t'il aussi en-
uers Parmenion, Philoras son fils, & Ca-
listhene, qui estoient aussi ses favoris
mesme à l'endroit d'Aminte sa cousine,
de sa belle-mere & de son frere? O Lu-
cifer, vous voyez comme il ne faut estre
ny bon ny meschant pour estre criminel,
mais seulement fauory d'vn Tyran, &
que c'est comme le cours de la vie hu-
maine, où chacun meurt à cause qu'il
est mortel, & non pas à cause de la ma-
ladie

ladie, car elle ne sert que de pretexte à la mort.

Tu connois donc maintenant, dit Satan, que les Tyrans sçauent donner le tour de Breton, pour faire trébucher & tomber ceux qu'ils veulent, car ils hayssent tout, le bon, parce qu'il n'est pas méchant, & le méchant, de dépit qu'il n'est encore pire. Quels fauoris ont ils fait, qu'ils n'ayent précipitez? Ne te souuiens-tu point de l'embleme de l'éponge? or apprends que tous les fauoris sont des éponges des Princes, ils les laissent imbiber & succer tout leur soul, & puis apres ils les expriment, & entirent la substance pour leur profit.

Comme il acheuoit cette dernière parole, on ouït vn cry lamentable de plusieurs personnés, & en mesme temps, vn venerable vieillard, de couleur aussi, passe que s'il n'eust point eu de sang dans les veines s'aprocha de Lucifer: Il sembla, luy dit-il, que cette similitude d'éponge dequoy vous parlez, est faite pour moy, à cause des grands tresors que j'ay possédez. Je suis ce renommé Se-

Plaintes
de Se-
neque
contre
Neron.

neque, Espagnol de nation. Precepteur & fauory de Neron. Les excez de ses liberalitez s'exercent sur moy, il me donna sans le requerir, ie ne fus iamais conuoiteux, mais seulement obeyssant. C'est ordinairement le plaisir d'un Prince, de se monstrier liberal enuers un Fauory, & le combler d'honneurs & de biens; & quiconque en feroit le refusant, & ne les voudroit accepter qu'apres les auoir meritez, il offenceroit le Prince; & sembleroit que le sujet voulust plustost faire admirer sa modestie & sa temperance, que la magnanimité du maistre qui luy donne: tellement, que le plus deuot hommage d'un vassal puisse rendre à son Seigneur, c'est de contribuer tout ce qu'il peut à l'éclat & à la splendeur de sa vertu. Neron me donna tout ce qui se pouuoit donner par un tel Prince qu'il estoit; mais quelque modestie & bonne conduite que ie puisse apporter en la jouyssance de telles gratifications, les partisans de l'enuie, ne laisserent pas de murmurer, & d'inuenter des calomnies contre moy, publiant que ie persuadois le mépris des richesses.

ses aux autres, afin que la soif de mon avarice insatiable, eust moins de competeurs: Et voyant peu à peu diminuer la vigueur de ma bonne reputation & de mes prosperitez, ie me deliberay de mettre mon esprit hors d'inquietude, & de n'estre plus l'obiet de la haine de tant de personnes. Ie m'en allay trouuer Neron, & luy rendis tout ce qu'il m'auoit donné, avec toute la reuerence & le respect que ie pouuois témoigner. I'auois vne si grande passion à l'aimer & le seruir, que les menaces de son humeur redoutable, dont on me vouloit donner de la terreur, ne m'osterent iamais la hardiesse de l'exhorter à la vertu, ny ses actions déreglées, m'empescher de luy faire les remonstrances à quoy ma loyauté m'obligeoit: & quand il faisoit faire des meurtres & des homicides, c'estoit alors, qu'avec plus de vehemence, ie luy representois les playes qu'il faisoit à sa conscience. Il fit donner la mort à sa mere: il mit le feu dans Rome, & la reduisit en cendre; il dépeupla tout l'Empire de gens de bien, d'où s'ensuiuit la conspiration de Pison, laquelle fut fort

bien proposée, mais fort mal executée: car ayant esté decelée, ceux mesme qui en deuoient faire l'execution, en perdirent la vie. Ce sont des coups de la Prouidence diuine, de garantir ainsi la vie d'un Prince, de ces funestes accidents, afin qu'il se puisse reconnoistre & changer de vie: Mais quoy, Neron preuint bien cette conspiration, & toutesfois il n'en amenda pas ses defauts, ny ne quitta ses vices: en mesme temps il fit mourir Lucanus, parce qu'il estoit meilleur Poete que luy: Et s'il me donna le choix de la mort, ce ne fut pas par vn sentiment de pitié, mais plustost de cruauté: il tendoit à me donner plusieurs morts au lieu d'une, car le mal de la mort estoit reiteré durant le temps du choix que j'en deuois faire; outre qu'il se proposoit qu'en souffrant effectiuement celle dont ie ferois eslection, ie souffrirois aussi toutes les autres dans la terreur & l' apprehension qui me les faisoit refuser: Je me mis dans vn bain; & me faisant couper les veines, ie m'expediay mes despèches moy-mesme, pour venir promptement icy; ou pour augmenter mon mal-heur

y'ay trouué cét infame Prince, exerçant encore ses cruautéz, & enseignant de nouueaux tourmens aux Demons contre les pauvres ames.

Alors Neron s'aduance, & avec vn visage refrongné & vne voix gresle: Il est besoin, dit-il, que le Fauory & le Precepteur soit plus sçauant que le Prince, mais il est aussi necessaire, qu'il s'y gouuerne au respect, car de deuenir presomptueux pour auoir quelque aduantage de doctrine par dessus luy, c'est vn crime; & partant le sujet qui voudra faire paroistre, qu'il est plus habile homme que son Seigneur, & qu'il sçait plus que luy, doit estre puny comme vn temeraire & vn insolent. Senecque, lors que tu m'enseignois, ie te preferay à tous ceux qui estoient auprès de moy, & l'estime que ie fis de ta prudence fut vne des principales louanges de mon regne: mais dès que tu voulus faire connoistre à tous, que tu estois plus adroit & mieux aduisé que moy, chose que tu deuois dissimuler plus iudicieusement, tu me fis vn scandale general par tout le monde: & dès cette heure-là, ma haine & mon courroux s'ai-

Repliques de Neron à Senecque.

lumerent contre toy : Cela me déplut tellement, que j'ayme mille fois mieux endurer les tourmens qu'on me fait icy, que de voir vn Fauory à costé de moy qui fit gloire de ma honte, & tira de l'honneur de mon mépris. I'en appelle à témoins tous ces Princes qui sont icy: Parlez, Roys, approchez - vous : Dites, auez - vous souffert que vos fauoris soient deuenus si presomptueux, que de vouloir faire voir que la capacité de leur entendement excedoit la vostre, sans les chastier de leur temerité ? Non, non, respondirent - ils tous d'une voix, on ne l'endurera iamais, tant que le monde fera monde ; nous auons t ré parole de nos successeurs de remedier à ce desordre. Il est vray que tandis que le fauory prudent & adroit, sçaura persuader aux peuples, que le Prince possède le talent de bien gouverner, & qu'il agit de soy mesme, il doit estre maintenu, honoré, & estimé de son maistre : Mais dès l'instant que la vanité l'emportera à faire connoistre le contraire, adieutoute priuauté, il merite d'en estre degradé.

Ce decret - là ne me regarde point, dit alors Sejan , combien que i'eusse meilleur entendement que Tybere, car ie me conduisis avec tant d'industrie que tout se publioit comme fait & ordonné par son propre iugement. Aussi reconnut-il d'estre si obligé à mes seruites, qu'il me fit pair & compagnon de son Empire, & eriger des statues , auxquelles il conceda des priuileges sacrez. Mon nom fut l'acclamation du peuple Romain , ma felicité l'alegresse & la ioye de l'Empire, & toutes les nations faisoient des vœux & des prieres communes pour la conseruation de ma santé. Mais lors que ie croyois estre le fauoruy qui auoit le plus de part aux affections de son Seigneur , Tibere me fit prendre & mettre en pieces, & m'abandonna à la fureur & à la rage du peuple mutiné, qui tenoit à honneur d'emporter quelque piece de ma chair à la pointe de leurs iauelots , ils me traînerent par les ruës : Encore leur incomparable cruauté passa t'elle outre les bornes de ma sepulture : elle se prit à mes enfans qu'elle fit mourir tres - ignominieuse-

plain-
tes de
Sejan
contre
Tibere.

ment? & vne fille que i'auois, laquelle à cause du priuilege de la virginité ne pouuoit mourir par iustice, fut barbarement condamnée, premicrement d'estre violée par le bourreau: O prodige! & puis, decapitée, comme il fut executé. Il est vray, que ma ruine commença dès le iour que ie voulus preuenir les Destinées, m'opposer au pouuoir de la Fortune, & mespriser la Prouidence celeste. A lors, plus sacrilege que prudent i'essayay de me fortifier contre la ruze des hommes, faisant mourir les vns & bannir les autres, iusques à prouoquer le Ciel à se declarer mon ennemy. Non content de cela, ie pris accez avec les méchans, ie me feruis du Medecin pour les poisons, des sanguinaires pour la vengeance, des faux tesmoings, de Magistrats iniustes & corrompus: mais toutesfois ie pourrois bien dire que ces eslections-là ne se faisoient pas de ma propre volonté, mais par la necessité, de la condition où i'estois esleué. Et comme ie me proposois que dans ma cheute & ma deffaitte ie serois abandonné des gens de bien, & des méchans

aussi, i'vsois de ceux cy comme de complices, & fuyois des iustes comme de mes accusateurs; neantmoins tel que i'estois, si Tibere a exercé de la tyrannie, ce n'a pas esté par mes conseils, ie ne l'y ay iamais induit, tant s'en faut (en l'approuant, comme flateur) i'en ay ressenti des effects beaucoup plus cruels que les condamnez n'ont esté tourmentez des prisons ny des supplices: & si l'on m'accusa de l'auoir excité à la cruauté, pour luy oster les affections du peuple & esleuer ma fortune, qui nommera-t'on pour authour; de celle qu'il a vsee en mon endroit? O Lucifer, il fant que vous sçachiez que les Tyrans se déchargent de ce qu'ils font mal à propos sur la ruine de ceux mesme qu'ils ont employez à telles actions, car ils nous exposent & nous sacrifient librement à la mort, pour satisfaire à l'outrage du peuple quand il murmure contr'eux, & par ainsi nous portons la peine de leurs fautes. Les Histoires qui racontent nos disgraces, vzent tousiours de ces termes: Voilà la fin ordinaire de ceux qui s'approchent trop près des fa-

ueurs des Princes: si bien qu'en chaque Chronique, notte infortune sert d'aduertissement pour vn mauuais passage. L'agrandissement d'vn fauory tesmoigne aussi la grandeur du Prince qui le fait; le maintenir aupres de foy, & dans ses honneurs, c'est d'autant plus faire paroistre son bon iugement au choix qu'il en fait: au contraire quand il le destruit, c'est monstrier la legereté & l'inconstance de son esprit, & se ranger du party de ses aduersaires.

En mesme temps s'approcha Plantian fauory de Seuerè, qu'il fit ietter par vne fenestre pour estre le spectacle du peuple. De mon viuant, dit-il, ie pûs estre comparé à vne fusée, qui fut en vn instant esleuée en l'air, belle, flambante & bruyante: Cependant que ie tenois le haut ie brillois comme vn astre aux yeux du monde; mais cela dura fort peu, ie tombay incontinent à terre, & fus conuertit en fumée & en cendre.

Après cettuy - cy, on vid parestre plusieurs autres fauoris en vne bande, à sçauoir Faustus, fauory de Pyrrhus Roy des Epirotes; Pyrene & Cleandre,

Plainte
de plā-
tianfa-
uori de
Seuerè.

Fauo-
ris de
Princes.

fauoris de Commode ; Cincinat , celuy de Britilus Empereur ; Rusfus , celuy de Domitiam ; & Ampronisius , celuy d'Adrian , qui estoient tous attentifs à la voix tremblante & plaintiue du grand Belizaire fauory de Iustinian , lequel comme aueugle qu'il estoit, auoit desia frappé deux fois de son bâton , & branlé la teste, témoignant qu'il demandoit audience:& quand on eut fait silence, il dit ainsi.

Il y a bien plus de honte à vous autres Princes , d'estre les bourreaux de ceux que vous auez esleus , qu'à nous autres fauoris de soustenir les cruels effects de vostre inconstance. Pour mon regard, ie seruis vn Prince Chrestien & iuste, qui enseigna les moyens d'administrer la Iustice : & combien qu'il tint de ma valeur, la grandeur de son Empire , ses victoires & ses triumphes , il me fit arracher les yeux , & me laissa abandonné dans vne extreme misere , iusques à estre reduit à mandier mon pain au coin des ruës. Et ce nom de Belizaire, que l'on souloit proferer pour animer les esquadrons , & épouuenter les ennemis ; ce

plain-
tes de
belifai-
re fauo-
ry de
Iustiniã

nom, dis-ie, dont le son & la puissance valoit vne armée, s'est veu camper sur le carreau, & aux portes, demandant l'aumosne sans sçauoir à qui.

La faueur des Princes est comme le vif argent; il ne se peut arrester, il est en perpetuel mouuement, il s'enfuit entre les doigts: en le voulant forcer, il se conuertit en vapeur: quand on le veut rendre plus sublim, il en deuient plus vengeux, & de faueur il passe en sublimé: quand on le manie, il penetre iusques aux os: celuy qui communique souuent avec luy, & qui traueille pour l'auoir, demeure toute sa vie tremblotant iusques a la mort.

Comme il acheuoit ces paroles, on ouit vn grand cry de gemissemens effroyables & d'*Helas*, prononcez de tous ceux qui se sentoient du vif-argent de la faueur, lesquels commencerent tous à trembler comme des feuilles de tremble: & en mesme temps, vn Esprit proféra ces paroles du Prophete Habacuc, parlant aux Princes negligens de leur deuoir.

Pourquoy ne regardez-vous point les meschancetez qui se commettent ? & pourquoy demeurez-vous sans langue & sans mains, là où les meschans oppriment les gens de bien ? Vous voulez donc que les hommes soient comme les poissons de la mer, ou comme les reptiles de la terre qui n'ont point de Prince. C'est ce qui a faict que la loy a esté deschirée, & que le iugement n'a pas esté prononcé selon l'esquité : Mais la pierre de la muraille criera contre vous, & le bois qui est entre les iointures des edifices vous en fera des reproches.

Admonition
aux
Grands.

Le vous ay recité les menaces du Prophete (poursuiuit l'Esprit) pour vous faire considerer, que Dieu ne faict pas tant de cas de vous autres Grands, qu'il remette tousiours le chastiment de vos erreurs aux autres Princes & Potentats de la terre, ou à des succez prodigieux, ou à des forces superieures aux vostres, mais à des choses qui sont abjectes, viles & mesprisables. Admirez vn peu de quels Ministres Dieu se sert pour vanger vos outrages, vos vanitez

“& vostre orgueil, de faire parler des pier-
 “res insensibles, des murailles & du bois
 “pourry d’entre les iointures des edifi-
 “ces. Quand Dieu veut, le bois vermou-
 “lu, les plus petits insectes, les vermif-
 “seaux, les mouches & les poux sont
 “les Officiers de sa Iustice redouta-
 “ble.

Seditiō
 entre
 les Le-
 gilla-
 teurs &
 & les
 Tyrās.

A peine acheuoit-il ce dernier mot,
 quand il falut vistement courir pour
 sçauoir d’où procedoit vn autre tinta-
 marre de cris & de voix confuses, qui
 étourdissoit tous les auditeurs : & com-
 me on s’en fut approché, on vid que
 c’estoient les Armes & les Lettres qui
 se battoient ensemble. Il y auoit des
 personnes releuées en condition, &
 toutefois de differentes qualitez & de
 diuers aages. Les vns frappoient avec
 des épées, les autres se deffendoient
 avec de gros liures, dont ils se seruoient,
 tantost d’armes defensiuës, & tantost
 d’offensiuës; c’est à dire, en les mettant
 deuant eux comme des rondaches ou
 des plastrons, puis s’en seruans à donner
 de furieux horions sur les oreilles de
 leurs aduersaires. Tout beau, tout beau

(dit vn suiuant de Lucifer) portez respect au Prince des tenebres. Aussi-tost, les coups demeurerent en suspens de part & d'autre : & lors vn des combattans commença à dire, Si vous sçauiez qui nous sommes, & la raison que nous auons de nous vanger, peut-estre feriez vous de nostre party. En mesme instant on vid paroistre Domitian, Commode, Caracalla, Phalaris, Heliogabale, Alcete, Andronic, Busiris, & plusieurs autres grands personnages. Lucifer voyant vne si maiestueuse compagnie, se dispoisoit à leur donner toute la satisfaction qu'ils pouuoient desirer, quand vn venerable vieillard s'auança, suiuy de plusieurs autres, lesquels ayans esté mal traitez & excedez par ces Princes là, auoient les visages tous sanglants.

Je suis Solon, dit ce vieillard, & ceux-là sont les sept Sages de la Grece, tant renommez par l'vniuers. Cettuy là que le Tyran Nicocreon broye, comme vous voyez, dans vn mortier, est le Philosophe Anaxarque : Ce petit bossu que voilà, c'est cet esprit excellent, que le

Plaintes
de Solon
contre
les Ty-
rans.

monde connut autre-fois sous le nom d'Aristote: ce camus, est le sage Socrate: cet autre vieillard, c'est le deuin Platon: & ces autres gens qui sont acculez dans ce coin, ce sont plusieurs autres hommes de nostre profession, qui ont fait les mesmes œuures, desquelles ces Princes se sentans offencez, tirent vne cruelle vengeance de nous. Et pour vous informer du fait, vous sçaurez (Prince Lucifer) que nous sommes les compositeurs des liures Polytiques, & des loix de bon gouvernement d'Estats & Empires: par où nous auons enseigné aux Princes la methode qu'ils doiuent obseruer pour regir leurs peuples & se faire aymer d'eux: comme il faloit reuerer & administrer la Iustice, recompenser les Guerriers genereux, se seruir des hommes doctes, bannir les adulateurs, auoir des Magistrats prudents & pleins d'integrité; châtier & salarier selon les occurrences, qu'ils estoient Vicaires de Dieu en terre, & qu'ils representoient sa diuine Majesté. Voilà le seul object des outrages qu'ils nous font, combien que nous ne les nommons point, & que

que nous n'ayons eu aucun dessein de les offencer, mais plustost de leur seruir de guide au chemin de la Vertu & du Ciel. O Princes iniques ! dit-il en se tournant deuers eux ; ces glorieux Roys & Empe-reurs, sur lesquels nous prismes le model-le pour former nos loix & nos instructiôs, ont bien maintenant vn meilleur domi-cile que vous. Numa est vn astre brillant dedans le Ciel, & Tarquin est vn tizon fumant dedans l'enfer : & Auguste a laissê vne memoire bien plus glorieuse que n'a pas fait Sardanapale, & Trajan que Neron.

Alors Denys le Tyran ; accompa-
gné de plusieurs autres de ses sembla-
bles, commença à crier : Tu as bien men-
ty, infame Philosophe, tant s'en faut
que vous autres Legislatours nous ayez
rendu aucun seruice, au contra re vous
estes cause de nos reproches, de nostre
des-honneur & des morts cruelles dont
nous auons esté exterminéz : car pour
auoir menty dans vos escrits, auoir par-
lé des choses dont vous n'auiez nulle
connoissance, & donné des preceptes
de celles que vous ignoriez, nous auons

Repar-
tic de
Denys.

esté persecutez durant nostre vie, & dif-
famez apres la mort.

De Iu-
lien.

Comment, mon Prince (dit en sui-
te Iulien l'Apostat, en regardant Sathan)
il y a bien de l'apparence que ces pe-
dants-cy de basse extraction, qui sont
méprisez & mocquez du monde à cau-
se de leur sale & maussade façon de vi-
ure & d'habillement, de leur mine re-
frongnée, qui font merite d'une vic men-
diante, & vne constance du mespris
d'autruy? qui n'ont ny pratique ny theo-
rique des sciences dont ils traitent, sans
sçauoir que c'est de Seigneurie ny de
Regne, se meslent de prescrire des pre-
ceptes aux Roys, & des moyens de gou-
uerner des Royaumes selon leurs capri-
ces & leurs bizarres opinions, qu'ils cro-
yent estre l'appuy & le maintien des Cou-
ronnes.


A vostre aduis, tout l'Enfer pour-
roit-il donner vn plus grand tourment
& vne plus odieuse mortification à la
grandeur mondaine, que de l'obliger
à souffrir qu'un de ces marauts-là en se
galant la teste, & avec vn visage cou-
uert d'un buisson de barbe & des yeux

enfoncez iusques au derriere du crâne, avec vne parole mal agreable, die que le Prince qui n'a soin que de foy, est vn Tyran, & que celuy qui pense seulement à la conuersation de son peuple, est vn vray Roy. Hé! ignorant temeraire que tu es, vien-ça, vn Roy qui ne regarde qu'au bien d'autruy, qui est-ce qui aura soin du sien? Quoy? tu voudrois que nous nous détruisions nous-mesmes, & que nous fissions sur nostre personne tout le mal que nous pourrions receuoir de nos ennemis? Canailles, escriuez nuit & iour tant qu'il vous plaira, mais ne vous ingerez pas de parler d vn mestier que vous n'entendez point. Comment pourrions-nous estre Seigneurs souuerains, sans estre maistres & possesseurs du bien d'autruy, & estre absolus en nous soumettant à vos aduis & conseils, vous qui n'estes que nos vassaux. Pouuons-nous auoir vne puissance suprême, & ne pouuoir vanger nos offenses, satisfaire à nos conuoiises, ny contenter nos appetits dépravuez, & voulant adherer à nos passions, seroit-il à propos de faire eslection des

gens de bien , pour reprouuer les meschans, Non, non, nous auons plus besoin de ceux qui sont complaisans à nos volontez, que des autres : & de vray, vous estes fort despourueus de sens commun, de penser que nous puissions recompenser le merite & la vertu des gens de bien, veu que ce sont nos propres accusateurs. Il nous est beaucoup plus vtile d'attirer à nous les trompeurs, les perfides & les meschans, par le moyen des dignitez & des Consulats : car nostre asyle est dans leurs outrages : nostre qualité en leur imitation ; & nostre excuse dans leurs excés. Et pourquoy donc, vieux Bocus Barbus, pourquoy n'escriuez-vous pas la verité? apprenez, apprenez que le boucher ne fait pas engraisser ses moutons qu'afin de les tuer, & que le Chirurgien ne ferme pas les veines quand il veut saigner.

Demeurez donc desormais dans vn perpetuel silence, & laissez parler cét Orateur-cy, qui nous enseigne vne maniere de gouverner, beaucoup plus fauorable que la vostre : auancez-vous, Photinus, & vous faites entendre. Là

dessus il parut vn certain impudent de mauuaise mine, qui sembloit n'estre propre qu'à persuader des meschancetez, lequel ouurant sa gueule infecte, & avec vn abayement effroyable, ietta le venin de ces parols.



Iniques persuasions d'un Courtisan de Ptolomée, pour l'induire à faire tuer Pompée: tirées de Lucanus au 8. liu. de sa Parsalie.

PLVSIEURS Grands Princes, comme toy, Ptolomée, se sont bien souuent repentis, d'auoir esté trop religieux à l'observation de la Iustice & de l'équité. Les affligez qu'ils ont assiste, & le scrupule qu'ils ont fait de violer la foy, les a souuent empeschez d'estendre les limites de leur Empire, & d'accroistre l'esclat de leurs Couronnes. Non, non, Ptolomée, il n'en faut plus consulter. C'est à ce coup qu'il faut ceder à la Destinée, & adherer à la vo-

„lonté des Dieux, en abandonnant har-
 „diment ceux qui leur plaist de perse-
 „cuter, & te ranger du party de ceux
 „qu'ils fauorisent. Autant qu'il y a de
 „distance entre le Ciel & la terre, & de
 „difference du feu à l'eau, autant y en
 „a-t'il entre l'utile & l'équitable. Ainsi,
 „quand vn Prince se veut garder d'ex-
 „ceder les choses honnestes & ciuiles,
 „il conspire contre soy-mesme; il de-
 „struit la grandeur de son Empire, &
 „dissipe ses armées: Au contraire, la
 „liberté de mal faire, & la licence des
 „delicts appuye & maintient le Regne
 „le plus odieux: Et quand il y auroit de
 „l'impieté en cette action, qui t'en peut
 „rechercher? Vn autre, au dessous de
 „toy, en pourroit bien craindre quel-
 „que chastiment: mais tu es par dessus
 „les loix, & tu peux tout absolument.
 „Ne differer donc plus: ou bien, *Celuy*
 „qui voudra exercer la pieté, sorte de la
 „Cour.

Domi-
 tian se
 vange
 de Sue-
 tone.

Comme ces detestables paroles s'a-
 cheuoient, Domitian parut, lequel ve-
 noit en colere, & traissant après soy le
 pauvre Suetone Tranquile, disant: En-

tre tous ces Historiens & Chroniqueurs, il n'y en a point de pires ny de plus dangereux, que ceux qui apres la mort des Empereurs des-honnoient leur reputation selon les caprices de leur esprit. Ces maudits Escriuains cy ne peuuent laisser les Princes en repos durant leur vie, ny encore apres leur mort, car ils les font reuiure dans leurs Histoires pour les inquieter de nouveau, comme fait en mon endroit ce temeraire que voicy, lequel parle de moy en ces termes : Son tresor (dit-il) ayant esté epuisé, à cause des excessiues despences qu'il auoit faites en bastiments, à faire représenter des ieux, & augmenter la paye des soldats.

Mais ie vous prie, en quoy est-ce qu'un Prince peut mieux employer ses finances, qu'à faire des edifices, à se recreer, & à recompenser les Guerriers ?

Il essaya (dit-il) pour se releuer des dépenses qui se faisoient pour l'entretien des gens de guerre, d'en amoindrir le nombre : mais considerant que c'estoit donner sujet aux estrangers de luy faire quelque affront, il ne fit point

„ de scrupule de rançonner & piller en
 „ toutes les façons, les biens des viuants
 „ & des morts, qui estoient confisquez
 „ sur le rapport du moindre accusateur:
 „ & pour ruiner vn homme, il ne fa-
 „ loit qu'aller dire qu'il auoit médit du
 „ Prince.

Est-ce là comme il faut parler des
 Princes? & que diroit-il pis des voleurs
 & des brigands? Est-ce pas vne impu-
 dente effronterie d'vser des mesmes ter-
 mes pour les sceptres des Roys, que pour
 les crochers des larrons, & les mettre en
 mesme comparaison?

„ Il s'emparoit (dit-il encore) des
 „ heritages où il n'auoit ny droict, ny
 „ pretexte de succession, dès l'heure
 „ mesme qu'il se trouuoit vn faux té-
 „ moin, qui dit auoir otiy dire au defunt
 „ auquel Domitian auoit tyrannique-
 „ ment rauy le bien, que Cesar estoit
 „ son heritier auant sa mort. Au reste il
 „ auoit imposé vn tribut excessif sur les
 „ Iuifs, & y en auoit qui seignoient de
 „ ne l'estre pas pour s'en exempter: &
 „ de fait, il me souuient qu'estant en-
 „ core ieune adolescent, ie me trouuay

present , quand vn vieillard de quatre-
vingt dix ans, qu'on soupçonnoit Juifs,
fut visité par le commis de l'Empereur,
mesme deuant vne grande assemblée de
Conseillers , pour voir s'il estoit circon-
ci, ou non.

A vostre aduis , Messieurs les Infer-
naux , voila il pas vne injure insuppor-
table ? Que puis je mais des fautes &
des excés de mes Officiers inferieurs ?
Pour moy ie m'estonne de ce que les
Princes mes successeurs permettent
que ces scandaleux escrits se publient
encore à mon des-honneur , moy qui ay
employé tant d'argent à restablir les
Bibliotheques qui auoient esté bru-
lées.

Comme il proferoit cette parole,
Suetone respondit d'une voix mourante:
Il est vray que cette action-^{là} fut recom-
mandable , aussi n'ay-ie pas oublié d'en
faire mention. Mais que me replique-
ras-tu , si ie t'accuse d'auoir écrit dans
vne lettre , qui contenoit vn certain
mandement , ces termes-cy , tesmoins
de ton orgueil & de ton impieté : Vo-
stre Seigneur & vostre Dieu le com-

Plainte
de Sue-
tone.

, mande ainsi. Et si j'ay dit la verité dans mes escrits, de quoy te plains-tu? Comment ay-ie parlé du diuin Auguste, du grand Iules Cesar, & de Trajan? quelles actions heroiques ont-ils faites que ie n'aye publiées? Mais pour toy, & pour tes semblables qui sont des pestes couronnées, quelle faute ay-ie commise de vous remettre deuant les yeux vos tyrannies qui sont horreur aux hommes & à la terre?

Ce discours de Suetone fut interrompu par le Flagorneur & Souffleur de dissensions, lequel s'adressant à Lucifer, en luy montrant vn Demon avec le doigt: Ce Diable-là, dit-il, qui marche comme s'il auoit des cloches aux pieds à force de cheminer, ne fait que de venir du monde, & il y a vingt-ans que vous l'y avez enuoyé. Aussi-tost Lucifer commanda qu'on le fist approcher: il vint tout rechinant, & se presente à son Prince. Comment luy demanda-il, as-tu esté si hardy de demeurer si longtemps sans me venir rendre compte de tes actions! Hé bien, te voila, mais tu n'apporte pas seulement quant & toy

Accu-
sation
contre
le De-
mōd'vn
Mar-
chand.

vne pauure meschante ame, ny aucune sorte de nouvelle de l'autre monde. Mon Prince, luy respondit le Diable, ne me reprimandez pas, s'il vous plaist, sans m'entendre: quiconque condamne sans ouïr la partie, pourroit par hazard faire iustice, mais il ne seroit pas iuste. Vostre Demoniance se souuiendra qu'elle me donna la garde d'vn marchand, auprès duquel i'ay employé le temps dont vous me demandez compte, c'est à sçauoir que i'ay passé dix ans à luy faire commettre le larcin, & dix autres ans à l'empescher de restituer. Voyez vn peu la Diabolique excuse qu'il a trouuée, dit Lucifer! l'Enfer ne vaut plus rien, tout y est corrompu, ce n'est plus ce qu'il souloit estre, & les Demons ne valent pas maintenant plein leur cul d'eau chaude. Puis se tournant deuers son vassal: Hé pauure idiot! estoit-il besoin de t'arrester si long-temps auprès d'vn marchand pour le faire dérober, & l'empescher après de restituer; tu es vn ignorant, tu n'entends pas bien encore la pratique de la Diablerie. Et lors appellant vn de ces Officiers: Emporte, dit il,

ce Demon-cy, & le mects dans son Nouuiciat pour apprendre son mestier ; ie voy bien que c'est vn fripon, & qu'il m'en donne à garder : sans doute il se sera loué aux Comediens pour seruir de personnage à leurs actes, c'est là qu'il s'est amusé.

Peres
sans en-
fans.

En mesme temps, voicy venir de derriere vne petite coline, des hommes qui couroiét après des femmes: Elles crioient à l'aide, à l'aide, au secours: & les hommes, arreste, arreste, prenez-les; Lucifer commanda qu'on se saisist d'eux tous. Qu'y a-t'il entre vous autres, dit-il? & vn de ces hommes qui estoit quasi hors d'haleine, luy respondit: Nous sommes les peres sans enfans, & ces carongnes. (Parlez plus ciuilement & plus veritablement, luy dit alors vn Diable, lequel comme on peut presumer, estoit le protecteur du respect deu à ces Dames-là: & il auoit raison du costé de la verité, car il n'estoit pas possible qu'ils peussent estre peres sans enfans.) Il est vray, pourfuiuy cét homme, que nous sommes tous peres, comme ayant eu des enfans qui nous appelloient ainsi, nous fusmes

mariez & jans d'honneur & de commoditez : & combien que nous eussions fait de longues absences , & eu de grandes maladies qui nous empeschoient la copulation avec nos femmes ; que nous fussions *de frigidis & maleficiatis*, ou bien qu'estans auprès d'elle , nous ne fissions que dormir , elles n'ont pas laissé de nous faire tous les ans des enfans , que nous fusmes obligez de nourrir , croyans comme charitables qu'ils fussent de nostre propagation , pour vne pauvre approche que nous pouuions peut estre auoir faite vne fois à vaux l'an : & en cette opinion, nous auons engagé nos ames dedans mille rapines, vsures & larcins, pour leur laisser du bien ; & maintenant que les meres sont mortes, nous auons appris que les enfans furent forgez des outils de nos seruiteurs domestiques & des amis , & mesmes que quelques vnes d'entr'elles ont conceu par les oreilles comme font les belettes.

Là dessus, voicy vn petit mary Espagnol, qui sembloit estre vn bout d'homme , comme seroit vn bout de flambeau, ayant vne barbe faite ainsi qu vn

vieux balet de ionc, qui parloit comme vn chien qui iappe ; & en approchant de la troupe il se mit a crier : Ha infante ! te voicy , c'est à ce coup que tu me debaptiferas de cette qualité de pere, que tu m'as donnée sans la meriter, & encore du fils de mon Maure : Je te proteste que tu me rendras tout contant la legitime que ie luy ay donnée. Helas ! ie me doutois bien tousiours de quelque chose , mais ie n'eusse iamais creu que cette desloyale fist des pechez si noirs, y ayant tant de beaux ieunes hommes à choisir en nostre voisinage. I'en attribuois quasi la coulpe à certains Moines, dont ie me repens de bon cœur, parce que cette meschante, pour m'abuser, alloit quasi tous les iours en leur Conuent, disant que c'estoit pour se confesser : & moy qui ne prenois point de plaisir à cette excessiue mortification, ie m'en plaignois à ce mesme Maure en confidence : Je ne sçay, luy disois- ie, où ta maistresse pesche les pechez qu'elle va confesser à toute heure en ce Conuent : & le ribaut Maure, avec vn Ha Dieu, Monsieur, que dites-vous là ? i'en-

gage de bon cœur mon ame avec la
tienne. Helas ! c'est vne Dame qui ne
fait que des œuures pies. I'estois alors si
innocent , que ie prenois cette respon-
ce pour vne loüange & pour vne excu-
se en faueur de ma femme ; mais ie me
suis bien apperceu depuis , que c'estoit
vne pure confession de leur commun de-
lict, car il estoit vray qu'il engageoit son
ame avec elle, & engendroient des pies
ensemble, parce qu'il estoit noir & qu'el-
le estoit blanche.

Certes cela seroit plaisant , disoient
apres luy tous les peres adoptez , qu'un
homme passast sa vie tantost en souf-
frant les incommoditez que donne vne
femme grosse à tous ceux qui sont au-
pres d'elle , tantost en la seruant estant
accouchée , tantost en endurent les cris
importuns d'un enfant , les badineries
d'une nourrice qu'il faut flater , ama-
dotier , bien traiter , bien coucher , &
bien payer. Et combien que nous voyons
assez que ces enfans ne nous ressemblent
point, nous ne laissons pas de les adouër
à nous, & d'ouïr à leurs garces de me-
res ? Vrayment il ne faut pas demander

qui en est le pere, il en a tous les traits du visage ; il rit comme luy, il pleure comme luy ? & outre toutes ces peines, supportées patiemment , nous voir aujourd'huy dans les enfers damnez & cocus tout ensemble ? c'est trop, il n'en doit pas aller ainsi.

Alors vne grande rumeur fut oüye dans vne basse fosse fort profonde, entre des Ames & des Diabes. La Visite s'arresta tout court , pour sçauoir d'où venoit cela. On vid que c'estoient des Presomptueux , des Vindictifs & des Enuieux , qui se tuoient de crier. Les vns disoient , ô si ie pouuois renaistre ! Les autres , ô s'il m'estoit permis de retourner au monde ! ô si l'on mouroit deux-fois ! Et d'vn autre costé , les Demons estourdis & ennuyez de ces importunes exclamations , leur disoient : Infame trompeurs que vous estes, ne cesserez - vous iamais de nous rompre la teste de ces impertinents & inutiles souhaits ? Vous estes des pipeurs : car encore que vous puissiez renaistre & reuiure , non pas vne fois seulement, mais mille, il est tres-certain que vous mourriez

riez encore plus meschante, & il nous seroit impossible de vous chasser d'icy à coups de baston. Toutefois, afin que vous esprouuiez la verité de nos paroles, & que vous reconnoissiez quant & quant qui vous estes, on nous vient de permettre de vous laisser reuiure & retourner au monde: Sus donc marauts, allez, renaissiez; retournez, retournez. Les Demons disans cela, sangloient ces pauures ames à grands coups de foüets, & les pouffoient pour les faire sortir: mais au lieu de consentir à leur deliurance, dés qu'elles ouïrent ces paroles: *Sus renaissiez, reuiuez;* vne si grande peur les saisit, qu'elles demeurèrent coy, & s'enseuelirent dans vn profond silence.

Il y en eut vn de la compagnie, qui paroïssoit estre plus entendu & plus resolu que les autres, qui commença à dire fort grauement, comme en consultant, s'il sortiroit de l'Enfer, ou non: Si ie dois estre engendré bastard, ie seray mesprisé & desdaigné de chacun, à cause du peché de mes pere & mere; si ie dois naistre legitime, il y entrera sans doute du courtier de matiage, de la mentefie;

Miseres
de l'en-
fance.

la fourbe, & de l'imperfection secrette de l'une des deux parties, ie seray logé dans les roignons d'une femme neuf mois durant, où ie seray nourry & alimenté de l'infection de leurs purgations; & la fleur, qui est la souillonne des femmes, parce qu'elle vuide leurs immondices, sera ma cuisiniere: & quand il faudra que ie naisse, ie seray plus infect & plus sale qu'un gadouïart dans son astellier, ou qu'un affligé du mal de Naples. Dés ma naissance ie commenceray à pleurer les miseres de la vie humaine: ie viuray sans sçauoir que c'est que viure, ie commenceray à mourir sans auoir appris que c'est que la Mort: ie seray enuelopé de la couche & des langes qui representent le suaire, & le berceau le tôteau: ie succeray les mamelles de quelque nourrice mal saine, qui m'étouffera peut-estre en dormant qui me laissera peut-estre long-temps dans mō ordure, qui attachera mal vne épingle qui me piquera vn iour tout entier, les dents me perceront, i'auray des trenchees de ventre du mauuais lait & de la maunaise substance, dont la vie

desreiglée de ma nourrice alimentera la mienne: tellement que pour éviter toutes ces miseres, j'ayme mieux demeurer à iamais aux enfers. Et s'il aduient que ie passe cét aage d'enfance, & que ie me sauue de la verole & de la rougeole, & qu'on vienne à m'enuoyer à l'escole, ie seray sujet à gagner la gale, peut-estre la tigne, & les mules aux talons: si c'est en hyuer, ie me verray auéc vn nez d'alambic tantost la roupie, il me faudra apprendre vne leçon sur peine du foïet: si ie vais tard à l'escole, le cui payera la paresse des pieds. Maudit soit donc celuy qui aura enuie de renaistre.

De plus, si ie viens iusques à l'adolescence, ie seray attrapé dans les appas de la luxure des femmes, elles me tendront des pieges par tout, & par mille diuerses affeteries de paroles & de lasciuetez d'habits, n'obligeront à satisfaire à leurs appetits desordonnez. Pour mon regard, ie ne suis plus d'humeur à faire l'Adonis courtois, ny le mignon: ie ne veux plus souffrir la gesne de la chaufferie estroite qui fait venir les cors aux pieds, ny vser de ces talons de bilbo-

Miseres
de l'adoles-
cence.

quets : ie ne me veux plus tenailler les cheueux ny la barbe, ny changer la couleur de ciguë en celle de corbeau : ie ne me veux plus mirer à mon ombre, ny aller iouïr de la prunelle dans les assemblées, en prophanant souuent des lieux sacrez, à regarder lequel a le plus beau nez : ie ne veux pas aller eschauffer l'air de la nuit avec mes souspirs enflammez, ny estre oyseau de mauuais augure, compagnon des chauue-souris & des hiboux : ie n'ay plus cette passion d'aller faire le zani au coin d'une rue, & la ronde autour du logis d'une maistresse, d'adorer ses imperfections, faire des chaisnes d'un filet de ses cheueux, ou donner tout mon bien pour vn cordon de ses fouliers. O maudit & plus que maudit celuy qui voudroit recommencer à faire vne si mal-heureuse vie : puis estant homme fait, me voir accablé d'ennuis & de soucis diuers, de procès & de querelles : si i'ay du bien, ie suis pauvre, de regrets de mon infortune, entre la repentance & l'experience: commençant à ressentir les atteintes des maladies, que la ieunesse auroit acqui-

Miseres
de l'age
vieil.

ses peu à peu par ses desbauches, en faisant le Nouciat pour arriuer à la vieillesse. Et y estant arriué, deuenir melancholique & chagrin, sans trouuer d'objet qui puisse plaire, detester contre les ans, & chercher la fontaine de Iouence dans la boutique, les rasoirs & les peintures d'un Barbier, dire que les rides sont des signes & marques apportées de la naissance, ou bien les attribuer aux trauaux de la vie, defauoiant son aage deuant tant de tesmoins qui deposent contre nous, comme sont les affoiblissements de la vigueur, les manquemens de veüe & de dents, les gouttes, les migraines, les catarres & les grauelles. Et d'ailleurs, quelle peine est-ce qui se puisse comparer à vne hyprocrisie de membres? & me voyant tomber en pieces, dire que ie suis plus gaillard & plus sain que iamais, que ie souffriray mieux la fatigue, que i'ay meilleures jambes, & mille autres sottises qui coustent fort cher à ces vieux fous, remplis de vanité, qui les disent.

De la
vieillesse.

Mais cela n'est rien, ~~rien~~ du mal que fait l'Amour, quand il se prend à un

Contre
la vieill-
lesse a-
mou-
reufe.

homme auancé dans l'aage, principale-
ment lors qu'il se void embarqué à cour-
tiser vne femme en concurrence de quel-
ques adolescens, ou bien à exciter vne
femme au combat, & puis la laisser plus
affamée que faoule, ayant employé la
nuict en pretextes, en excuses, & en
raisons creuses & vuides. Tantost estre
contraint de rougir, quand elles m'ap-
pelleront leur vieil amy, & qu'elles me
diront, il y a long-temps que nous nous
connoissons, ce n'est plus le temps qui
souloit, & plusieurs autres choses aussi
fascheuses à supporter. Et si d'auanture
la vie se maintient iusques à mener vn
homme dans la vieillesse, & qu'elle luy
façonne la teste comme celles qu'on
met ordinairement aux pieds des croix,
que sa chair soit descoulée en eau, & qu'il
ne luy reste plus qu'vne peau lasche &
ridée de couleur de noix seiches: qu'il
aille avec vn baston à la main, heurtant
aux sepulchres pour se faire faire place,
qu'il soit comme vn songe ou vn fantos-
me mouuant: que ses reins & sa vessie
soient conuërtis en carrieres; qu'il de-
uienne Astrologue de pissat; qu'il soit

Miseres
de la
decre-
pitude.

espié de ses heritiers, qu'il soit la rente des Medecins, l'occupation des Chirurgiens, l'aualeur & payeur des vieilles drogues des Apotiquaires, qu'on l'appelle mon pere, & tantost mon grand pere: Non, non, vn enfer vaut beaucoup micux que deux matrices.

Quand ie viens encore à considerer les felicitez de la vie, les vertus & les mœurs: qu'il faille pour estre riche, estre larron; pour estre homme d'honneur, estre flateur, inuenteur de subtilitez, & inquisiteur des affaires d'autruy: que pour se marier il se faille mettre en danger du cocuage, tantost en herbe, & tantost en gerbe: pour estre vaillant, estre mutin, querelleur & blasphemateur: & avec tout cela, si vous estes pauvre, personne ne vous connoistra; si vous estes riche, vous ne connoistrez personne: si vous mourez ieune, on dira que vous aurez esté mal-heureux; si vieux, que vous ne ressentiez plus rien, & qu'il n'y a pas grand dommage. Si vous estes deuot, & que vous frequentiez les Sacrements, on dira que vous estes hypocrite: si vous n'en faites rien, on vous croira

Miseres
de la vie
humaine
en
general.

heretique : si vous estes d'humeur iouiale, on vous tiendra pour boufon : si triste, pour desplaisant & ennuyeux : si vous estes courtois, on vous appellera attrapeur de minons : si discourtois, superbe. Je donne donc au diable la vie mondaine, & celuy qui la veut recommencer. Je ne rentrerois pas d'où ie suis fortuy pour tout ce que le monde estime bien. Or sus, Camarades, dit-il à ses compagnons, après m'auoir ouis, y a-t-il quelqu'un de vous autres qui veuille retourner au monde, & reculer sa vie iusques dans le ventre de sa mere? Non, non, non, respondirent-ils tous, Enfer, enfer, plustost que ma man, des diables plustost que des sages-femmes.

Vn repentant
d'auoir
fait son
testament.

Après cela, fut entendu vn Testateur, c'est à dire vn homme qui auoit fait testament, qui disoit; Suis-ic pas vn maudit homme, d'estre l'homicide de moy-mesme. si ie n'usse point testé, ie serois encore en pleine santé? Le mal le plus perilleux après le Medecin, c'est le testament, il en est mort beaucoup plus pour auoir fait leur testament, que par aucune autre maladie, Viuans, viuans,

(crioit-il à pleine teste) gardez-vous de faire testament, & vous viurez autant que des corbeaux. Mal-heureux, ie me suis ietté moy-mesme dans le peril, en me mettant entre les mains des Medecins, & i'ay signé ma sentence de mort en signant mon testament. Le Medecin m'abandonna, en m'ordonnant de mettre ordre à mes affaires. Et moy porté de prudence & de deuotion, ie commençay dès l'heure mesme le prologue de mon testament en ces paroles: *In nomine Domini, Amen.* &c. puis venant à partager mon bien, ie prononçay ces mots. Ha! que ne deuins-ie muet alors: Item, ie fais mon fils mon heritier vniuersel. Je donne à ma femme telle & telle chose, de mes meubles, &c. Item, à vn tel mon seruiteur, ie donne la somme de, &c. A vne telle ma seruante, telle autre somme. Item, à Monsieur vn tel mon amy intime, afin qu'il se souuienne de moy, ie donne ma vaisselle d'argent. Item, si ie meurs, ie veux que la liberte soit donnée à Moustafa mon esclau. Item à Monsieur le Docteur Medecin appellé tel, ie donne mon grand Diamant, en

consideration de la diligence qu'il a apportee à ma maladie. Et dès l'instant que ieus appliqué mon paraphe au bas de ces articles, la terre à qui i'auois donné mon corps, eut faim de ma chair, & la demanda pour la manger; & chacun de mes heritiers & legataires estoient en peine si ie deuois mourir ou non, & si la maladie seroit longue. Après cela, si ie demandois la potion ou l'apozeme, mon heritier demandoit en mesme temps mon bien, ma femme la tapisserie & les autres meubles que ie luy auois donnez: mon valet, son legs: mon amy, sa memoire locale, & le Medecin, pour se recreer la veuë sur mon Diamant, me demandoit le poux. Si ie luy demandois, dequoy ie mangerois: De tout, me disoit-il. Si ie faisois quelque gemissement, mon fils croyoit que i'expirasse, ma femme crioit que l'on detendist les meubles; mon valet importunoit pour son legs: mon amy demandoit en quoy consistoit la vaisselle d'argent que ie luy auois donnée: l'esclau se vouloit faire ouurer la porte. Et d'autant que rien de tout cela ne se pouuoit executer que ie ne fusse

mort, il se trouuoit qu'à mesure que ie leur disperfois & donnois mon bien, i'ordonnois quant & quant, qu'ils souhaitassent tous ma mort. Et partant, ie vous proteste que si ie retournois en vie, ie ferois vn testament tout different du premier. Je dirois, i'ordonne que tout ce que mon fils mangera de mon bien après ma mort, se conuertisse en poison: que malediction luy tombe sur la teste; & que tout ce que ie laisse contre mon gré, tant à luy qu'à tous les autres, pour ne le pouuoir emporter, que le Diable en prenne possession, & l'emporte s'il peut. Que la malepeste estouffe ma femme, la rage ou le desespoir. Item, si ie meurs, i'ordonne que mon esclau aye les estriuieres trois fois par iour: que ma femme se rende partie contre mon Medecin, en l'accusant de ma mort: car il faut auouer que i'ay encore icy vne dent de laict contre ce meschant-là: dautant qu'il ne s'est pas seulement contenté de m'auoir tourmenté estant sain, & de m'auoir acheué de tuer estant malade, il m'a encore persecuté & poursuiuy par delà le tombeau, comme luy & tous

consideration de la diligence qu'il a apportée à ma maladie. Et dès l'instant que ieus appliqué mon paraphe au bas de ces articles, la terre à qui i'auois donné mon corps, eut faim de ma chair, & la demanda pour la manger; & chacun de mes heritiers & legataires estoient en peine si ie deuois mourir ou non, & si la maladie seroit longue. Après cela, si ie demandois la potion ou l'apozeme, mon heritier demandoit en mesme temps mon bien, ma femme la tapisserie & les autres meubles que ie luy auois donnez: mon valet, son legs: mon amy, sa memoire locale, & le Medecin, pour se recreer la veuë sur mon Diamant, me demandoit le poux. Si ie luy demandois, dequoy ie mangerois: De tout, me disoit-il. Si ie faisois quelque gemissement, mon fils croyoit que i'expirasse, ma femme crioit que l'on detendist les meubles; mon valet importunoit pour son legs: mon amy demandoit en quoy consistoit la vaisselle d'argent que ie luy auois donnée: l'esclau se vouloit faire ouvrir la porte. Et d'autant que rien de tout cela ne se pouuoit executer que ie ne fusse

mort, il se trouuoit qu'à mesure que ie leur disperfois & donnois mon bien, i'ordonnois quant & quant, qu'ils souhaitassent tous ma mort. Et partant, ie vous proteste que si ie retournois en vie, ie ferois vn testament tout different du premier. Je dirois, i'ordonne que tout ce que mon fils mangera de mon bien après ma mort, se conuertisse en poison: que malediction luy tombe sur la teste; & que tout ce que ie laisse contre mon gré, tant à luy qu'à tous les autres, pour ne le pouuoir emporter, que le Diable en prenne possession, & l'emporte s'il peut. Que la malepeste estouffe ma femme, la rage ou le desespoir. Item, si ie meurs, i'ordonne que mon esclau aye les estriuieres trois fois par iour: que ma femme se rende partie contre mon Medecin, en l'accusant de ma mort: car il faut auouer que i'ay encore icy vne dent de laict contre ce meschant-là: dautant qu'il ne s'est pas seulement contenté de m'auoir tourmenté estant sain, & de m'auoir acheué de tuer estant malade, il m'a encore persecuté & poursuiuy par delà le tombeau, comme luy & tous

ceux de sa profession, font des pauvres idiots qui s'abandonnent à eux pour aller bien tost en l'autre monde. Car lors qu'ils nous ont depeschez, & que nous sommes partis, ils nous accusent de mille imperfections: Dieu luy fasse paix, disent-ils, son excez de boire l'a tué. Comment le pouuions-nous guerir, s'il estoit si defreglé en son viure? C'estoit vn insensé, c'estoit vn fou, il n'obeïssoit pas au Medecin comme Dieu le commande: c'estoit vn corps pourry, cacochyme, vn cloaque d'infection: il viuoit si mal, qu'il luy valoit beaucoup mieux mourir, son heure estoit venuë. O larrons! ô meurtriers! c'est vous qui estes l'heure: car dès l'instant que vous entrez dans la chambre d'un malade, on peut bien dire qu'il mourra, & que son heure est venue. Cruels, ne vous suffit-il pas d'oster la vie à vn homme, & de vous faire payer sa mort comme font les bourreaux, sans vouloir encore excuser vostre ignorance sur le deshonneur & l'infamie des pauvres defuncts? O vous vivans qui rampez encore sur la terre, apprenez de moy comment il faut faire les

testamens : car si vous voulez pratiquer la methode que ie vousviens d'enseigner, les ieunes gens paruiendront à la vieillesse, & les vieillards iront iusques à la decrepitude : Vous mourrez tous contents & satisfaits de la durée de vostre vie, & vous ne serez point coupez en la fleur de vostre âge, par les faux Doctorales de la Faculté foüille-merde.

Ce Trespaslé parla avec tant de vehemence, que Lucifer iugea qu'il auoit dit la verité: & parce que les veritez ne sont pas toutes bonnes à dire, principalement parmy les Diabes, qui la haïssent mortellement: & craignant qu'il n'arriuaft vn plus grand desordre, si les Medecins venoient à entendre les propos que ce Trespaslé tenoit à leur prejudice, Lucifer ordonna qu'on luy mettroit vn baillon.

Il fallut alors faire silence pour ceder au bruit d'vn Damné, lequel courant comme vn furieux insensé, vint passer au trauers de la compagnie, en criant, Où suis- ie? où suis- ie? qu'est-ce à dire cecy? on m'a trompé: il y a des Diabes qui tentent, d'autres qui damnent, &

d'autres qui tourmentent : i'ay couru & visité tout l'Enfer, & neantmoins ie ne voy pas vn des Demons qui m'ont amené icy : où sont mes Demons ? qui m'a rauy mes Demons ? qu'on me rende mes Demons ?

On ne vid iamais rien de si estrange, de chercher des Demons en Enfer, où tout en groüille : & comme il couroit ainsi qu'un forcené, la Douëgna le prit par le bras, & l'arresta tout court : O mal-heureux, luy dit-elle, si les Demons te manquent icy, où pense-tu les aller chercher ? Il ouurit les yeux, & reconnoissant celle qui l'arrestoit : O étiquette de Belzebut, figure de Satanas, mediatrice de damnation, assembleuse de sexes diuers, encheuilleuse de membres, amonceleuse de vices, guide de pecheurs, assaisonneuse de voluptez, fourriere de paillardise, auant-propos des desbordez, prologue des trouffemens, truchement des luxurieux, où as-tu laissé les Diabes & les Diabesses qui m'ont amené ici ? car ie ne suis pas si sot, ni si idiot, que de me laisser tromper ni emporter de ces Demons qui ont des

Inue-
ctiue
d'un dā.
né, cō-
tre vne
Dolle-
gna.

queuës & des cornes comme des bœufs; qui sont enfumez comme des cramail-leres, qui ont des tetasses de truye, & des ailes de chanuesouris. Ceux que ie cherche sont beaucoup plus meschans; ce sont ces meres qui naurent les hommes avec leurs fill's, qu'elles décochent comme des traicts enuennimez, ces tantes qui font voltiger leurs niepces comme des estincelles de feu; ces filles affectees qui percent avec des yeux, qu'elles tiennent en l'arrest comme la lance d'vn Cavalier; ces adulateurs, qui font l'ouy perpetuel de tout ce que l'on desire d'eux; ces semeurs de noises & de dissentions, qui sont les vers qui rongent le repos d'autruy: ces trafiqueurs de menteries, qui rapportent ce qu'ils n'ont pas ouy, qui affirment ce qu'ils ne scauent pas, & iurent ce qu'ils ne croient pas. Ces medisans, qui sont des corneilles de l'honneur, qui ne se iettent que sur la chair morte. Ces Hypocrites qui tirent interest de la mortification, comme d'vne rente, qui sont les extaziez, quand ils sont trop saouls, qui publient leurs menteries pour reue-

Hypo-
crites.

la ons, qui font des oratoires, des tables, & des banquets; des desserts, des compagnies, des miracles des choses ordinaires, qui deuinent tout ce qu'on leur dit: qui ressuscitent les viuans, qui contrefont les infirmes quand il faut trauailler, & qui donnent les gens au Diable, avec vn *Deo gratias*. Voila les Diables qui furent cause de ma damnation, & tu me les rendras, & tu me les trouueras, maudite vieille, car ils sont tous cachez dessous ta cappe.

Là dessus, il se iette sur elle: on eut beaucoup de peine à les décharpir l'vn d'avec l'autre. Ce desesperé tiroit & tirailloit la pauvre Douëgna, iusques à luy déchirer la cape dont elle estoit affublée: mais Lucifer les fit taire de puissance absolue.

vieilles
fardées.

Cela fait, on ouit vn grand bruit de gonds, & de portes mal graissées, avec vn bourdonnement estrange d'vne grande multitude de gens: les premieres personnes qui parurent, ce fut des vieilles fardées, presomptueuses & babillardes, lesquelles contrefaisoient les mignatdes & delicates: elles rioient & folastroient ensemble

ensemble, tesmoignant de n'estre point mescontens. Le Flagorneur, se formalisant de leurs déportemens, ne manqua pas de les accuser incontinent, sur ce que leur allegresse les accompagnoit iusques dans l'enfer, ce qui fut reputé pour vn delict fort criminel, en mesme temps, on les interrogea pourquoy elles estoient si gaillardes, veu qu'elles estoient du nombre des damnez, qui n'ont pour leur partage que pleurs & grincements de dents. Et lors vne de la troupe qui ressembloit à vne mort, montée sur des patins de demie aulne de haut, selon l'usage des petites Madames de ce temps, laquelle parlant pour toutes les autres, s'auança disant: Seigneur Lucifer, en venant icy nous estions fort tristes & melancoliques autant que des vieilles damnées le peuuent estre, & si vieilles & vſees, qu'il ne nous reste plus que les marques & l'excrement des années par dessus les os: mais comme nous visines cette inscription qui est sur la porte de ceans: *Voicy le sejour où il n'y a que pleurs & grincements de dents*: nous auons esté toutes consolées, estimant

que s'il n'y auoit point d'autres tourments à souffrir, nous en serions quittes à bon marché, attendu que nous sommes si seiches, qu'il n'y a nulle humidité en nous, qui nous puisse produire des larmes, & d'ailleurs, que nous n'auons plus aucune dent en bouche. Il y a bien encore quelque humeur dans vos prunelles, & quelques racines de grosses dents en vostre bouche, dit l'Entremetteur: c'est pourquoy vostre allegresse pourroit bien estre vaine, & ne gueres durer. Elles furent visitées, & les ayant trouuées si seiches, on les mit dans les fusils d'enfer pour seruir de mesche & d'allumettes.

vieux
obli-
nez.

Après elles, voicy arriuer quantité de personnes de toutes qualitez & offices, qui commencerent à crier: Messieurs, Messieurs, dirent ils aux premiers qu'ils apperceurent; qui est-ce de vous autres qui tient le compte des recompenses: enseignez-le nous, auparavant que nous entrons plus auant. Comment, dit alors vn de la mesme troupe, ie pensois que nous fussions en Enfer, mais puis qu'on espere icy des re-

compenses, ie voy bien que nous ne sommes qu'en Purgatoire. Bon, bon, bon, respond toute la multitude, Courte ioye, courte ioye, repart l'Entremetteur, bon Enfer, bon Enfer, & neant pour le Purgatoire, vous en auez ioué vostre part, vous estes descédus trop bas, vous l'auetz laissé en chemin: vn peu plus haut sur la main droite; & partant il est inutile d'esperer icy des registres de recompenses, où il n'y a liberalité que de peines. Si est-ce que nous nous y sommes bien attendus, dit celuy qui auoit parlé le premier. Et comment cela? dit l'Entremetteur: le vous le vay dire, respond l'autre; Certaines personnes informées de nos larcins, portees de charité, se sont souuent ingerées de nous en destourner par de saintes remonstrances: mais comme nous y estions naturalizés, nous leur respondions ces raisons-cy. Que pourrions nous moins faire: Attendrions-nous que l'on nous vint apporter chez-nous ce que chacun garde si soigneusement. Et comment voudriez-vous qu'un vagabond vesquist, qui n'a ny maistre ny office, qui aime à

passer son temps avec les debordées, dans les Academies de ieu, & dans les cabarets, s'il n'ysoit de quelque subtile industrie? Et lors, celuy qui nous reprimandoit, voyant nostre opiniastreté nous respondoit. La recompense vous en sera donc donnée en l'autre monde.

Comme aussi quand aucuns de nous courtoisoient la femme d'un amy, abusant de sa confidence, & diffamant sa maison, & que quelqu'un leur remontroit l'enormité & la lascheté de leurs delicts, ils se deffendoient ainsi, Que voulez-vous que nous fassions, yrons-nous plustost en des maisons, où l'on nous attend derriere vne porte le poignard & pistolet à la main, qu'en celles où l'entrée nous est si libre & si aisée, où l'on me conuie, où l'on me caresse, & où l'on se confie en moy: & lors, la personne qui nous reprimoit, voyant nostre endurcissement, nous laissoit avec ces paroles: La recompense vous en sera donnée en l'autre monde. Et d'autant que nous croions estre arriuez en cet autre monde, nous demandons les recompenses que les gens de bien nous ont promises.

Abominable canaille, dit alors vn Officier de la Iustice souueraine, combien y-a t'il parmy vous autres de meschans qui ont souuentes-fois abandonné leur maison & leur famille, aux incommoditez de la necessité, & dissipé tout leur bien à des-baucher & corrompre la chasteté, à commettre mille pailardises & adultaires? & quand on leur remontroit qu'ils eussent compassion de leurs femmes & de leurs enfans, ils respondoient insolemment. Nous les auons recommandez à Dieu qui en aura soin? il a bien soucy des corbeaux & des autres oiseaux. Et infames que vous estes, vous disoit-on pas alors, La recompense vous en sera donnée en l'autre monde. Or c'est à ce coup & en ce lieu-cy, que la recompense en sera donnée: Sus Maudits, entrez, il est temps. En disant cela, vne multitude de Demons prirent des tizons, & commencerent à leur donner la recompense promise & esperée, qui fut vne liberale & ample distribution de corps: & cependant qu'ils se plaignoient, en vomissant des blasphemés effroyables, on en-

tendoit vne voix qui disoit : *La recompense vous en sera donnée en l'autre monde.*

Accusa-
tion cõ-
tre le
Diable
des lar-
rons.

Après cette tempeste, on vid approcher plusieurs malins esprits, de Sergeant, Archers, & Recorps, qui tirailloient & trainoient picds & poings liez, le Diable des larrons, l'accusant d'un delict grandement criminel. Et lors Lucifer se mit sur sa mine fiere & rogue & s'acula dans vne chaire de feu, & tous ses Officiers autour de luy : En mesme temps, vn Relateur, c'est à dire celuy qui a charge de rapporter vn affaire, commença à dire : Prince Lucifer, voycy vn Diable que nous vous amenons accusé d'estre vn ignorant en l'exercice de la Diablerie : c'est vne honte qu'il soit honoré de la qualité de Diable, car il fait vn mestier contraire à sa profession, attendu qu'il ne vaque à autre chose qu'à faire sauuer les hommes. Tout le Tribunal fremit à cette parole *sauuer* comme estant effroyable en ce lieu-là : ils se mordirent tous les lévres iusques au sang, en témoignant l'horreur qu'ils en auoient : & lors le supreme Maudit, en se tournant deuers son Procureur fil-

cal; Est-il possible, dit-il, qu'il y ait vn tel traistre & vn tel perfide parmy mes vassaux? Seigneur Lucifer, respond le Patriarche, il est vray que ce diablecy ne fait autre mestier, que d'induire les hommes au larcin & à desrober leur prochain: quand ils sont descouverts on les met en prison, on les pend, ou bien on les brûle s'ils sont faux monnoyeurs: mais auant que de les mener au supplice on les admoneste, on les confesse, on leur excite la repentance, & par ainsi ils se sauuent; & vostre Diable, qui n'est pas des plus fins du monde, pensant auoir gaigné ces ames-là, quand il leur a fait commettre ces crimes il les laisse, au lieu qu'il les deuroit tenter de se desesperer quand ils sont en prison & se défaire eux-mesmes, si bien que quand ils sont vne fois entre les mains d'un bon Confesseur, il leur donne vn poignant regret de leurs forfaits, & par ainsi, ils se sauuent contre la creance de vostre Diable, qui ne s'est pas encor' apperceu, que par la potence, la flamme ou la rouë on peust aller au Ciel. Voilà comment vos tourmens

Justifi-
cations
du
demon.

ont esté frustrés de beaucoup de vos droicts qui leur deuoient eschoir : il ne faut point d'autre accusation contre luy que celle-là, dit le President : Et le pauvre Diable voyant qu'on alloit prononcer sa condamnation, commença à s'écrier : Monseigneur, écoutez moy ; car bien qu'on die que le Diable soit sourd, cela ne s'entend pas de vostre grandeur. Chacun se teut, & il dit ; Monseigneur, ie vous aduouë que la pluspart des pendus m'échappent : mais si vous les voulez compenser avec ceux que ie fais damner en condamnant les autres ; ie m'assure que ie me trouueray quitte de ce costé-là : combien vous fais-ie venir de Preuosts & d'Archers, à qui ie fais ouurir les mains pour lascher vn faux monnoyeur, & fa fausse monnoye pour prendre celle qui est de bon aloy ? combien vous liuray-ie de faux témoins, qui déposent au pris de l'argent qu'on leur donne ? Combien de Gref-fiers, qui donnent au procès telle forme que les intressez desirent, pourueu qu'ils ayent de quoy payer la façon ? Combien de Geoliers laissent prendre

l'effor aux pigeons de leur colombier, pourueu qu'on leur emplisse la bourse? & combien de Procureurs qui negligent ou auangent les procedures à proportion du salaire qu'on leur donne? Et parmy toutes ces rapines & concussions, s'il arriue qu'ils fassent faire iustice de quelque larron, ce n'est pas afin d'exterminer les larrons, mais afin qu'il n'y en ait point d'autre qu'eux, & qu'ils demeurent seuls dans la Republique: si bien qu'en punissant vn larcin, ils en commettent bien souuent plusieurs autres, qui sont pires que ceux des larrons qu'ils enuoyent au gibet, car ils n'en font point recherchez: & quand ils le seroient, ils sçauent les détours & les finesses necessaires pour en oster la connoissance; tellement qu'à bien calculer les choses, il en aduient comme à celuy, qui pour chasser les rats de sa maison, y mena les chats: car si les rats luy rongerent quelque morceau de pain, quelque coine de lart, quelque bout de chandelle, ou parchemin, les chats luy renuersent aujourd'huy son pot, mangent demain son souper, puis après ses perdrix, de façon qu'au

bout du compte il est contraint de regretter les rats & de detester ses chats.

Je me suis donc seruy de cette ruzelà : ie troque volontiers vn pendu à deux cents pendarts , & à trois mille vieilles forcieres , qui vont chercher des cordes aux gibets & des grosses dont pour faire d'autres malefices. Mais quoy que ie fasse pour le profit de vostre Empire, ie suis fort mal reconnu ; c'est pourquoy ie desire de me reposer , & vous supplie de vouloir donner ma charge à vn autre : car pour mon regard i'ay dessein d'employer le reste de ma vieillesse aupres d'vn Pretendant.

On luy donna tout le contentement qu'il pouuoit desirer , & fit-on inhibition & deffences aux malins esprits qui l'auoient si mal traité , de garder vne autrefois de se mesprendre sur peine de punition corporelle & spirituelle. On le pria toutefois de ne se pas démettre encore de sa charge , attendu qu'il estoit encore d'aage pour y rendre de bons seruices , outre que de se mettre aupres d'vn Pretendant , c'estoit vne fatigue insupportable , & non pas vn allege-

ment. Je feray tout ce qu'il vous plaira, dit-il, mais ie croy qu'avec vn Pretendant vn diable demeure les jambes & les bras croisez, & les oreilles ouuertes apprenant des Diableries de luy: car si c'est vn Pretendant d'Euesché, dignité que les Peres & les Conciles disent ne deuoir point estre données aux Pretendans, ie me figure qu'il n'y aura que du passe - temps & de la recreation pour moy: ce sera comme aller à l'école du diable: car ces gens-là enseignent l'Alphabet des Demons de façon qu'il n'y a rien à faire aupres d'eux, qu'à apprendre & à se taire.

Là dessus, le Demon du Tabac arriva: ie fus grandement estonné de cette vision-là: i'auois bien tousiours soupçonné que c'estoit vn Demon qui possedoit plusieurs personnes, mais ie ne le croyois pas tout à fait. I'ay, dit-il, vangé les Indes des outrages que les Espagnols y ont faits, car i'ay fait plus de mal aux Espagnols en introduisant parmy eux l'vsage du Tabac, que le Roy d'Espagne n'en fit aux Indiens quand il leur enuoya Colon Cortes, Almeyro & Pizarro;

Le Demon du Tabac.

d'autant qu'il y a beaucoup plus de gloire, de mourir parmy les mousquetades & les coups de lance, que parmy les morceaux, les étenuëments, les roëts & les tournoyemens de testes: & quelque-fois du pourpre contagieux que cet infect vsage de Tabac engendre. Ces preneurs de Tabac ressemblent nayvement à des Demoniaques que l'on exorcize, il leur sort des fumées & vapeurs aussi infectes: mais ils demeurent, toujours possédez de ce malin esprit: car ils sont idolatres de ce Tabac, ils en font vne diuinité qui les rault en extase, ils le louient & le vantent par dessus tout, tentent & persecutent chacun pour leur en faire vzer, s'ils le prennent en fumée, ils font dès icy leur nouicial pour l'enfer où il faut estre endurcy à la fumée: & s'ils en vzent en poudre, en l'aspirant par les nazeaux, ils s'accoustument aux incommoditez de la vieillesse, qui a tousiours la morue & la roupie au nez, & les flegmes dans la bouche.

Le De-
mō des
subor-
neurs.

Après cettuy-cy, vint le Diable de la subornation: il estoit beau & de visage & de taille: de quoy ie fus grandement

estonné, n'ayant pas encore veu de Diables, que luy, qui ne fussent effroyablement laids; son visage estoit si familier, qu'il me sembloit l'auoir veu en mille autres lieux, tantost voilé & tantost à visage découuert; tantost s'appellant ieu-d'enfant, & tantost caresse: quelquefois il prenoit le nom de Don & de present, & quelquefois d'aumosne: icy de payement, & là de restitution, tant y a que iamaïs ie ne le veis nommer de son propre nom. Il me souuiet mesmement de l'auoir veu nommer, heritage, profit, bon marché, patrimoine, recognoissance & rien: comme aussi de l'auoir connu en quelque autre lieu, Docteur, & en vn autre Licencié: parmy toutes les femmes, il estoit Bachelier; avec les Procureurs, Greffiers & Aduocats, il estoit réputé & appellé Droit, & avec les Confesseurs, Charité.

Ce Diable-cy estoit fort bien accompagné, il pretendoit le tiltre de Lieutenant de Sathan: mais le Diable de la consequence s'opposa puissamment à son dessein, disant: Je suis l'Embrouilleur, l'Intriqueur Politique, & le pi-

Le De-
mon de
la con-
sequen-
ce.

peur des Princes , le pretexte des indignes , & l'excuse des Tyrans : ie suis cet excellēt teinturier des mauuaises actiōs ; ie leur donne telle couleur que l'on veut : Au reste , i'ay vne force capable de bouleuerfer tout le monde , & le mettre en vne generale confusion : ie bannis la raison , ie conuertis l'importunité en merite , & l'exemple en necessité. Ie sçay donner forme de loy au succès , l'authorité à l'infamie , & credit à l'insolence : ie sçay fermer , & tantost ouurir la bouche aux Conseillers selon mon gré : bref ie fais ce qui est estimé des autres impossible : & tant que ie seray dans le monde , il n'y aura rien à craindre , de la vertu , de la iustice , ny du bon gouuernement. Et ce diable de subornation mesme , qui pretend à la Lieutenance , qu'auroit-il fait sans moy ? si ie ne luy mettois le voile sur le visage , comment se fourreroit-il dans les compagnies magnifiques , comme il fait ? qu'il apprenne donc à se connoistre , & à se taire , & qu'il ne conteste point avec moy la qualité de Lieutenant de Lucifer , qui me doit estre concedée.

Et moy, dit vn autre Esprit mutin, ie ^{Demon} suis vn de ceux qui se cachent fort hum- ^{des Co-} blement derriere vne porte, qui se ^{cus.} contente de nigeries & de friponneries à cent pour vne liure : enfin ie suis vn Diable Laconique & de peu de discours, ie n'ay que quatre paroles à dire, & puis s'auance qui voudra. Ie dis donc, que ie suis vn diable Trucheman, & que l'exercice que ie fais dans le monde, c'est que i'explique ce passage, *Et cornueius exaltabitur in gloria*, en faueur des cocus : car ie leur persuade que c'est vn honneur & vn moyen de se faire connoistre dans le monde, & qu'il y a beaucoup de gens qu'on ne connoistroit point, si leurs femmes habiles ne leur acquerioient cette qualité-là. Comme aussi, ie fais vne grace & vne gentillesse entre les femmes, de faire tousiours vn amy, pour les seruir en cas de necessité ; & fais reputer pour niaises, sottes & mesprisables toutes celles qui manquent de cette dextérité, & entre autre chose dont ie me mesle, ie sçay finement conuertir le larcin en Office, & les Offi-

ciers en larrons. Cela dit, ce Demon se teut.

Il y eut vn petit instant de silence, puis on ouyt vn autre Diable qui dit, Je suis vn des plus petits de la nation Diabolique : mais pourtant, que l'on m'ouure la porte, car ie ne viens pas les mains vuides comme les autres. Qu'apporte-tu ? dit alors l'Entremetteur en s'approchant de luy : vn Hableur & vn Flateur, qui sont pieces de cabinet de Roys : & pour cette raison ie les apporte au nostre. Lucifer iette les yeux dessus : & en mesme instant il fit vne grimace & vne mine comme s'il eust mordu dans des cormes vertes : puis il dit, Quoy que ce soient à ton dire, des pieces de Roy, ie n'ayme point ce present-là.

Après cela : vn autre petit Diablotin parut, en disant : Mon Prince, il y a six ans que ie suis apres vn vau-rien, & si vau-rien que ie ne sçay comment ie suis venu à bout de luy : car à force d'estre infame, il n'est bon à rien, ny en bien ny en mal. Te voilà bien empesché luy dit la Douïegna, il ne le faloit que faire
valoir

valoir , & le mettre dans les charges & dignitez , tu l'eusse incontinent attrapé.

Cependant le Flagorneur qui alloit par tout en forme de cane de roseau , é-
uentant les fautes d'autrui , s'adressa à
passer en vn coin , où il trouua vn gros
fagot de vieux diables tous moisis , chan-
cis & pleins d'araignes : il le vint aussi-
tost denoncer ; & incontinent on délia
la har pour les éuenter : on eut bien de
la peine à les esueillir ; puis on leur de-
manda quels diables ils estoient , de
quoy ils se mesloient , & pourquoy ils
ne vaquoient pas à leur charge ? Ils res-
pondirent en baillant , qu'ils estoient
les diables des Luxurieux , mais que
depuis que les pistoles furent par les
femmes trouuées plus agreables & plus
cheriffables que leur propre honneur &
chasteté , les Luxurieux n'auoient plus
besoin des inspirations & subtilitez dia-
boliques , pour les persuader de fleschir
à leurs desirs , attendu que l'éclat de l'or
les ébloüissoit si fort , qu'ils les faisoient
tomber à la renuerse , & en prenoient
ce qu'ils vouloient. Que l'or suppléoit à

*Le De-
mon des
Luxu-
rieux.*

toutes les imperfections des amants, & que la tentation d'une bougette auoit plus d'effet que mille Diabes ensemble: d'autant qu'une femme ou vne fille tombe plustost sous vn Don, que sous vne tentation, quand mesme elle s'appelleroit Seigneurie, & sous vn tien que sous vn millier de belles paroles.

*Le De-
mon des
Hottes.*

En suite, on ouït vn Demon qui ron-
floir: & sans cela on luy eust marché
sur le ventre: mais son propre bruit le
décourit. On le prit, & luy demanda-
t'on comment il dormoit ainsi d'un som-
meil de Cornart: Il y a trois iours, dit-il,
que ie dors comme vous voyez, parce
que ie n'ay que faire: i'ay campo, ie suis
le Diable des Religieuses: Mes Dames
sont maintenant apres à élire vne Abes-
se: & quand elles sont en cette occu-
pation-là, i'ay tout loisir de chomer &
de reposer à mon aize, car il n'y en a pas
vne qui ne soit alors vn vray Diable. El-
les font des ligues, elles font des brigues
& des partis, elles cajeolent cette-cy,
elles engeolent celle-là: bref, il y a vne
si grande confusion entre-elles, que ma
presence ne les feroit que détourner:

Mesme, les Ambitieuses font vn point d'honneur en ce temps-là, de faire voir qu'elles sont plus fines & plus habiles que les Diabes: & ie vous donne aduis, que s'il arriuoit par hazard, que le desordre, la sedition & la mutinerie vint à manquer icy, & si la Paix se hazardoit d'y entrer, il n'y faudroit faire qu'une assemblée de Religieuses pour eslire vne Abesse, vous y verriez maintenant vn si furieux tintamarre, que nous ne nous reconnoistrions plus.

Lucifer trouua cet aduertissement-là fort bon: & en fit faire note sur ses registres: & afin de remedier à tout, & pour uoir quant- & -quant à l'accroissement de son Domaine, il commanda de faire assembler toutes les Communautéz & les cantons de ses peuples: & lors obeyssant à son Décret, il parut vne multitude presque infinie d'Esprits mal-heureux. En mesme temps Lucifer ouurant vne gueule épouuantable, hurla ces gracieuses paroles:



DECRET DE LVCIFER.

REgions desesperées, peuples à iamais condamnez aux tenebres de mon Empire; vous que le peché tient à ses gages & a qui la mort en fait le payement: ie vous fais à sçauoir, que deux Démons de mes sujets ont pretendu la dignité de ma Lieutenance, & que ie ne les en ay pas voulu gratifier ny l'vn ny l'autre, attendu que parmy vous il y a vne diableffe, qui l'a merite par dessus tous.

A ces paroles, toute l'assemblée commença à se regarder, discourir & à murmurer: & Lucifer s'en apperceuant. Ne vous mettez pas en peine, dit-il, de deuiner qui se peut estre: Qu'on me fasse venir la Bonne Fortune, qui par vn autre nom s'appelle la Diableffe Prosperité: & à l'instant on la vid venir de la queuë

de toute l'assemblée, laquelle avec vne mine superbe & dédaigneuse se mit deuant le Seraphin dégradé: qui l'ayant enuifagée, dit du mesme ton qu'il auoit commencé.

Je veux ordonne, & commande, que vous honoriez & respectiez apres moy la Dame Prosperité cy presente, comme la tres-grande, superieure & superlatiue diableffe: títres & qualitez que ie luy donne, comme deuës à son merite d'autant qu'elle seule a fait damner cent fois plus de monde, que tous tant que vous estes ensemble. C'est elle qui fait oublier

*Effetz
de la
Prosperité.*

Dieu aux hommes, & l'affection de leur prochain: c'est elle qui leur fait establir leur souuerain bien aux richesses, qui les engage & les empestre dans la vanité, qui les aueugle de la jouissance, qui les charge de tresors, & qui les enterre dans leurs delicts. En quelle tragedien'a-elle pas joiué son rollet, quelle sageffe & prudēce s'est pû tenir ferme sur ses pieds, qu'elle ne l'ait fait trébucher? quelle folie ne s'augmente en prenant accez avec elle, quels bons conseils est-ce qu'elle reçoit, quels chastimens craint-elle, & quels ne me-

rite-elle , Apres elle , qui est ce qui fournit de matiere aux scandales , d'ex- perience aux histoires , qui alimente la cruauté des Tyrans , & qui abreuve de sang les bourreaux. Combien y a-t'il d'ames qui viuoient en estat d'innocence avec la pauureté , lesquelles venant à recevoir les faueurs de la prosperité sont deuenües meschantes & impies. Sus donc , Esprits infernaux , qu'on luy rende à l'aduenir autant de reuerence qu'à moy-mesme , & scachez que les ames qui se maintiennent humbles à l'espreuue de la Prosperité , ne sont point de vostre gibier ; & partant , vous ne vous y deuez point amuser , car il n'y a que du temps à perdre. Prenez exemple sur cet impertinent Diable , qui pour tenter Iob , demanda permission à Dieu de le persecuter. & le reduire à l'extreme pauureté , & de le couvrir d'vlcères : c'estoit vn sot , qui n'entendoit pas bien son mestier : car il deuoit plustost demander licence de le combler de biens , de plaisirs & de santé , attendu que ceux du monde qui obtiennent & possèdent tout ce qu'ils veulent , tournent incon-

tiennent le dos à Dieu, & le mesconnoissent si fort, que mesmes ils oublient son nom. Ils ne parlent que de voluptez, de banquets, de comedies, & de cheuance. Le Pauvre au contraire, a tousiours pour l'objet de son cœur, & pour deuise ces paroles en la bouche: *Seigneur, ie n'ay esperance qu'en vous: Mon Dieu, ayez souuenance de moy:* Et partant, dit Lucifer, en redoublant ses maudits hurlemens, ie veux dès à present que l'on publie par toute l'estenduë de nos estats, les calamitez, les traux, & la persecution, pour ennemis mortels de l'Enfer: attendu qu'on les a reconnus pour estre du party contraire, & enrollez en la milice de Dieu, en outre, que ce sont des effets de sa Sapience infinie, & des dons de sa main souueraine.

Item, afin de reformer nostre gouvernement, ie commande que mes Demons soient tousiours presents dans les Audiences & Tribunaux des Magistrats, deschargeans lesdits Demons du soin de Pretendants des Plaideurs, des Adulateurs, & des enuieux, attendu qu'ils sçauent mieux le chemin de ce

Royaume , & s'y conduire les vns les autres , que les Diabes ne leur peuuent enseigner.

*Léprofit
est un
Demon.* Item , que nul Demon ne s'accompagne desormais d'aucun confident que de celuy qu'on appelle Profit , attendu que c'est le Fourrier qui loge plus largement le vice dans les consciences plus estroites.

*Argent,
vn des
plus
grands
demons.* Item , qu'en quelque part que soit vn Demon , sans en excepter aucun ; nous ordonnons que quand l'Argent y fera son entrée , que le Demon se leue , & luy faisant honneur & reuerence , luy cede humblement sa place, comme le reconnoissant plus grand Diable que luy, car cela est important à la conseruation de nostre Empire.

*Oisiveté
mere du
vice.* Item , nous commandons tres-expressement à tous nos Officiers de destourner & empescher la guerre de toutes pars tant qu'il leur sera possible, dautant qu'elle sert d'exercice aux courages , elle recompense les vertueux, employe les vaillants , fait souuenir des noms des Saints , & aneantit l'oysiveté, qui est nostre amie intime. Et pour l'es-

fect du present article , nous ordonnons à tous nos Demons d'establis vne paix generale par tout le monde , si tant est qu'ils en puissent venir à bout , d'autant que durant son regne , les debordemens courent par tout à libres resnes , la pratique ; la luxure est en vogue , la gloutonnie s'exerce , detraction se met en vsage , la menterie s'establit , les maquereaux sont occupez , & les Garces employees : bref tous les vices accroissent & la vertu decline.

Item , nous dispensons & exemptons desormais nos Lieutenants de la peine qu'ils souloient prendre à empestre les hommes dans les paillardises & les voluptez des femmes , d'autant que nous auon experimenté qu'il n'y a point de peché qui nous soit si fidelle que cettuy-la , car dés que le Repentir son capital ennemy , l'a fait debuquer pour quelque temps d'une place , il est si affectionné à nostre seruice , qu'il r'entre de plus belle , & y plante de plus fortes racines qu'au parauant.

*Touchez
les Lu-
xuriens.*

Item , en consideration de l'exemption cy-dessus , & attendu qu'il y a de

*touchés
aucuns
Mar-
chands.*

notables Marchands en plusieurs villes & bourgades du monde, qui secourent charitablement plusieurs personnes & entr'autres la Jeunesse de ce temps, qu'on appelle vulgairement débauchée laquelle pour emprunter de l'argent, a recours à eux: & les Marchands s'excusans que leur bourse est vuide leur offrent de la marchandise de leur boutiques, laquelle les incommodez acceptent, en intention de la revendre pour subuenir à leurs excés ou à leurs necessitez: & sous-main, les Marchands ont des confidens qui se presentent aux incommodez, & vont avec eux chez le Marchand, qui vend ses dentées à vn prix excessif, puis quand ils se sont défaits de l'incommodé, le Marchand retire sa marchandise, & ainsi oblige ceux qui reclament son assistance. En cette consideration, nous ordonnons aux plus vigilans de nos diables, d'assister & demeurer perpetuellement aupres desdits Marchands pour leur seruir de Facteurs attendu qu'en vn tel negoce, ils ont besoin de nostre soulagement & industrie.

Item, nous voulons & entendons,

que nosdits diables fassent fidelle compagnie à nos amis les Vzuriens , Vindictifs , Enuieux , & Pretendans charges ou dignitez , & sur tout , aux Hypocrites , attendu que c'est l'embaras de toutes choses , le charme de tous les sens , & des puissances de l'ame & celle qui opere si delicatement , que ses œures sont quasi imperceptibles aux sens , aussi est-elle admise , recompensée & adorée de plusieurs.

Item , Ordonnons que l'on maintienne soigneusement les Reporteurs de secrets & semeurs de zizanie aupres des Grands , parce que c'est vne de nos semences qui frustifie le plus.

*Touche
les Re-
porteurs
de se-
crets.*

Item , Ordonnons que les Flagorneurs & soufleurs de noise , querelles , diuorces & dissentions seruent de soufflets & non pas d'euentails , afin qu'ils attirent & enflament , & qu'ils ne temperent & ne rafraichissent pas.

*Flagor-
neurs.*

Item , que les Entremetteurs soient les poux de l'Enfer , afin qu'ils mangent iusques au sang , ceux qui les nourrissent & entretiennent !

*Entre-
metteurs
de ce
qu'ils
n'ont que
faire.*

Alors Lucifer , avec vne trogne refro

gnee , & regardant de costé la Doüegna dit ce Prouerbe qui est en vsage entre les Espagnols ; *Dueñas de se las Dios a quier las desca* : Dieu donne les Doüegnas à qui les voudra. Je suis fort en peine, dit-il apres , ce que i'en feray , ie ne sçay où les ietter. Et lors les Damnez qui virent qu'il estoit comme disposé a les arrouser d'une grosse pluye de Doüegnas, s'écrierent tous d'une voix: N'endurons nous pas assez de tourmens , sans nous adjouster encore cettuy-cy ? puis chacun dit à part soy , O maudit Lucifer , iettes les par tout où tu voudras excepté aupres de moy : & en proferant ces paroles , ils cachoient la teste les vns dans les autres, comme font les moutons en campagne durant l'ardeur d'esté , tât ils craignoient l'horreur de ce nouveau supplice dont lucifer les menaçoit. Luy, voyant l'extreme terreur qu'il leur auoit faite , se contenta de cela ; puis il dit : Or sus , qu'on prenne garde à l'auenir , d'observer de point en point mes loix & ordonnances. *Alias*, ie iure par mes tenebres, & par l'obscurité de ma couronne, que le Diable ou le Damné qui les enfreindra , sera con-

damné au tourment de Doüegna, c'est à dire qu'il en sera attaché vne avec luy, nonobstant opposition ou appellation quelconque. Et pour elles, qu'elles soient presentement enfermées à part dans cette basse fosse à priuez: pour nous en seruir en temps & lieu, comme nous verrons estre à faire par raison.

Après ce solennel Decret, Lucifer se retira dans le gouffre de son eternelle nuit; & l'assemblée effrayée d'une si horrible menace, se dissipa, chacun alla vaquer à son office: tout disparut en mesme temps, & à l'instant vne voix sombre comme celle d'un Ange fut ouïe, qui proferoit ces paroles: *Quiconque aural'esprit de comprendre la mortalité de ce discours, en tirera un profit tres-advantageux pour son ame, & pourra dire: Salutem ex inimicis nostris, & de manu omnium qui oderunt nos.*

FIN.

